

ინაკლი ბეკრიაშვილი

მეორე კრებული

(მოთხრობები)



თბილისი „მედიანი“ 1988

ირაკლი ბერიაშვილის მოთხოვნები ჩვენს დღევანდელ ცხოვრებაზეა, მის ავსა და კარგზე. გმირები ჩვეულებრივი ადამიანები არიან — გლეხები, მუშები, ინჟინრები, ჟურნალისტები. საწუხარი და სატკივარიც ჩვეულებრივი აქვთ — ებრძვიან მარტოობას, უსამართლობას, დროადრო ვერც ერევიან სიძნელეებს, პასიურები ხდებიან, ისეთები, როგორებიც არ უნდა იყვნენ. თუმცა, სწორედ ამ პასიურობაში უფრო კარგად იკვეთება ავტორის პოზიცია — სიკეთისა და სამართლიანობისთვის ბოლომდე საჭიროა ბრძოლა.

დოღი

უშველებელ მოედანს, მუქლურჯ ცაზე, ხელის ერთი მოსმით მონატული თეთრი, თეთრი მთვარე დაჰყურებს. აღმოსავლის კიდე სულ ოდნავ გაიცრია. შეკრთნენ თეთრი მეფის მხლებელნი, ციმციმი შეწყვიტეს და რაღაცის მოლოდინში გაირინდნენ.

ჯერ არ გათენებულიყო.

თავლაში ფეხზე იდგნენ, ცხენებს დასტრიალებდნენ ბიჭები. რიგ-რიგობით აბამდნენ საბელით ხარიხაზე და წმენდნენ. ჯერ საურველით ჩამოფხეკდნენ, მიწაზე დაბერტყავდნენ მტვერს, მერე ჯაგრისით. კისრიდან ჩამოჰყვებოდნენ, ფერდებს გადაუწმენდნენ, ფეხებზეც ჩამოუსვამდნენ. ცხენები იდგნენ დ ფრუტუნებდნენ.

მორჩნენ. სამ ცხენს ლაგამი ამოსდეს, თექები გაუწყვეს ფერდებზე, უნაგირები დაადგეს, გარსაკრავები მოუჭირეს და ერთი მეორის მიყოლებით გაიყვანეს გარეთ. დანარჩენები მოუსვენრად ატოკდნენ.

ნაბიჯით წაიყვანეს ატალახებულ ბილიკზე. მოედანზე გავიდნენ. მიწა აქაც დაბალი იყო. ფლოქეები უხმოდ, რბილად ეხებოდა მიწას. ნელ ჩორთზე გადავიდნენ. ასე შემოუარეს მთელ წრეს, მერე კიდევ, წინა მხედარი შემობრუნდა.

— ეყოფა მაგას.

ის, ვის მიმართაც იყო ნათქვამი, ბილიკზე შებრუნდა და თავლისაკენ გასწია. მალე უკან მობრუნდა სხვანაირად, თავისიანებს შეუერთდა.

კარგად არ გათენებულიყო.

წრეს წრეზე უვლიდნენ. ფლოქეებს ბაგაბუჯი გაჰქონდათ. ცხენები გარბოდნენ, დაბერილ ნესტოებიდან ბლუჯა-ბლუჯა ორთქლს უშვებდნენ, ორთქლი ტანზედაც ასდიოდათ.

ახლა სხვა ცხენები გამოიყვანეს. ისინიც კარგა ხანს არბენინეს. ბოლოს მორჩნენ ვარჯიშს.

გათენდა კიდევ.

ამობრუნებულ ცარიელ ყუთს სამნი უსხედან და საუზმობენ.

დროდადრო ფრუტუნისა და ფლოქვის ცემის ხმა ისმის. თავლაში ცხენის ოფლის სუნი დგას.

რომელიღაცამ ძალუმად ააბაკუნა ფეხები, მერე ჭიხვინიც მიაცოლა.

— ადე, გეძახის. ულვაშიანმა გაიღიმა და კიდეც დაისხა ჩაი.

ბიჭი აქამდეც მოუსვენრად იჯდა, ახლა, თანხმობაც რომ მიიღო უფროსისაგან, აქა-იქ მოციცქნილი პურის ნაჭერი უკანვე დადო და წამოხტა.

— ხომ არ გვეტქვა? — ლურჯი ბატისტის ხალათიანი შეეკითხა ულვაშიანს.

— ჯერ არა, მე თვითონ ვეტყვი სტარტის წინ.

ბიჭი სადგომში შევიდა. ორი წლის ულაცმა თავი ასწია და კბილები გამოაჩინა. „რამი, რამუნი“ — მიესიყვარულა ბიჭი. ცხენი დიდი, სევდიანი თვალებით მიაჩერდა. ყურის ძირებზე შეავლო ხელი, მერე კისერზე ჩამოუსვა, ყბაზეც მოუთათუნა. ცხენმა დაიფრუტუნა. დრუნჩი მიადო მკერდზე.

ჯერ კიდეც კვიცი ჩააბარეს მოსავლელად. წმენდდა, აბანავებდა, აქმევდა. თვითონვე ავარჯიშებდა მხოლოდ დოღის წინ კაზმავდა ულვაშიანი. სამჯერ ირბინა — სამჯერვე პირველი იყო. „რამი, რამუნი, დღეს ერთად ვირბენთ, დღესაც პირველი იქნები, ვიცი, არც დღეს გაუშვებ წინ არავის“. ბიჭი კისერზე მოეხვია. სხვაც ბევრი ებარა — არც ერთი არ უყვარდა ასე. შუბლზე ჩამოშლილი ფაფარი გადაუწია, ქლიავისფერ, ლამაზ თვალებში ჩახედა.

მზე ნელა. ძალზე ნელა მიიწევდა ზევით.

იპოდრომზე ზარს ჩამოჰკრეს. ბიჭი უკვე მზად იყო. გარეთ გამოვიდნენ. ერთ ხელში უნაგირი ეჭირა, მეორეთი ლაგამამოდებული ცხენი მოჰყავდა. ტრიბუნების მხრიდან გაბმული გუგუნი ისმოდა.

უნაგირიანად აწონეს. შეეკაზმა ულაცი. ახლა სტარტზე გამოძახებას დაელოდა.

ულვაშიანს შეასწრო თვალი — ღიმილით უახლოვდებოდა. ავად გაკენწლა ვალაცამ.

— ჩვენი ბიჭები აპირებენ თამაშს, როგორმე ისე უნდა მოვახერხოთ... — თვალი მოუქუტა, — მოკლედ, პირველი არ უნდა მოხვიდე... არა უშავს რა, მაგაზე ნუ იღარდებ, კიდეც მოასწრებთ, — დააყოლა და მხარზე დაჰკრა ხელი.

— ჰო, წინ ნუ გახვალ, ეცადე კუდში მიჰყვე, თუ გზა თავისუფალი ნახა, მაგას ეშმაკიც ვეღარ შეაჩერებს, აბა, შენ იცი.

ზარს ჩამოჰკრეს.

სტარტზე გამწვკრივდნენ. ჭერ თეთრი, მერე წითელი დროშა ერთი მეორის მიყოლებით დაიქნიეს. ცხენები ადგილს მოსწყდნენ.

„შენ ვერაფერს გეტყვიან, გამოუცდელიობას დააბრალებენ, მე კი...“

აი, თურმე რატომ დასვეს! ბოღმა მოაწვა ყელზე. კიდევ უფრო წამოიწია უზანგებზე და სადავე მიუშვა. ერთი ცხენი ჩამოიტოვა, მეორე, მესამე... უკვე პირველი გარბოდა.

„მოკლედ, პირველი არ უნდა მოხვიდე... პირველი არ უნდა მოხვიდე!“

სულ უფრო ახლოვდებოდა ტრიბუნების გუგუნნი.

უკან მიიხედა. ნესტოებდაბერილი და პირზე ქაფმომდგარი ცხენები ასდევნებოდნენ თქარათქურით. მიუშვას ბოლომდე? გადაუხვიოს მწვრთნელის სიტყვას? რა პასუხი გასცეს მერე. თქმა თუ იყო, იქვე უნდა ეთქვა სათქმელი, სტარტის წინ. გვიან არის ახლა, გვიან... ანდა, როგორ გაუმრუდოს სიტყვა უფროსს?!

ნელ-ნელა მოსწია სადავე, კიდევ, რაც ძალი და ღონე ჰქონდა. ცხენი არ დაემორჩილა. ისევ მოსწია. იგრძნო, როგორ დაებერა ხელებზე ძარღვები.

თითქოს მიუხვდა ცხენი — კისერი მოიდრია, ბიკის ნებას გაჰყვა. კოხტად შეკრეპილი ბუჩქები სულ უფრო ნელა გარბოდნენ. ვილაც გაუსწორდათ, შემდეგ მეორე... კვალში ჩაუდგა. მაგრად ეკირა სადავეები.

წინ გასულების დანახვაზე ცხენი ისევ გახელდა, დაიძაგრა.

„ცოტაც, სულ ცოტაც, რამუნი, შენი კირიმე“, — ეხვეწებოდა ბუტბუტით.

ულაყი ოფლში გაიღვარა, პერი მოადგა ლაშებზე, მთელი ტანით აძაგაძაგდა. ბიკს თვალები აუწყლიანდა, ცხენიანი მხედრები ბრკყვიალა წრეებში გადნა, ველრაფერს ხედავდა, მხოლოდ სადავეები ეკირა მაგრად.

ერთი მეორის მიყოლებით გადაკვეთეს ფინიშის ხაზი. ძლივს დაიოკეს გახურებული ცხენები.

თავჩაქინდრული ულაყის ოფლიან კისერზე დაედო თავი პატარა ყოკის და ტირიდა.

— ესეც, შენი კვირადლე!
 აღრიალებული მუთაქა ლოგინზე დაღო ნიკამ და ღოინჯი შე-
 მოიყარა.

— აღარ ჩაიკმინდავ ხმას?!

მუთაქამ ღრიალს უმატა, ბოლოკივით წამოუწითლდა სახე.

— დედაკაცი კი არა.. ბაზარი შენა და...

საათს გახედა.

„თხუთმეტი იქით, თხუთმეტი აქეთ, ხუთიც ბაზარში. საცაა, უნდა
 მოვიდეს“.

ორმტკაველნახევარ ფუთას დასწვდა და სიარულს მოჰყვა ოთახში.
 ცალი თვალი საათისაკენ ეჭირა. „რა სოსიიანთ სამგლესავით მიიზ-
 ლანება ეს მამაცხოვნიებული!“

მუთაქამ ოდნავ დაუკლო, ეს იყო და ეს. სალომე არ ჩანდა.

„დაწყდებიან ბიჭები ლოდინით. რა უნდა ვთქვა, ლეკვი მე მომი-
 გლო დედაკაცმა, თვითონ სასეირნოდ წაპრაკუნდა-მეთქი?“

სუფრის თავში გაჭიმული მიხა დაღანდა თვალნათლივ. მერე
 გიგო, თედო, სოსია, მახარე... გახურებულ ქეიფში იყვნენ ბიჭები.
 შუაში ცარიელი სკამი ჩაედგათ, ნიკას ადგილი იყო...

— მალე მოვბრუნდებიო! მეც რომ თანდილაანთ შლუსავით და-
 ვეუკარი თავი?!

„კარგი, ჭანდაბას, ოცი იქით, ოციც აქეთ, ათიც ბაზარში, მაინც
 რომ არა ჩანს?“

— რა ზურნასავით გააბი, შენ მაინც გაჩუმდი!

არ გაჩუმდა. გაჩუმდა კი არა, უფრო უმატა.

— ეგდე და იღრიალე. — გადაწყვიტა ბოლოს, ისევე ლოგინზე
 დააგლო და კარისკენ გააღაჯა.

საწყალობელი ტირილი გამოჰყვა ფეხდაფეხ.

შეჩერდა ნიკა. სახელურისაკენ გაწვდილი ხელი უილაჯოდ დაუშ-
 ვა და ერთი მძიმედ ამოიოხრა.

იმ წუთას რაღაც ნაპერწკალიც გაუკრთა.

— როგორ ვერ მიხვდი!

ჯერ ვრდისფერი ჩვარი შემოაცალა, მერე მუხლებზე შემოხვეუ-
 ლი ნაჭერი, ახლა თეთრი ჩვრები. გაყვებული საფენიც რომ ამოუღო
 გაჩხინკული ფეხებიდან, ტირილი შეწყდა. პატარა მუთაქამ ფეხები
 აიშვირა, ხელები ააფათურა. მერე ციცქნა მუცელიც გამობურთა,
 გაიზმორა და ადამიანს დაემსგავსა.

საწოლის პირზე ჩამოჯდა ნიკა. ცოტათი მოეშვა გულზე. ერთხანს ასე უყურა, თანდათან უნელდებოდა ბრაზიც...

სამუშაოზე დილაადრიან მიდიოდა ხოლმე, სალომე ბავშვთან ტრიალებდა. მობრუნდებოდა და. ისევ ბავშვთან იყო. ჭერ თვისა გახდა. მერე — ორისა, სამისა... ნიკა მიდიოდა და მოდიოდა. დროდადრო დაუგურგულეებდა. გაეთამაშებოდა კიდეც...

ფიქრი ბავშვის სლოკინმა გააწყვეტინა. პატარა კაცუნას დახედა ისევ. დამოუტულ თითებზე შეავლო ხელი, ცივი ეჩვენა. არ გაცივდესო, გაიფიქრა და ხელახლა შეფუთვა სცადა.

ჩერები სხვადასხვა ზომისა იყო. ხან ასე დააწყო ხან — ისე, არაფერი გამოვიდა.

„უნდა დამეხსომებიან“.

საწოლის თავზე ჩითის პერანგს მოჰკრა თვალი. ჩამოიღო, რის ვაივავლახით შემოაცალა. მერე, ერთად გაფინა ლოგინზე ნაჭრები, ზედ დააწვინა ბავშვი. ტანის გასწვრივ დაუწყო ხელები. ჭერ ერთი მხარე გადმოაკრა, ფეხებიდან ამოუკეცა, ახლა — მეორე. მუთაქა ერთი გაიზნეწა და სლოკინს სლუქუნიც ააყოლა. ეტყობა, ვერ იგუა დაბორკვა.

ისევ გახსნა, ხელები გაუთავისუფლა და ისე შეახვია.

საათს გახედა ნიკამ. კარგა შორს წასულიყო გრძელი ისარი.

„რა დაემართა იმ დედაკაცს?“

მუთაქა ერთხანს ჩუმად იყო, გაკვირვებული აცეცებდა თვალებს და დროდადრო ასლოკინებდა. კრუსუნიც შეურია მერე.

— რაღა გინდა მეტი. ძუძუს მე ვერ მოგციმ, და...

მუთაქას არაფერი უთქვამს. ეს იყო, მომეტებულად ააფათურა თათები, მერე ნიკაპიც მოპრუწა, ქვიდა ტუჩი საბრალოდ გამობურცა და მსხვილი ცრემლები დაუგორდა მრგვალ ლოყებზე.

„რაღაცას მთხოვს“. გული მოეწურა ნიკას. მერე ბიჭები გაახსენდა, მაგრამ ფიქრი აღარ გაუგრძელებია.

— დედაკაცო! ეს ერთი შეგრჩეს და მერე ვნახოთ! — ფრთხილად აიყვანა ბავშვი და მკლავზე დაიწვინა.

ორი თათლისფერი ღილი ყურადღებით ათვალიერებდა ნიკას.

— რაო, რა მინდაო, — რაც შეიძლება რბილად სცადა.

რაღაცის თქმა დააპირა ჩერებში გახვეულმა ციციქნა სახემ. ტუჩები შეატოკა, განზე გასწია და უკბილო პირი გამოაჩინა.

„იცინის, მგონი“.

რაღაც გადაუბრუნდა შიგნით ნიკას.

ნება-ნება უთბებოდა ის ადგილი, სადაც თავი ედო პატარა მუთაქას.

— დედაშენს რა ვუთხარი, — თავისთვის ჩაიბურტყუნა და პირველად გაეცინა დილას აქეთ.

როგორც ძვირის საზუბრიდან

— არც დაუხედავს!

— კი მაგრამ რატომ.

— ექსპერიმენტებისთვის არა გვცალიაო, გეგმა გვაქვსო ყელში წაჭერილი.

გურამს პიჯაკის ჯიბეებში ჩაეწყო ხელები, ხაზგასმული სიმშვიდით დააბიჯებდა ოთახში.

— მერე, არ უთხარი?

— როგორ არ ვუთხარი.

ლიამ ფანჯარა გამოაღო, მტვრიანი ჩვარი გადაბერტყა და ისევ მიხურა.

— მერე?

— ვინა გრჯიდაო, ჩვენ ხომ არ დაგვივალეზიაო. იქნებ რამედაც ღირდეს ეგ შენი მთელი წლის ნაფიქრო, მაგრამ რამდენი ვინმეს მოეპრიანება, იმდენი ჩარხები მოვაცდინოთ, კარგი დახლი დაგვიდგებაო.

— შენ, ალბათ, ენა ჩაგივარდა მუცელში.

— არ ჩამივარდა! — გაავებული მიუბრუნდა ცოლს, — ნანაგარი-შევი მაქვს ყველფერი, დანაკარგს რამდენიმე თვეში ავანაზლაურებთ-მეთქი, აი, აქ-მეთქი, — ცხვირწინ გავუშალე ნახაზები. მორჩა, ამაზე ნულარ ვილაპარაკებთ, მითხრა და თითები აარაკუნა მაგიდაზე. ერთი-კი ვიფიქრე, თავზე გადავახვე-მეთქი... — გურამი გაჩუმდა, მერე სიგარეტი ამოიღო და მოუკიდა.

— სამზარეულოში მოწიე, — ჩუმად თქვა ლიამ და ოთახის კუთხი-საკენ ანიშნა თავით, მაგიდას მისკუპებული ბიჭი არითმეტიკის წიგნს იაპკირკიტებდა.

— ეს აქ თვალის საამებლად გიდგას! — საფერფლეზე გასრისა ახალმოკიდებული სიგარეტი. — და საერთოდ... შენ და შენმა-შვილმა...

— ჰო, თქვი... იმ შენ რქიან უფროსს ვერ მოერიე და ბავშვს ეცო
ახლა... იმის მაგიერად, მიუჯდე, რალაც ასწავლო...

— ასწავლო, თორემ ისეთი ბეჭითი გყავს... დედაილა! ვითომ
წიგნს ვკითხულობო, ცალი ყურით კი ყველაფერს კრეფავს.

— ჰო, მიდი ახლა, კიდევ რას იტყვი.

— არაფერს. — სავარძელში ჩაჯდა და გაზეთებს წამოავლო ხელი.
ატრიალა, ატრიალა და უკანვე დააწყო.

სადილზე მხოლოდ გიო ლაპარაკობდა. აბონიმენტები დაერიგები-
ნათ იმ დღეს. ექვსჯერ წავალთო თოჯინების თეატრში. ათასი და კი-
დევ ათასი რამდენი იქნებაო, დედას ეკითხებოდა. ორი ათასი უფრო
მეტია თუ მილიონიო. დედის პასუხმა რომ დააეჭვა, მამას მიუბრუნდა.
დედას ჰკითხეო, გურამმა.

მაინც არ დაწყნარდა. ცხენები ჩამოატარესო დღეს სკოლასთან.
მთელ ქუჩაზე გაჩერდნენო მანქანები. ხელებს იქნევედნენ შოფრები, რა-
ღაცას უყვიროდნენო ქურთუკიან ბიჭებს. კახამ თქვა, ეშინიათო შოფ-
რებს, ერთი რომ დასცხოს, სულ ჩაწყლიტავსო მანქანას.

— მართლა ჩაწყლიტავს, მამა?

— ...

— ერთმა კაცმა გვითხრა, იპოდრომზე მიჰყავთო, ხომ წამიყვან
იპოდრომზე?

თავისას ფიქრობდა გურამი.

ნასადილევს ოთახში შებრუნდნენ. გიო მაგიდას მიუჯდა. წიგნები
განზე გადააწყო, ფურცლების დასტა დაიღო წინ. გურამმა ერთხანს
იტრიალა, ტელევიზორისაკენ წავიდა მერე.

— ნუ ჩართავ. — სთხოვა ლიამ.

— ფეხბურთია დღეს. — ტელევიზორი ჩართო, სავარძელში ჩაეშ-
ვა და სიგარეტს მოუკიდა.

ლიამ ერთი კი გამოხედა, მაგრამ აღარაფერი თქვა, მერე ფანჯარა
გამოაღო და თვითონაც ჩამოჯდა.

გიოს ტუჩები მოეკუმა, რალაც საგულდაგულოდ გამოჰყავდა
ფურცლებზე.

ეკრანი გაბადრულმა სახემ გაავსო. ქათქათა საყელოებშუა მოქ-
ცეული ზოლიანი ჰალსტუხის ორმაგი კვანძი გამომწვევად გამობურ-
თულიყო. ჰალსტუხიანი სახელმწიფოების ურთიერთგაგება-დაახ-
ლოების შესახებ ლაპარაკობდა. დინჯად და აუჩქარებლად. ფეხბურთის
დაწყებამდე ჯერ კიდევ საკმაო დრო იყო.

„დაეხედა მაინც, რალაც ეთქვა, ეყვირა თუნდაც...“

— გურამ...

—

— მთავარ ინჟინერთან არ შესულხარ?

— ჯერ არა.

— გურამ...

— ჰო.

— ყველაფერში შენ გბაძავს, შენი სჯერა. იმ დღეს ვუთხარი, მამიკო სულ ხუთებზე სწავლობდა-მეთქი. არითმეტიკასაცო? მკითხა და დღიური ამოიღო ჩანთიდან. ხუთიანი მიეღო, რომ იცოდე, როგორ უბრწყინავდა თვალები... იქნებ ცოტაოდენი დრო...

— დრო! დრო! სად ჩანდაბაში მაქვს ეს დრო?! დაჯდეს და ტელევიზორს უყუროს. მაგოდენა რომ ვიყავი, ზღაპრებით მაძინებდა ხოლმე ბებიჩემი.

— მეც მაგას გეუბნები...

— აღარ დაიწყებენ? — უკვე მეორე სიგარეტს ეწეოდა გურამი.

— მამიკო, მამიკო! — გიო ხვლიკივით ჩამოძვრა მაგიდასა და სკამს შუა, ფურცელს ხელი დაავლო და გამოიქცა.

ოკრბოკროდ ნაწერი ასოები და სიტყვები ძლივს დაალაგა გურამმა:

„იყო ერთი ლომი, სახელად ვიდიგი ერქვა. ერთ დღეს ვიდიგი ტყეში წავიდა. ტყეში მეორე ლომი შემოხვდა. უზარმაზარი თავი ჰქონდა. ვაი, რა შეშველება. თქვა ვიდიგმა. მე ერავე ვარ. დაიღრიალა მეორე ლომმა. მოდი, ვიჩხუბოთო. შეეჩახნენ და ერთმანეთი დახოცეს.

ანდაზა. დღესაც მკვდრები არიან“.

გურამმა ფურცელს ზემოდან გახედა შეილს.

— არა უშავს რა, მაგრამ სახელები უნდა გამოუცვალო ლომებს. საიდან მოიგონე ეს ვიდიგი და ერავე. რამე ნორმალური დაარქვი, ლომა, წითურა, თუნდაც ღრიალა. ბოლოს და ბოლოს, ადამიანის სახელი გამოგექმნა. — ფურცელი გაუწოდა და ისევ ტელევიზორს მიუბრუნდა.

ბიჭი ჩუმად გატრიალდა მაგიდისკენ.

სტაბლიზატორის გულისგამწყვალებელმა ზუზუნმა თუ მოჰქანცა, წამდაუწუმ ეხუჭებოდა გურამს თვალები...

...ობობას ქსელივით დახლართული ქუჩები ნაცრისფერ შენობებს დაეღობათ. კარის მაგივრად ნახვრეტები ჰქონდა დატანებული სახლებს. ამ ნახვრეტებიდან მალ-მალე გამორბოდნენ და შერბოდნენ წყალგაუმტარტანსაცმლიანი ადამიანები. ეჭახებოდნენ ერთმანეთს. ჰაერშივე იჭერდნენ ხელიდან გავარდნილ ქალაღებებსა და მუყაოს კოლოფებს, უბეში მალავდნენ და ისევ აგრძელებდნენ გზას. შეშფოთე-

ბული, დაფიქრებული სახეები ჰქონდათ. ქუჩის კუთხეში სასწრაფო დახმარების მანქანა შენიშნა. მიუახლოვდა. მანქანაში შიშველი ბიჭუნა იწვა, ვარდისფერი ჰრილობა აჩნდა ძუძუსთავზე. ამოდ ფაციფუცობდნენ თეთრხალათიანი ექიმები — როგორც ქვიშის საგუბარი, ისე იცლებოდა ბიჭი სისხლისგან. „როგორ მოხდა?“ ჰკითხა თეთრხალათიანს, „ვიღაც დაეჭახა. ფეხი დაუცურდა და პირწამახულ რკინაზე დაეცა“. გზა გააგრძელა. მერე რაღაც მოაგონდა და უკან მობრუნდა. ისევ შეიხედა ღია კარიდან. ბიჭის სახე ეცნაურა...

— გურამ!

ეკრანიდან ჰალსტუხიანის გაბადრულმა სახემ შეანათა. ცოლი გვერდით იდგა და რაღაც ფურცელს აჩეჩებდა ხელში.

— ბავშვი დაწვა?!.. ეს რა არის?..

ფურცელი გამოართვა და დახედა. ოკრობოკროდ ნაწერი მთელი „ზღაპარი“ ფანქრით დაეხაზათ, ის ადგილები, კი სადაც ადრე ლომების სახელები ვიდიგი და ერავე ეწერა, ისე გულმოდგინედ ეშალათ, რომ დაძენძილ ქალაქს პირი დაელო.

თავთავა

— ვაი, გვერდი!

— გვერდი შენა და...

— ერთი ამ უნდოილს დამიხედეთ!

ბელელზე მოპირქვევებული ტომრიდან ხრილით მოდიოდა ხორბლის მარცვალი. ტომარა ვეება კაცს ეჭირა ხელში.

— ნელა, შე მუდრეგო!

— რას სჩადიხართ, ხალხო, ყველას გვეყოფა ადგილი!

თავთავაც წაიღო ამ მდინარემ და თვალის დახამხამებაში ბელელში ამოაყოფინა თავი.

— ესეც ასე! ჯერ დაცარიელებული ტომარა დაბერტყა კაცმა, მერე ერთიც დახედა დაბინავებულ მარცვალს, ჩაილიმა და კარისაკენ გააბოტა.

— ჩხლაკ! — გაიჩხლაკუნა ურდულმა და სიჩუმე ჩამოვარდა.

თანდათან ბელელშიც იკლო აურზაურმა. ერთმანეთზე დახვევებულმა ხორბლის მარცვლებმა თავ-თავიანთი ადგილები მოძებნეს.

— უჰ! ძლივს არ მოვისვენე?! — ტყაცუნით გაშალა ხელები შო-შიტამ და ერთი გემოზე დაამთქნარა.

— აბა, კაცო! არ გადაგვხრუჟა იმ ვერანამ? ისე აჰერდა მთელ ზაფხულს, მე მიყურეთ და ჩემს ბიჭობასო. ერთი ადამიანურად არ ამომასუნთქა, — ბელლის კუთხეში მიწოლილმა კენჭამ აუბა ამხანაგებს მხარი. სხვა მარცვლებს ზემოდან მოქცეოდა, დასვენება მკირღება, დავიღალეო.

— ახლა ქარს აღარ იტყვი? — მეორე კუთხიდან დაიწრიპინა ვილაცამ, — დაგვემოდა დანდობილა, ის უპატრონო და რაც ძალი დაღონე ჰქონდა, გვიბერავდა. დაგვაწვენდა, მაგრამ რას დაგვაწვენდა! მეგონა, აი, ეხლა მოვწყდები-მეთქი და აი, ეხლა.

— ღმერთმა უშველოთ! დროზე გაგვაცალეს იქაურობას, — ისევ შოშიტამ წამოჰყო თავი, — ვინ იცის, რა დაგვემართებოდა, ბრიგადირი მიხა და ის კომბაინერი ბიჭი რომ არ გამოჩენილიყვნენ.

— რაც მართალია, მართალია, ძან იყოჩაღეს, — კვერი დაუქრა მუცელამ, — ახლა აღარაფერი გვიჭირს, წვიმა არ ჩამოგვდის თავზე და მზე არ გვაცხუნებს. ნიავე რა არის, ნიავე ვერ მოგვაგნებს.

— გიყვარდა, მამავ, გუთანო, დაწექ და იგორავეო, — საღლაც ქვევიდან მოისმა ჩხირას გაგუღული ხმა.

— მიყვარდა და ვიგორავებ კიდევ, არ შემერგება თუ რა. — გვერდი იცვალა მუცელამ და ახლა მეორე ხელი ამრიდო თავქვეშ.

ის დღე ლაზღანდარობაში გაატარეს, მეორეც... თავთავა ერთხელაც არ ჩარეულა საუბარში.

დღეები დღეებს მისდევდა. საქმე არაფერი ჰქონდათ, არც არაფერი აწუხებდა. ამ მცონარობაშიც გალიეს მთელი შემოდგომა. დაიწყებდა ერთი, ახლა მეორე აჰყვებოდა, პირიდან აცლიდნენ ერთმანეთს სიტყვას. ეს ზაფხულიო, ეს ამოდენა უბედურებაო, განსაცდელიო, გვალვაო, ერთთავად მიხა ბრიგადირისა და იმ კომბაინერი ბიჭის ლოცვაში იყვნენ. ისიცა თქვეს, ალბათ, ღირსნი ვიყავით, ტყუილად რად გაირჩებოდნენო? ე რა კარგი ყოფილაო, მადლობა გამჩენს, აგრე მყუდროდ რომ მოგვაწყოო. ზამთრის პირზე უფრო გაუტბათ მარცვლებს თბილი ბელელი.

დრო თავისას შვრებოდა. შემოელიათ სალაპარაკო, მობეზრდათ ერთი და იგივეს ლეჰვა. აქა-იქლა თუ იტყოდა ვინმე რამეს, ისიც უგემურად და ზოზინით. მერე სულ გაჩუმდნენ.

გაჩუმებით კი გაჩუმდნენ, მაგრამ ფიქრი იცის უთქმელობამ და,

ახლა საფიქრალი მიეძალა პირთამდე სავსე ბელელს. რა არ მოსდიოდათ თავში...

— როდემდე უნდა ვეყარნეთ ასე? — ერთ მშვენიერ დღეს მაინც დასცდა თავთავას პირზე მომდგარი სიტყვა.

ხმა არავინ გაიღო.

— არც თავს ვარგივართ, არც სხვას, — ის იყო, გულმოცემულმა განაგრძო, რომ კარი გაიღო.

თოვლის სუნი შემოჰყვა ვეება კაცს. ვეება ტომარა ეჭირა ხელში. მარცვლები შეფიქრიანებული იცქირებოდნენ ქუქრუტანებიდან — ხუმრობა ხომ არ იყო, ეს ამოდენა ტომარა...

მერე მძიმე, კოყრიანი ხელი გამოჩნდა. ღრმად, ძალიან ღრმად ჩაეფლო ტომარის პირი ბელელში. მერე იმავე მძიმე ხელებმა ასობით მარცვალი მოიგდეს და ღონივრდ მოუსვეს.

— ესლა წისქვილში წაგიღებთ, დაგვქვავთ, მერე პურს დააკრავს ჩემი ქალი, მერე... — ხმადაბლა, დინჯად ლაპარაკობდა კაცი, — მერე დაგეხვევიან ბალები და ცხელ-ცხელი ლავაშებით ჩაიკოკლოზინებენ პირს. მაშ რა გეგონათ, ტყუილად კი არ გივლიდით მთელ ზაფხულს.

ისევე გაიჭრიალა კარმა, ჩხლაკ! — გაადინა ურდულმა და მძიმე ნაბიჯების ხმაც დაიკარგა.

აფორიაქებული ბელელი კარგა ხანს ვერ მოვიდა გონს. ამოდენა თვისტომთა უგზო-უკვლოდ დაკარგვამ ძალზე დააღონა მარცვლები. ზოგმა რა თქვა, ზოგმა რა.

ჩხირა და კენჭა ტომარაში მოყოლილიყვნენ. მიიხედ-მოიხედეს და... სხვაც ბევრი აკლდათ. შიშნაჭამ მუცელას სლოკინი ავარდნოდა, შოშიტა ციებზიანივით ცახცახებდა.

— დაწყნარდით, ხალხო, რა დაგემართათ... განა ისეთი რა მოხდა, ცხვირპირი რომ ჩამოგტირით, — სვენებ-სვენებით, ბებრულად აჩლიფინდა ვილაც.

ხმა სულ ძირიდან ისმოდა. ტიტე გამოდგა. შარშან ღრეჭოში გახირულიყო, ვერ შეემჩნიათ, მთელი წელიწადი შემორჩენოდა ბელელს.

— სხვანაირად არ იქნება, ხალხო, მოსახდენი უნდა მოხდეს კიდევაც. მე მაინც შემომხედეთ, ბებერ ტიტეს, მეორე წელიწადია კუტივითა ვღევარ ერთ ადგილას. ისე დავბერდი, აქაურობას არ გავცილუვივარ, მეც მეთქმის რალა, ამქვეყნად ვიცხოვრე-მეთქი! ანდა, რა, თქვენნი ყურით არ გაიგონეთ, ბალები უნდა დავაპურრო?

ცოტა დაშოშმინდნენ მარცვლები. მართალია, ტომარაში მოსახვედრად მაინც არავის ემეტებოდა თავი, მაგრამ ვიშვიში და წუწუნი მაინც მოშალეს.

ისევ წაება დღეები ერთმანეთს. გაზაფხულამდე ორჯერ თუ სამჯერ გამოჩნდა კაცი. შოშიტა და მუცელაც გაუდგნენ თავ-თავიანთ გზას.

კარგა დაგვიანებით, მაგრამ ბოლოს ტიტესაც უწია რიგმა...

განახევრდა ბელელი, იკლო უსაშველოდ გრძელმა ღამემაც.

სწორედ მაშინ იყო, ლაფში ამოგანგლულ კაცს სამი სხეაც რომ შემოჰყვა. მიწის სუნი შემოიტანეს თან. ბელელი დააცარიელეს, სავსე ტომრებს პირი მოუკრეს და მინდვრებისაკენ წაიღეს.

დილის სუსხი ტომრებშიც აღწევდა. ბელლის სითბოს ნაჩვევი მარცვლები ერთმანეთს ეკვროდნენ. გარედან კი შეძახილები და უცნაური გრუხუნის ისმოდა.

ის ტომარა, სადაც თავთავიც იყო, რკინის ორმოში ჩაცალეს. მერე ყველაფერი აძიგძიგდა, არახრახნდა და, გაბრუებული მარცვალი გონს რომ მოვიდა, ვეება ბელტები წამოფარგოდა ზედ. გარშემოც მიწა იყო-ბნელოდა.

ჯერ შეკრთა, მერე დაფიქრდა და, ყველაფერი გაახსენდა თავთავს. გაახსენდა, როგორ წოვდა ღეროდან მაცოცხლებელ წვესს, როგორ უნანავებდა ძილმორეუელს ღამის ნიავი, როგორ ათბობდა ქიატა მზე — გაახსენდა და ყველაფერს მიხვდა.

ისევ ნელა დაიძრა დრო. დღისით ყრუ გრუხუნის ისმოდა ზემოდან, ღამ-ღამობით უცნაური ხმები მოჰქონდა ნიავს.

მესამე ღამეს პირველი ჰრილობები დააჩნდა თავთავას. კიდევ ერთი კვირის შემდეგ ბუსუსებმა ამოჰყვეს თავი ნაპრილობევიდან. ერთი ღონიერი ღერო ზემოთკენ დაიძრა, დანარჩენები დაიტოტნენ, დაიტოტნენ და მიწას ჩაეკვრნენ. შეუმჩნევლად გადიოდა დღეები მათზე ზრუნვაში შეუმჩნევლად, ნელ-ნელა აკლდებოდა ძალა თავთავას.

და, ის დილა იყო, მზის სინათლე რომ იხილა მისმა გაზრდილმა, — განმრავლიო, — თქვა და სამუდამოდ დახუჭა თვალი.

ნ ი შ ი

ჩუმად მოვიდა ამქვეყნად. არავინ იყო მისი მნახველი მრუმე ღამის მეტი.

ცისა და მიწის შვილი იყო უნებური. ბალახის ღეროზე დაკიდული, პატარა და გამჟვირვლე. იმდენად გამჟვირვალე, რომ იქნებ ვერც შეგვეჩინათ. ყელყელა ბალახი, რომელზედაც ბინა დაედო, ერთხელაც არ განძრეულა. ფრთხილობდა, არ მომწყდარიყო ახალშობილი-ნიუი გრძნობდა ამას და მადლიერებით ევსებოდა გული.

პირველ გათენებას ელოდა. ბინდბუნდში ძლივს არჩევდა ჩამუქებულ არემარეს. თავზე ტყე წამოფარვოდა. გვერდით, სულ ახლოს, რალაც შრიალებდა. გუმანით ხვდებოდა — ნაკადული უნდა ყოფილიყო, შორიახლოს ღამეზე უფრო შავი, უზარმაზარი ჩრდილი გაქვავებულიყო. კლდე იყო, ალბათ.

არეული ფიქრების დალაგებას ღამობდა ნიეი. ბალახი ბინა იყო მისი, ტყე — საფარი, არც პირქეში კლდე და სიბ ქვევზე გაწოლილი ნაკადული უნდა ყოფილიყო მისი ავის მდომელი. სასიკეთოდ მოვიდა თვითონაც ამქვეყნად. ოღონდ, ეს იყო, წვიმას უფროხოდა. არა, არც მას სთვლიდა მტრად, მაგრამ... ამოკვნესასაც ვერ მოასწრებს, ისე შეერევა წყალს. გაიტაცებს მერე ღვარი, ააქაფებს, აამღვრევს ღეღეში ან ხევში გადაჩეხავს. დაიკარგება სამუდამოდ.

ნაცრისფერი დაედო ცას. მოახლოებული ცისკარი თუ იგრძნო — ნელა იძრა ტყე. პირველმა ფოთლიანმა შტომ წაიჩურჩულა — გაიღვიძეთ, მობრძანდებოთ საცაა. პერე კეწეწნი აპყვენენ, აშრიალდნენ ფოთლები, მძიმედ შეირბა შავად დალაქული წიფელი, მსხვილი ვარჯი გაშალა ტანდამშხალულმა თელამ. ნაკადულს არ სძინებოდა — საამოდ არაკრაკდა, ხმა შეუერთა ტყეს.

მზე... მზე... მზე... — გადაიჩურჩულა მიდამომ.

მზე!... ყრუანტელის მომგვრელი საიდუმლო იმალებოდა ამ სიტყვაში

შეუფაქლდა აღმოსავლის პირი ცას, სირიკონმა გადაჰკრა.

მოდის, მოდისო! — ფოთოლი ეუბნებოდა რტოს, რტონი კეწეწთ. შრიალით გადასცემდნენ ერთმანეთს გვერდი-გვერდ მდგარი ხეები ამ ახალ ამბავს.

მზე ამოდოდა...

ბალახზე მიკრული ნიეი ყველაფერს ხედავდა, ყველაფერი ესმოდა. გული საგულეს აღარ ჰქონდა, აღარაფერზე ფიქრობდა, მხოლოდ მის გამოჩენას ელოდა. თუ შემამჩნევსო ამდენ ხეებში, ყვავილებში, ბალახში დამალულს. ერთ პაწაწა სხივს თუ გაიმეტებსო ჩემთვის.

მეწამული გახდა ის მხარე, საითაც მოლოდინით საესე თვალები ჰქონდა მიპყრობილი.

მძიმედ, დარბაისლურად ამოკურდა ცეცხლის ბურთი ქედის პირიდან, ცხელი ოქრომკედი დააბნია მთაველს. აღტაცების ხმა აღმოხდა ტყეს. წელში გასწორდნენ ხეები, გაიმართნენ. ღამით გათოშილი მკერდი გაიღელა კლდემ, მზეს მიუფიცხა. უფრო მხიარულად აჩხრიალდა ნაკადული.

ამოდოდა მზე — ძლიერი, თბილი, იმედიანი.

მონუსხულივით გაირინდა ნიეი. პირისახეში შეანათა ცხელმა სხი-
ვებმა ბალახზე აკრულ ცისა და მიწის საიდუმლოთი შობილს. გულა-
მდე ჩააღწია, ჩაანათა, აღმური მოსდო. დაინთო, მარგალიტივით
აბრწყვიალდა ნიეი, მზის ნაზი ლაციცი იგრძნო სახეზე და გაბრუვდა,
სულ მიენდო.

ის კი მაღლა და მაღლა მიიწევდა.

საამო აღერსი ცხელ ხვეწნად იქცა, სული შეეხუთა გაბრუებულს.
შექანდა. მოდი ჩემთანო, ორთავ ხელით გამოუწოდა ნაკადულმა, უბე-
ში ჩამეკარ, ველარას დაგაკლებსო მზე.

უარის ნიშნად თავი გააქნია ნიემა და გაიღიმა.. მკლავები მოუ-
სუსტდა. ხელი ჩამჭიდევო, უნდოდა ეთქვა ბალახისთვის, ხმა ველარ
ამოიღო. დაილია ნელ-ნელა, დაილია და მერე სულ გაჰქრა.

გაიგე, გიჟო?!

სახედატეტკილი მოხუცი ჯავახი გამოდგა.

ათიოდე წლის ბიჭი მოჰყავდა თან. ცემში ამოვიდნენ. ჯერ ბიჭი,
მერე მოხუცი. უხმაუროდ შემომეტნენ ავტობუსს. უკანა ადგილები
ცარიელი იყო და იქ დასხდნენ.

მერეღა — როცა თხილამურებისა და ტურისტებისაგანაც დაიცალა
ავტობუსი, შოფერმაც, ამაღამ ველარ გადავალთო ახალქალაქში —
გავიგე, აქალქალაქისკენ მიდიოდნენ ისინიც. მოხუცი მოიღუშა, არც
მე მეჭაშნიკა მთელი ღამის ტურბაზაში გათენება, მაგრამ ტყუილად არ
ფრთხილობდა შოფერი, კარგა ბარაქიანად დაედო და თოვდა ისევ.

ვერც ის შეენიშნე წელან, ბნელში, ახვეული ჰქონდა ბიჭს თავი:
ეტყობა სტკიოდა კიდევ, მაგრამ არ იმჩნევდა — იჭდა თავისთვის და
ტუჩებმოკუმული იცქირებოდა ფანჯარაში.

ადმინისტრატორმა ხელეზი გაშალა. რა გიყოთო, ერთი ადგილიც
არა მაქვს თავისუფალიო. შეწუხება ვერ შევატყე მოხუცს, თუმცა
საგანგაშოც არაფერი იყო — საკმაოდ თბილოდა მოსაცდელში.

მოზრდილი დარბაზი იყო. კედლების გასწვრივ კონტა, მსუბუქი
სკამები იდგა, ადმინისტრატორის ჯიხურის გვერდით მწვანეგადაკრული
გრძელი სავარძელიც. იმ სავარძელზე ჩამოსხდნენ, იქვე დავდე ჩემი
სამგზავრო ჩანთაც.

სპორტულკოსტიუმიანი ახალგაზრდები არბოდნენ და ჩამორბოდნენ კიბეზე. ჭყეტელა ფერები კილევ უფრო ამხიარულებდა მზემოკიდებულ სახეებს.

ჩემს ნაცნობებს გადავხედე. ტურისტები ალბათ არასდროს აკლდა ამ მხარეს, მაინც სტუმარივით ეჭირა მოხუცს თავი. შავი ტყავაუკი და მძიმე ჩექმებიც მოყამულ ლაქასავეით ელო მთელ დარბაზს.

კლუბში ავედი. რომ მოვბრუნდი — თორმეტი იქნებოდა უკვე — ტყავაუკში გახვეულ ბიქს გარდიგარდმო ეძინა სავარძელში. მოხუცი იქვე იჯდა.

ჯავახი გამოდგა. ოღნავ კეხიანი ცხვირი, დატეტკილი კანი და ჩაფერფლილ-ჩანაღვლიანებული გამოხედვა ჰქონდა. ბიჭი შვილიშვილი იყო მისი. ყურისძირში ტკივილი ასჩემებოდა, ვერაფერი გაეგოთ ახალქალაქში, მშობლებს პაპასთან გამოეგზავნათ ცემში, ბორჯომის ექიმებს აჩვენეო.

დასაწოლი ადგილი მაინც არსად იყო, ვისხედით მარტონი იმოდენა დარბაზში და ძილი რომ არ მოგვრეოდა, ხან რას ვამბობდით, ხან რას.

— პირველი ომის დროს გადმოვედით აქეთ, სამუშაოს ეძებდა მამაჩემი... რკინიგზა გაჰყავდათ მაშინ. დავრჩით და დავრჩით... აქვე დავოჯახდი. ვერ იქნა და ვერ შევეგზე. ნაჩვევი მიწა მაინც სხვაა. სულ ვაპირებდი, ვაპირებდი...

მძიმე-მძიმედ. რალაცნაირი ჯავრით ლაპარაკობდა მოხუცი.

— ერთი მაინც მოვახერხე, შეილები დავაბრუნე უკან. აუტეხია ეხლა უფროსს, ამის მამას, — ბიჭისკენ გააქნია თავი მოხუცმა. თბილისში უნდა გადავიდეთ, გზაზე უნდა დავაყენო ბავშვებიო. განა ტყუის, მაგრამ... იმას აღარ ფიქრობს, რად ვუტოვებო, ვის ვუტოვებო მამაპაპის სახლ-კარს. წავა და, უბატრონოდ დაგდებულმა თაფლმა ბუზი იცის. მერე როგორი, საცა ერთი უხეირო იქნება, იქ მოგროვდება. ძანაც მოინდომო, აღარ გაგაკარებს მერე. შენაო? მეუბნება ჩემი უფროსი ვაჟი, შენ თვითონო?.. მე რა, შვილო, ჩემი დრო მოჰმულა-მეთქი, ან კი რილას მაქნისი ვარ, გინდა ვყოფილვარ, გინდა არა. შევეცდით... მეცა და მამაჩემიც... გაჭირვებამ შეაცდინა საცოდავი. არ უნდა შემცდარიყო, მაგრამ ვილა არ შეცდა მაშინ... ყოფილხარ ჯავახეთში? — უტბად მომიბრუნდა.

თავი გავაქნიე.

მოხუცმა რალაცის თქმა დააპირა, გადაიფიქრა თუ რა, გაჩუმდა და მერე:

— მე, ჯავახეთს, რა მიშავდა, მთვარე იდგა მზესავითო... — აღარ დაამთავრა. — ეს მაინც გექნება გაგონილი.

გაგონილი მქონდა.

— თუმცა, რას ვიქაფებ ამ პირს, სხვისა ჳირიო... იქნება სხვისაც არ იყოს, მაგრამ მაინც. ხალხი ცვლისო დროს, ხომ ამბობენ, პირიქით კი არის.

ტყაპუტში გახვეული ბიჭი ჩუმად კრუსუნებდა ძილში.

ვილაც მწითური კაცი გამოფრატუნდა გვერდით ოთახიდან. კედლის საათს გახედა, მერე ტურბაზაში შემოსასვლელი კარი ჩაკეტა და მთქნარებით ჩამოჭდა იქვე. ერთხანს გაშტერებული შემოგვეცქეროდა, ნამთვრალევი თუ იყო და ვერ მიმხვდარიყო, ვინ ვიყავით, ან რას ვაკეთებდით. კარგა ხანს ეძიძგილა ვა ფიქრებს, მობეზრდა მერე, მოშლილ სამართავ თოჯინასავით ააკანტურა თავი. მოედრიცებოდა, მოედრიცებოდა და სკამის საზურგეს დაურახუნებდა. ისევ გასწორდებოდა, ძალიძალად დაჰყეტილი თვალებით გადმოგვხედავდა და ისევ მოჰყეებოდა კანტურს.

— ეგე, ბედნერი კაცი. მიდი ეხლა და იძახე, რა მიშავდაო. მაგას ეხლაც არაფერი უშავს.

რალაც გამოცანებით ამბობდა ჯავახო.

— ახალქალაქში რისთვის მიდინხარ, შვილო?

— პრაქტიკაზე. მათემატიკის მასწავლებლად გამანაწილეს ორი წლით.

— კარგი ხელობაა. — თავი დააქნია მოხუცმა.

— სკოლა ერთი უნდა იყოს ახალქალაქში.

— იმოდენა ქალაქს ერთი რას ეყოფა, ოთხია, მაგრამ შენ ალბათ ქართული გაინტერესებს. ერთია. — მიპასუხა და მერე სულ გაჩუმდა.

ტყაპუტში გახვეული ბიჭი ისევ კრუსუნებდა ძილში.

დილით რამდენიმე კაციც დაგვემატა და ახალქალაქის გადასასვლელისაკენ აუყვა გზას ჩვენი ავტობუსი.

უკანა სკამებზე ვსხედვართ. ავტობუსში ათი კაცი ძლივს იქნება, პაპა-შვილიშვილი მაინც ყველაზე უფარგის ადგილებზე დაბარგდა. ვატყობ, ბიჭსაც აწუხებს ჯაყჯაყი, ერთი-ორჯერ პაპასაც ახედა, მაგრამ არც ადგილი გამოუცვლია და არც რამე უთქვამს.

წუხანდელი გაფერადებული დარბაზი მაგონდება, კუთხეში სტუმარივით მიმჯდარი პაპა-შვილიშვილი, ჰყეტელა ფერები და მოყამული ტყაპუტი.

სანამ ბაკურიანს კარგა არ გავცდით, გზაზე კიდე გვხვდებოდნენ ტურისტები.

— გართობა და დროსტარება იცოცხლე, კარგია, როცა გემხიარუ-

ლება, — ჩაილაპარაკა მოხუცმა, როცა ერთ მოზრდილ ჯგუფს ჩაეუარეთ.

მტყობა, ძალზე გაღიზიანებული იყო შვილის ქცევით. ეგეთებზე სიბერის დროს უფრო ფიქრობს ხოლმე კაცი. ახლა, თვითონაც რომ წილი ედო ამ საქმეში?

გაუთავებელი აღმართები დაიწყო. ხმა სულ ჩაეხლიჩა ავტობუსს, წვალეზ-წვალეზით მიუყვებოდა ზევიდან ჩამოგდებულ გზას.

მოხუცი საგუშაგოსთან უნდა ჩამოსულიყო. ახალქალაქში არ აპირებდა, მაგრამ თუ გამატარეს, ჩაეაკითხავ, სალაპარაკო მაქვს ჩემს ბიჭთანაო.

ვუახლოვდებოდით გადასასვლელს და მოხუცსაც მოუსვენრობა დაეტყო, ალბათ, მართლა კარგა სალაპარაკო ჰქონდა შვილთან.

როგორც იქნა, აიღია ავტობუსში აღმართი, მერე ცოტაც გაგორდა და შედგა.

ორი ქურქიანი ჯარისკაცი მოგვიახლოვდა. ერთი გარეთ დარჩა, მეორე ავტობუსში ამოვიდა.

— პასპორტები!

ხმაც ბავშვური ჰქონდა სერჟანტს.

ეგ არის, ეშველა-მეთქი მოხუცს, ვიფიქრე.

სერჟანტი აუჩქარებლად სინჯავდა საბუთებს.

— თქვენი?

მოხუცმა ერთი კი ახედა და, არ ვიცი, რა წაიკითხა ისეთი ამ ჯერ კიდევ შეუღინღლავ სახეზე, რომ წამოდგა და კარისაკენ წავიდა. იქიდან კიდევ გამოგვხედა, ჰკვიანად იყავიო, ბიჭს გამოსძახა და ჩავიდა.

სერჟანტიც მორჩა შემოწმებას. შოფერმა კარი მოხურა და ძრავა ჩართო. მოხუცი ჯავახი თოვლზე იდგა.

ავტობუსი ნელა დაიძრა. ახლალა გაახსენდა თუ წელან არა თქვა, ეს კი იყო, ისე აიქნია მოხუცმა ხელი, რალაცის თქმას აპირებსო..

— გაიგე, ბიჭო?! — ძლივსლა ისმოდა ბებრული ხმა, — მამაშენს გადაეცი... — ბოლო სიტყვები ქარმა და ძრავის ხმაურმა ჩაყლაპა.

ბიჭი კარგა ხანს ფანჯარაზე იყო აკრული, თოვლზე შავ ლაქსაგვით დარჩენილ პაპას გასცქეროდა...

„აბა, თუ ერთი გაიცინოს!“

გაკუშტებული მწერა მოაცილა სალომემ ავტობუსის თანჯარაში სურათივით ჩადგმულ რძლის სახეს, ხილაბანდის ბოლო შეისწორა და მტკრიან შარას გახედა.

„ის კაცი სადღა დაიკარგა, მოგეწევითო, ეგრე მიეწიოს მამაჩემს!“ პატარა ავტობუსს ალაღბედზე აკრეფილი მგზავრები გამობუნებულ უბეში ჩაესხა და ციებიანივით ცახცახებდა.

— ჰა, სალომე, რა იქნა შენი კაცი, გვაგვიანდება! — გადმოსძახა გზის პირას გაქვავებულ დედაკაცს შოფერმა და ძრავა გამორთო, — ეგრე ამაღამაც ვერ ჩავალთ ქალაქში.

— ვერ ჩავალთო? — არობროხდა სულ ბოლო სკამზე გაჯგიმული კაცი და ლაჭებქვეშ ამოდებულ შენოტივებულ ტიქს წაუტყაპუნა ხელი, — ვერ ჩავალთ და... ეს ავტობუსი ხომ ჩვენია, შოფერიც ჩვენებური, ველარსად მივაყენეთ?!

ხილაბანდიანმა დედაკაცმა ისევ შეიღსა და რძალს დაადგა თვალი.

„აბა, თუ გაიცინოს!“

ცეცხლი უტრიალებდა სალომეს.

„რათ უნდა, რა! ოქროსავით ბიჭი ჩაიგდო ხელში. გაჩენაზე არ დადგომია ძალა და გაზრდაზე. ქალაქში ჩაიყვანს და იქ გამართავს ტაშვანდურას. უიი, მეხი კი დაგაყარე მაგ ცხვირპირზე!“

ქალ-ვაჟი წინა სკამზე იჯდა. ბიჭი სოფლიდან მომავალ შარას გასცქეროდა. გოგო პატარა ჩანთას აწვალებდა და ვერც ბიჭისკენ ბედავდა განედვას, ვერც გზის პირას გაჩერებულ დედამთილისაკენ.

„არ მოვეწონე, ალბათ“.

სულ მოელუშა ისედაც გამშრალი სახე.

— ღრრრ! — შოფერმა ძრავა ჩართო.

— გადმოადგი ფეხი, კაცო! რას ალოდინებ ამ ხალხს.

თუშურქუდიანი კაცი დინჯად მოუახლოვდა ავტობუსს.

— სად დაიკარგე. ეგ არის, ეხლავე მოგეწევითო, აგრემც მიეწიე მამაჩემს?! — შეკავებული ჭავრი ქმარზე იყარა სალომემ.

— რა იყო. ქალო, დაიქცა ქვეყანა? ძაან შეგაგვიანე, მიხო? — ახლა შოფერს მიუბრუნდა, მერე გამარჯობა უთხრა მგზავრებს და ათუნათუნებული ავტობუსის საფეხურზე შედგა ფეხი.

შვილი და რძალი გადაკოცნა, რაღაც ამოაწყო აქეთ-იქითა ჯიბიდან, გოგოს ჩაუწყო კალთაში. აბა, ჭკვიანად იყავითო, ჰა, რაღას უყურებ, გაუჯავრდიო, შოფერსაც გასძახა და ძირს ჩამოვიდა.

ახლადა მოატრიალა გოგომ გზისაკენ სახე. ტინკები უხტოდა თათლისფერ თვალბეში.

— დახე! დახე! მაგ უგბილს! განგებ მიშერება, გულზე მხეთქავს ეხლა! — მუჭით იკავებდა სალომე პირზე მომდგარ ბოლმას.

ავტობუსმა ერთი ამოიხენეშა, დაიძაგრა და ბუქში გაახვია გზის პირას მდგომი ცოლ-ქმარი.

— იმისგან რა მინდა, ჩემი უნდილის ბრალია ყველაფერი, საცა ერთი უხეიროა...

— რას ატყდი, ქალო, აღარ დააყენებ მაგ სამგლე პირს?!

— მაინც სად მონახა? — არ ცხრებოდა სალომე, — ლაპარაკი მაგან არ იცის და...

რალაც გაახსენდა მერე.

— ჰო, ვაუბატონო, — მიუტრიალდა ქმარს, — რას ეკურკურებოდი იმ შენ რძალს? ჰა, თქვი, რას გაჩუმებულხარ?

— ნეტა, რა ეშმაკი შეგიძვრა დღეს? რა უნდა მეთქვა, ჰკვიანად რეავი-მეთქი.

— ჯიბეში, ჯიბეში რაღა გეწყო?

— არაფერი, ორი ბროწეული ამოვუტანე ბალიდან, დილითვე შევატყე, მოეწონა.

— ბროწეულიო? ორი რაღა იყო... — თავისთვის ბუტბუტებდა სალომე და მტერიან გზაზე მისდევდა ქმარს.

ფ ე ს ვ ე ბ ი

მრავალი წლის შემდეგ, დიდი პაპის საფლავს რომ აჩვენებს შვილს, ეს დღე გაახსენდება.

* * *

— გიო სულ ჩვენთან იქნება, პაპა?

— ჩვენთან, მაშ!

ორთვალა სიბ ქვებზე არახრახდა და ყვავიანთ წყაროს გაუსწორდა.

— დილა მშვიდობისა!

— იცოცხლე, გიორგი! — წყალთან შეგროვილმა დედაკაცებმა თვალი გააყოლეს კოფოზე. შემომსხნდარ პაპასა და შვილიშვილს.

ფერდებგახუნებულმა ცხენმა წყაროსკენ მიღრეცილი თავი ისევ ძირს დახარა და მტერიან შარაზე წაიღო ორთვალა.

— კბილები მართლა ამოუვა?

— ამოუვა, მაშ!

— თმაც?

— თმაც.

ნაცრისფერი ლეღვები გაჯგიმულან ორღობის პირას, ეზოებიდან ინდაურების კავკავი ისმის.

— იმ თავკომბალამ როგორ უნდა ისწავლოს ლაპარაკი! — დანდობილად წამოიძახა და პაპას ახედა ბიჭმა.

„თავკომბალა“ ამ გაზაფხულზე მოიყვანეს შინ. ვის მოუყვანეს, რისთვის — ვერ მიმხვდარიყო ბიჭი, სათამაშო სხვაც ბევრი ჰქონდა.

— ეგ ვინაა გითხრა?

— ბებოშ. გამოჭრილი თავკომბალა პაპამისიაო.

— კიდევ რაო! — ყასიდად იწყინა ბერიკაცმა.

— ბებია ენაცვალოსო, სამი თვისა გახდა დღესო. ჩემო სიცოცხლეო, ჩემო თვალის ჩინოო... — თავი ჩაღუნა და უფრო ახლოს მიიწია პაპისაკენ.

— შენც უნდა მოეფერო, შვილო. აწვალებსო, დედაშენმა მითხრა, ხან მუჯღუგუნს წაჰკრავსო, ხან თავზე მოუტერსო ხელს. პატარაა, რბილი ძვალი აქვს, მოსტეხავ რამეს.

გადასახვევამდე ხმა აღარ ამოუღია ბიჭს.

აკი მოეფერა კიდეც, კოცნაც დაუპირა. აკოცინა, რო? ჰყავდეთ თავიანთი თავკომბალა, ეფერონ და ეფერონ...

თქმაც არ დასჭირებია, ვენახებისკენ დაუხვია ცხენმა.

დილის სიგრილე ნელ-ნელა ააორთქლა ჭიატმა მზემ. ოღოროღოღო შარა ლედვისფერი გახდა. დაცხა.

ტიტლიკანა ბიჭები გაწოლილიყვნენ არხის პირზე, რაღაცას იღეჭებოდნენ.

უბეში ჩაიყო ხელი, ჩურჩხელა ეგულეობდა იქ. ისევ ისე უჩუმრად ამოედო ბებოს ბალიშქვეშ.

— ჩურჩხელას... — გაუბედავად დაიწყო, — ჩურჩხელას გიოსაც აძლევს ბებო?

— არა, შვილო, ძუძუსა წოვს ჯერ.

— რატომ, პაპა?

— ჭამა ხომ უნდა, შვილო.

ბოლო მოაკენიტა ბიჭმა ჩურჩხელას, მერე ბაწარი შუათითზე დაიხვია და „საგზალი“ კოფოზე აარახუნა.

— დედაშენიც ეგრე წოვდა, მამაშენიც.

იცოდა, ხუმრობდა პაპა.

— შენცა? — ჭინკები გაუხტა ბიჭს თვალებში.

— ჰო. — კარგა ხნის დუმილის შემდეგ თქვა პაპამ და სადავე დაატყლაშუნა.

სიცხისა თუ გზის ერთფეროვნებისაგან გალაქებულმა ცხენმა ნაბიჯს უმატა.

— გახსოვს, ბოთორა რომ მოგიყვანე, თეფშიდან რომ ახერები-ნებლი რძეს, ტახტის ქვეშ რომ იწვენდი?

— მახსოვს, პაპა.

— ისა, ღრიალი რომ მორთე. გარეთ ნუ გააგდებთო?

— ისიცა.

— ამასწინებზე კანკებში რომ გწვდა, ლეკვებთან რომ არ მიგიშვია?

— მგეც.

— ახლა თვითონ აწოვებდა, შვილო...

ბიჭი გაჩუმდა. მერე ბოლომოკვნიტილი ჩურჩხელა უბეშივე შეინახა და ვენახებისკენ ოკრობოკროდ დაგდებულ ნაცრისფერ შარას დააქერდა...

• • •

ჯერ კი ხუთიოდე წელიწადი გავიდა... ქარბორბალასავით ჩაიარა დიდმა ომმა. ჩაიარა და უმამოდ დარჩა ბიჭი. პატარა გიო რაღაც უცნაურმა ავადმყოფობამ წაიყვანა. დედა გათხოვდა. ბებო ძლივსლა დაფაჩუნობს ეზოში.

• • •

— სარაოდ მოგიერთავს ეს ბიჭი, დასანიშნად კი არ მიმყავს!

— ამოდი, შვილო, ამოდი. ეგ რომ ვირზე შეჯდება, მთელი სოფელი დაადგეს, ველარ გადაათქმევიანებს. ამოდი, გაიხადე.

„გაატიტვლებს ეხლა მაგ ბიჭს, ხელფეხდასხეპილს ამოიყვანს, იქნებ ლოგინშიც უკრას თავი, — უკვე თავისთვის დუდლუნებს დედაკაცი. — ეს ეშმაკის კერძიც რომ აეკრობა და აღარ მოსცილდება?! ან კი რას ექაქანებ, მაგის ჭილაგისა არ არის ეგეც? ეხლავე ეტყობა, რაც გამოვა!“

პაპა-შვილიშვილი კი გზას ადგას უკვე.

მზე გახურდა, ისე გახურდა, რომ ხეშეში ძურწა კინჭარივით ისუსხება. მეოთხე რიგიც რომ ამოათავეს, შევისვენოთო, პაპამ, რუში ამოიბანეს ხელები.

კაკლის ძირას სხედან.

მორჩენილი კიტრი და პამიდორი გვერდზე მიაწყო ბერიკაცმა, ფეხები გაშალა. ცარიელი აბგა ამოიღო თავქვეშ.

— მართლა დალოცვილი ხეა.

— რაზე ამბობ, პაპა?

— კაკალზე, შვილო. ნაყოფი ხომ კარგი აქვს და ჩრდილს ნულარ იტყვი, ერთსაც ვერ ამოუყენებ გვერდით.

— ეგეთი რა არის, რომ?

— ბუხს არ იკარებს, შვილო. არა, ერთი ძირი რომ დარგო და უთხრა, გამირეკეო, ვერ გარეკავს, მაგრამ შემოავლე გარშემო ეზო იქნება თუ ბალი და ნახავ. იმიტომაც უყვარდათ ძველებს.

— ეხლა, რა...

— ბევრს დააეიწყა, შვილო. თითო ოროლასლა ახსოვს. ერთალია მიადგნენ ეს მამაცხონებულები, აქაო და, ლამაზი ავეჯი იცისო, ჭრეს და ჭრეს. ღმერთი რომ კაცს დასჯის, ჭკუას წაართმევს ხოლმე. რა კარგად უთქვამთ?!

— ეენახების პირზე სულ კაკლები არა დგას?

— დგას, როგორ არა დგას, — მოხუცი ერთხანს გაჩუმდა, — კახში გადავიდოდით ხოლმე ტახზე. აი, კაკალი იქ იცის, ეეპ...

ნელ-ნელა იღევა დღე.

ხელ-ფეხი მართლა დაისხიბა ბიჭმა, ალესილ დანასავით ისერება ეს ოხერი ალაფა! აკი ვამბობდი, აკი ვამბობდიო! შეიცხადებს ბებო და სალაპარაკოდაც ეყოფა დაღამებამდე.

შინისკენ მიუყვებიან ზხას პაპა და შვილიშვილი. მოხუცი ხელცარიელი მიდის. პამიდვრით, ვაშლითა და კიტრით სავსე აბგა ბიჭს ჰკიდია მხარზე.

— აღარ მივალთ? — უფრო და უფრო ემძიმება ბიჭს ტვირთი.

— მივალთ, შვილო, მივალთ. — ბანზე უგდებს სიტყვას ბერიკაცი.

• •

ეს დღეც გაახსენდება წლების მერე. ერთ უბრალოდ ამობურცულ მიწასთან იდგება მამა-შვილი. ჩრდილოეთით, ხის ჯვარი ექნება ბორცვს — სამხრეთისკენ პირშექცეული დაუსაფლავებიათ დიდი პაპა. გაკვირვება და წყენა დაეტყობა ბიჭს სახეზე — სულ სხვანაირად წარმოედგინა ყველაფერი...

ჩაშვებულ-ჩაჭიანებული ორი ბრტყელი ჯოხი და პატარა ბორცვი. გარშემოც ასეთივე ბორცვები, ბალახმოედებული მიწა, სიჩუმე და აუთრი პეპლები.

„აბა, სად არისო გიორგი პაპა“, სწორედ ასე იკითხავს ბიჭუნა.

გაუჩნელდება თქმა. მაგრამ წლების მერე იქნება ეს.

ბერიკაცი ღუმელთან, გვედოზე ზის და წალდით ჩორკნის პირმრუდე ფიცარს. დროდადრო გაჩერდება, თან ფიცარს ათვალეერებს და თან შეშის ტკაცატკუცს უგდებს ყურს.

შორიანლოს, ძველებურ ტახტზე ათიოდე წლის ბიჭი პირქვე გაწოლილია, იღლიებში მუთაქა ამოუღვია, ზედ ნიკაპითაც დაპყრდნობია და წიგნს ჩაპყირკიტებს.

თოვს ფანჯრებს იქით.

— ბარონი მიუნჰაუზენი თუ გაგიგონია, პაპა?

მონხუცმა ფიცარს თავი ანება და შემობრუნდა.

— როგორა თქვი? ბარონი მაუნ...

— მიუნჰაუზენი, პაპა.

— რაო, ვინ არი, რა მოხელეა.

— დიდი მოგზაური, პაპა. მთელი მსოფლიო შემოუვლია.

— ნადირზე თუ უვლია, შვილო. — კითხულობს პაპა და ჩორკნას აგრძელებს.

— უვლია რომელია. ჩვენსავეთ თითო-ოროლა კურდღელს კი არ დასდევდა ბალახანთ სერებზე! ერთხელ ლომების ჩხუბს შესწრებია. თვალის დახამხამებაში შეუსანსლავთ ერთმანეთი, კუდებილა დარჩენილა მარტო.

მონხუცს დაფანჩული წარბები უტოკდება. თავს აქნევს და ეღიმება.

— ომში თუ ყოფილა ეგ შენი...

— მიუნჰაუზენი, პაპა.

— ჰო, როგორც არის. თოფი თუ უსვრია.

— უსვრია და მეტი არა? ზღვაში ჩაუძირავს მთელი ფლოტი, ცარიელზე დაუსვამს სულთანი.

ბერიკაცს ისევ ეღიმება.

წიგნი განზე გადადო ბიჭმა, ტახტიდან ჩამოცურდა და პაპასთან მოკალათდა.

ღუმელს ტკაცატკუცი გაუღის, ალბათ ისევ თოვს ფანჯრებს იქით.

— შენც ხომ გიომნია, პაპა.

— ცხრაასთოთხმეტში, შვილო, მაგრამ...

— რა მაგრამ? შენ არ მითხარი, ეამმორეულებით იხოცებოდა პალხიო?

— ჰო, მაგრამ... მიწასა და მონაგარს თუ არ გეცილება, არ უნდა მოკლა კაცი.

— მერე...

— არც მინდოდა, მაგრამ ძალად გვამებდნენ, შვილო.

— მამაჩემი?
— მამაშენი არაკაცს ეოძებოდა. არაკაცი კი ყველას მტერია.
— იმ ბარონზე რატომ გეცინებოდა, პაპა?
— ტყუილად გარჯილა, შვილო. ისიც რა ვიცი... რაღა არ წერია წიგნებში. ეგეც არ იყოს, ოსმალოსთან... მენახა, ვეტყოდი მაგ შენს ბარონს...

— რას, პაპა? — თვალეზი უთამაშებს ბიჭს.
— ბალიშქვეშ ამოდე, არსად დაგეკარგოს-მეთქი ეგ შენი ტყუილი. მაშ, ერთმანეთი გადასანსლესო? ისე, ხუმარა კაცი კი ყოფილა ეგ შენი მათნ...

— მიუნჰაუზენი.
— ჰო, მაგრამ ერთიც ვნახოთ და, იმ ჩენი სულკურთხეული შდელლის ადგილზე ყოფილიყო...

— ეგ რომლის, პაპა.

— თევდორესი, შვილო, განა არ მოთქვამს?

— თქვი რა, პაპი?

მოხუცი წალდსა და ფიცარს ძირს აწყობს და შორიდან, შორიდან ჰყვება.

ღუმელი გუგუნებს, მრგვალ ნასვრეტებს შიგნით აბურთავებული ცეცხლი ოქროსფერ ნახატებს დაათამაშებს ოთახის კედლებზე. ბერიკაცის ფეხებთან მიყუნცულ ბიჭს ერთხელაც აღარ გახსენებია წიგნი.

მერე ლოგინში ჩააწვენს პაპა. დიდხანს, დიდხანს იწვება თვალეზ-გახელილი. ანაფორიანი კაცი და ხმალაღესილი თათრები დაესიზმრება ძილშიც.

* * *

„რა იქნაო გიორგი პაპა“, გაუმეორებს ბიჭუნა. წლები გაივლის მანამდე. გაზაფხული იქნება და ზედ ბორცვზე ამოსული ველური ყვავილი მოხვდება თვალში.

„ეგ არისო... დიდი პაპა...“

„მორწყვა არ უნდა, მამა?“

„გაალაღებს უფრო, მაგრამ ფესვი აქვს ისეთი, გაძლებს უმაგასოდაც...“

„რა ღონიერი ყოფილა“. მორიდებით იტყვის ბიჭი.

„... ღონიერი, შვილო...“

— მწნილი, მწნილი მიყიდე, გესმის?!

— ხომ იცრ, ვერ მოვასწრებ.

— ადრე ყოველთვის ასწრებდი, ახლა შენი სამსახურის მეტი აღარაფერი გახსოვს. მწნილი მიყიდე! გესმის?! პამიდვრის მწნილი, სულ ცოტა მაინც. — თვალეები შეუნოტივდა და ბავშვივით გამობურცა ტუჩები.

— კარგი, კარგი! იქნებ მოვახერხო ადრე გამოხვლა, კარგი. შევივლი ბაზარში და გიყიდი. — უგერგილოდ მოუთათუნა ხელი ტალდაყრილ სახეზე.

— ალუჩასაც ხომ მიყიდი.

— გიყიდი. შედი ეხლა შინ, მაგვიანდება.

იხვივით მიმავალ ცოლს ღიმილით გააყოლა თვალი.

იმ დღეს ვედარაფერს მოაბა თავი. ჭერ იყო და, სამსახურში დაიგვიანა. მერე, უკვე გამოსაცდელად გამზადებულ აპარატს რაღაც გაუფუჭდა. სანამ აპარატს შეაკეთებდნენ, დირექტორმა გამოიძახა და რომელიღაც ქარხნის დაკვეთის შესრულება დაავალა. ბოლოს იმდენი საქმე დაუგროვდა, რომ აღარც ცოლი გახსენებია და აღარც შეპირებული მწნილი. სამსახურიდან დადლილ-დაქანცული გამოვიდა, ფეხით აუყვავა ქუჩას. ბაზარს რომ მიუახლოვდა, მაშინდა მოაგონდა დანაპირები და ნაბიჯს აუჩქარა. სულზე მიუსწრო. დახლებთან აქა-იქ შემორჩენილი გლეხებიღა ვაჭრობდნენ. ბოლოსკენ გასწია — იქ, სადაც მწნილი ეგულებოდა.

ამ დროს ბაზარი სისხლნაკლულ ავადმყოფს ჰგავს. ის ფუსფუსი, ემხსა და ლაზათს რომ მატებს, უკვე ჩამქრალია და მინელებული. დროგამოშვებით სამსახურიდან შემოვლილი, თითო-ოროლა ფენაჩქარებული მყიდველი თუ გამოჩნდება, ისინიც ამაოდ ეძებენ გამქრალ ბოსტნეულისა და ხილის გორებს, ათვალწუნებით შეჰყურებენ დაცარიელებულ დახლებს, აქეთ ამას დაიწუნებენ, იქით იმას და ნირწამხდარნი და ხელცარიელნი ტოვებენ იქაურობას.

ერთგან წინდებს მოჰკრა თვალი. ხილბანდიან დედაკაცს სხვადასხვა ზომისა და სხვადასხვაფერად ნაქსოვი დახლზე ჩამომეწყრივებიანა. ქათქათა მატყლის წინდებს შორის აქა-იქ ჭრელი პაჭიკებიც მოჩანდა. სულ განაპირას რამდენიმე წყვილი ერთი ბეწო, ლურჯ არშია-შემოვლებული, თოვლივით თეთრი წინდებიც შენიშნა.

დაღმა დაჰყვა დახლებს.

— კარგი ალუჩა, ცოტადა დარჩა. — ეპატივებიან დადლილი ხმით.

— აბა, მარწყვი, იაფად. — ხრინწიანი ხმით უხმობს სახელაშაშრული კაცი და თან დაჰყვლიტლ მარწყვს ცალკე აწყობს.

„რა სასაცილო წინდები იყო“.

ბოლომდე არ იყო ჩასული, შედგა და უკან გამობრუნდა. ხილა-ბანდიანი ქალის წინ შეჩერდა. ერთხანს ყოყმანობდა.

— რა ღირს? — როგორც იქნა გადაწყვიტა და ხელით ერთი ციციქნა წინდებზე აჩვენა.

ფული გაუწოდა, წინდები შეახვია, გულისჯიბეში ჩაიდო და გასაუღლისაკენ გასწია.

ავტობუსში ისე იფარავდა უბეს, თითქოს შიგ ცოცხალი არსება. ჰყავდა და არ გამიჰყვლიტონო.

ცოლი კარებში შეეგება.

— ხომ მოპიტანე მწნილი?

— მწნილი...

— დაგავიწყდა. რა თქმა უნდა, დაგავიწყდა. — ღიმილი სახეზე შეაშრა და თვალები აუწყულიანდა.

— კარგი, გაჩერდი ესლა...

— დამანებე, თავი დამანებე!

— კარგი, კარგი, ხვალ აუცილებლად მოგიტან... იცი, წინდები ვიყიდე... სულ ერთიბეწო...

— რა წინდები... ვის უყიდე...

გულისჯიბიდან ფრთხილად ამოიღო პატარა ფუთა და გახსნა. ორივე წინდა ხელისგულზე ეტეოდა.

ჯერ გაოცება დაეტყო, მერე სულელურად გაეცინა და შებრუნდა. ტირილისა თუ სიცილისაგან ოდნავ უცახცახებდა მხრები.

ქუჩა ცარიელი იყო

დაცარიელებულ დერეფანში, ფანჯარასთან იდგა და სველ ქუჩას გასცქეროდა. პირველკლასელებიდან აღარავინ დარჩა — ზოგი იქვე ცხოვრობდა, დანარჩენებიც მშობლებმა წაიყვანეს. საცაა დედაც უნდა მოსულიყო.

რაღაცნაირად სასაცილოდ წვიმდა. ზოგან ჩანდა, ზოგან კი არა. ორსართულიანი სახლის შესასვლელს ან გუბეებს თუ გაუშტერებდა თვალს, წვიმა მართლა მოდიოდა, ისე კი არა. შესასვლელის მუქ ოთხკუთხედში უთვალავი ნემსის წვერი ჩამორბოდა, პატარ-პატარა წრეები ჩნდებოდა პრიალა გუბეებშიც, ჩნდებოდა და აქეთ-იქით გარბოდა. ნაცრისფერ ქუჩას ნელა ჩამოხაზავდა ხოლმე დონდლო ფიფქი, დაეტყებოდა ასფალტს და მაშინვე ქრებოდა, მაინც ყველაზე მე-

ტად ეს სველი ფიფქები უხაროდა. შარშანაც ეგრე დაიწყო, მერე ითოვა, ითოვა და ახალი წელიც მოვიდა.

ცივ მინას მიაღო ლოყა და ქუჩის ბოლოს გახედა. დედა არ ჩანდა. გაუშინ გათბობა ჩართო მამამ. დედამ ჩაართვევინა. ისეთი ცივი აღარ იყო ლოგინი. ეს ერთი კვირაა სულ წვიმს. წუხელაც წვიმდა. გოგიას ძაღლის წკავწკავიცი ისმოდა, სველი თუ იყო და სციოდა.

გიო ალბათ მოიყვანეს ბალიდან — მამა მოიყვანდა. დაბაჯბაჯებს ახლა ოთახიდან ოთახში. იმ დღეს წიგნები ამოუყარა ჩანთიდან. იატაკზე გაშალა და თვითონაც დიდი კაცივით მიუჯდა. კითხვა მაინც იცოდეს. რა სულელი ბავშვია. სარკეში თავისი თავი რომ დაინახა, სხვა ეგონა. ვაშლი გაუწოდა. მერე ისევ გაიმეორა და სიცილი დაიწყო. შენც ეგეთი იყავიო, დედამ უთხრა, ერთხელ პამიდორი მოგეცით გასარეცხად, საპნით გაგერეცხაო.

— აქ რას უდგებხარ?!

აიხედა და რალაცის თქმა დააპირა.

დარაჯმა ისევ გაუმეორა.

— აბა, მოუსვი სახლში!

ჩანთა აიღო და კარისაკენ წავიდა.

ქუჩა ცარიელი იყო. ზზზ! — გაიზუზუნა წითელმა „მოსკვიჩმა“, ორი თუ სამი გუბე თვალის დახამხამებაში გადმოღვარა ტროტუარისკენ, დანარჩენებშიც არია წრეები და მოსახვევში მიიმალა. ფეხსაცმლის პაკაპუკით ჩაიარა ქოლგიანმა ქალმა.

ნეტავ, რატომ არ მოდის დედა?!

ისე სასაცილოდ აღარ წვიმდა. მუქ ოთხკუთხედშიც ახლა უფრო კარგად ჩანდა ნემსის წვერები. ოღონდ უფრო ცივი და წვეტიანი. შესასვლელის თავზე, ფანჯარასთან, ბიჭი იდგა. თეთრი ლეკვი ეჭირა ხელში. ბიჭი ქუჩისკენ იშვერდა თითს, თან ძაღლს ელაპარაკებოდა. მერე რათაზე დასვა, მინაზე ორიანი მოხაზა და ვითომ ცრემლის მოსაწმენდად, თვალებისკენ წაიღო ხელისგულები.

მეტი რომ ველარაფერი მოიფიქრა, თეთრი ლეკვის პატრონს ენა გამოუყო და შემობრუნდა. ქუჩა ისევ ცარიელი იყო.

სახლში ახლა თბილა. ალბათ მარტო გოგიას მურა დარბის ქუჩაში. რომ არ მოვიდეს?!

სკოლის მერე საბავშვო ბაღია. მერე — გადასასვლელი. ჯერ მარცხნივ უნდა გაიხედოს, მერე — მარჯვნივ. კინოს აფიშასთან ჩერდება ექვსი ნომერი...

მეორე სართულზე ფარდა ჩამოეფარებინათ. ისევ იმ ქოლგიანმა ქალმა გამოიარა. რძის ბოთლები და მწვანელი ეწყო პარკში.

ვიღაცამ ფანჯარაზე მოუბრაახუნა. დერეფანში, მინებს იქით, დარაჯი იდგა. თითით ემუქრებოდა. მერე ხელითაც ანიშნა, წადიო. მარ-

ჯვენაში გადაიტანა ჩანთა და კედელ-კედელ გაუყვა სველ ასფალტს-სკოლის კუთხესთან ერთხელაც მიიხედა უკან და ნაბიჯს აუჩქარა. სიცივეზე აღარ ფიქრობდა. ველარც იმას ხედავდა, ასფალტზე დაცემისთანავე რომ ქრებოდნენ ვეება, დონდლო ფიფქები.

გუშინ კინოსთან პატარა ბიჭი გაუტანია მანქანას. მთვრალი ყოფილა შოფერი. რით ველარ ამოივსეს მუცელიო, მთელი საღამო ჯავრობდა დედა. გუშინ არც ისე ძალიან შეეცოდა ის ბავშვი...

ქუჩაში ძალიან ჩქარა დაჰქროდნენ მანქანები.

ჯერ მარცხნივ უნდა გაიხედოს, მერე... ნეტავ რა მანქანა იყო, ფიჭი თუ მოსკვიჩი?!

გადასასვლელი ორმა ბიჭმა გადაირბინა, მერე ჩანთიანი ქალიც გადავიდა.

მანქანები მიჰქროდნენ და მოჰქროდნენ.

გუშინ, ვიდრე მეორე მხარეს გადავიდოდნენ, ხუთი ფიჭი, სამი მოსკვიჩი და ერთი ვოლგა დაითვალა.

პირდაპირ კინოს აფიშა ჩანდა, იქვე იყო ტროლეიბუსის გაჩერებაც. ერთიც გაიხედა სკოლისაკენ და მაღალ კაცს მიჰყვა, გაზეთს რომ მიაფრიალებდა. შუა გადასასვლელზე კაცი გაჩერდა და გაზეთს დაუწყაო თვალთვლება. რამდენიმე მანქანამ ჩაუქროლათ ცხვირწინ. მერე ისევ წავიდნენ.

გაჩერებასთან მარტო ჩანთიანი ქალი იდგა.

ორმა ავტობუსმა ჩაიარა, ესენი სხვა მხარეს მიდიოდნენ. კაცს ხელები გაზეთიანად ჩაეწყაო ჯიბეში და ქუჩას გასცქეროდა.

„არ მოგიყვანა მამაზეციერმა“, — ბუზღუნებდა ჩანთიანი ქალი.

ნეტავ რა მოუვიდა იმ ქალს? საავადმყოფოში წაიყვანესო. ტროლეიბუსშივე გასივებია ხელი. სისულელეაო, მამამ. შენ ეგრე იცი ყველაფერზეო, გაბრაზდა დედა, მეორე შემთხვევაც ყოფილა გუშინო, ისეთივე ნაჩვევლეთი ჰქონიაო ხელზე.

ექვსი ნომერი ჩამოდგა. კაცი ავიდა, ქალი კი იქვე დარჩა და უფრო უმატა ბუზღუნს.

ნეტავ რით ჩხვლეთენ. ის ორივე ქალი ყოფილა, იქნებ...

აი, ჩამოივლის ექვსი ნომერი და...

გიო ახლა ოთახიდან ოთახში დადის.

გუშინწინ იმდენი იწკმუტუნა, სანამ კონსტრუქტორი არ გაახსენებინა მამას. არც ექსკავატორი მოეწონა, არც — ამწე. ბოლოს ისე დაფანტა ყველაფერი, ძლივს შეაგროვა დედამ. დღეს თვითონვე აუწყობს მანქანას. ან არადა, ხუთკუნჭულას მოუყვება. ზღაპარს რომ უყვებიან, მაშინვე ჩერდება. რა სულელი ბავშვია.

კიდევ ერთმა ტროლეიბუსმა გაიარა. სკოლის შესასვლელთან არავინ გამოჩენილა. ქუჩა ისევ ისეთი სველი იყო, სახლებიც. მარტო

ერთმანეთზე დადგმულ სართულებზე არ წვიმს, არც შინ. ფანჯრიდან გოგიას სახლის სველი კრამიტები მოჩანს. წინა კვირას ასფალტზე დახაზული მოედანი ალბათ სულ გადაიშალა, ეს ერთი კვირაა, აღარც მაკას უშვებენ გარეთ. ოთარი ძია დაიპირესო, სახელმწიფო ქონება შეუქამია. მალე მაინც გამოუშვან...

აფიშის ცალი მხარე ვილაცას ჩამოეხია. ასობის წაკითხვა არც უტდია, ავტომატიან ჯარისკაცს უცქეროდა ერთხანს. ტელევიზორში ნანახი ფილმი მოაგონდა — ბოლი, კვარტლი, წითელი ცეცხლი, მიწიდან ამობობლებული ნანგრევები, ქერათმიანი ბიჭი, პატარა ხელები ცრემლითა და მურით აზელილ სახეზე და დიდი, გაკვირვებული თვალები. მამა ფრონტზე ჰყავდა, დედა — აქ, ნანგრევებში...

ომი რომ დაიწყოს!..

ხალხით სავსე ექვს ნომერში ხელიკვიფი აძვრა. ერთხანს პალტოებში ტრიალებდა, მერე ტროლეიბუსი გაჩერდა და ბილეთების ყუთთან აღმოჩნდა. ჩანთა ფეხებშუა ჩაიდგა, ჯიბეში ჩაიყო ხელი. ლითონის პატარა, ცივი ფირფიტაც მოიქცია თითებში, მაგრამ ხელი აღარ ამოუწვია.

ათკაპიკიანი ამ დილით მისცა დედამ, საუზმისთვის.

გამკვირვალე ხუფში ჩხაკუნით ცვიოდნენ ხუთკაპიკიანები, ათკაპიკიანები. ყუთისკენ აღარ იხედებოდა, ცალ ხელში ჩანთა ეჭირა, მეორეში — თავისი ათკაპიკიანი...



გამვლელები ღიმილით შესცქეროდნენ ჩანთიან პატარა ბიჭს, თავქუდმოგლეჯილი რომ გარბოდა ქუჩაში.

ცხენები ქალაქში

წალიკად მოჰყვებოდნენ ქვაფენილს, ნესტოები დაბერვოდათ, გაკვირვებული ათვლიერებდნენ უცხო გარემოს.

კისრის დაყოლებით, ფერდებსა და გავაზე ნაცრისფრად ედოთ ვაგონიდან გამოყოლილი მტვერი. მხედრებს ძველი, გაცრეცილი ჯუბები ეცვათ.

ციოდა.

ვიტრინების წითელ, ყვითელ, მწვანე ფერებს დილის სინათლე მოეძალა, გააფერმკრთალა. უნიათოდ აპრიალდა სველი ქვების რიგი: ქუჩაში პირველი ავტომანქანები გამოჩნდნენ.

რეკლამების ციმციმს შეჩვეულებმა ისევ უნდობლად დაიწყეს აქეთ-იქით ყურება, ისევ ფრთხილად, გამოზომილად ადგამდნენ ნაბიჯს. სველ ქვაზე მაინც ცურავდა რკინააკრული ფლოქვი. ღრქიალზე დაფრთხებოდა ცხენი, სხეული დაეძაგრებოდა, პატარა ყურებს გააშეშებდა და ნერვიულად ატოკებდა ერთ ადგილზე. ფრუტუნითა და ჭიხვინით აპყვებოდნენ დანარჩენები.

ხელად დაიმოკლებდნენ სადავეს ბიჭები, კისერზე წაუტყაპუნებდნენ ხელს.

მანქანები თანდათან მომრავლდნენ — დიდები, პატარები, გაკრი-
ალებული და გასარკვევებულები. გარბოდნენ და გამორბოდნენ.

შოფრებს ნამძინარევი, შესიებული სახეები ჰქონდათ. ერთს გამოხედავდნენ უჩვეულო სანახაობას, ზანტად გამოაყოლებდნენ თვალს და გზას აგრძელებდნენ.

ერთთავად მანქანებზე ეჭირათ ცხენებსაც თვალი. ოცნი იქნებოდნენ: ჩალისფერი მოდიოდა თავში. სევდიანი თვალები და ჭიშინი ფეხები ჰქონდა, ვიწრო ნოთო ჩამოსდევდა შუბლზე. სახელიც ლამაზი ერქვა — სევდია.

ხილთან კიდევ უფრო დაგრძელდა რკინის კოლოფების რიგი, ველარც სიგანეში ეტევა მანქანის მდინარე. შემკრთალი ცხენები რიკულებიან მოაჯირისაკენ მიიწურებიან.

— იერუსალიმზე, ბიჭებო? — მანქანიდან ისმის გაგუდული ხმა.

— საით, საქონელს?

— ალბათ უკანვე, შუასაუკუნეებისაკენ. — ხორხოცებს ვილაც.

ზედ ცხენის ფეხებთან დამუხრუჭდა წითელი ფიატი. სქელკისრიანი თავი გამოჩნდა მანქანიდან, აწითლებული სახითა და სიბრაზისაგან გადმოკარკლული თვალებით.

— შენით!.. — ესლა მოასწრო. სევდიამ დაიჭიხვინა და ყალყზე შედგა, თავი მიიმალა, მანქანაც მაშინვე დაიძრა, მაგრამ ღონივრად მოქნეულმა ფეხებმა საბარგულზე მოადინა ჭახანი.

იმწამსვე იხუვლეს ცხენებმა და ადგილს მოწყდნენ.

მანქანები შეჩერდნენ, მიჩუმდა საყვირების ხმაც. ერთხანს ფლოქვების თქარათქურია ისმოდა ხიდზე. ვოლგებში, ფიატებში, მოსკვიჩებში შეყუყუული ხალხი ცხვირის გამოყოფას ვერ ბედავდა.

ხიდს გადაღმა დაიოკეს ბიჭებმა ცხენები.

სამი დღე დასტრიალებდა ოსტატი ფიატს. გადაღებილ-გაახლებული გამოაგორა პატრონმა მეოთხე დღეს.

სამი დღე მკურნალობდა ბეითალი ცხენის ნატკენ ფეხს. თავი გადააქნია მერე: „ველარ იჭენებს“. იმავე საღამოს იპოდრომიდან სატვირთო ავტომანქანა გავიდა და სამხეცესაკენ დააღმა გზას. ძარაზე თავჩაქინდრული სევდია იდგა.

დღევანდელ დღეს აღარაფერი ეშველება. ნატა — თვითონვე შეეკვეცე ეს სახელი — რომელიღაც ახლო ნათესავთანაა სტუმრად. დღევანდელი საქმეებიც, ავად თუ კარგად, მოთავებულია. უცხო ქალაქის საღამოები კი აღმა-დაღმა ყიალისა და თვალების უმისამართოდ ცეცების მეტს ვერაფერს მოგცემს: უსახელო ქუჩები — რა აზრი აქვს კედლებზე გაკრული ფირფიტების კითხვას? უსახელო ადამიანები — სხვა საქმეები, სხვა ფიქრები... სასტუმროში სართულის მორიგის მოქაშული სახე — დავიწყებულ ვალს თუ გიხსენებს, ორიოდ ნაცნობი ნივთი ორას ოცდაორ ნომერში და სახელდახელოდ გასწორებული ლოგინი, ეს ერთი კვირაა რომ თელავ.

ნატა სტუმრადაა და ეს დღეც უიმისოდ უნდა დაილიოს.

არა, ისეთი არაფერია. ჰერ მალული, წამიერი გამოხედვა იყო, მორცხვი თვალების გულუბრყვილო მზერა. ვიცი, სერიოზული არაფერია. უცნობი ქუჩები, უცნობი ადამიანები და ერთადერთი ნაცნობი ქალიშვილი, დროდადრო სასაცილოდ რო აფახულებს თვალებს. ეს არის და ეს.

ტროტუარზე ხმაურით მოდის ჭინსიანი გოგო-ბიჭების ჯგუფი. არ ვიცი, იქნებ მობერებული სამყაროს ჭიბრზე და გულის გასახეთქადაც უჭირაეთ თავი ასე გამომწვევად. იქნებ მეჩვენება კიდევ. ეს კია, ტკივილი და შური მოტივტივებდა ხოლმე მათი დანახვისას — უამრავ საწუკვარ სურვილს, ოცნებებისა და მოლოდინის წლები რომ უნდებოდა, ეს ახლადდაჩეკილი თაობა უპატიჟოდ, ურცხვად და იოლად იკმაყოფილებს.

ნატაც თვრამეტი წლისაა. მოლიავებული საზაფხულო კაბიდან თეთრი და მკვრივი მკერდი მოუჩანს. ნახევრად შიშველი კანკებიც დაუინებით და მალ-მალე მახსენებს ჩემს სამ ათეულსა და კიდევ რამდენიმე წელიწადს. ეს თუ მიკრავს ხელ-ფეხს. ჰო, ალბათ ასეც არის. სამი ათეული მარტო სათქმელად თუა იოლი: „ის რას იფიქრებს, მე, სხვები!..“

ქალის არასდროს მშინებია, ეს არის, თავს ცოტა განზე გავუდექი, იქიდან დაუფწყე ცქერა. მოურიდებელი, სხვისად ქცეული თვალთვალი თან მაღიზიანებს, თან მართობს კიდევ. რა გასაკვირია, რომ ამ მესამე თვალს ვაბრალებ ყველაფერს. იქით კი აღარც სურვილი მიდის. აღარც ფიქრი...

მხოლოდ თვრამეტი წლისაა ნატა.

— ალბათ, გეუხერხულებათ ჩემს გვერდით სიარული... — სწორედ ასე მითხრა იმ დღეს.

შუა ქუჩაში ვიდევით. გულუბრყვილო და სასაცილო სახე ჰქონდა.

საოცრად ჩუმი გოგოა. იქნებ აქვს კიდევ სათქმელი, მაგრამ რატომღაც უფროსის აზრების გამომზეურებას. ყვავილებზე თუ ალაპარაკდება.

კინოთეატრთან დაეთქვით პირველი შეხვედრა. იმავე კაბით მოვიდა.

კინოში ნუ შევალთ, აქვე ვცხოვრობ, ჩემთან ავიდეთო. პირველთობა არ დამიწყია, პური, ძხვი და რაღაც კონსერვი ვიყიდეთ, — დილას აქეთ არც იმას ჩაედო პირში ლუკმა, — ბოთლი არაყიც გავიყოლეთ. შესასვლელთან ლოყებჩამომჰკნარი, დალეული ქალი იჯდა. უხიაგად დაგვადგა პატარა თვალები. კიბეზეც ვგრძნობდი ამ უნდოცქერას. ყურადღებას ნუ მიაქცევო.

ჩვეულებრივი ოთახი იყო. სამი საწოლი იდგა (სასტუმროშიც ასეთ საწოლზე მეძინა), იმ საწოლების პატრონებიც შინ დაგვხვდნენ — ერთი ქერა და ერთიც შავგვრემანი ქალიშვილი. მერეღა მითხრეს — ერთ კურსზე ვსწავლობთო სამივე.

ძველი ნაცნობებივით შემხვდნენ. ერთმანეთი გამაცნეს, მერე კითხვები დამაყარეს — ვინ ვიყავი, საიდან, რატომ...

გულახდილად რომ ვთქვა, ჯერ ვინანე, ისევ კინოს ნახვა სჯობდამეთქი, თუმცა მალევე დამავიწყდა — ძალიან მხიარული გოგონები გამოდგნენ. მეტისმეტ უშუალობას ხშირად არამკითხეობაც ამოუღვება ხოლმე გვერდით, მაგრამ მომხიბვლელობა მაინც მეტი აქვს. მალე გავშინაურდით.

ვიცეკვოთო. რიგრიგობით ვცეკვავდი სამივესთან. ნატას რბილი, მოქნილი წელი ჰქონდა. ოდნავ თავგადაწეული ცეკვავდა და ცისფერი თვალებით მიცინოდა.

ისეთი არაფერია. ეს არის, ორი დღის შემდეგ თვითმფრინავიდან რომ გადმოვხედავ ამ უცხო ქალაქს, ეს წყნარი, ცისფერი გამოხედვა გამახსენდება. მერე კი, კარგა ხნის სინანულადაც ჩამრჩება.

სინანულადაც. ეს სიტყვა მაღიზიანებს და თავს ვახსენებ, რომ დასაქადნი ამაში არაფერია, რომ კარგა ხანია ოცდაათზე მეტისა ვარ, რომ სამარცხვინოდ სენტიმენტალურია ჩემი ქცევა, რომ საცაა გავბრაზდები. მერე კი, გასართობად მაინც, უშედეგო ალყით გაწბილებულ ჭარისკაცს შევადარებ თავს. ვერაფერს იტყვი, მშვენიერი გართობაა.

გუშინწინ „ჩემს“ სასტუმროსთან ჩავიარეთ. მოვიმიზეზებ, რაღაც დამრჩა-მეთქი, გავიფიქრე და მაშინვე სართულის მორიგე გამახსენდა. მერე ნატას გაკვირვებული სახეც წარმოვიდგინე და... ალბათ ვაზვიადებ ყველაფერს, ალბათ სისულელეა სხვის მაგივრად „ჰოს“ თუ „არას“ ძახილი, ალბათ არა სართულის მორიგე ითაკილებდა გასესხებულის განაღდება... ალბათ.

ფანჯრებში სინათლეები დანთებულა. მთელი ქუჩა რომელიღაც უცნობ სადგურზე ჩამომდგარ ორ მატარებელს ჰგავს. ეს ხალხიც თავთავიანთ ვაგონებისკენ, თავთავიანთ სინათლეებისკენ მიფარფატებს. დახუჭავ, გაახელ თვალს და აღარც სინათლეები იქნება, აღარც ვაგონების გრძელი რიგი. ერთხანს განათებული ფანჯრების თეთრი ჩრდილები ილივილებს მეხსიერებაში, ისიც გაქრება.

დღეს მაინც არ წასულიყო ნატა.

ჯერ კიდევ არ გამოგიცვლია პასპორტიო? გუშინ იყო, რომ მიითხრა აეროფლოტის კრიალა დარბაზში ჩვენს რიგს ვუტდიდით.

ხელი თუ მოვუჭირე პასპორტს და შემატყო. ჩემთვის, ჩვენთვის რა მნიშვნელობა აქვსო. მაინც ამარიდა თვალი. მერე ამომხედა, ჩემთან წავიდეთო. ყოველთვის ასე მეუბნებოდა — ჩემთან წავიდეთო მიედიოდით. ის გოგონებიც შინ გვხვდებოდნენ, ის ლოყებჩამომქცნარი ქალიც.

ნეტავ რამდენისაა. სამოცის... ოთხმოცდახუთის... საუკუნის... რა მნიშვნელობა აქვს. ალბათ აღარავინ ეყოლება. პირგამეხებულიც იმიტომ თუ შესცქერის ქვეყნიერებას: ერთი — მთელ სამყაროს.

არ უნდა წასულიყო დღეს ნატა.

ქუჩა, მოსახვევი და ისევ ქუჩა. თავთავიანთი სინათლეებისკენ დაძრული ხალხი — გაღიმებული, მოღუშული, გულგრილი... სულ ეს არის უცხო ქალაქი, ძალისძალად გაბმული ძაფები რომ არა, ასეთადაც დარჩება, ესეც და სხვებიც.

როგორ არ ვიცი, სუსტი და უღლეურია ეს ძაფი, მაგრამ მაინც, მაინც ვქსოვ და ვიხლართები, ჩემივე სურვილით, ისეთი უნით, თითქოს ამაში იყო ხსნა, თითქოს ეს გადაარჩენს კიდევ ამ ერთ დღეს, უსახელოდ და უსახურად რომ უწერია გაქრობა.

ისევ ქუჩა, მოსახვევი და... ჰო, რა თქმა უნდა, თავისთავად არაფერი ხდება, ჩემივე ფიქრმა მომიყვანა ამ შესასვლელთან. „ადი!“ — ამა-საც ფიქრი მკარნახობს. იქნებ გადაიფიქრა, იქნებ...

კიბე ყოველთვის ერთი სივრცისაა. უბრალოდ, ან ნელა ადიხარ, ან — ჩქარა. შიგნით, ოთახში აწკრიალებული ზარი ჩემს სურვილსა თუ თხოვნას ემსგავსება: ნატა შინ უნდა იყოს!

იმედიანი პაუზა. ისევ სურვილად თუ თხოვნად აწკრიალებული ზარი. მერე ლითონის ჩხაკუნის და ნაცნობი, შიშნარევი ხმა.

წარმოსახვა, ერთიმეორის მიყოლებით რომ ხატავს უცნაურ სცენებს, პასუხის გაცემას მიშლის.

ხის კარი, იქით ქალის საოცრად რბილი ხელი, შეკვივლება, თამბაქოს სუნით გაუღენთილი სიბნელე და ჩემგან გაქცეული ლანდი...

საწოლზე სიფრიფანა ზეწარში გახვეული სხეული...

ალბათ ზედმეტია ხელების ქნევა, ყვირილი.

ახლა კი დაგრძელდა კიბე. სადღაც მეთქი სართულიდან ვეშვები. შემოსასვლელი ცარიელია. საოცარია, არც წელიწადი დამხვდა ის ლოყებ-დამპყნარი ქალი. მაინც კარგა ხანს ვგრძნობ ბეჭებში ჩაჭედებულ ორ თვალს.

გრძელი, ცარიელი ქუჩა — უცნობ სადგურზე ჩამომდგარი ორი მატარებელი. სიბნელეს ერთიანად აუხვევთ კაცის ნასახი. დროდა-დრო თუ გაბაკუნდება სადღაც, ალბათ ჩემნაირი მგზავრი. დანარჩენები დანომრილ კედლებს შეჭტარებიან, წყვილ-წყვილად, სამ-სამად, ოთხ-ოთხად — უცნობ-ნაცნობები, ნაცნობ-უცნობები, ათასი გამონა-გონით დახლართულები...

„ჩემი“ სასტუმრო ორი, ათი, ასი კვარტალის იქითაა. მორიგე პატარა მაგიდასთან თვლემს. იქვეა პრილა სამოვარი, კოლოფში ჩაწალიკებული „ცუკორის“ მართკუთხედები და გასაღები — ორას ოცდა-ორი ნომერი.

ვერ გამიხსენებია, მივალაგე თუ არა ლოგინი. ჩანთა და ორიოდ ნაცნობი ნივთი საწოლის თავთან მიწყვიტა... კიდევ ორი დღე ვივლი ამ უცხო ქალაქში, მერე სხვა იქნება.

ქუჩები, ძილსმიცემული სახლები — ქვაში ჩაჭედილი სიჩუმე, ჩემივე ნაბიჯების უჩვეულოდ გაძლიერებული ხმა.

ხვალ დილით დახლართულ რკინის მილებს დაირბენს საგანგებოდ დაფილტრული წყალი, თეთრ, პრილა პირსაბანებში ახმაურდება, დამის გაოგნებას ჩამორეცხავს და გადასუფთავებულ ასფალტზე გადმო-პყრის თმადავარცხნილებს, პირგაპარსულებს. სალალობოდ გამოეფინება ახლად შეკერილი კაბები, ნაირ-ნაირი ფესსაცემელი, „პომორინითა“ და „მერთით“ აპრილებული კბილები. მეც ამ არსაით დაძრულ დინებას შევუერთდები ხვალ დილით და როგორღაც უკითხავად, თავისთავად დაწყდება კვირის მანძილზე ძლივძლივობით გაბმული წვნიკი, უნდელი ძაფებიც.

დიდი პრიზი

საცაა შვიდი წელი შეუსრულდება ფაკირს. მისი ხნის ულაყებს კარგა ხანია აღარ აღელვებთ გაზონებშუა მოქცეული ნაცრისფერი გზა და ტრიბუნების გუგუნის ფაშატები კიდევ უფრო აღრე ჩამოს-ცილდნენ ასპარეზს — მომავალი თაობებისთვის ზრუნავენ ცხენსაშე-წებში.

ფაკირი კიდევ ერთი წლით დატოვებს იპოდრომზე.

ეს ბევრს ნიშნავდა: იპოდრომიდან იპოდრომზე მგზავრობა, მატარებლის ვაგონში ლოდინი და ბორბლების განუწყვეტელი დგანდგარი. გამუდმებული წვრთნა და ერთთავად ათასობით წყვილი თვალის ყურადღების ცენტრში ყოფნა. ეს იმას ნიშნავდა, რომ ჯერ კიდევ ბევრი შეეძლო ფაქირს, ჯერ კიდევ იყო საჭირო.

ახლა დგას ფაქირი, ცხენების ფრუტუნს უგდებს ყურს და იცდის. სიგრძეც და სიგანეც ერთი აქვს სადგომს — ერთი ცხენი და კიდევ ნახევარი. კედლებს გაყოლებით თუ მოხერხდება სადგომში ტრიალი. საამისო არაფერი სჭირს ფაქირს. განუკურნებელ ავ ზნედ ითვლება სადგომში უთავბოლოდ ტრიალი, ვინ გააჩერებდა ავზნიან ულაყს იპოდრომზე! ამიტომაც დგას ფაქირი ერთ ადგილზე, ცხენების ფრუტუნს უგდებს ყურს და იცდის.

ასეც გადის წლები — მოლოდინში და ოთხკედელშუა. მაგრამ მართობაში გატარებული ეს უთვალავი დღეები, ტყუპისცალივით რომ ჰგვანან ერთმანეთს, დაჩენილ ნაჭუქივით შემოსცლია მეხსიერებას და მთელი ცხოვრება ერთ გრძელ მომქანცველ დოლად ეჩვენება ბევრისმნახველ ულაყს.

... თავლის კარმა გაიჭრილა. მომვლელი ბიჭი გამოჩნდა მზით განათებულ კარში. აღვირი უჭირავს ცალ ხელში, მეორეს ახლად შეკერილ გალიფეზე იტყლაპუნებს და უსტვენს. უდარდელად უსტვენს. მისი სადგომისკენ მოდის პირდაპირ. რეზინის რგოლებშუა მოქცეული ლაგამის რკინები ერთმანეთს ეხება, წკარუნობს, მომვლელი ბიჭის სტვენას უერადდება და ბრძოლის სიმღერად ჩაესმის შვიდი წლის ულაყს. ბევრჯერ ჩაუხევია შეუჩვეველი ლაშები ამ ლაგამს, სისხლიც დასდენია და მთელ კვირას ულოკნია ნაჭრილობევი. მერე კარგა ხნით ურჩობდა კვიცი, არ იკარებდა ლაგამს. მაგრამ დიდი ხნის წინათ იყო ეს, ჩვილი ჰქონდა მაშინ ლაშები და შეუჩვეველი.

ფიჭრი დასჩემდა ბოლო დროს ფაქირს. სადგომის შუაში შეჩერდება, წყვილად დაასობს საგანგებოდ გამოყვანილ წინა ფეხებს, ოღონავ ჩაჰქინდრავს თავს და ასე ისვენებს, ფიჭრობს თან.

ცალი ხელით ლაგამი ამოსდო ბიჭმა, პატარა ყურებზე გადაატარა აღვირი და დაამაგრა.

ასეა ყოველთვის — იშვიათად თუ ჰკითხავენ რამეს, სამაგიეროდ არც თვითონ კითხულობს, უკითხავადაც იცის, რას ნიშნავს ყოველივე ეს. უკვე წინა დღით იცოდა, როცა თითქმის მთელი წრე თავის ნებაზე მიუშვა პატარა კაცმა. მერე კარგა ხანს ატარა ნაბიჯით, ამ დილით კი ორი თუ სამი მუჟა შვრია დაუყარეს, წყალსაც არ მიაკარეს თითქმის.

თავლის ნახევრადბნელ ტალანს მიჰყვებიან. აქეთ-იქით ფაქირზე

ბევრად უმცროსი ცხენები აჭიხვინდნენ თავიანთ სადგომებში, ყალყზე დგებიან.

ასე იქცეოდა ერთ დროს თვითონაც, გარეთ იწევდა ერთთავად, წერვიულობდა, რამდენჯერ გაოფლიანებულა დოლის დაწყებამდე, სანახევროდ გამოსცლია ძალა.

ახლა სულ სხვაა. იცის — არაფერს არგებს ნაადრევი სიფიცხე. მშვიდად, ერთი შეხედვით უხალისოდაც მიჰყვება აღვირს. უინიც განელებიაო, მოეჩვენება უცხო თვალს. მაგრამ მხოლოდ უცხო თვალს თუ მოეჩვენება ასე. თვითონაც და ვინც კარგად იცნობს ფაქირს, იცის, რამდენი ძალა და ენერჯიაა ბრინჯაოდ ჩამოსხმულ მკერდში, რა სიმტკიცეა ფოლადივით ძარღვებში, აღმა-დაღმა რომ ასდევს ჯიშაინ ფეხებს.

იცის ფაქირმა, მაგრამ იქნებ მართლა გაუნელდა უინი, იქნებ უმტყუნოს არც თუ ისე ახალგაზრდა გულმაც?

პირველი დოლები ახსენდება ფაქირს. არავინ იცნობდა მაშინ. კარგი მომავლის კვიცად თვლიდნენ — ეს იყო და ეს. და, გარბოდა ორი წლის ულაყი, გატაცებით, ძალის დაუზოგავად. ბევრი ძალა და ენერჯია დახარჯა, ვიდრე არ აიძულა გულგრილი ტრიბუნები ტაშით შეხვედროდნენ მის ყოველ გამოჩენას.

იცის ახლა შვიდი წლის ულაყმა — მის დიდებას ესალმებიან აღტაცებით. ისიც იცის, ჩუმი აღტაცებაცა და ტრიბუნების ტაშიც ძველი გამარჯვებების ანარეკლია მხოლოდ. დღეს კიდევ ერთი დოლია, აღარც კი ახსოვს რიგით მერამდენე. კიდევ ერთი დოლი...

უკან დარჩა თავლები. გატკეპნილ ბილიკს მიუყვებიან ტრიბუნებისკენ. ბილიკის ორთავ მხარეს მწვანე ბალახია, გაზაფხულის ქორფა, ნოყიერი ბალახი. არაფრად უღირს, გრძელი კისერი წაიწვართოს, დასწვდეს ნოყიერსა და გრილ ბალახს — ნერწყვიც კი აეშალა ენის ძირში — მაგრამ იცის, არ დაანებებს მომვლელი ბიჭი, აღვირის ბოლო რომ უჭირავს ცალ ხელში, ცალიც ჯიბეში უდევს და უდარდელი სტვენით მიჰყვება ფლოქვენით გატკეპნილ გზას. არც ცდილობს. ცდილობს კი არა, ისიც უკვირს — რატომ დაებადა ასეთი სურვილი, წინ ათასობით მეტრი სარბენი აქვს დიდ პრიზზე.

მწვანე ბალახი...

მოესწრება ამასაც, ამ წლეულს თუ არა, მერე მაინც. ცოტა არ იყოს, ბუნდოვნად კი წარმოუდგენია ეს „მერე“ შვიდი წლის ულაყს, მაგრამ ნამდვილად რომ დადგება ის დროც, დანამდვილებით იცის. ანდა, რით არ დაიმსახურა? ოცჯერ მაინც ჩაუვლია ცისფერი აბრეშუ-შით შემოსილს ტრიბუნების წინ, ამდენჯერვე აგუგუნებულა ორკესტრი მისი გამარჯვების აღსანიშნავად. ჰოდა, სჯერა ფაქირს, რომ ეს „მერეც“ დადგება. დროც არის. შეძლება და ძალა ერთია, მაგრამ

უწინდებურად აღარ მიუწევს საბრძოლოდ გული, აღარც ტრიბუნების აღტაცება ესალბუნება ძველებურად. ეს უსახო და უსულო დიდებაც რალაც მოუცილებელ, უშინო ტვირთად აწევს კისერზე. მაშ, თუ ასეა, რისთვის, ვილასთვის?

ოქროსფრად ლაპლაპებს ჩალისფერი ბეწვი. გამოზომილი, ძალდაუტანებელი ნაბიჯი ვერ ფარავს ჭიშით ნაანდერძევე სხეულის მშვენიერებას.

ტრიბუნების უკან, ღია სადგომში ელოდათ თეთრ გალიფესა და ცისფერ კამზოლში გამოწყობილი პატარა კაცი. მუხლებამდე აუწყვებია თხელი ჩექმები, მოკლე მათრახს ათამაშებს და ვილაცას ელაპარაკება წყნარად. მეგობრულად წამოართყა ბიქს, ცხენი ჩამოართვა და შეკაზმა. მერე ნაბიჯით გაატარა სადგომში.

მკვეთრად, მკვეთრად და გაბმულად დაირხა გონგის ხმა. წრეზე გავიდნენ, რვა თუ ათი ცხენი ტრიალებდა სტარტზე. ცქმუტავდნენ, ფლოქვებით ტკეპნიდნენ ფხვიერ მიწას, კიდევ ერთხელ ჩაპოკრა ზარმა და ყველანი ერთბაშად მოსწყდნენ ადგილს.

ორმა ქურანამ და ერთმა რახსმა გადაასწრო პირველივე მოსახვევში. დისტანციის მეოთხედიც არ გაუვლიათ, ყველაფერი წინაა.

საოცარი სიმშვიდე დაუფლებია ულაცს. ძლიერი, თანაბარი ნახტომებით გარბის, აუღელვებლად მიჰყვება წინ გასულებს. მშვიდადაა ფაკირი, თითქოს ისევ თავლაში იდგეს, ფიქრი არ იცოდა დოლის დროს, ახლა კი ათასი მოგონება ასდევნებია. აბიბინებულ მინდორსა და მწვანე ბალახზე ფიქრობს შვიდი წლის ულაცო.

ტრიბუნების წინ მთავრდება დისტანციის ნახევარი. ერთი ამდენიდა რჩება. უჩვეულოდ გატრუნულა ყველაფერი, არც ხმაური, არც ყიჟინა, ცხენებიც გაქვავდნენ თითქოს, მხოლოდ ნაცრისფერ ზოლებად დაკვალული მიწა ეცლება ფეხებქვეშ და შეუჩერებლად გარბის უკან.

ოდნავი სიმსუბუქე იგრძნო ლაშებში. ეს ნიშანია! გამოსავალი უნდა მისცეს ფოლადის ზამბარად შეკუმშულ სხეულის მთელ ენერგიას, თავაწყვეტილ ქროლვად აქციოს. რამდენიმე ძლიერი ნახტომი და უკან დარჩებიან გათავხედებული ცხენები.

ნიშანი ნიშნად დარჩა. ოდნავადაც არ შემცივრებულა მანძილი ცხენებს შორის. არსად არაფერი შეტოკდა ულაცის სხეულში.

კისერწაგრძელებული მიჰქრიათ მწყრივად გაბმული ცხენები. ერთი მოსახვევიდა რჩება ფინიშამდე.

არა, არ დაუნახავს, იგრძნო მხოლოდ — მოკლე მათრახი ამოაძრო ქამრიდან პატარა კაცმა. არ შეშინებია, გაუკვირდა მხოლოდ — არც ერთხელ არ უხმარია პატარა კაცს მათრახი, არ დასჭირვებია არას-

დროს. ნიშანიც კმაროდა ყოველთვის — სადავის ოდნავ მიშვება. მთელი დოღი ელოდა ხოლმე ფაკირი ამ ნიშანს.

მათრახი? აქამდე თუ შეეძლო...

და ბუნდოვნად იგრძნო, რასაც მოითხოვდნენ მისგან, რატომაც მოითხოვდნენ.

ძნელი იყო ამ მოკლე გადასარბენზე დანაკარგის ანაზღაურება, ძალზე ძნელი. არც ახალგაზრდა ცხენები დასთმობდნენ გამარჯვებას იოლად.

მათრახის არ შეშინებია, ან რა სათქმელი იყო, უჩვეულო შემთხვევამ ბიძგი მისცა მხოლოდ.

ასე არასდროს უფრენია ფაკირს, ასე არასდროს დაუძაბავს ყველა კუნთი და ნებისყოფა. შეუძლებელს მოითხოვდნენ მისგან და იგრძნო — ვალდებულიც იყო. არაფრისთვის და არაეისთვის, უბრალოდ, ძველი გამარჯვებების ემართა, საკუთარი თავის ემართა.

შეუძლებელი უნდა შეიძლოს, უნდა შეიძლოს! ყველა ძარღვიც რომ დაასკდეს, ყველა ღირსებას რომ გამოეთხოვოს, სიცოცხლის ფასდაც რომ დაუჭდეს! როგორ სცდებოდა, თურმე რამდენი რამ არ სცოდნია წლების გამოცდილებით დამძიმებულ ულაცს, მათრახი, დასვენება და მწვანე ბალახის წიწვნის უფლება რა მოსატანია, სიკვდილის უფლებისთვის იბრძოდა, სიკვდილს იმსახურებდა!

ტრიბუნების გუგუნში გაირბინა უკანასკნელი მეტრები და პირველმა გადაჭრა ფინიში.

ღია სადგომში რომ შეჰყავდათ, თბილი სისველე იგრძნო ლაშებზე. რეზინის რგოლები წითელ სითხეს შეეღებდა.

ნაჭრილობებს დაუწყო ძებნა პატარა კაცმა. მთელი ჰქონდა ულაცს ლაშები, ხუთი წლის მანძილზე ლაგამს ნაჩვევი ასე იოლად არ ჩაეხეოდა.

საზეიმო მარშს უკრავდა ორკესტრი, ტრიბუნები გამარჯვებულს ელოდნენ.

აქა-იქ შედედებული სისხლი მოსწმინდეს ფაკირს და ცისფერი აბრეშუმით შემოსეს.

ბეჭის ძირიდან, იმ ადგილიდან ცისფერი ქსოვილის წითელ-ყვითელი ფოჩები რომ ფარავდა, ჯერ კიდევ გაურკვეველი, ყრუ ტკივილი და ყველაფრის დასასრულის უცნაური წინათგრძნობა მოცოცავდა.

ზეაილო თავი შვიდი წლის ულაცმა — ძალზე ძნელი დოღი, საკუთარ თავთან დოღი მოიგო ამ დღეს!

ერთს სანახევროდ მოქსოვილი სვიტრი უღევს მუხლებზე, მეორეს — წიგნი.

ახლახან ისადილეს.

აივნიდან ხელისგულივით მოჩანს ქვემო უბანი — წითელკრამიტიანი სახურავები, ბაღჩები და ტკბილანთ წყაროსკენ გაქცეული ორლობეები.

მზე ცერაღლა გამოსცქერის სიციხის საბანგადაძრობილ სოფელს და ველარც გორებიდან დაძრული ნიავისთვის დაუშლია რამე.

გრილა რიკულებიან აივანზეც.

— რაო, თავმჯდომარემ? — წიგნს რომ კითხულობდა, იმან იკითხა.

— რა ეშველებოდა, შენ რომ არ ჰყავდე ამ სოფელსო. ისე, ყველაფერი თარაზოში აქვთ გასწორებული, კლუბიდა აკლიათო სწორედ, ეგეც არ იყოსო, მინდორში არ მყოფნის ხალხი, კლუბისთვის მოაციდენსო ჭკუათმყოფელი კაცი?!

— გეტყოდა. შარშან წიგნები რომ ვთხოვე ბიბლიოთეკისთვის, უარესები თქვა.

— ეგეც გამიხსენა. ერთი ძლივს მოვიცილე, ახლა მეორე მომადგაო. ქალი არა ხარო, ქალოო? ეგრე ერთ თარგზე როგორ გამოგქრათ ცხონებულმა მიხაკამ. კიდევ კარგი, დროზე გაგასწროთ იმ ბედნიერმა. არაო, აღარ დამედგომება სოფელშიო.

ორლობეში ყანიდან მობრუნებულმა კაცებმა ამოიარეს, გამარჯობა უთხრეს დებს. თვითონაც მიესალმნენ.

აიარეს კაცებმა და ერთხანს ჩუმად ისხდნენ დები.

— მერე? — ცოტა უხალისოდ თქვა, წიგნი რომ ეჭირა ხელში.

— მოჰყვა და მოჰყვა მერე... ინსტიტუტი კარგი იცითო. დაიილიავებთო იმ ფერად კარდონებს და გაჭიქდებით, გაგვიშვით, ჩვენ ავაშენებთ ქვეყანასო. ეეჰ, ისეე იმ კარგი კაცის ხათრით, თორემ გიჩვენებდითო მე თქვენ კლუბს.

გრილა აივანზე.

სხედან დები, ერთი სვიტრისა ქსოვს, მეორე კითხულობს.

წვნიკა ჩხირები ძაფის ყულფებში დაძვრებიან. ყულფი ყულფს ემატება. დღეს თუ ხვალ ტანსაცმლად იქცევა ძაფის გორგალი. ეს უკვე მესამეა ამ ძაფისა: ხან კაბა იყო, ხან ქვედაკაბა, ხან ვარდისფერი, ხანაც ცისფერი. იქსოვება და იშლება.

დროდადრო წიგნის ფურცელიც გაშრამუნდება. ლურჯი, ლამაზი ყდა აქვს წიგნს. რომელიღაც ფრანგი ავტორის რომანი უნდა იყოს, ეტყობა, საინტერესოც. საინტერესო წიგნებს კი რა გამოლევს ქვეყანაზე, თუნდაც სოფლის ბიბლიოთეკაში. ფრანგიო, ინგლისელიო, რუ-

ზიო... დრო და სურვილი იყოს ოღონდ... ახლა, კითხვაც არის და კითხვაც... ძნელად, იმის ნახევარიც თუ ექნება სოფელში ვინმეს წაკითხული.

იმდენად მცირეა დებს შორის განსხვავება, რომ ტყუპები ეგონება უცხოს. მარტო გარეგნობით როდი ჰგვანან ერთმანეთს. ერთად და ერთნაირად ცხოვრებამ ფიქრიც კი ტყუპისცალივით დაუშსგავსათ. იქნებ სხვაც იყოს, მაგრამ ერთი კია — მოსწყდება რომელიმე საქმეს, მეორეც აიღებს თავს, რაღაც ფარული ნაღველით შეხედავენ ერთმანეთს, მერე თავიანთ ფიქრებსვე თუ დაუფრთხებიან და ერთი ისევ წვნიკა ჩხირებს დაუბრუნდება, მეორე — წიგნს.

პატივით ექცევიან სოფელში მიხაკას ქალიშვილებს — მტერსაც არჩევენ, მოყვარესაც, სტუმარიც იციან და მეზობელიც. გულმართლობაცა და სიკეთეც მამისა გამოჰყვა ორივეს.

ტიტლიკანა გოგო-ბიჭებმა ჩამოირბინეს ორლობეში... აბა, მიხაკა-ანთ ქლიავებს როგორ აუვლიან გვერდს და, ბელურებით შესხდნენ ტოტებზე. რატომაც არა, ვინ-ვინ და დები არ დაიფრენენ, კარგად იციან.

გოგო-ბიჭების ყიფივზე ბაღისკენ გაექცევათ თვალი. აი ის ცხვირპირმოთუხნული სოსიასია, მეორე, მწიფე ქლიავით რომ ივსებს უბეს — გოგისი, სანდროს წვრილკანჭება გოგო გაღეულ ტოტზე გასულა, ცოტაც და, ჩამოუტყდება დაზნეილი ქლიავის ტოტი.

გარინდებული გასცქერიან დები ბელურებით დახუნძლულ ქლიავს. ერთს სანახევროდ მოქსოვილი სვიტრი უდევს მუხლებზე, მეორეს — წიგნი, საქმემოთავებული მზეც საცაა გორებს ჩაეფარება და ეს დღეც სხვა მისი მსგავსივით, გუშინდლად, გუშინწინდლად იქცევა...

დები კი სხედან.

იმ ღრუბლებს ჰგვანან, შველად და იმედად რომ გამოჩნდებიან დიდ გვალვებში, ჩაივლიან, ჩაივლიან და წვეთი რა არის, წვეთს არ გამეტებენ მოლოდინით დაღლილი მიწისთვის.

ლურჯი აივანი

— ესღა მაკლდა დღეს, თითო ჭირს აღარ დაღევენ!

სახლმმართველი ქოშინით აუყუა მესამე სართულის კიბეს.

— ვერაფერი შევგანებინე ამ ხალხს. ახლა ედავე, უმტკიცე, მე შენ გეტყვი, თავს დაგიკრავენ, უდავიდარაბოდ დაგყვებიან. ისე, გულდაგულ კი შეუღებავთ ლურჯად, ორ კილომეტრზე აჰყუტს თვალს.

ის იყო, ეზოში გავიდა, რომ მესამე სართულიდან გადალურჯებულ-

შე აივანმა ჩამოჰხედა. კარგა ხანი იყო, სიმყურდროვე არავის დაერღვია — სარეცხიცი მოიშალეს, ნაცრისფერ აივნებსაც შეეგუნენ.

— მაინც რა ჯანდაბამ ამხედა, წავსულყავი ჩემი გზით. გაუძელი ახლა ცოლის საყვედურებს — სახლისთვის ვერ იცლი, შვილებისთვის ვერ იცლი, კვირა აღარ იცი და დასვენება. სამსახური, თორემ ათასეუბი შემოგაქვსო.

„ნეტავი რომელია?“

კითხვამ თვითონვე გააკვირვა. ბოლო საფეხური რომ აათავა, ერთხელაც დაფიქრდა. მარჯვენა მხარეზე სულ ერთოთახიანები იყო — ეს კარგად იცოდა სახლმმართველმა. შესამე სართული... არა, ნამდვილად არ ახსოვდა.

სული მოითქვა და ცერად გახედა კარს. ვერც ფირფიტაზე ამოქაწრულმა გვარმა უთხრა რამე. ახლა კი მართლა გაოცდა.

„ეტყობა, ამ შვიდი წლის მანძილზე ვერაფრით გამოიჩინა თავი“. მით უფრო უცნაურად ეჩვენა აივნის ამბავი.

კარი ასე, ოცდათხუთმეტი წლის ქალმა გაუღო.

— მობრძანდით!

ეს სახე ახსოვდა, მაგრამ...

ზინა ჩვეულებრივი გამოდგა — მარტოკაცის სამყოფი ოთახი.

ღიასახლისმა სკამი შესთავაზა, თვითონაც მავიდასთან ჩამოჯდა. ლამაზი არ ეთქმოდა, უფრო სასიამოვნო გარეგნობის იყო.

— ქალბატონო...

— ვიცი, ვიცი, რატომღაც თვალში არ მოგდით ლურჯი ფერი. გაგაწბილებთ. აივანი ჩემია და, როგორც მინდა, ისე შევლებავ.

ვიდრე კიბეზე ამოდიოდა, კარგად იცოდა, რითაც დაიწყებდა და რასაც იტყოდა, იქნებ ასეთნაირ მკვახე მასპინძლობას არა, მაგრამ რაღაც ამდაგვარს მაშინვე ელოდა. ეს არაფერი. საქმე ის იყო, ამ ქალის ხმა და სიტყვები როგორღაც ვერ ერგებოდა ერთიმეორეს. ხმა თბილი ჰქონდა, უბოროტო.

— კი მაგრამ...

სახლმმართველს უნდოდა ეთქვა, რომ აქ მოვალეობამ მოიყვანა, რომ ყველა აივნის ერთი ფერით შეღებვა წესი და კანონიც არის, რომ ნაცრისფერი უმეტესობამ აირჩია და, სხვაც არა იყოს რა, ამგვარი საქციელი უპატივეცემულობაა სხვების მიმართ. აპირებდა, თქმით კი არაფერი თქვა. რაღაც უშლიდა ხელს. იქნებ მასპინძლის სახის გამომეტყველება, იქნებ უძრავი სიჩუმე, კაცს ლაპარაკის ხალისსაც რომ დაუქარგავდა.

— საკამათო არაფერია. ხომ გითხარით, აივანი ჩემია-მეთქი. ნაცრისფერი... უბრალოდ, მომწყინდა.

სახლმმართველი მიხვდა, რომ შეცდომა მოუვიდა, მისი საქციელი

თხოვნას ჰგავდა და სწორედ ამით ისარგებლეს. ახლა ძნელადღა შეიძლებოდა რამე. მაგრამ ვერც ასე გაბრუნდება — ადრე თუ გვიან, აივანი უნდა გადაიღებოს. ბოლოს და ბოლოს, კანონი... ამ უკანასკნელმა არგუმენტმა გააბედვინა კიდევ:

— თქვენ ვერ გამიგეთ, მე სათხოვნელად არ მოვსულვარ. კეთილი ინებეთ და...

დიასახლისმა ისე გაიცინა, რომ ხელისუფლების წარმომადგენლის მანტიაში დარჩენა ნამდვილად აღარ ღირდა..

„ყველა ქალი დასწყევლა ღმერთმა“, — გაიფიქრა და, მშველელისა თუ ვინმე ღვთისნიერის მოსახმობად იმედით, მიმოატარა მზერა. ოთახში სხვა არავინ იყო. ერთ კუთხეში საწოლი იდგა, პატარა მაგიდა და ტორშერი. იქვე კედელზე რომელიღაც მადონას რეპროდუქცია. აქვე — წიგნების კარადა, ტელევიზორი. ეკრანი პირდაპირ საწოლისკენ იცქირებოდა.

„ეს ქალი ყოველ საღამოს მარტო უყურებს ტელევიზორს, მარტო იძინებს და მარტო იღვიძებს, რატომღაც ასე იფიქრა და საკანს მიამგვანა ოთახი. საკანი არასდროს ენახა, მაგრამ თუ სადმე იყო, ასეთი უნდა ყოფილიყო. „საკმარისია ტელევიზორი, წიგნის კარადა და აი, ის სურათი მოაშორო“.

უსიამო სიცივემ დაუარა, შეიშმუშნა. იმასაც მიხვდა, აივანზე კრინტს აღარ დასძრავდა. მერე ბავშვების რია-რია, აღრიალებული ტელევიზორი, ცოლის გაუთავებელი მონოლოგიც მოაგონდა და თითქოს შერცხვა კიდევ. ახლა უფრო ჩუმი და ცარიელი ეჩვენა ოთახი, აღარც მასპინძელი აღიზიანებდა, აღარც სიცილი. უცბად, ძალიან მოუნდა სადმე სხვაგან, ქუჩაში, თუნდაც გაქედნილ ავტობუსში ყოფილიყო. წამოდგომა დააპირა.

— ერთი წუთით, ჩაის მოგართმევთ.

ისევ ის თბილი ხმა. ხომ არ დასცინის ეს ქალი? იქნებ ამ მოულოდნელად დამტკბარი სიტყვებით ახალ თამაშს სთავაზობენ. ჭერ ვერ გარკვეულიყო. ერთი კი არის, უარის თქმას აზრი არა აქვს. გაურკვეველობამ, დიასახლისის საქციელი კიდევ უფრო რომ აბუნდოვნებდა, წინააღმდეგობის უნარი წაართვა.

ჩაი წამებად ექცა. მასპინძელი ხან რას გადმოაწვდიდა, ხან — რას გაუღიმებდა, რაღაცას ჰკითხავდა. სახლმმართველი ყველაფერზე ყაბულს იყო — ეს უცნაური საუბრე სადამდე გასტანდა!

ქალი კი ისევ უღიმოდა, იღუმალი, ათასი რამის მთქმელი ღიმილით. ლამაზი შუბლი ჰქონდა, თვალები, თმა... „ყოველ საღამოს მარტო უყურებს ტელევიზორს, მარტო იძინებს“. წამით მისდია ფიქრს. ფიქრმა კი არც სადავე იცის, არც სავალისა ეშინია. იმ თეთრ ყვრიმალებს უკოცინდა, წელზე, თქობებზე დაატარებდა აკანკალებულ თი-

თებს, გაშიშვლებულ მკერდზე ეკვროდა და იმასაც ვრძნობდა, თანდა-
თან როგორ ახვევდა თავბრუს ქალის სხეულის სითბო და სურნელი.

— რა გადაწყვეიტთ, გადავლებოთ? — კითხვას ისევ ის ნაცნობი
სიცილი მოჰყვა — ნაძალადევი, ნერვიული.

სახლმმართველი შეიშმუშნა. „მაინც რა ჯანდაბამ ამახედა, წავსუ-
ლიყავი ჩემი გზით“. ვილას აგონებდა ეს ქალი. სახით ვერ მიაგვე-
ნა, არადა... დანამდვილებით ძნელიც კი იყო თქმა, მაგრამ იცოდა,
ასეთი რამ ხდება — ჩაგეჭედება თავში რომელიღაც პერსონაჟი და
მერე ხან ერთ, ხან მეორე კაცში უკითხავად გაბხენებს თავს. უთუოდ
ის პატარა ნოველა იყო: ქალი და კაცი, ყოფილი თანაკლასელები,
ხვდებიან ერთმანეთს. ქალი გასათხოვარია, მამა არა ჰყავს, დედაც
ოთხი წელია გარდაეცვალა. სკვერში, სკამზე ჩამოსხდნენ. რა არ გა-
იხსენეს — ერთ მერხზე რომ ისხდნენ, თმას რომ წიწკნიდნენ ერთმა-
ნეთს. კაცმა როგორღაც უნებურად თმაზე დაუსვა ხელი ნაზად, თბი-
ლად. ქალმა მხარზე დაადო თავი და ატირდა. მოეხვია კაცი, მერე,
წავიდეთო, უთხრა, ხუთ წუთში მივალთ მანქანითო... სულ სხვა გა-
მოდგა. დედის მერე არავინ მიაღერებოდა ქალს, ის ტირილიც იმ
გახსენებისა ყოფილა. ვერაფერს მიმხვდარა კაცი. ის თუ უნდოდა
ეთქვა ავტორს, ერთ თარგზე ვართ გამოჭრილი ყველანი და ერთმა-
ირად გაუგებარნიო.

— თქვენ ალბათ გიყვართ ნაცრისფერი.

არ უყვარდა. მაგრამ რა, ასე ირჩია უმრავლესობამ. ასეც შელებეს.
ისე კი, ჭირსაც წაუღია ყველა აივანი და ყველა ფერი. კმარა უკვე!

ქალი ღიმილით ათვალეირებდა. შეცბა — დაცინვა წაიკითხა ამ
ღიმილში. ახალა მიხვდა, სულ სხვა რაღაც ჰკითხეს.

ნაცრისფერი...

„სულ ტყუილად ირჩებით, ქალბატონო. — გაიფიქრა სახლმმარ-
თველმა და შევბაც კი იგრძნო. — არცთუ ურიგო სამსახური მაქვს,
მეგობრები, ცოლი, სამი შვილი. ხმაურიანი ოჯახი... უსიცოცხლო და
ნაცრისფერი მართლაც არ ეთქმის ჩემს ცხოვრებას. ასე თუ ისე, მო-
საწყენ დროს მაინც ძნელად ვნახულობ. ნაცრისფერიო. მერე, სად
უუბნებთან — ოთახში, სიჩუმეც რომ ვერ განძრეულა შიშით. ანდა, რა
ამ ქალბატონის საქმეა!“ გაღიზიანებულმა თავმოყვარეობამ უფრო
შეკახე სიტყვებს დაუწყო ძებნა. ვერაფერი იპოვა. წარმოიდგინა,
უფრო კი ინატრა, რა ნიშნისმოგებით გადაუშლიდა უტყუარ მტკიცე-
ბებს ამ უცნობ ქალს.

ასანთის კოლოფში მივიწყებულ ხოჭოსავით აფხაჰუნდა ფიქრი.

... ოთახი. პიუპიტრზე გამოლილი ნოტები, ჭიაყელასავით წაგრძე-
ლებული გამები... დედა სამზარეულოდან უგდებს ყურს. თანჯარიდან
დროდადრო ბიჭების ყიჟინა შემოვარდება, მერე ცოტათი მიჩუმდება

ყველაფერი და ჭინჭყლი გოგიას ხმაღა ისმის. გამებს კი ბოლო არ უჩანს. აღარც საათის დიდი ისარი აპირებს ადგილიდან აძვრას... მეორე დღეს სადგურზე დაიჭირა მამამ. ესეც შენი სოფელიო! ესეც შენი ბებიასო! — ხან ზურგზე, ხან კანკებზე გაუდიოდა ქამარს ტყლაშენი...

„შესანიშნავი სამსახური მაქვს, ოჯახი, მეგობრები!“

...მთელი თვე აწუხებდა, გული ვერ დაუღო სამუშაოს. არც მივლინება უთხოვია, არც შინ უთქვამს რამე, ისე გაემგზავრა. საქმენი და საპოვნი არაფერი ჰქონდა — როგორც წავიდა, ისე დაბრუნდა. ცოლისა და უფროსის საყვედურებიღა შერჩა...

ფინჯნის წკარუნმა გამოარკვია. დიასახლისი ფეხზე იდგა, ნაჩრდილვეი ღარებით დასეროდა სახე.

— ხვალ ისევ ნაცრისფრად შევლებავ, — რალაც უცნაური ღიმილით თქვა და შებრუნდა.

სახლმმართველი სახეს ვერ ხედავდა, მაგრამ გუმანით მიხვდა — ტიროდა ქალი.

ი მ ე ლ ი

თვალმილულული ზის სკამზე ხეთისო პაპა. მობოშებულ მუხლებზე დაუწყვია ხელები. კარგა ხანია, ხელიცა და მუხლიც ძალი-ძალადღა უგდებს მოხუცს ყურს, გამხმარ ტოტივითა ჰკიდია ერთიცა და მეორეც. ახლა ეს სისხლიც, რომ ვითომ რამეს ვუშველიო, არც რომ უნდ. და მაინც მიგორავს და მიიზღაზნება?! ხანდახან ბრაზიც წაეკიდება ბერიკაცს, მაგრამ გაუჯავრდი — არ გაუჯავრდი. ანდა, რა იქნება, რომც გაუჯავრდეს. არაფერი. არაფერი და იმიტომაც ზის ეგრე გალურსული. ასე უფრო უპრიანიც არის — მუხლიც ისვენებს და ხელიც.

არც თვალის გახელა უნდა ხეთისოს. რად უნდა! ბიჭი აქ არის, ამ წუთსაც რომ გაახილოს თვალი, გრძელი კანკები არ შერჩება ხელში? მუხლებჩადუნული უტრიალებს ალბათ გარშემო. ნელა აუწყევს პაპას პირისახეს, კონტად გაჰქაფავს, დაულობს, მერე კონტადვე ჩამოჰყვევება სამართებლით გამხმარ ლოყებზე და ისე პირწმინდად ჩამოჰტხუქს, იტყვი, თავისი დღენი სხვა არაფერი უკეთებიაო. ახლა რეებს ლაპარაკობს?!

აპრილის მზე მომდგარა ფანჯრებთან. გარინდებული ნათელი ჩასდგომია სხეულში ხეთისოსაც. რამდენი შვილიშვილის ხელს იგრძნობს სახეზე, იმდენი უფრო თბება ჭყეტელა მზე.

პოდა, აბა, რად უნდა თვალის გახელა. ისევ რომ მოხუქოს?! ეგეთ-მზეს ცოტა სხვანაირი თვალი უნდა!

მანც გააშორიშორა მოხუცმა ქუთუთოები.

ცოტა აწოწილი კი არის, მაგრამ რაც არ უნდა იყოს, მანც ეხალი-სება გულს. არადა, ისევ ისე ჩახრილი მუხლით დადის აქეთ-იქით. აბა, თუ ერთი მანც გასწორდეს ეს მამაძაღლი! — ვითომდა ჯავრობს ბერიკაცი, ისე კი უხარია, ქორაანთ ჯიშზე რომ წასულა ბიჭი.

მანც გააშორა ქუთუთოები და გულიც დაიამა. ეხლა აღარც დამ-შრალი ხელ-ფეხი აფიქრებს, აღარც დადუნებული სისხლი. ეეჰ, სის-ხლი ჰქვია, თორემ იცის ხეთისომ რა სისხლიცაა. არადა ჰქონდა, აი მაშინ, ნიკოლოზის ჯარს რომ მისდევდა ბაღდადისაკენ. ჩვიდმეტის თე-ბერვალი იყო. ცუდად წაუვიდათ საქმე სხვის მიწაზე. სამველიც აღარ ჩანდა და მანც გაიწიეს. ვისთვის, რატომ — სულაც არ დაგიდე-დნენ თერამეტ-ცხრამეტი წლის ბიჭები. ხეთისომაც გაიწია. ბედად ცოტა ჰკუადამჯდარი მეთაური შეხვდათ. სულ ტყუილად გავწყდე-ბით, ნებით ჩავყვეთო. მერე კარგა ორ წელიწადს ათრიეს თურქის ციხეებში, კარგა მაგრადაც მოუდრიკათ გაჭირვებამ კისრები. ვისთვის-საო, რისთვისაო — აი, მაშინ ეკითხებოდა თავს ხშირ-ხშირად. მტერს, რაც ხეთისომ გადაიტანა.

ეხლა? ეხლა რა უქირს, მოდი და აუგი დაგცდეს კაცს! ეხლა თავისთვის არის. საქმეც მოითავა და დღენიც, ვასაკეთებელი აღარაფე-რი აქვს. შეილთან ჩამოვიდა ქალაქში და ნებივრობს. ქალაქიო! და-იხუთებო! ტარტარებენ რა, აქაც კარგა მაღლიანი მზე სცოდნია, ე ბიჭიც რა, სოფელში კი ვერ ივარგებს ვითომ? ენებივრება ხეთისოს და ნებივრობს კიდეც. სადალაქო სადლაც ახლოს ყოფილა, მაგრამ დალაქი მანც დალაქია, ამ ბიჭის ხელები კი...

ისევ გაახელს მოხუცი თვალს, ძლივ-ძლივ გაუსწორებს ჰყეტელა-მზეს და ისევ გაუხუნდება ფიქრები.

ახლა როგორ-როგორებს ლაპარაკობს ეს გუშინდელი ბაღლი?! სა-ინგილოო, ტაოო, მოსდევს და მისხალ-მისხალ კაკლავს. მერე ისეთი რინით, თვითონ მოსწრებოდეს თითქოს. არადა, ბოლო ომი რომ ჩა-თავდა, დაბადებულიც არ იყო. მანც სად მოასწრო ამდენი? ისე, ჩე-მი შვილის ოინები იქნება სულ!

ჯანი გავარდეს, ილაპარაკოს. ხეთისომ გაასწორა ყველა საქმე, ბა-რიბარშია წუთისოფელთან. ისიც ეყოფა, რაც ნახა. ისიც ეყოფა, ამ-დენ დავიდარაბას რომ გამოსცდა. ავად თუ კარგად, მანც ხომ მო-იტანა აქამდე ქორაანთ სისხლი. ესეც საქმეა, სხვისი თავი კი აღარა აქვს ხეთისოს. დანარჩენი თვითონ იციან, თვითონ მოუვლიან თავსაც-და ჰქვეყანასაც.

ეგრე კი ფიქრობს ხეთისო, მაგრამ ფიქრებთან ერთად რაღაც მა-

ინც წამოუფრიალდება ხოლმე შიგნით. თუმცა... ჰეე... იცოცხლე, კარგია, მაგრამ, სადღა შეუძლია ამათი მიყოლა. აი მაშინ, მიჰყვებოდა...

მაშინ უმწყემსოდ დარჩენილ ფარასავით დაბორილობდა ხალხი. ნერწყვს უშლიდა საშოვარზე გამოსულ მგელს. ლუკმა კარგა მოზრდილი იყო, უპატრონოც იყო და, ან მგლისა უნდა გამხდარიყო, ან მგლის ფერისა. კონსტანტინოპოლიდან აყრილი ნატყვევები ნოვოროსიისკში გადმოსხეს ღამით. ამოსუნთქეაც არ დასცალდათ, ისევ თოფიანი კაცები დაადგნენ თავზე. დენიკინის არმიაცი უნდა იბრძოლოთ! ბოლშევიკებიო!

იბრძოლოთ?! დენიკინისო?! არც დენიკინი იცოდნენ, არც ბოლშევიკები. ბრძოლა კიდევ... თქვენთვის მოგვინდიაო, ბრძოლის თავი აღარა გვაქვსო. იმ ორ წელიწადში კარგად დაულაგდნენ ჰკუხას. ტყუილ-უბრალოდ ტყვის თავის შეშვერა აღარავის უნდოდა. დენიკინიო! ვინ ძაღლობებრია, აქამდე მთელი მოეტანათ ტყავი დენიკინისთვის შეეწირათ ახლა? ცოტა ხანში ბოლშევიკებმა გააქციეს გენერალი, მერე ისევ თეთრები მობრუნდნენ. თოფი აიღეთო ხელში. მართალი საქმის ბედი წყდებო. იმ სიმინდის რესპუბლიკაში რა უნდა აეთოთო. ბიჭი იყავი და გაგეგო მართალი, ე ოხერი სახლი კი აღარც ისე შორს იყო. ისევ ვილაცებს გაუტრეგდნენ და ბათუმში ამოჰყვეს თავი. აბა, იქა ტრიალებდა ამბავი. პორტში ინგლისელები დაიბლინძებოდნენ, საცა რას დაადგამდნენ თვალს, თავისად უნდოდათ ყველაფერი. იქიდანაც აიკრა ხეთისომ გულანაბადი და სახლს მიაშურა. აღარც შინ დააყენეს. არ გამსახურია ჯარშიო. ორი წელი გამართებსო.

მართლა ბედის ანაბარად ვეღო ჰქეყანა და ვგრე ვარაუდობდა ხეთისო — ან მგლისა უნდა გამხდარიყო, ან მგლის ფერისა. ვერა, ვერც იმათ ივარგეს. პატრონობა რომ ეკითხებოდათ. ისხდნენ და თავის ორმოსა ჩიჩქინდნენ. ველარც რომ ხალხმა გამოიჩინა თხა! ან რით გამოიჩინა, თავგზა ჰქონდა არეული, თავისი გასაჭირი უჭირდა და შინისკენდა ეჭირა თვალი, მაშინ კი რა იცოდა ხეთისომ, მაგრამ ეხლა ხეობა — უცოდინრობა ლუპავდა ჰეყანას... ორჯერ ორი რომ ოთხია იმისა არა, სხვა, სხვა რამისა... ე ბიჭს რა უჭირს, თავიც იცის და ბოლოც, არ იცის და ისწავლის. კოჭებში ეტყობა, ისწავლის. მერე გინდა თავდაყირა დააყენე. აღარ აირვეს გზას.

ბიჭი კი თან დალაქობს, თან ლაპარაკობს. თათარიო. მონღოლიო, არაბიო... ვინც გინდა თქვიო. ვერც ვიგუეთ და კარგადაც ვქენითო. რაც გინდა დაარქვიო, უცხო უცხოა, მტერი მტერია, ღიმილით მოსული კიდევ უფრო ღიმიო. ლაპარაკობს და დალაქობს თან. თვითონვე გაქვს ნათქვამიო. თავს თუ არ მიხედა კაცმა, წვერი რა არის, წვერიც რომ არ იპარსოსო მალი-მალ, დადუნდებო.

ჰო, აგრე ჰქონდა ხეთისოს ნათქვამი, აგრეც არის, მაგრამ ცოტა უფიქრელად ლაპარაკობს ბიჭი, მართო სისხლის ხმას უგდებს ყურს, დროდადრო ნადრევი სიმკაცრეც გადაუვლის თვალეზე და ესეც აფორიაქებს მოხუცს. წლებმა სიფრთხილეს შეაჩვია ბერიკაცი, ნელ-ნელა მორბილდა კიდევ. შვილები ცოცხალი ჰყავს, შვილიშვილები დაეხვია. ხუმრობა ხომ არ არის, ოცდაათი წელიწადი თოფი არ გას-როლილა! ძალიანაც კარგი, ვინ ოხერს არ გაუხარდეს, მაგრამ ბიჭი მაინც სხვაა. ცარიელი ჰქუა ხეთისოსაც საკმარისი აქვს. არადა, კაცმა რომ თქვას, სხვა რისთვისლა დაჰქონდა ამდენ ხანს ქორაანთ სისხლი, რისთვისლა უფრთხილდებოდა? ხეთისოსავით ჰქუანასწავლი და დადუნებული რომ ჰქონდეს ამ ბიჭსაც, განა უფრო არ გამწარდებოდა? გამწარდებოდა და მეტსაც იზამდა. მაშინ ეგრე მშვიდად ველარ დაიწყებდა მუხლებზე დამშრალ-დაფიტულ ხელებს, აღარც შვილიშვილის მგლის მუხლი გაუხარებდა გულს. ეგ არის, ცოტა უფიქრელად ლაპარაკობს. მაინც არაფერს სძრახავს, არც ჰოს ამბობს, არც — არას.

ზის თვალმილულული მოხუცი, სამართებლის ფხაკუნს უგდებს ყურს და დამჰქნარი ლოყებითაც გრძნობს აპრილის ძალამოცემულ მზეს.

ისმ, როგორც არი

— მამაჩემი რა კაცია?

თითისტოლა მიხაკო მიწაზე ზის და კოქს ელაპარაკება. ცოტა იქით თავისფერი ჟიგული დგას. ჟიგულის ქვეშ თედო გაწოლილა პირალმა და რკინას ეჭაჭგურება. მიხაკო თუთის ჩრდილში ზის, თედოც ჩრდილშია, სამაგიეროდ თავისფერი ჟიგული იხრუკება მზეზე.

— თუ გამოვედი, გიჩვენებ, რა კაცია ვარ! — კბილს კბილზე აქერს და მთელი ძალით ეწევა თედო ქანჩს.

— მეფე ხარ, მამი, მეფე!

„მაშინ არა უშავს“ — ფიქრობს თედო და პერანგის სახელოთი იწმენდს გაოფლილ შუბლს.

ეზო გზის პირზეა, აქედან შაქრო ნათლიას ბაღია აკრავს, იქიდან წიკლოაანთ სახლი გადმოჰყუდებია თავზე. ხანდახან რალაც გალაწუნდება, მერე ჩხაკუნი და ფრთხილი ნაბიჯის ხმალა ისმის ზემოდან — პირმომტვრეულ კრამიტებსა ცვლის წიკლო.

— ვის წყალსა სვამს?

— წადი, შვილო, ერთი წყალი გამომიტანე!

მიხაკო უბეში ინახავს კოქს და სახლისკენ გარბის.

„რა ცხელა, ეს უპატრონო, მაინცდამაინც დღეს არ მოუნდა? არა,

რას მოვაქენებდი იმ ოღროჩოღროებში! კიდევე კარგი, ამოვალწიე-უნდა ვმდგარიყავ იმდღევანდელივით და ქვეყანა მეციინებინა. არა, ნამდვილად ამიგდო იმ დედაკაცმა!“

ამასწინებზე მოყვრებთან იყო. მანქანითა ვარო, პირი არ გაუხსნა ლენოს. ხან აქედან მოუარა, ხან — იქიდან, ვერ აიყოლია სიმამრმა; მე, რა, ნათხოვარი კი არა მაქვს კუჭიო, საყვედურივითა თქვა ბოლოს და თვითონაც აიკრძალა. ბევრი იმასხრა მერე თედომ — არა და აღარ გახსნა ვარლამამ შუბლი.

ვირზე ნაჯდომივით გამობრუნდა თვითონაც. არხს ქვემოთ, ვენახების პირზე გაეხირა ლაფიანში. ხან უკან ატრიალა ბორბლები, ხან — წინ. გაგიგონია?!

იქამდე აზუზუნა, სანამ ხალხი არ მოაგროვა.

— ჩვენი თანდილას ბიჭი არ არის, კაცო?

გადმოვიდა... კოქებამდე იყო ლაფი. ჯერ ცხვირიდან მოუარა მანქანას, მერე ქვეშაც ჩახედა.

„ჩავაზილო წიხლი?“ — ერთი კი გაიფიქრა, მაგრამ იქვე მოუღბა გული — გასარკვევებელი ჟიგული ცოცხალივით ითხოვდა შველას.

სწორედ მაშინ ამოიარა იმ დედაკაცმა, გალეული ვირი ება ორთვალაში. შორიახლოს გაჩერდა. უყურა, უყურა და... დავებათო, შვილო?

დაუბამდა, მაგრამ... ვირის ამოთრეული მანქანით...

— აჰა, მამი!

თედოს გამურული ხელით უჭირავს დოქი. წყალი ყბებზედაც გადასდის, გულისპირშიც ჩასდის წურწურით. მაინც არ იშორებს დოქს. ცალი თვალის ზემოთკენ აქვს.

— რას იკრიჭები, შე მამაძალო!

— ძალიან ცხელა მანდ, მამი?

— შენი საქმე არ არის! — დოქს მიწაზე დგამს და ბორბლებზეა მიიწურება.

მიხაკო თუთის ჩრდილში ჯდება, მერე უბეში აფათურებს ხელს.

ეზოს კარი ღიაა. გარედან თავვისფერი ჟიგული და თუთის ქვეშ დაყუნცული მიხაკო ჩანს, ხანდახან ორთვალა თუ აიჭრიალებს მტკრიან შარაზე. სულ სამი მანქანაა სოფელში. ერთი თედოსია.

— შაქრო ნათლია მოვიდა, მამი!

შაქრო მანქანასთან დგას და იცდის.

— ძალა არ დაგადგეს, ბიჭო, რატო იგრე ქვემოდან მოქცევიხარ!

— ეგრეა ეს ცხოვრება, ნათლი. — ქვეშიდან ისმის თედოს ხმა.

— გიმღერო, რო გამოხვიდე?!

— რა იყო, ნათლი, რა გაბრაზებულნი ხარ!

— გოგოა სადგურზე ჩასაყვანი

— ეხლად მოვიყვანე, აბა, რა გიყო? — როგორც იქნა გამოჩნდა თედო.

— მოვიყვანე რა, ქალია, მამაცხონებული?

— არ არი თუ რა! — წიკლომ დაიძახა სახურავიდან. — დღე ერთია და ათჯერ მაინც მიუწევება ხოლმე!

თედო იცინის — სად წიკლო, სად მანქანა.

— შენი იმედი მქონდა, — ამბობს შაქრო, — ეხლა რაღა ეშველება. მიხას ამოგიგზავნი ემტეესიდან.

— იყოს, ხათლი, მე თვითონ მოვუხერხებ რამეს.

— შენ იცი, შენი საქმისა. — ამბობს შაქრო და მიდის.

კვირა დღეა და თედოს ქალი საყიდლებზეა წასული. მეზობლებიც გაკრეფილან. მარტო წიკლო დაიჩაჩხება სახურავზე და პირმომტვრეულ კრამიტებსა ყრის დაბლა.

„რა ცხელა, ეს ოხერი... ისევ გაუთოხნავი დამრჩა ქვემოთა ტახტი“. დროდადრო ბალახმოდებული ვაზიც დაეხატება გახურებულ თვალბში, უფრო გაავეებული მოსწევს ქანჩს.

გზიდან შიშველი ფეხების ბარტყუნი და გნისი ისმის. ზემოუბნელი ბიჭები საბანაოდ მიდიან არხზე. თავში გიორგა მეტყუვის შოშიტა მოაფრიალებს პერანგს. თედოს სახლთან დადგნენ. გინდა არ გინდა, დადგები, როცა სამად სამი მანქანაა სოფელში.

ნელ-ნელა შეიკრიფნენ ეზოში.

თედო მტვერში ამოგანგლულ შიშველ ფეხებსა ხედავს, ჩუმი ლაპარაკიც ესმის. მიხაკოც მარაქაში გარეულა, ყოჩივით დაიბლანდება ბიჭებშუა.

კარგა ხანს უტრიალეს მანქანას. ერთმა — სოფლის გზებზე არ ვარგაო, მეორემ — თხელი სახურავი აქვს, ოთხას თორმეტი ჯობსო, შოშიტამ კიდევ არც აცხელა, არც აცივა და, მამაჩემმაო, მაგას როდრო და ფული სჭირდება, კაცი მეორე ოჯახს შეინახავსო.

ესმის ყველაფერი თედოს და ლამის გულზე გასკდეს.

„ეხლა იმ სავერანე თითებსაც რომ არ დააყენებს რომელიღაცა?! შოშიტა იქნება, იმან იცის ხოლმე ვგრა“.

რაკუნობენ მეტყუვის ბიჭის თითები და თითქოს სულსა ჰფხაჰნიან თედოს.

„ურაკუნე, შენმა მზემ, ურაკუნე, პაპაშენიც ნოტებს დაუხრჩვია თურმე!.. დავიფრინო, რა ვქნა?“

იტრიალეს ბიჭებმა, იტრიალეს და როცა სალაპარაკოც გამოლიენ, პურჭყებაცა და თედოს ფეხების ცქერაც რომ მოსწყინდათ, დროაო, მეტყუვის შოშიტამ და არხისაკენ დაეშვნენ.

წიკლოანთ სახლის ჩრდილმა რახანია გადაუარა მანქანას, აღარც

კრამიტი ჩნაყუნობს სახურავზე. თათისტოლა მიხაკო ისევ კოქს ელაპარაკება:

— ვის პურსა ქამს?

პურიქამის დროა, ფიქრობს გამურულ-გახეთილი თედო და გამწარებული ეჭაჯგურება რკინას.

— ბოლოს რა გამოვა?

კოქმაც, აილო და ალჩუზე დასკუპდა.

— ვირი! ვირი! — კისკისებს ბიჭი და ალბათ, ზემოუბანშიც ისმის თედოს ლეკვის ხმა.

ს ა რ ე ც ხ ი

ღილიდანვე თავპირი ჩამოსტიროდა ცას. მოიღრუბლა და მოიქეშა.

ერთხანს ოთახში ტრიალებდა თებრია. ხან ვარცლზე დახვავებულ სარეცხს გახედავდა, ხან ფანჯრის ჩარჩოში მოქეუულ შუბლშეკრულ ცას და თვითონაც თანდათან იღრუბლებოდა.

ბოლოს მაინც გადაწყვიტა, ან კი რა გზა ჰქონდა მეტი. ეზოში გაიტანა ვარცლი. ვეება სპილენძის ქვაბი გამოაგორა, გამურულ ქვებზე შედგა. წვრილი წკირები და შეშა მიაგროვა იქვე.

ერთხანობა დაავიწყდა კიდევ უამინდობა, საქმემ აიყოლია.

ცხელი წყალი მოავლო ვარცლს, მერე შუამდე მოაყენა, თეთრეული ჩაალბო შიგ. ლურსმანზე დაკიდებული თოკის გორგალი ჩამოიღო. ერთი ბოლო თუთას მოაბა, გარდი-გარდმო გაიჭიმა ეზოში. სველი ხელი დაუსვა გაყოლებაზე, მტვერი გააცალა. ისევ სარეცხს მიუბრუნდა.

არ იქნა და არ გახსნა ცამ შეკრული პირი.

საცაა გიგლანთ კოკობზიკა ხათუნაც ამოუკლის ბაზრიდან. მოდგება ლობესთან და მოჰყვება ლაკლიკს. ჯერ მიხაანთ რძალს დაგესლავს, მერე, ხილაბანდის ბოლოს ააფარებს რიდითა და შიშით ნათქვამ სიტყვებს და თავმჯდომარის ცოლზე აჩურჩულდება. ბოლოს, პირიც რომ მოეჭაფება და ერთ ადგილზე დგომაც რომ მოსწყინდება, ვერ დადგომია დარი სარეცხზე, განზე თუ იწევს შენი ქმარიო, ვითომ სხვათა შორის გადმოუგდებს და კურტუმოს ქნევით მოსცილდება ლობესს.

განზე კი არა და! ნაპერწყალი გაუკრთა თებრიას თვალებში. მერე, თავისივე ნაფიქრალის შერცხვა თუ შეეშინდა და ისევ გაეშალა სახე. კარგი დახლი დაუდგება, ხათუნას ნატარტარეცს თუ უგდო ყურის

დასიცხული ძაღლივით ენაგადმოვდებელი დატანტალებს ზემოთ-ქვემოთ. რა უნდა იყოს, მაგის პირმა არა თქვას!

ატალახებულ ცას გახედა თებრიამ და, რალაცამ მაინც უკბინა. აუჩქარებლად დაცურავენ შემუშებული ხელები ქაფმომდგარ ვარცლში. გაქლენთილ-გაფუებულ ქსოვილს მოიხელთებენ, გამო-ქეპყავენ, გამოწურავენ და უკანვე ჩააბრუნებენ.

ოფლის წვრილი წვეთები აესხა თებრიას ყელსა და გულისპირზე. გამსხვილდება წვეთი, გაიბერება, მერე მძიმედ მოცურდება და მზე-დაკრულ უბეში იკარგება.

ერთი პირი უკვე ამორცხა თებრიამ. დაგრებილი გოგრები ერთმანეთზე დააწყო. გადაწრიტა ნარეცხი წყალი. ძირი მოავლო ვარცლს და სუფთა წყლით გაავსო. ღილა გახსნა შიგ. ვარცლშივე ჩა-ყარა დახვევებული გოგრები. გაშალა, აალივლივა გაკროცილ წყალ-ში. ლურჯმა სითეთრემ გადაჰკრა თეთრეულს.

დაბუშტულ-დაბერილი ზეწარი ამოსწია თებრიამ. ჩხრილით ჩა-იღვარა წყალი, მერე, ლეშხი რომ იცის ნაწვიმარზე ფოთოლმა, ისე მოჰყენენ ერთმანეთს წვრილი წვეთები, ტკაპატკუპით ჩაცვივდნენ ვარცლში.

უფრო მალლა ასწია თებრიამ ხელები და გაირინდა.

თეთრად ბიბინებდა ლურჯდაკრული ზეწარი, თეთრი ანარეკლი აჰყვა ქალის შეწითლებულ სახესაც.

დამშხალულ ხელებზე გაუჩერდა თვალი, ქალიშვილობისდროინ-დელ ხელებს შეადარა. მერე ქმარი გაახსენდა, გიგლანთ ხათუნაც და ისევე გამოჰკრა რალაცამ.

უცებ...

აღარ აუხედავს. ნელ-ნელა გამოლია ვარცლის პირზე დახვევებუ-ლი გოგრების გორა. მერე გაოფლილ გულისპირზე მოისვა სველი ხე-ლი, კაბის კალთაზე შეიწმინდა. კედელზე მიაყუდა ვარცლი, სპილენ-ძის ქვაბსაც თავისი ადგილი მოუნახა. კიბეზე ჩამოჯდა.

იჭდა თებრია, კალთაში ეწყო დაღლილი ხელები და თოკზე ასხმულ თეთრეულსა და ზედ მოთამაშე მზის აფინათებს მისჩერებოდა.

იცინოდა თებრია, თავისთვის, ჩუმად.

1
3

იფნის ძირში, ბალახზე წამოწოლილიყო მახარე, საჭოლოკე ჯოხს ჩორკნიდა. თავს აიღებდა დროდადრო, ტყეში ატეხილ ლაწუნს მიუგდებდა ყურს და ისევ განაგრძობდა ჩორკნას.

ცხელოდა. სიგრილეს შეფარებოდნენ ფრინველნი, გაუთავებელი ჟიჟივი და ქახქახი ისმოდა ტყიდან.

ისევ ასწია თავი მახარემ, ტყის პირს მოავლო მზერა, იფნის გულგლუჭრელა ტოტებს ააყოლა თვალი. ვიწრო კონებად იღვრებოდა ცხელი მზე ფოთლებშუა დარჩენილი ქუქრუტანებიდან, თეთრ ლაქებად ედებოდა მიწას.

„ჯერ ადრეა ბინაზე გაბრუნება. აი, მუხის წვერს რომ დასცდება...
ჰო, ჯერ ადრეა“.

ჯოხი განზე გადადო და გულაღმა გაიშოტა.

„იქნება დღეს მაინც ამოვიდეს ის ბიჭი“.

ჯაგრცხილების ჩრდილები გაწვა მინდორზე, დაგრძელდა.

წამოდგა მახარე, გაიშალა, პირზე შემოიწყო ხელები და — ეჰეჰეჰეი! — შეეხმიანა მიდამოს.

— ეჰეჰეჰეი! — უკან დაუბრუნდა სხვა კილოზე აწყობილი ხმა. სანახევროდ გათლილ ჯოხს დასწვდა, იღლიაში ამოიდო და ხევს აუყვა.

თითო-ოროლად დაიძრნენ ხევხუევებიდან წაბლა ძროხები, ქაშანებზე გადმოიარეს, მენახირეს აედევნენ ცოხნა-ცოხნით.

ირიბად ასკრა სერი.

ზანტად მისდევდა ფერდამოვსებული მროწლე, ნელა მიდიოდა მახარეც, მილილინობდა. სერის თავზე შედგა. ნიავქარი ასისინებდა მუხლებამდე შემომდგარ ბალახს. შედგნენ ძროხებიც, ისევ მოსინჯეს ბალახი.

ნელ-ნელა გროვდებოდა ნახირი.

სერს აქეთაც ღრანტეებზე ედო გზა. ნადირთ ბილიკებს დაუყვა ქედის გასწვრივ, წყარო ეგულებოდა იქვე, ფერდის ძირში. ზღაზვნით მიჰყვა ნახირი.

ხუთი თუ ექვსი წყარო ჰქონდა მონიშნული ხევებში, სხვადასხვა გემოსი იყო ყველა. ამოიჩემებდა ერთხანობას რომელიმეს, სხვას არ დააკარებდა პირს. გადაუვლიდა მერე სურვილი, ახლა მეორეს შეეწყობოდა.

დალია წყალი, ეგემრიელა. სახეზეც შეისხა, ძროხებს შეუძახა და ბინისაკენ დაადგა გზას. ზმულით მიდიოდა ნახირი.

ბაკში შერევა ძროხა, მისურა კარი და სოფლისკენ მიმავალ ბილიკს განედა. არავინ ჩანდა. შებინდულიყო ტყის პირი, ბინდი დას-

წოდდა სერებსაც, მხოლოდ დასავლის მხარე ლუოდა ჯერ კიდევ
წითლად.

„როცა მზებურთი ნაჭაფი
ჩასდება სერებს შიშვედა,
დღევანდელს წარსულს ვაბარებ
ხელ გათენების იმედად“.

მოეწონა ლექსი. მერე ბრაზი მოუვიდა საკუთარ თავზე. „ამას მაინც დავიხსომებ!“

სანამ ფიჩხს უმატებდა ცეცხლს, გამეორება სცადა. გაუხარდა — არ დავიწყებოდა. გახუხა პური ცეცხლზე, მაწონში ჩაალბო. ორი თავი ნიორი შეაწყვიტა გალას, კარგა მოზრდილი ნაჭერი ჩამოაჭრა შებოლილ ხორცს, მაგიდაზე დააწყო. სამუხუხა მიიჩოჩა და თვითონაც ჩამოჯდა. ჭამისას ერთი-ორჯერ კიდევ გაიმეორა გუნებაში. მერე მაგიდა მიალაგა, ლოგინზე წამოწვა.

„არც დღეს გამოჩნდა ის ეშმაკის ფეხი, ამოსულიყო, ხმას მაინც გამცემდა, დამელაპარაკებოდა.“

„მარტო ვარ — არეინ იფიქროს,
არეინ ჩამთვალოს შლეგადა.
ეს შთაც მე მისმენს, ეს ველიც,
ბალახიც მინდორ-ველადა.
წყაროს ხმა, კლდეთა წუხილი,
ხეთა ჩივილიც ქარშია —
მსმენია, გული მტკენია,
არ დავრჩენილვარ ვალშია“.

არც ეს ჩანდა ურიგო, შეენანა დასაკარგავად, უფრო დაღონდა. უცნაური რაღაც სჭირდა მახარეს. ერთხელ ნათქვამი ლექსი თითქოს უკანვე უბრუნდებოდა, ისევ შიგნით დაიწყებდა ტრიალს, მოსვენებას არ მისცემდა. ახლა სხვა ლექსად ამოვარდებოდა. ძველები კი, კარგებიც, ცუდებიც საღდაც ქრებოდა უკვალოდ, ვერც იხსომებდა და ვერც იწერდა.

„ეს ოხერი, წერა-კითხვა მაინც მესწავლა!“

ვინ აცალა. მამა რომ კლდეზე გადაეჩეხა, ათი წლისა იყო. ნახირი ჩააბარეს — ეხლა შენ მოუარეო. მოსდევს მას აქეთ, აგერ ორმოცი წელიწადი გავიდა უკვე, მიელალება და მოელალება. ჯერ სოფლის გადაღმა აძოვებდა, მერე, შეემატა, იმრავლა ნახირმა. ბინა აუშენეს მთაში. ისე გაივლიდა ზაფხული, პირს არ იზამდა ბარისკენ. არა, ბედს არ ემდუროდა, მაგრამ ეს წერა-კითხვა მაინც ესწავლა! ამოუვლის ხოლმე ის ყვავიანთ ჭინკა ბიჭი და მთელი მიღეთის ამბებს უყვება, გაზეთში წავიკითხეო, წიგნებში წერიაო.

„მერე როგორ ყოყლოჩინობს! დღეს მაინც ამოსულიყო, ის რაღაც ჩამწერი ამოეტანა. არა, რაღა მაინცდამაინც მაშინ მავიწყდება“

ყველაფერი, ის წუბაკი რომ შემოიჩნდება ხოლმე. აგრე ჰკონია, ვატყუებ. ერთი ის ეშმაკის მანქანა ამომიტანოს და მერე ვნახოთ!”

ძროხების ზმუილი ისმოდა ბაკიდან. თანდათან შედედდა ბინდი ფიცრულ ოთახში. იწვა მახარე და ყვავიანთ ბიჭზე და დაკარგულ ლექსებზე ფიქრობდა. ნახირი გაახსენდა მერე.

„მთელი სიცოცხლე ამთ შევალე, შვილი მე არ მრჩება და ძირი. ე ნახირსაც დღეს თუ მახარესი ჰქვია, ხვალ ივანესი დაერქმევა, ან კიდევ ვინ იცის ვისი...“

ნაბადი წაიხურა, მერე გვერდი იცვალა, ხელი ამოიღო თავქვეშ.

„შვილი მე არ მრჩება და ძირი...“ — ერთხანს კიდევ ბუტბუტებდა ძილ-ღვიძილში.

შულამისას გააღვიძა რაღაცამ. „ნეტავ რა ეშმაკი შემოიძვრა, რომ არ მაძინებს?!“

მთვარის შუქი შემოდოდა ფიცრებშუა დარჩენილი ღრეკოდან. ჰოტი ჰკიოდა ტყეში.

„არა, ხვალ ნამდვილად ამომიტანს, არ მომატყუებს!“

თ ე ბ რ ი ა

ზის ეხლა გაჯგემული იმ თავის უნდილ ბიძაშვილთან ერთად და ისხამს საოხრე მუცელში! ცოტა ვიჭუჭუჭე ნიკასთანო, ტყბილი სიტყვა ვუთხარით ერთმანეთს, ცოტა ღვინოც მივაყოლეთო. ღვინო მაინც ჰქონდეს რიგიანი იმ უქნარას! მობრძანდება ეხლა გაბანდალებული, ქვეყნის ამშენებელივით გაიხირება კარში, რა თარაზოში მასწორებო, შენი გულნაზუქი გიგოლა ვარ, ლოგინი გამიშალე, ცოტას მიეწვებიო.

ცოტა მიეწვებიო! მისდებს იმ სამგლე თავს ბალიშზე და ხვრინვასაც მიაყოლებს. მერე, გინდა ზარბაზანი დაშუცალე ყურთან, არც შეტოკდება. მაინც რა ჩაუძვრა იმ საოხრეში, რომ ველარ ამოივსო?! კიდევ გაუძლებდა კაცი, ძილი რომ მაინც იცოდეს ფარსაგი. საბერველივით აქშინდება, სტვენასა და ხრუტუნს ააყოლებს მერე. ლამის ჰერი ჩამოიღოს ძირს.

არ მოგიყვანა მამაზეციერმა!

გაჯავრებული იყო თებრია, ან კი როგორ არ ეჯავრა, სანამ ვაზსწყლის მიგდება, გათოხნა, გასხვლა, შეწამვლა ესაჭიროებოდა, თებრია არც ხმის ამომღები იყო და არც რამე ეთქმოდა. მერე კი... საქმე-

მოკლებული გიგოლა ღვინოს ეტანებოდა, გულისგამაწვრილებლად იქიმებოდა ზამთრისპირის ღამეები, გიგოლაც, თითქოს ჭიბრზე, სულ უფრო უმატებდა სმასა და ხვრინვას.

ის დღე დაიწვას, შენ რომ აგეკიდე! არავინ იყო ნეტა ღვთისნიერი, ეთქვა, ვის მიჰყვები, შე ოხეროო?! ვინ დამაწერა, შენი დღე და მოსწრება იმის ხვრინვა ისმინე და ჰოტივით ათენე ღამეებიო?!

თავშალი მოიხურა თებრიამ, მერე წვიმის ხმაურს მიუვლო ყური. ამას რაღას ჩამოსტირის თავპირი, თავისთვის ჩაილაპარაკა და გარეთ გავიდა.

საქათმიდან ჩამიჩუმი არ ისმოდა. ბოსლის კარი შეაღო. თივაზე მიწოლილიყო ფერდელა, ზანტად იცოხნებოდა.

სახურავი შეუსწორა თონეს, წყალი არ ჩავიდესო. პურის დაკვრას აპირებდა სახვალიოდ. მარანს რომ ჩაუარა, ქმარი გაახსენდა და შინვე შებრუნდა.

ოთახი მოათვალეირა, მერე საწოლის კიდზე ჩამოჯდა, კალთაში ჩაიწყო ხელები. ტკაცატკუცი გაუდიოდა ხმელ შეშას.

ოცი წლის წინათ, პატიანთ ძეობაში გაიცნო გიგოლა. მთელი ღამე თავის კბილა გოგონებში ჩამჯდარ თებრიანზე ექირა ბიქს თვალი. დაირცხენა თებრიამ, თავს ველარ სწევდა მაღლა. მაინც უხაროდა, რომ სწორედ ის გამოარჩიეს ამდენ გოგონაში. გადაეკიდა მას მერე ბიქსი. ისე არ გავიდოდა დღე, ორჯერ მაინც არ ჩაველო მის სახლთან. იცოდა თებრიამ, მისი გულისთვის დაიგრძელა ვენახში სავალი გზა გიგოლამ, იცოდა და უხაროდა. კარგი ბიჭი იყო გიგოლა, სოფელში ამბობდნენ, ზედგამოჭრილი ცხონებული პაპამისიაო. დრო გადიოდა, ყურძენი თვალში იყო შესული, დიდ მსხალთან ჩახვეულებს რომ მოატანათ თებრიას პაპამ. სახრით იფრინა მიხო პაპამ დაფეთებული ბიჭი, მაგრამ ველარ მოიშორა...

თითქო გუშინ იყო, ახალჯვარდაწერილებმა თოფის ბათქაბუთქით რომ შედგეს ფეხი სახლში. პატარა ბიჭი ჩაუსვეს თებრიას კალთაში. მთელი ღამე „მრავალჯამიერ“ ისმოდა სოფელში.

შეიშნოვა თებრიამ დაქალება. დატრიალდა, პატარძლის მოსვლა დაატყო ეზო-კარს. მართალია, შვილი არ მისცათ ღმერთმა, მაგრამ სამღურავი მაინც არ ეთქმოდა. მშრომელი ბიჭი გამოდგა გიგოლა, ოფლს არ უშურებდა ოჯახს. ერთი კი იყო, საოცარი ხვრინვა იცოდა. გაუჭირდა პირველ ხანებში, ეღვიებოდა ღამით, აღარ იცოდა, საით გაქცეულიყო, გათენებამდე ვერ მოხუჭავდა ხოლმე თვალს. გათენდებოდა და, ქმრის გამრჯე ხელების შემყურეს ყველაფერი ავიწყდებოდა. ისე გავიდა წლები, ერთმანეთის აუგი არ დასცდენია ცოლ-ქმარს. აუგი ქრ არ დასცდენიათ, მაგრამ როგორღაც განმარტოვდნენ, თავ-

თავის საქმეს აკეთებდა ორივე. იშვილეთ ვინმე, გაგიჟირდებათ მართო ცხოვრებაო, ეუბნებოდნენ მეზობლის ქალები...

წამოდგა თებრია, პირთამდე გაავსო ქვაბი წყლით, ცეცხლზე შედგა.

იქნებ ნიკასთანაც დარჩეს. კუთხეში მიყუდებული ცოცხი აიღო. ერთხანს ხელში ატრიალა, უკანვე დადო — წელან არ გამოგავა ოთახი? ახლა საათს მიუბრუნდა. ათი ყოფილა, სძინავს მთელ სოფელს.

მძიმე-მძიმედ გადააძრო ლოგინს სიფრიფანა ატლასი. ჩამოჭდა, დასაწოლად არ მიუწევდა გული.

ეს ოხერი ღვინო მაინც არ უყვარდეს ასე. გამოათრობს ის ეშმაკის ფეხი ნიკა. ერთად არიან გაზრდილი, წელიწადში ორჯერ თუ ნახავენ ერთმანეთს. ახალ ღვინოს გაასინჯებდა, კარგი მოსავალი დასდგომია წლელს.

ფეხი არ დაუცდესო ამ ტიალ ღამეში, ნასვამი იქნება, ემანდ სადმე არ ჩაიჩენოსო. შეშა შეუმატა ისედაც გავარვარებულ ღუმელს და თავშალი მოისხა...

პატრიანთ მიხას ცოდვა

— მოვკლავ, ამ უპატრონოს!

ორივე ხელით ტახტს ჩასკიდებოდა მიხა, ხორკლიანი ლოყები უხურდა სიბრაზისაგან.

— ეხლა არ გავაგდე ეს სამგლე? აბა, თუ დამანებოს თავი!

თედროანთ თხა დინჯად განაგრძობდა საქმიანობას. კიდევ ერთი ყლორტი შეაგლიჯა ხომარდულს, პირში მოიგდო და მადიანად აახრამუნა.

— ოჰ, შენი... მოვკლავ, ამ სამგლეს! ერთხელაც იქნება, მოვკლავ! გაბრაზებულმა მუთაქას ჩასცხო მუშტი, დააბურთავა და უკანვე დაახეთქა. თვითონაც ტახტზე გაიშოტა. აივნის ქერს მიაშტერა სიბრაზისაგან დაელმებული თვალეები.

ბებერი თხის თეთრი წვერი და ყყყეჩი გამომეტყველება მაინც ვერ მოიცილა თავიდან.

— ზედგამოჰრილი მუდრეგი პატრონია!

„თუ ღმერთი შეეწია და არ მოვკალი, თედოს დავარქმევ“, გაიფიქრა და გვერდი იცვალა...

წითელ-ყვითელი ბაფთებით მორთული წვერცანცარა მედიდური

ნაბიჯით მოადგა ძეძვის ღობეს და დაუკითხავად გადმოაბოტა ეზოში. ხომარდულისათვის არც შეუხედავს, სახლის გაყოლებაზე ჩაყრილი ვაზებისკენ აიღო გეზი. შეჩერდა. მიატრიალ-მიატრიალა თავი და საექვო რომ ვერაფერი შენიშნა, ჯერ ერთს მოგლიჯა რქა, კარგად გამოლეჭა და გამოწოვა, ახლა მეორეს მიადგა.

ადულდა მიხა.

— მაშ, მე პატიანთ მიხა არ ვიყო! — ოთახში შეეარდა და ძველი ორლულიანი ჩამოგლიჯა კედლიდან.

მესამე ვაზს „სხლავდა“ თედოს თხა.

აივანზე გამომდგარი თოფმოღერებული მიხა რომ შენიშნა, რაღაც ცუდი უგრძნო გულმა, ვაზს თავი ანება და საკუთარი ეზოსკენ მოუსვა ბაფთების ფრიალით.

— ვერსად წამიხვალ! — ღობეზე აბოტებულს უწია მიხას ხმამ და მსხვილმა საფანტმა.

ერთი კი შეაქანა ამაყად აყაყული რქები და ისევე დარჩა ღობეზე გადაკიდებული.

თოფის ხმაზე თედოს სალომე გამოვარდა სახლიდან. უკან ტიტლიკანა გოგო-ბიჭები გამოჰყვნენ.

გამარჯვებულის იერიითა და აბოლებული თოფით ხელში იდგა მიხა.

— ვაიმე! — იკვილა ქალმა და ღობისაკენ გამოიქცა.

ბავშვები ღრიალით გამოჰყვნენ უკან.

გაშეშებულ რქებზე შეავლო თხას ქალმა ხელი და შეანჭღრია.

— მოუკლავს! მარტლა მოუკლავს ამ უსინდისოს! ჩვენი მარჩენალი ამაყა!

გვერდზე გადაბრუნდა მოფამფალებული თხა, თავით ჩაეკიდა თედოს ეზოში.

— შენ არ გაიხარო შენს შვილებში, ჩემი ოჯახის დამაქცევარო! — ამოიხრიალა სალომემ და ღობის ძირზე ჩაიკეცა.

ბავშვები გარს შემოეხვივნენ, უფრო უმატეს ტირილს.

ლიად დარჩენილი პირიდან სისხლი სდიოდა თხას, წითლად უღებავდა თეთრ წვერს და წვეთ-წვეთად ჩამოსდიოდა ძირს.

— მკვლელი, მკვლელი, რა დაუშავა, რა შეუჭამა ისეთი. — ძლივსლა ჩურჩულებდა ქალი.

— ჩვენი ამაყა, ჩვენი საწყალი ამაყა, — ტირილით ეპასუხებოდნენ ბავშვები და გაქვავებულ სახეზე უტყაპუნებდნენ ხელებს მკვდარ თხას.

ძირს დააგდო მიხამ ორლულიანი და ხელებზე დაიხედა.

გვიანდა იყო. ამაოდ ცდილობდნენ თედოს ტიტლიკანა ბავშვები გაშეშებული ამაყას გაცოცხლებას.

ციემა ოფლმა დაასხა პატიანთ მიხას.

— ოოუუ! — უნდოდა ამოეგმინა, თვალი კი დააჭყრტა.

მუთაქაზე ედო თავი, ზევიდან აივნის ქერი დაჰყურებდა.

ელდანაკრავივით წამოხტა, გაოფლილი შუბლი მოიწმინდა და ძირს გადახედა.

თედოს თხა ეზოში იდგა, ხომარდულისათვის ზურგი შეექცია და ახლა ბროწეულს ეჯაჯგურებოდა. არც სალომე და ატირებული ბავშვები ჩანდნენ.

— ფუ! — გადააფურთხა გვერდზე. ბრახუნით ჩაიარა კიბე, თოხრ აიღო და განიერი ნაბიჯით გასწია ვენახისკენ.

— მოვკლავ ამ სამგლეს, ერთხელაც იქნება, მოვკლავ!

... ბინდა უინფოუსკლელი

კახეთისაკენ, გადახურებულ ასფალტზე მიზუზუნებდა მანქანა.

წყარობთან თავშეყრილი ხალხი, სახეღანძული დედაკაცები, ცხვირ-პირ მოთხვრილი ტიტლიკანა გოგო-ბიჭები, გზისაკენ ზურგშექცეული ქვითკირის სახლები...

შოფერი ლაპარაკის გუნებაზე იყო. იცოცხლე, წლეულს მოსავალ დაგვიდგებაო. ცოტა გვალვებმა შეაწუხა ვაზი, ერთი კარგი წვიმა სულს მოათქმევინებსო ვენანს. მეტე გზებზე მოჰყვა — ქალაქში აღარ გაისვლებაო, შენისთანა მგზავრი მიმრავლოსო ღმერთმა. გაიცინებდა და გადმოხედავდა.

კრიკაშეკრული უგდებდა ყურს მგზავრი.

ბოლოს, მობეზრდა შოფერსაც, კარგი ხვითო ყოფილხარო, გაიფიქრა და თვითონაც გაჩუმდა.

გვიანლა ინანა მგზავრმა — ეს ხმამალალი, ხორკლიანი ქართული, ასე დაუდევრად რომ იხარჯებოდა ერთი კაცისათვის, სანატრელი გახდომოდა.

ოცდაათი წელიწადი... ყელში ჩაწებებული ნალველისა თუ სინანულის მომწარო გემო... როგორღაც უცნაურად გასხვისებული ნაცნობი მიწა... მის აქ არყოფნაში ნაბარტყი კანჭა ბიჭები და გოგოები, მთელი თაობა...

უიმისოდ და უჩუმრად გალუულიყო ეს ამოდენა დრ.ა...

— მოვედით.

შოფერი სანახევროდ შემობრუნდა და უფრო ხმაძალდა გაიმეორა. ანგარიში გაუსწორა, მერე შავი სათვალე გაიკეთა და მანქანიდან გადამოვიდა.

შოფერმა ცერად გახედა მტერიან გზაზე აჩოჩხილ კაცს, რაღაც ჩაილაპარაკა, ხმაურითა და ზათქით მიატრიალ-მოატრიალა მანქანა და ომავ გზით გააბრუნა უკან.

ხის ღობემოვლებულ ეზოში ატმის ხეები იდგა...



— ნიკა ძია სამოცდარში... სამი წლის თავზე მარო დეიდაც და-
ვსაფლავეთ — კალთაში ჩაეწყო დედაკაცს ხელები, ერთ წერტილს
დასცქეროდა და ისე ჰყვებოდა. — ლოდინით გაწყალდნენ მოხუცები,
მაინც არ ჰკარგავდნენ იმედს, რამდენი იყო, უგზო-უყვლოდ დაიკარ-
გა, როდის-როდის და, გამოჩნდებოდნენ. აგე, სულიკოანთ თანდილა,
ომის გათავებიდან თხუთმეტი წლის მერე არ მობრუნდა? ჩვენი გო-
გიასიც ხომ არც ჰო ვიცოდით, არც — არა.

ეზოში ისხდნენ, დიდი თუთის ქვეშ.

ახლა კი გაიგო — აღარ იყვნენ მოხუცები. ეს დედაკაციდა შემორ-
ჩენოდა დაცარიელებულ ეზო-კარს. მისი ღვიძლი ბიძაშვილი, სალო-
მე. მობერებულყო ისიც.

ანაგელი სვიმონიშვილი ვარო — ვინაობა დამალა. ერთად ვიბრძო-
დით მე და გოგია ვორონეჟთანო. უკან ვიხევდით, დაჭრილებიც ვერ
გამოვიყვანეთ, მტრისა და ყინვის ანაბარად დარჩნენო დაღირჯნილ
ველზე. მერე მეც ტყვედ ჩავვარდიო. ორმოცდახუთმა შუაგულ ევრო-
პაში მომისწროო. მეტი არაფერი უთქვამს. საფრანგეთის დელეგაცი-
ას ჩემსავე მიწაზე სტუმრად ჩამოვიყვებო, ესლა დააყოლა ჩუმად.

სხვა აღარაფერი უთქვამს.

სახლი კარგა მოძველებულიყო. რიკულებს ჟანგისფერი დადებო-
და. „კიბეც არ გამოუცვლიათ მას შემდეგ“. ერთი შინდიგორადა იდგა
ძველებურად. ისეთივე იყო, ფეხშიშველი რომ აირბენდა ხოლმე სულ-
მოუთქმელად. სადღა ახსოვდა, დათვი იცისო შინდიანში. ახლა ის
ზატრაკვეცა სალომეც რომ აეკიდებოდა?.. ქვეშაფსია გოგოსთან რო-
გორ ვიაროო, წაუქუსქუსებდა. სახლს რომ მიეფარებოდნენ, ერთს
შაინც წაჰკარავდა, აატირებდა. მერე შეეცოდებოდა, კაბით მოწმენდდა
ცხვირს და, ეს ერთხელაცო, ბევრს თუ არ იტლიკინებ გზაშიო.

„როგორ დაბერებულა“.

დილაადრიან ლელვზე აეპარებოდნენ ხოლმე ნინო ძალოს, თან

კამდნენ, თან ყურს უგდებდნენ. წიწილები მეხოცებაო, თავისთვის ჯავრობდა დედაკაცი, ის წყეული თრია მპარავს, ტყის პირას რომ წრიპინებს ღამ-ღამობით, ვინმემ თუ გააბრაზაო. საქათმესთან ჯამით რძის დადგმას აპირებდა, მოუბრუნდება გულიო. ნუთუ თრიაც კატასავით შეხვრიპავს რძესო, უკვირდათ ორთავეს. საბძელს მოფარებულნი უთვალთვალდნენ მთელი დღე.

უცნაურია, თითქოს არც დაძრულიყო დრო ადგილიდან.

ეს არის, ღობის ფიცარი ჩაჰიანებულა და ჩაშავებულა, თუთაც კარგა მალა ასცილებია კრამიტებს. ატმები... აკი, წელანვე დაადგა თვალი... ჩამოხნიქილი ტოტებით იპე იდგენ — არც ყოფილაო ეს ოცდაათი წელიწადი! მერე იქვე ინანა, ცთუნებას რომ აპყვა — „ამდენს რა გააძლებინებდა საცოდავ ატამს“.

— სალომე!

დალეული მოხუცი ქალი იდგა ღობეში დატანებულ კართან.

— შემოდი, ნინო ძალო, სტუმარი მყავს, გოგიას ფრონტელი მეგობარი...

დედაბერი ფაჩუნით წამოვიდა.

— აივანზე ვიჭექ, მანქანიდან რომ გადმოდრიოდი, შეილო. ჩვენ გოგიას მიგამგვანე, გადამიქანდა გული, მინ ველარ დავდექ. გოგიას მიგამგვანე-მეთქი, რომ გითხარი, არ მიწყინო, შეილო. იმანაც ეგრე იცოდა. სანამ ეზოში შემოვიდოდა, გარედან გადმოხედავდა ხოლმე... ეგ შავი სათვალე... თვალი ხომ არ გტკივა. — ჩაეკითხა დედაბერი.

არაო, სათვალისაქენ წაიღო ხელი ნაუცბათევაღ.

— ჩვენებურმა მზემ დამცადა ალბათ. თანაც, შევეჩვიე უკვე და...

— ჩეჩნი გოგია... ვორონეჟთან დალუპულა, ნინო ძალო... — ძლივს ამოიტანა სალომემ.

დედაბერი ერთხანს უნდოდ შეჰყურებდა, მერე ხილაბანდის ბოლო აიფარა პირზე და ადუღუნდა:

— ბედდამწვარი... ვერ გაიხარა თავის მიწაზე. ბედდამწვარი... ბედდამწვარი... არც ამათ ჰქონიათ სასიცოცხლო თავი. ტყუილად არ ამბობდა საწყალი ნიკა, ცოცხალი იყოს, არ დადგებოდა სხვაგანო. ენა გავიხმესო, პირში შეატეხავდა მარო, გული მიგრძნობს, ცოცხალია ბიჭო. რა ვუყოთ, რომ არ იწერება, ჩამოვაო, როცა იქნება, არ დაგვაგდებსო მოხუცებს.

როგორღაც შორიდან ისმოდა დედაბრის ჩიფჩიფი.

საყდრის კედელზე ამობლდა იმ დღეს. ფეხი დაუცურდა. დახეული პერანგი და დასისხლიანებული კანჭები ჩამოიტანა ძირს. თბილი წყლით ჩაჰბანა დედამ დაყვლეფილი ფეხები. გამეტებით დაუსვამდა ხელს, წყალმა ჩაიტანოს ყველა ჰირი და სატკივარიო. მაშინ კი მოითმინა, მაგრამ ეგრე რად გამიმეტა დედამო, გულდათუთქული სლუ-

კუნებდა ლოგინში. ფრონტზე რომ მიდიოდა, მაშინ მოაგონა, რა გატირებდა, ეგრე მზრდილიო, განა? გაჩუმილიო, დედაკაცო, მამაც წამოეშველა, შენ იციო, შვილო, იქ არაფერი აიტეხო, შენდა დარჩი ქორაანებისა, მტერი არ გამიციხო ოლონდო.

პირზე ხელაფარებული დუდუნებდა ისევ დედაბერი:

— არ დადგებოდა! გაკერბდებოდა ნიკა და უარესად შემოენთებოდა გულზე. რას ამბობო, დედაკაცო! შინდიგორის უნახავად, თეთრანთ წყაროს გარეშე რა გააძლებინებო აქაურ კაცს ცხრა მთას იქით! გაძლებსო და, გინდა მკვდარი, გინდა შინმოუხვლელიო. ჩაპკიდებდა მერე თავს, იჯდა და ჩაპყურებდა მიწას, არ ეთმობოდა შვილი. ეექვ, საწყალი ნიკა, საწყალი, — უფრო და უფრო ხმადაბლა ჩიფჩიფებდა დედაბერი. — შვილის დარღმა მოიდნო საცოდავი. ისე ამოიძირკვოს ჩვენი დუშმანი, როგორც მაგისი გვარი ამოიძირკვა.

რალაც გამეტებით წიწკინდა შიგნით.

— აი, მოშიშვლებული ადგილი რომ მოჩანს ტყის თავზე, შინდიგორას ვეძახით, იქიდან გადმომახედებდა ხოლმე, — ახლა სალომე აპყვა დედაბრის დუდუნს. — პატარა ხუხულას მომაძებნინებდა სოფელში, ეგ არიო ჩვენი სახლი. მოდიო, მეტყოდა ხოლმე, რაც იქნება, იქნება, დაგაგორებო აქედან. ნუ გეშინიაო, იგრე ჩახვალ, ვერაფერს გაიგებო. განა არ ვიცოდი, მემასხრებოდა. ამიცრემლდებოდა, მაინც, თვალები.

მალმალ წაიღებდა კალთაში ჩაწყობილ ხელებს, უჩუმრად ტიროდა სალომე.

უფრო დაბერებული ეჩვენა სამფეხზე ჩამოძვარი დედაკაცი, ძალა დაატანა თავს, ვერაფრით მოარგო ერთმანეთს ეს შეწითლებული ქუთუთოები, ცრემლით გაზეთილი სახე, დამძიმებული დედაკაცური სხეული და ის კანჭა გოგო, ენაგაკრფილი რომ მისდევდა ხოლმე შინდიანში.

როგორ ურბენია დროს... ორად ორი უნაყოფო დედაკაცი იზეთებოდა ქორაანების ეზოში... რა მრუდედ ურბენია დროს...

წყაროებთან თავშეყრილი ხალხი... ტიტლიკანა გოგო-ბიჭებით სავსე სოფლები...

გინდა მკვდარიო!..

შეგაწუხეთო ალბათ, ძალიძალად თქვა და წამოდგა.

— დაიცა, შვილო, ჩვენი ლედვისას გადმოგიტან, — მოკაკული წელი ათორია მოხუცმა. — ამ სიცხეში სად წახვალ, მოსალამოვდეს, აგრილდეს ცოტა.

— მე რალამ დამიბნია თავგზა. — ტუჩი მოიკვნითა სალომემ. — ერთი წუთით, ეხლავე მოგართმევთ ხილს.

ნუ შეწუხდებითო, თვითონვე შეაწოდა ხელი ატამს, წითელ-ყვი-
თელი საპობი მოგლიჯა.

— გოგიას უყვარდა ეგ საპობი, დრომ უწიათ და მოხუცების
თვალწინ გახმა სათითაოდ. სადღაც იშოვნა ნიკამ იმავ ატმებისა, ძველ
იდგილებზე ჩაყარა...

• • •

... ვაგონის ფანჯრებიდან უკანმოუხედავად გარბოდნენ ქართლი
ველები. ფრანგ ტურისტთა ჯგუფი სამშობლოში ბრუნდებოდა.

ხ ა ტ ი

ეხლაც მგონია, რომ სწორად მოვიქეცი. სხვა გზა მაინც არ მქონ-
და. ასე ვიფიქრე. თუმცა, სიმართლე გითხრათ; არც მიფიქრია. ყვე-
ლაფერი თავისთავად მოხდა. რალაცნაირ ბურანში ვიყავი, ცული სიზ-
მრის შემდეგ რომ იცის, ისე.

გონს მაშინდა მოვედი, პაერის ნაცვლად რალაც მძიმე და ცივი
რომ ჩავისუნთქე.

წყალი. არ მეგონა, ასეთი მძიმე თუ იქნებოდა, შიშმა და ტკივილ-
მა ფიქრით ხიდის მოაჯირთან დამაბრუნა. არ მახსოვს, ვინანე თუ არა.
ეს იყო, ხელფეხის ქნევა დავიწყე, მგონი დავიყვირე კიდეც. ალბათ
სასაცილოდ ვფართხალებდი. ბედად ცურვა არ ვიცოდი, არავის
უსწავლებია. თუმცა რა, არც არავისთვის მითხოვნია, მასწავლეთ-მე-
თქი. სიცილით მოკედებოდნენ რომც მეთხოვნა — მუნჯმა ცურვა მო-
ინდომაო.

არ ვიცი, რატომ გიყვებით ყველაფერ ამას. თუ რამე მასწავლა
მანდ გატარებულმა წლებმა, მხოლოდ ის, რომ ჩუმად უნდა ვიყო.
მაშ რაღა მალაპარაკებს? მე ხომ არასდროს არაფერი მითქვამს. სი-
ტყვა არ ამოსულა ჩემი პირიდან. ჩვენი მეზობლის პატარა ბიჭმაც,
მეხუთე სართულზე რომ ცხოვრობს, აი იმ პატარა ბიჭმაც კი იცის,
რომ მუნჯები არ ლაპარაკობენ. სამაგიეროდ, მე გისმენდით, გისმენ-
დით... კაცმა არ იცის, რა უფრო ძნელია. მე მაგის მსაჯული არა ვარ.
მაგრამ დავილაღე. მოსმენით. ყოველდღე. გამუდმებით.

რა ვიცი, იქნებ ამანაც გამომაქცია ხიდისკენ. ეხლა დრო თავზე-

საყრელი მაქვს, ფიქრისთვისაც, ლაქლაქისთვისაც. იქნებ ამასაც მივ-
ხედე.

არაფერს ვნანობ. თუმცა, როგორ არა — იმ წუთებს, მზესავით
რომ გაანათა ყველაფერი. ასეთი რამ მანამდე არ მენახა. არც მეგრძნო.

ახლაც შემიძლია დავიფიცო, რომ ხატი იყო. ნამდვილად ხატი
იყო, თორემ...

მეორეჯერაც რომ ჩავისუნთქე. მაშინაც ის ხატი გამახსენდა და
შერეულა დამეხვია თავბრუ.

ღმერთს თქმის ნიჭი მოეცა. ვიტყვოდი. უთუოდ ჰქვია რაღაც სა-
ხელი. იმ სახელისა თუ სიტყვის გაგონებასა და თქმას ვიკმარებდი.
ვიკმარებდი და იქნებ ბედნიერიც ვყოფილიყავი... ჰეე, ვგრე არ ყოფი-
ლა ეს ქვეყანა.

ესლა რა, თქვი — არ თქვი. ლაპარაკითლა თუ ვიჯერებ გულს. იმ
მხატვარივით...

ერთად გავიზარდეთ, ერთად ვთამაშობდით ეზოში. ჩემს გვერდით
ცხოვრობდა, მეექვსე სართულზე. რაც არ უნდა ყოფილიყო. უჩემოდ
არ ჩავიდოდა ბიჭებთან. ყოველთვის თავის გუნდში მათამაშებდა. ეს
არის, სხვადასხვა სკოლაში ვსწავლობდით, ის — თავისაში, მე — ჩემ-
საში. მერე მე ქარხანაში დავიწყე მუშაობა, ის სამხატვრო აკადემიის
სტუდენტი გახდა. სკოლაშივე კარგად ხატავდა. რა უნდა ეთხოვათ,
ვერ მოეხერხებინა. ხელდახელ მოხაზავდა ფურცელზე — სახლებს,
ფეხბურთის თამაშს, თვითონ ბიჭებს. დახატავდა და დაარიგებდა. მე-
რე, სტუდენტი რომ გახდა ცოტა შეიცვალა. ბიჭების ხატვას თავი გა-
ანება, აღარც ნახატებს არიგებდა. ოთახი სახელოსნოდ აქცია — ტი-
ლოებით, საღებავებითა და ფუნჯებით გაავსო. კედლებზეც სურათე-
ბი ეკიდა, სულ თავისები. იშვიათად დადიოდა ვინმესთან, შინაც თით-
ქმის არავინ აკითხავდა. ნელ-ნელა ჩამოსცილდნენ თანაკლასელები
თუ ამხანაგები. უკარება გახდა. მე მესმოდა მისი. ისე უყვარდა ხატ-
ვადა და თავისი ტილოებიც, მართლაც აღარავინ სჭირდებოდა. თუ
ქარხანაში არ ვიყავი, იმის სახელოსნოში ვიჯექი ერთთავად. სანამ ხა-
ტავდა, მე ვათვალისწინებდი. გამოფენებზე სიარული არ მიყვარდა, ის
ნახატები იყო ჩემი გამოფენა. ხელოვნების გაცნობაც ჩემი მეზობლის
სახელოსნოთი იწყებოდა და იქვე მთავრდებოდა. მაშინ მომწონდა
ყველაფერი, რაც იქ, კედლებზე ეკიდა. ნაცნობი ქუჩები, სახლები.
ცოტა შეცვლილი კი იყო. მაგრამ მაინც ნაცნობი იყო. ფიქრებით მივ-
ყვებოდი ქალაქის ქუჩებს, ბაღებს. ვადარებდი. განა საკვირველია,
რომ მიხაროდა? სხვა გასართობი ხომ მაინც არ მქონდა. ხატვას რომ
მორჩებოდა, კარგა ხანს შორიდან ათვალისწინებდა. მე იმისი სახით
ვხვდებოდი, მოსწონდა თუ არა. მერე დამიჯდებოდა გვერდით, ხელს
წამომარტყამდა, იცინოდა. კარგ გუნებაზე იყო. სიტყვები არ მესმო-

და, მაგრამ ვხედობოდი — თავის ნახატებზე მელაპარაკებოდა. რა თქმა უნდა, მარტო ნახატებზე არა. ქალებზეც, პოეზიებზეც, ფეხბურთზეც. უფრო მეტს კი მაინც ნახატებზე. აბა, მე რა მომსმენი ვიყავი, მაგრამ... უკვე გითხარით, მეგობრები სულ ჩამოსცილდნენ-მეთქი. თურმე მარტო ეს არ ყოფილა მიზეზი. ყველაფერს იმ დღეს მივხვდი. და საერთოდ, ბევრ რამეს მივხვდი იმ დღეს.

არ ვიცი, გითხარით თუ არა, ხილთან სირბილით რომ მივედი. ეს ხილიც დახატული ჰქონდა, წყალიც. იქ, კედელზე ჩამოკიდებულ ჩარჩოში, არც ასეთი ღრმა იყო, არც ასეთი მღვრიე. სწორედ მოაჯირთან გამახსენდა ის ნახატი. შემიძლია დავიფიცო, რომ არასდროს მდგარა ამ ადგილზე. არასდროს, თორემ არ შეიძლება არ შეემჩნია...

ეგჰ, მერე ყველა კარგები ვართ, ჭკვიანები, ის ხატი არ ყოფილიყო, არაფერი შეიცვლებოდა. ებლაც იქ ვიჯდებოდი, სახელოსნოში, შიშველი ქალების ცქერით გართული. კარგად ხატავდა. კარგად ხატავდა, თორემ იმ შიშველ სხეულებზე ფიქრი ძილში აღარ გამყევებოდა.

იმან, იმ ხატმა შეცვალა ყველაფერი. მზეს რომ ჰკავდა. მზესავით მართალი რომ იყო. მაშინ დამთავრდა ყველაფერი. იქნებ დაიწყო კიდეც. არ ვიცი.

მაინც არაფერს ვნანობ. ან რატომ უნდა ვინანო. მას მერე თითქოს თვალი ამეხილა. მანამდე უცნობი ხმებიც სულ ახლოს, გარკვევით გავიგონე. ახლა დადეთ სასწორზე, აქეთ — ის, რაც დავთმე, და იქით — რაც შევიძინე... თუმცა თქვენ რა გაქვთ ან დასადები, ან ასაწონი. მე კიდევ მარტო ამისი არც არაფერი ვიცი და ვიცოდე კიდეც, ვერ მოვახერხებ. ეგეც არ იყოს, ეხლა გვიანდაა. მერე საკუთარი ნაფეხურების თვალღერება იოლი საქმეა, მაგრამ მაშინაც შეიძლება შეცდე. ან ყური მოგატყუებს, ან — თვალი. კარგი; ამასაც თავი დავანებოთ, საკუთარი თუ სხვისი ნავალი რალამ გაყო, შენაირებს ცოტას ჩაუვლიათ თუ რა!

ეგჰ, ტყუილად ვლაქლაქებ. ჩემი ვერაფერი გამიგია, თქვენ რას გამიგებთ. ხეირიანად ყურის გდება რომ ესწავლებინა ვინმეს, კიდევ ჰო.

ან იმ მხატვარმა იცოდა? არც იმან იცოდა, თორემ...

დაბადების დღე ჰქონდა. ბოლოს ორი გოგოლა დარჩა. ორივე მთვრალი იყო. არ წახვიდნენ. მერეც კარგა ხანს ცეკვავდნენ, იცინოდნენ, სვამდნენ და ისევ იცინოდნენ. აქეთ-იქიდან მომკიდეს ხელი, ორივე თავისკენ მეწეოდა. ოფლით გადაგლეხილ შუბლზე თმა მისწებებოდათ, ამღვრეულ-აჭრელებოლ თვალებში რალაც ბოროტი ცხოველი ჩასჯდომოდათ. ეხლაც არ ვიცი. რამ გააბოროტათ ასე. თვითონაც ხედებოდნენ, გაბოროტებულნი რომ იყვნენ. არა, მიზეზს არ და-

გიდევდნენ, ჯავრის ჯავრათვი გაჭუძება უნდოდათ. იღბალი იყო თუ რა, ბედად მე ჩავუყარდი ხელში — იქვე არ ვიყავი? გაემწარდი: თქვენ კი არ გამწარდებოდით? მხატვარი რომ არა, ორივეს იქვე გაეუქმეჭყავდი თავებს, გველის წიწილივით. მკლავები გამოვგლიჯე და გარეთ გამოვევარდი.

მერე კარგა ხანს აღარ გავკარებხვარ ჩემი მეზობლის სახელოსნოს. ერთ საღამოს კიბეზე შევეჩიხე. დაღლილი, სასოწარკვეთილი სახე ჰქონდა. უნდოდად გამიღიმა. ჩემთან წამოდიო, ხელით მანიშნა. შემეცოდა. ასეთი ბევრჯერ მენახა, უფრო შინ დაბრუნებისას. ექვით რომ ვხვდებოდი, თითქოს დავიჯერე კიდეც — ეტყობა არ მოსწონდათ მისი ნახატები. უფრო შემეცოდა. არადა, მართლა კარგად სატავდა, ყოველთვის ასე ვფიქრობდი, იმ საღამოსაც, კიბეზე რომ ავლიოდი ერთად.

იმ ხატმა ყველაფერი შეცვალა, ყველაფერი არია. ისე, კაცმა რომ თქვას, არავინ იცის. საამისო საზომი ჯერ არ მოუგონიათ. ყველას თავისი არშინი აქვს. ისიც საკითხავია, გვეკითხება რამე თუ არა. სიმართლე კი ნამდვილად ერთია. ჩემი — უსაგნო ლაქლაქი და წყლით გაესებული ფილტვებია.

სიკვდილიო, იტყვით და ჩემს გალურჯებულ სხეულს წარმოიდგენთ. ეგ თქვენი ნებაა. მე სხვანაირად ვფიქრობ, სხვანაირად ვყოფ ცოცხლებსა და მკვდრებს. თეთრი და წითელი ბურთულაკებისა და გულის კუნთების არაფერი გამეგება. ისიც მგონია, ყველაფერი ეს არსებითი არ უნდა იყოს.

ისევე სისულელეებს ვროშავ. ხომ წამომცდა წელან — ბედად ცურვა არ ვიცოდი-მეთქი. არადა, როცა შეგიძლია და ვალდებულები ხარ ყოველდღე ხარჯო რაღაც მარაგი — სიტყვებზე გეუბნებით — გინდა, არ გინდა, სისულელესაც გამოვურევ. კარგია, რომ მე ეს ჯერჯერობით არ მეხება — კარგა დიდხანს მქონდა პირი ჩარაზული. ის სიტყვაც — ბედად არ ვიცოდი-მეთქი — ვხვდები, ჰაიპარად არ წამომცდენია.

ყველაფერი, რაც იყო, თავისთავად მოხდა. ერთი კაცისთვის მხოლოდ ერთი გზაა. ერთდროულად ორზე ვერ გაივლი. განგებამ მეც ეს უხმაუროდ და უჩუმრად სავალი დამითმო. ის ხატიც, თანდათან ვრწმუნდები, ადრე თუ გვიან, სადღაც უნდა გადამდგომოდა წინ. მოულოდნელი კი იყო, მაგრამ სხვანაირადაც რომ არ შეიძლება? ადრე თუ გვიან ყველას გვეხილება თვალი. მანამდე კი... თუმცა, რა მანამდე, აკი გითხარით, თქმის ნიჭი ვერ გამოიმეტა ღმერთმა.

მიფიქრია, როგორ არ მიფიქრია, აი ახლა ვიტყვი, ყველაფერს ვიტყვი-მეთქი.

ვიტყვი-მეთქი...

არ ვიცი, დამყვა თუ მერე ვისწავლე. იქნებ მასწავლეს კიდეც:

ენისწევრამდელა თუ მომყვებოდა სათქმელი, რომ ყრუ ვარ, რომ მეშინია, რომ ძალიან მიყვარს ის, რასაც საკუთარ თავს ვეძახი. არა-და, ყრუც ვიყავი, მშინარაც, ჩემი არსებაც ერთობ ძვირად მყავდა შეფასებული.

ვიცი, საბუთებს მოითხოვთ, საამისოსაც კი — სად გაგონილა ასეთ რამეებს იბრალებდნენ! სად გაგონილაო, იფიქრებთ და იქნებ გალიზიანდეთ კიდევ. უფრო დაუინებით მოითხოვთ. მე კი არაფერი მაქვს, არც მქონია. აი, ჩემი ცხოვრება, თავიც და ბოლოც, ღმერთმა ქნას, გამოგადგეთ.

მაშინ, ბავშვობისას და მერეც, ბევრ რამეზე არ ვფიქრობდი, ბევრიც თითქოს საჩემო არ იყო და თვალს ვარიდებდი. ეტყობა, ნელ-ნელა დაგროვდა, დაგროვდა და...

ბებიას კალთა... პირველი სიხარული, წლების მანძილზე აკიანთებულ სხივად რომ შემორჩა მეხსიერებას.

ბებიას კალთა... ნავსაყუდელი, თბილი და უქარო. არაფერი იცვლებოდა იქ, მყარი, უკვდავი იყო იქ ყველაფერი.

... დიდ ოთახში, შავგადაფარებულ ტახტზე დასვენებულ პაპასთან შემიყვანა დედამ. კედლებთან მიწყობილ სკამებზე ორი თუ სამი თალხიანი ქალი იჯდა. გულხელი დაეკრიფა ბებიას, ჩუმად ტირიდა.

პაპის სიკვდილზე უფრო სხვა რამემ შემაშინა. მივხვდი, ის დღეც მოვიდოდა როცა ბებიაც, მერე დედა, მამა და მეც... როგორ ყოფილა მოწყობილი ქვეყანა...

მინდოდა მეთქვა, ყველაფერი მეთქვა. განა იმ დღეს არ დამთავრდა ჩემი უღარდებლობა, განა იმ დღეს არ ჩავხედე ცხოვრების ყველაზე დიდ საიდუმლოს? განა ტყუილად არ ვიცრემლები ახლაც? ჩემზე კარგად ვინ იცის, რომ თქმისა და გაგონების უნარიც მქონდა, მაინც ვერაფერს ვიტყოდი? ეგეთებზე ხომ არ ლაპარაკობენ. სასაცილოები ვართ. უერთმანეთოდ ვერ ვძლებთ და სახლები ავიშენეთ, შიგ გამოვიკეტეთ, სხეულს ტანისამოსი ავაფარეთ, გულისნადებს — სიტყვები. სასაცილოდ მორცხვები და საცოდავები ვართ.

ასეც გაგრძელდა, სირცხვილს, შიშსა და უთქმელობის დარდს შუა მოექცა ყველაფერი.

ჩემები თანდათან გამეცალნენ. მხატვარი და სამუშაოლა დამრჩა. დაზგასთან იწყებოდა და კიდევ მთავრდებოდა ჩემი დღე. საათი, საათი, კიდევ საათი. ლითონის ბრჭყვიალა ბურთულები. ლაპარაკი არ იკოდნენ-მეთქი რომ გითხრათ, არც გაგიკვირდებათ. შესძლებოდათ კიდევ რაიმეს თქმა, რა იქნებოდა. ათასობით იყვნენ, წვეთი წყალივით ჰგავდნენ ერთიმეორეს, განსხვავებულსა და ახალს რას მეტყოდნენ.

იმ ხატმა...

სიგიჟე იყო, მეტყვიო. თუ ასეთი რამის დანახვას სიგიჟე სჭირდება, მაშინ მართლაც სიგიჟე იყო. ამაზეც ყაბულსა ვარ.

ის ფანჯარასთან იდგა, განათებულ ოთახში. დამავეიწყდა, დაღლილი რომ ვიყავი, დამავეიწყდა, მეორე ცვლიდან მობრუნებულს მხოლოდ ძილი რომ მიტრიალებდა თავში. არ ვიცი, რამ მოიყვანა ფანჯარასთან — შიშველი იყო. განათებულ ოთახს სიფრიფანა ქსოვილი ჰყოფდა ქუჩისაგან. გაეჩერდი. არ მახსოვს, იყო თუ არა ვინმე ქუჩაში, არ მიმიქცევია ყურადღება. იდგა და საღლაც იტკირებოდა. იქნებ არც არაფერს უტკირდა და ფიქრობდა. კაცმა არ იცის, რაზე. ერთი კი ვიგრძენი, თავისივე სიშიშველე ახარებდა. ეტყობა, სულ მარტო იყო ოთახში, სხვანაირად ასეთი სილაღე წარმოუდგენელია. იმ სიშიშველითა და სილაღით ტკებოდა. მკლავები, წელი, მუცელი, თეძოები — ამდენი სითბო ერთად არასდროს მენახა. ხატი! დამიჯერეთ, ხატი იყო! არა, არა, ლამაზი არა, არც მშვენიერი. ხატად კი დავინახე, მაგრამ სიმართლე იყო — მარტივი, უსამოსლო. უნიღბო.

ასეთი რამ ერთხელ ხდება. თითქოს სინათლე ჩამელვარა თავში, ყველაფერი საოცრად სადა, ხელმისაწვდომი გახდა. მოქანავე კოშკის წვერზე შერჩენილივით მივეკარ ჩემს ახალადმოჩენილ სასწაულს. სხვა დანარჩენი კი ქვევით, შორს, ჩემგან ძალიან შორს დარჩა. მერე წამოვიდნენ წლების სიბნელიდან გამომტყვრალი ჩემი ცხოვრების სურათები, ათობით, ასობით. ქრებოდნენ, ახლები ჩნდებოდნენ. მოდიოდნენ და მოდიოდნენ, უგემურები, ფერმკრთალები, ყალბები. მახსოვს, რაღაცის თქმა დავაპირე, თითქოს დავიყვირე კიდეც. ქუჩა მოვათვალე — ცარიელი იყო. ჩემივე ძახილიცა და ექოც მხოლოდ მე შესმოდა. ამასაც მივხვდი და კანკალმა ამიტანა. რაღაც უნდა მეთქვა. ვიღაცისთვის უნდა მეთქვა! დრო კი თავისი გზით მიდიოდა — დინჯად; გულგრილად.

სწორედ ამ დროს გამახსენდა — მხატვარი!

მახსოვს, რომ გავბოდი. არა, დედამიწა ბრუნავდა ფეხებქვეშ. შესასვლელთან წითელ ღილაკს დავადგი თვალი — ლიფტში ლოდინს ვერ ავიტანდი, გიჟივით ავიარე ექვსი სართული.

შინ იყო. ხატავდა.

გაკვირვებული შემომაჩერდა, ალბათ, სახეზეც მეტყობოდა.

ოთახში არაფერი შეცვლილიყო — ფუნჯები, საღებავები, კედლებზე გამწკრივებული ნახატები. კიდევ ერთი ადამიანის, ჩემნაირისა თუ ჩემივე მსგავსის ნაკვალევი — მრუდე, მახინჯი.

მზე ხატი! მზე-მეთქი! — იჯდა და შემომტკეროდა.

ფუნჯი გამოვლიჯე ხელიდან, ვერ გავბედე და იატაკზე დავაგდე. ხატი! ხატი!

ხელი მომკიდა და სკამზე დამსვა. რაღაც მითხრა, მერე კიდე, კი-

დევ... ალაპარაკდა, როგორც იცოდა, როგორც შეჩვეული იყო, როგორც წესად გვექონდა ჩვენივე უსიტყვო თანხმობით.

მახსოვს, რომ ავდექი. გავრბოდი მერე. ისევ ტრიალებდა დედამიწა. სიჩუმის წლების მეტი რა მახსოვდა — ასეთი ამაზრზენი სიჩუმე არ მენახა. ქვეყანა დაკლილიყო, დამუნჯებულიყო. უხმოდ მოსრი-
ალებდა ეს ამოდენა მიწა და კაცი არ იყო, კაცი, ყური მოეგდო. ადამიანებო... ადამიანებო!.. დაყრუებულ სიცარიელეში იკარგებოდა ფუქი ძახილი...

ხიღზე ვიდექი, ცივ მოაჯირზე მეკიდა ხელი. არ გამკვირვებია, არც არაფერი მინანია, არც ეხლა ვნანობ, სხვას არც ველოდი — კარგა ღრმა იყო წყალი, გულგრილიც. როგორც მივენდე, ისეც ჩამიხვია, ხელფეხიც ტყუილად ვიქნიე. მერე ის გამახსენდა, ერთხელაც ვცადე ჩასუნთქვა და... ტკივილი აღარ მიგრძენია.

ეს იყო და ეს.

თეთრი არაბულაზი

აღარავის ეკუთვნი. არც აღარაფერია შენი. კიდეშეკრეჭილი ქალღმერთით ნაყიდი ორსაათიანი თავისუფლება ყველანაირ ვალსაც და თამასუქსაც პირობითს ხდის. შენთვისაც ზუსტად ასეთივე დამლა აუქრავთ.

წამიერ აღტაცებას მალევე ეკეცება ფრთები — ეს ვეებერთელა ლაპლაპა ლითონი შენს დაუხმარებლად აფრინდა და არც მერე დასკირდები. იქ, დაბლა, ვილაცამ უკვე გადახაზა რიცხვი 57. მგზავრი № 57 გამოცხადდა. ახლა შეგიძლია გულხელი დაიკრიფო, იფიქრო, ანდა დაიძინო კიდევ — ყველაფერს უშენოდ მოეველება.

სავარძლებში გარინდებული სხეულები. ერთად შეყრილი ასი სიცოცხლე. ცაში გამოჭრილი ორმაგი ფანჯრები. მფრინავის კაბინაზე ანთებული წარწერა — არ მოსწიოთ მანამდე და მერე კი სითბო, სიზარული და ცრემლები. და ეს ყველაფერი მხოლოდ იმისთვის, რომ ერთ მშვენიერ დღეს ისევ დაბრუნდე...

არავის ვეკუთვნი და არც არაფერია ჩემი.

კრიალა სალონში თავმოყრილი ადამიანები ორი საათის შემდეგ გაიფანტებიან. ვერაფერს შევაჩერებ, ვერაფერს ჩაეკვიდებ ხელს — ყველაფერი ნათხოვარია: თვითმფრინავის საარკმლის ჩარჩოში ჩასმული თვალისმომპკრელი სითეთრე — უსწორმასწორო თეთრი ზეწარი,

სტიუარდესას ღიმილი, იმის შეგრძნებაც კი, საზურგეზე უღარდელად მიწოლილი ღრუბლებს ზევით რომ დანავარდობ.

უპასუხო კითხვები ცარიელი ბოთლებივით დახვევებულა ერთმანეთზე — არც გარგია და თავიდან მოცილებაც გეზარება. თვალში გეჩხირება, გახსენებს დღეებს, წლებს, შეცდომებს — არაფერს რომ არ გამატებს და არც არაფერში გამოგადგება.

შეცდომებს... რას არ მოიგონებს კაცი.

ილუმინატორის მრგვალი ჩარჩოდან ისევ შემომცინის ორი საათით ნათხოვარი უღრუბლო ცა.

• • •

— გიყვართ შოკოლადი? — სიცილით ვანიშნე დალაქავებულ ტუჩებზე.

არაო, გაკვირვებულმა შემომხედა. მერე მიხვდა და თვითონაც გაეცინა.

— პიემენტაცია... — კიდევ რაღაც მითხრა. ბევრი ვერაფერი გავიგე, არც მიცდია. უხდებოდა და ესეც საკმარისი იყო...

ახლა ის ოდნავ წინ მიდის — რატომღაც გვერდიდან მომინდა ცქერა. წერწეტა წელი, ვიწრო მხრები, სავსე მკერდი. ჩამოშლილი თმა თითქმის მთლიანად უფარავს პირისახეს, კოხტა ცხვირი და ტუჩებიღა უჩანს — ნაპირებში ოდნავ დალაქავებული.

ნელა მიეუყვებით ფუნიკულიორისკენ მიმავალ აღმართს. მოშორებით მივდევ და ვათვალეირებ. ვიცი, რასაც ვეძებ, მინდა ნაკლი ვუპოვო. გაჭიმული რომანები არასდროს მიყვარდა, ეს კი, ცოტა არ იყოს, გამიგრძელდა, ცოტა კი არა. კარგა გეარიადა — ორი თვე შესრულდა დღეს. სინდისი, რა თქმა უნდა, არ მაწუხებს, მაგრამ ხელმოსაკიდიც ვერაფერი მიპოვნია — მართლა მომწონს ეს უტყინო.

ასეც ვუთხარი ამ ერთი კვირის წინათ, სწორედ ამ ქუჩაზე. პირიღია დარჩა, თვალები გაუდიდდა. გამეცინა და ისევ გავუმიერე.

ძალიან მიყვარს სიცილი. იქნებ იმიტომ, ათას სისულელესა და უხამსობას მოშინაურებული ძალივით უვნებელს რომ ხდის.

— როგორ მიყვარს ეს უტყინო. — სიცილით ვამბობ და ვიცი, ისეთი არაფერი მოხდება — ქალის სასწორზე დადებული აი ის მეორე სიტყვა ყველაფერს გადაწონის.

ძალიანაც სიამოვნებს, მაგრამ რატომღაც გაუბრბის ამ სიტყვას, ახლოს არ იკარებს. ერთი სიტყვით, არ სჯერა.

აი, ახლა თავს მოაბრუნებს. თვალებით გამიღიმებს და „უტყინოს“ გარეშე დამიბრუნებს ნათქვამს. იტყვის და დანალღვიანდება. ყველაფერი სიმართლეს ჰგავს. არა, მართო იმიტომ არა, რომ ასე უფრო

კარგია, რომ ასე მინდა, იმდენი სევდაა ამ გამოხედვაში, ამ სიტყვებშიც, რომ თუ რამე დამეჭრება, ყველაფერი სიმართლეს ჰგავს.

დამიბრუნებს ჩემივე ნათქვამს და მეც ზუსტად ისევე გავდგები განზე, არ მივიკარებ, რადგან არც მე მჭერა.

ორივეს საბუთები გვჭირდება. როგორი, კაცმა არ იცის.

— მეც, — თვალებით მეუბნება. — მეც...

ერთხანს მეჩვენება, რომ მეტისმეტად ურწმუნო. ავადმყოფურად ურწმუნო ვარ. მაგრამ თვალები მაინც საბუთი არ არის და ისევ ვფიქრობ, რომ წიგნებში აღწერილი დიდი გრძობები მხოლოდ საკუთარი ვნებების დასაცხრომად მოუგონიათ.

ვათვლიერებ: თმა, ვიწრო მხრები, ლამაზი მკერდი. ვათვლიერებ და მერე ის მესამეც მაგონდება — უცხო კაცი, ბალღამივით რომ ჩამწვეთებია სულში. რატომღაც მგონია, ის რომ არა, ყველაფერი კარგად იქნებოდ. ხანდახან ამ სისულელის მართლა მჭერა და მაშინ იწყება ჩემი გაბოროტბაც.

„ეს ხომ შენამდე იყო?“

როგორ მინდა ეს უმარტივესი აზრი კარგად ჩავიჭედო ტვინში, ყველაფერი გავიიოლო, ყველაფრისაგან გავთავისუფლდე. ბალღამი კი ისევ წვეთავს მძიმედ, გულგრილად... არც შეწყდება არასოდეს. ფილმებმა და წიგნებმა ბევრი ვერაფერი მიშველეს. მოწამლული ვარ მაჩემივით, პაპაჩემივით...

„ეს ხომ შენამდე იყო?“

ყველაფერი კარგად ვიცი, დამნაშავეს, ძალიანაც მოინდომო, ვერ მოძებნი და უფრო მემღვრევა ისედაც მოწამლული გონება.

„სად იყავი ამ ათი წლის წინ“... თავისი ჭკუით მამშვიდებს. იქ მამბრუნებს, იმ დროში, როცა სხვა საქმეები, სხვა საფიქრალი მქონდა, როცა მისი არსებობისა არაფერი ვიცოდი. ქალური ალლოთი აიგივებს ორივე წარსულს, ჩემსას და თავისასაც, ქალური ანგარიშობით ცდილობს დამარწმუნოს, რომ რაც იყო, სათვალავში ჩასაგდება არ არის. სიმართლეს კი ჰგავს, მაგრამ მაინც ერთი სული მაქვს — ძირიანად ამოვგლიჯო ყველაფერი, რაც ჩემამდე იყო.

ოდნავ წინ მიდის. მივყვები და ვფიქრობ. ალბათ, მეტისმეტი მომდის. ფიქრი აძნელებს ცხოვრებას — ეს კარგად ვიცი, მაგრამ რა.

„დრუნჩა!“

როგორღაც უნებურად შევარქვი ჩემი ბიჭის მეტსახელი, აღარ მახსოვს, როგორ და როდის.

— დრუნჩა! — ხმა ვიოლინოს მოშვებული სიმით მიყრიალებს. ჩემივე ხმისა მრცხვენია... არა, ასე ცქერა უფრო აუტანელია. დანადვლიანებულ თვალებში რომ ჩავეყურებ, ხუხულასავით იშლება ავადმყოფური კირკიტით ნაგები ტრაგედია და მეჩვენება, რომ მაინც, მა-

ინც ვიპოვე ის, ამდენ ხანს რომ ვეძებდი. მხოლოდ თვალეებში რომ ჩაეცქერი, დანარჩენი ყველაფერი მალიზიანებს, ნაპირებში დალაქავებული ტუჩებიც კი.

ყველაფერი მალიზიანებს, პირველი დღიდან გამოყოლილი ყველაწვრილმანი.

ორი კვირა გაიძახოდა, შარშანდელი წელიწადი ყველაზე ბედნიერი იყო ჩემთვისო. ველარ დავივიწყე. არ ვიცი, იქნებ ჩემს გალიზიანებასაც ცდილობდა, მაგრამ რომ არაფერი დამეშავებინა მისთვის? არა, როგორ არა. წარსულს ვუკარგავდი, მომავალსაც. ჰო, ალბათ ასეც ფიქრობდა. საცაა ოცდამეათე წელიწადი მოუკაკუნებდა, ის ვაებატონი კი, კარგი იყო თუ ცუდი, გვერდით ჰყავდა, ცოლ-ქმრობას აღარაფერი უკლდათ. სიავისა არაფერი ეტყობა ამ უტვინოს და ჩემი გამწარებაც, ალბათ, ქალურმა ალღომ უკარნახა.

— დრუნჩა...

გაჩერდა, ხელი მოეხვიე. თავი მოაბრუნა და ამომხედა.

— გაეზი, ჩიტო?

თავს მიქნევს და მიყურებს...

— თუ იცი, როდის?

არაო, უხმოდ მეუბნება.

— აეროპორტში, როგორც კი დაგინახე. ყველაფერი მაშინ დაიწყო. იქვე გადაწყდა კიდევ.

— მაინც როგორ? — თვალეებში ცივი სხივი ჩაუდგა. რა თქმა უნდა, არ მეთანხმება.

— ისე. თვითმფრინავისკენ წახვედი თუ არა, გამოგყევი. შენი ადგილი დაკავებული იყო. უხერხულად აწრიალდი. ჩემი შეგთავაზე. ცივი უარი მითხარი და ბოლოში, ოთხი თუ ხუთი რიგის იქით ჩამოჯექი. ორჯერ ჩაგიარე, სიგარეტის მოსაწევად გავდიოდი. გკითხე კიდევ, როგორ მოეწყვეთ-მეთქი. სიკეთეს არ დაგიკარგავ, თავაზიანად მიპასუხე. მალე კი დაიღია იმოდენა გზა, ეს არის, კისერი მეტკინა შენსკენ ცქერით.

— მაინც რა მოგეწონა?

— მკერდი.

ახლა კი აღარ იცის, გაბრაზდეს თუ არა. მერე ისევ ამომხედა, თბილი, უსაყვედურო თვალეებით.

— მეტი არაფერი?

— როგორ არა, — სიცილით ვეუბნები...

თურმე სწორედ ის ედგა გვერდით. აცილებდა. მახსოვს, ძმა ან ბიძაშვილი იქნება-მეთქი, ვიფიქრე. გამომშვიდობებისას რაღაც უგემურად აკოცეს ერთმანეთს. თუმცა. თავი არ მომიკლავს ფიქრით, მაშინვე დამავიწყდა.

თვითმფრინავში ერთხანს წიგნს კითხულობდა, მერე, ეტყობა, დაი-
ლალა. საზურგეზე მიწოლილი თვლემდა. დროდადრო გავხედავდი.

ერთად ჩამოვედით თვითმფრინავიდან. ერთად შევედით აყაყანე-
ბულ აეროპორტშიც. ყავა დავლიოთ-მეთქი. მხოლოდ იმიტომ არ მი-
თხრა უარი, ამ ვეებერთელა ქალაქში ჩემს მეტი ნაცნობი ალბათ არც
ჰყავდა.

— გიყვართ შოკოლადი? — სიცილით ვანიშნე ტუჩებზე.

არაო, გაკვირვებულმა შემომხედა. მერე მიხვდა და თვითონაც
გაეცინა.

— ჰიგმენტაცია...

ტუჩები ყავისფრად ჰქონდა დალაქავებული.

დიდ ქალაქებში დიდი სახლებია, დიდი და გრძელი ქუჩები. ხალ-
ხიც დიდი საქმეებით არის დაკავებული. ქალაქის ერთი თავიდან მეო-
რეში გასვლას დიდი დრო სჭირდება. მიწისქვეშა რკინიგზა ობობას
ქსელივით მოსდებია ამოდენა სივრცეს. დადიან, დაგრუხუნებენ სწრა-
ფი მატარებლები, მიჰყავთ და მოჰყავთ, ივსებიან და იცლებიან. მი-
ხედვ-მოხედვასაც ვერ მოასწრებ, აგითრევს ცოცხალი მდინარე, თან
გაგიყობებს, გადაგიყვანს, გადმოგიყვანს, კარგა ხანს გატარებს გასა-
სვლელებში და მერე ისევ გრუხუნით ჩამომდგარი გრძელი შემადგენ-
ლობის რომელიმე ვაგონში შეგადგებს. ყველა წუთი დათვლილია,
ყველა გაჩერება, გადასასველი.

სასტუმროში მივაცილე. მოუამული შენობაა, სქელკედლიანი, ბნე-
ლი დერეფნებითა და სევდისმომგვრელი ოთახებო.

— სამი ღამის გათენება მომიწევს. — ამოიოხრა და ლოგინზე ჩა-
მოჯდა.

ოთახში სხვა საწოლებიც დგას. იმათი პატრონები არ ჩანან.

ვუყურებ და მეცოდება — გარშემო მძიმე სიჩუმეა, მხრები კი ვიწ-
რო აქვს. ოდნავ მოწურული. თვალებში შიში ჩასახლება. ქუჩის კუ-
თხეში მიტოვებულ, შეციებულ კნუტს ჰგავს. ღამის ხელში ავიყვანო,
მივეფერო. ძალიან შეგაწუხებთო, მეუბნება, მაგრამ თვალებით ცოტა,
კიდევ ცოტა ხანს დარჩენას მთხოვს, ვიდრე მისი მომავალი მეზობ-
ლები მოვლენ, ვიდრე ხმის გამცემი მაინც გამოჩნდება.

ვუყურებ და მეცოდება — მეც გამომიციდია: ნამგზავრი, დაღლილ-
დაქანცული, უცხო ქალაქი, უცხო სახლი, ლოგინი. გარეთ ბინდდება.
წევხარ ოთხკედელშუა მომწყვედელი და ფიქრებით შეჩვეულ, ნაცნობ
ქუჩებსა და სახლებს დასტრიალებ, გაღიმებულ, საყვარელ სახეებს
იგონებ. თანდათან გიმძიმდება სული. ცოტაც და. ყველა საფიცარზე
დაიფიცებ, რომ ეს უკანასკნელია, რომ სისულელეა ასე უთავბოლოდ
წანწალი, რომ არაფერი დაგრჩენია და არც არაფერი გესაქმება ამ
გადასაკარგავში.

ვიცი, რაღაც უნდა ვთქვა, ვილაპარაკო შეუჩერებლად, დიდხანს. არადა, ბევრი ლაპარაკი არ მიყვარს, განა არ შემძლია, მაგრამ სისულელის თქმისა მეშინია. ჭკვიანი ხალხი ცოტას ლაპარაკობსო, მეც ამ ნიღაბს ვიფარებ და მალულად ვსინჯავ დასაძლევ ზღუდეებს.

ერთი საცოდავი რადიო კნაოდა ოთახში, მუსიკა ეთქმოდა და არც ეთქმოდა. ვითომ საოხუნჯოდ, საცეკვაოდ გამოვიწვიე, ისიც ამყვა. ოხუნჯობა-ოხუნჯობაში მართლა ცეკვას დავამგვანეთ. დროდადრო სევდიანად გამიღიმებდა, მეტე თავს დახრიდა და ვგრძნობდი ნიკაპსა და ლოყაზე თმის შეხებას, შეშინებული კნუტივით მონდობილი სხეულის სითბოსა და სასაცილოდ პატარა ხელების დამფრთხალ ალერსს. და ეს ყველაფერი ოდესღაც ყურმოკრულ ჰანგს ჰგავდა, მოულოდნელად რომ გადაგეყრება კაცს წლების მეტე.

უზარმაზარი ქალაქი ახლა ძალზე შორს, სქელი კედლების იქით გარინდულიყო.

დალაქავებულ ტუჩებში რომ ვაკოცე, შეცბა, ხელები მოუსუსტდა, რაღაცნაირი მწარე ღიმილი ჩაუდგა თვალებში. მიეხვდი, რაღაც მოხდა. სისულელე იყო ცეკვის გაგრძელება და სკამზე ჩამოვსხედით.

ის საღამო... ქალის გონება უშურველად აფერადებს ერთი შეხედვით უმნიშვნელო წვრილმანებსაც კი, წმინდა ნაწილებივით თან ატარებს მთელი ცხოვრება. თუმცა, რაღა ქალი...

ის საღამო, მეტე მთელი ღამე, ქალაქის სულ სხვა სასტუმროში თვალწინ რომ მედგა, ცალკე დარჩა, განსხვავებული, გამორჩეული. ვიწექი თვალგახელილი და ვიხსენებდი — თითოეულ სიტყვას, დამფრთხალ ხელებს, შავ სვიტრსა და ლამაზ მკერდს, ასე ახლოს რომ იყო ცეკვისას. ყველაფერი კი იმ სევდიანი ღიმილით თავდებოდა. მეტე აეროპორტი მომაგონდა, თვითმფრინავი და ისევე აეროპორტი. ყავა. გზაში თავის ბავშვობაზე მიაბობდა, სკოლაზე, გათხოვებაზე, იმ ხუთ წელიწადზე. სამუდამოდ, უთავბოლოდ და უმიზეზოდ რომ დაჰკარგოდა. „დიდი ხანია?“ „სამი წელიწადი“. კარგად დავიხსოვებ და ახალ ფილმებზე რაღაც აბდაუბდას მოვყევი. ყველაფერს მიანც ის ღიმილი ედგა ბოლოში და მაშინდა დავინახე დიდი და უცხო ქალაქით შეშინებული ქალი. იმ შიშისა თუ იყო ყველაფერი.



- მეტი არაფერი?
- როგორ არა, — სიცილით ვეუბნები...
- არ მეგონა, მეორე დღესაც თუ მოხვიდოდი.
- შუა გზაზე შეჩერება არ მიყვარს. — ისევე მეცინება და ვიცი, სანამ სიბრაზისაგან არ აეწვევა სახე. — ხომ გითხარი, თბილისის აეროპორტშივე გადაწყდა-მეთქი ყველაფერი.

— მაშინ შენთვის არ მეცალა. — მშვიდად ამბობს და ვხედები —
სამაგიეროს მიხდის, ისე, მხოლოდ ქალს რომ შეუძლია. — მაშინ...
მიყვარდა.

ვგრძნობ, როგორ მოწვეთავს შხამი, როგორ მიფითრდება სახე-
თვითონაც ხედება, რომ მეტისმეტი მოუვიდა, რომ ისევ ის მესამე;
ჩაღდა ჩვენს შორის.

— ეს ხომ შენამდე იყო?

„ეს ხომ შენამდე იყო...“ ვერაფრით შეიგნო, რომ იმით, ჩემამდე
იყო თუ წარღვნამდე, არაფერი იცვლება, ვერ გაიგო, რომ სხვის მკლა-
ვებში მომწყვედელი მისი სხეულის წარმოდგენა გონებას მიმღვ-
რევს, ვერც ის, რომ ათასი, იქნებ ათი ათასი წელიც ვერ მომაქცევს.
ვერ გაიგო და საცაა წაწვედები კეკლუცად მოღერებულ ყელში. მერე
კი იქამდე მეჭირება საცოდავად აფართხალებული, სანამ სინათლე არ
ჩაეღვრება გამოტყინებულ თავში.

„მიყვარდა...“

ახლა ჩემი რიგია. ვიცი, სისულელეს ვიტყვი, მაგრამ თავის შეკა-
ვებაც აღარ შემიძლია.

— გიყვარდა... ეთაყვანებოდნი... არ გიყვარდა! შენი უნდილი ქმრი-
სა და ორი წლის მარტოობის მერე მოგეჩვენა ანგელოზად, უნახავი-
ვით პირველსავე შემხვედრს ჩამოეკიდე კისერზე.

საოცარია, განაწყენების ნიშანწყალიც არ ეტყობა. ისევ ისე შე-
მომცქერის კრიალა, მოსევდიანებული თვალებით. საყვედურიც გამო-
რევია შიგ, ისეთივე, სასტუმროში რომ შევნიშნე მეორე დღეს.

დილით აღრე მივედი. არ დამხვდა. სართულის მორიგეს გასაღები
გამოვართვი — წინადლით ერთად დაგვინახა და უარი არ უთქვამს.

ლოგინზე გავიშობე.

ბალიში რბილია, რბილი და სასიამოვნო. წუხელ ამ თეთრ მიტკალს
ქალის თმა, სახე, ტუჩები ეხებოდა... ფანჯრიდან თბილი და ცინცხალი
სინათლე იღვრება, არც ისე უემური ჩანს ოთახი.

რადიოთი რაღაც კონცერტს გადმოსცემენ. ვწევარ და ველოდები.
ალბათ საათზე მეტი გავიდა. საღამოთი სპექტაკლზე ვარ წასასვლელი.
სხვა საქმეებიც მაქვს, ფიქრი კი ისევ აეროპორტს, თვითმფრინავსა და
გუშინდელ საღამოს დასტრიალებს. შუა გზაზე შეჩერება მართლაც არ
მიყვარს. რაღაც უნდა მოვიფიქრო. შიშველი ხელები, გაღიმებული,
სითბოთი საესე თვალები სულ ახლოს, აქვეა და აუტანელ სიტკბოს
თვალდახუჭული, მინებებული მივდეგ. საღდაც ღრმად, სულ პატარა
კუნჭულში კი უკვე მოკალათებულა უსახსრო და უაზრო ეჭვი, უფრო
შიშის, ვიდრე მორიდების ან სირცხვილის: უკვე იყო ვიღაც, უკვე უყ-
ვარდა, ეთაყვანებოდა. იქნებ ახლაც ინახავს, უფრთხილდება, ელო-
ლიავენა იმ ძველ ხატს, თუნდაც ძალზე ძველს, გაფერმკრთალებულს,

ჩარჩომოცვეთილს და მაინც ხატს, ერთი და ორი დღე, იქნებ წლებიც რომ ვერ გადაშლის.

მერე, ეტყობა, ჩამეძინა — ვერ გავიგე, როგორ შემოვიდა ოთახში, როგორ ჩამოჯდა საწოლზე.

ზის და კეთილად ილიმება. ველარც გავნძრეულვარ და ველარც რამე მითქვამს. ვწევარ გაოგნებული და შევცქერი. ის ისევ ილიმება. რატომღაც დედაჩემის ღიმილს ვამგვანებ, საბანს რომ ამომიგებდა და საკოცნელად დაიხრებოდა ხოლმე ლოგინზე.

მასხენდება გუშინდელი საღამო. მასხენდება, როგორ გამოძევა ვიწრო დერეფანში, როგორ დამემშვიდობა, როგორ შეკითხებოდა, მოეწყობი კი ასე გვიან სასტუმროშიო, რამდენჯერმე გადამიხადა მადლობა და ისევ სასტუმროზე მკითხა.

ანგარიშმიუცემლად წამოვიწიე, ხელები მოვხვიე, არ გამძალიანებია. მხარზე დამადო თავი და კარგა ხანს, არც ერთსა და არც მეორეს, აღარათფერი გვითქვამს.

— არ მეგონა, თუ მოხვიდოდი.

ძალიან მინდოდა ჩვეულებრივად, სულ უბრალოდ მიეღო ჩემი მოსვლაც და ეს, კაცმა არ იცის, საიდან გამომტყვრალი სინაზეც, თავისიც, ჩემიც.

— მთელი ღამე არ მიძინია. სანამ მოვეწყვე, სანამ... გათენებას აღარათფერი უკლდა, თან ვერც თვალი მოვხუქე და...

— თუ გინდა, დაიძინე.

არათფრის მოფიქრება აღარ იყო საჭირო.

გამეცინა. იმ ალალი, მადლიერი სიცილით; სხვისი სიკეთე რომ აჩენს და, ჰო-მეთქი, — თვალებით ვაგრძნობინე.

ოთახიდან გავიდა თუ არა, ტანსაცმელი იქვე, სკამზე მიეყარე და საბანქვეშ შეეძვერი.

გაუბედავი ნაბიჯით შემოვიდა. რალაცნაირად დამძებული თუ გაუცხოვებული. მოპირდაპირე საწოლზე ჩამოჯდა.

რალაცის თქმა დააპირა, ეტყობა, უხერხულმა სიჩუმემ გააღიზიანა. დავასწარი, ჯიბეში სიგარეტი მიღვეს, მომწაწოდე-მეთქი.

სიგარეტს რომ მადლევდა, მკლავი დავუჭირე. დამყვა. თავი ბალიშზე დავადებინე. ლამაზი ყელი, დალაქავებული ტუჩები, თეთრ მიტკალზე დაფანტული თმა. შალის თხელ სვიტრში დამწყვდეული თბილი მკერდი...

იწვა — უსიტყვო, მორჩილი და უცხო. თვალები ღია ჰქონდა — არც გულგრილობა, არც ზიზღი — რალაცას მსაყვედურობდა ჩუმად. ბალიშში ჩაყვავი სახე, ისევ მოტივტივდა დედაჩემის ღიმილი — საბანს რომ ამომიგებდა და საკოცნელად დაიხრებოდა ხოლმე ლოგინზე.

ველარ გავბედე. შემეშინდა, უფრო იმისა, რომ უკვალოდ ჩაივლი-

და ეს წუთებიც, ეს დღეც, გულში კი სხვისით შექმნილი ის ძველა ხატი დარჩებოდა.

— გადი ცოტა ხნით.

ჩაეცვი. იატაკზე დავარდნილი სიგარეტი ავიღე. ჭიანჭველა აცოცებულებიყო მაგიდაზე, სასტუმროს შინაგანაწესზე ტრიალებდა. თხუთმეტამდე სტრიქონი იყო. გადაიარა და მაგიდის კიღისკენ გაცოცდა. წყლით სავსე ჭიქაში გამძვრალი თვალისმომკრელი სხივი ნიშნისმოგებით ხტოდა მაგიდის ზედაპირზე.

ჩუმად მობრუნდა, ჩუმადვე ჩამოჯდა აულაგებელ ლოგინზე. სიგარეტი მთხოვა. დამნაშავესავით მარიდებდა თვალს.

როდის ბრუნდები-მეთქი, ვკითხე. ზეგო. მერე ტელეფონის ნომერი მივეცი.

— სამ-ოთხ დღეში მეც დაებრუნდები, დამირეკე.

„დაგირეკავ“ — დამპირდა თვალებით.

* * *

ცაში გამოჭრილი ორმაგი ფანჯრები. სავარძლებში გარინდებულ სხეულები — ასი სიცოცხლე. მფრინავის კაბინაზე ანთებული წარწერა „არ მოსწიოთ“ — და სტიუარდესას ოდნავ მოღლილი ხმა:

— ოცი წუთის შემდეგ ჩვენი თვითმფრინავი თბილისის აეროპორტში დაეშვება. გთხოვთ, შეიკრათ ღვედები.

დამთავრდა. ისევ ღვედი, შენივე სხეულის სიმძიმის შეგრძნება და ვეებერთელა კითხვის ნიშანი — შეცდი თუ არა.

როგორ არ იცი, ეს ყველაფერი სისულელეა — შეცდომებიც, ერთმანეთზე ცარიელი ბოთლებივით დახვავებული კითხვებიც, ყველანაირი ღვედიც — თვითმფრინავში, მანქანაში, ყველგან, ყოველთვის რომ დაათრევ თან, გიჭერს, გთანგავს, და მაინც შენივე ნებით იკრავ, რადგან წესია, რადგან ზუსტად ასე იქცევა ესა და სხვა ასიც.

ილუმინატორის მრგვალი ჩარჩოდან ჭერ კიდევ შემომცინის ორი საათით ნათხოვარი უღრუბლო ცა.

* * *

გრძელი დერეფანი. ოთახები, აქ, ამ დერეფანში განყოფილებებს რომ ეძახიან. მართკუთხა ფირფიტებქვეშ ამოკრული კოხტა წარწერები — ინფორმაციის, მრეწველობის, კულტურის... თუ ბოლოდან გამოპყვებით, ზუსტად იგივე, ოღონდ შებრუნებით.

აქ იბადება ასოებითა და ხაზებით აჭრელებული ფარატინა ქალაღი, ცხოვრება თუ ცხოვრების ასლი რომ ჰქვია... გუშინ, დღეს, ზვალ...

უცხო კაცი მორიდებით გაივლის დერეფანს, რაღაცნაირი მოწინა-
ებით შეათვალიერებს წარწერებს.

შენი ნაბიჯი სულ სხვანაირია, როგორც შენ, ისე გრძნობ თავს.
ოდნავ გილიმის სახე, ხელში ახლად გადაბეჭდილი „მასალა“ გიჭირავს.
დერეფნის თავში ან ბოლოში შეგაჩერებს მორიდებული მზერა და კი-
დევ უფრო მორიდებული ხმა. უცნობი შენს ერთ-ერთ თანამშრომელს
კითხულობს. „მარცხნივ, მესამე ოთახი“. პასუხი ზუსტია, გამართული.
კარგა ხანია შეეჩვიე ასე ლაპარაკსა და წერას. თუმცაღა გეჩქარება,
ხმა მაინც მშვიდი გაქვს, დაჯერებული. მერე დაუდევრად აღებ შენი
განყოფილების კარს, მაშინვე გავიწყდება უცნობიცა და მისი სტუმ-
რობის მიზეზიც. და მაინც, საღაღაც გულის კუნჭულში პატარა ხინჯად
დაგრჩება, რომ ამჯერად შენ, ირაკლი მიქელაძე არ გიკითხეს.

საკუთარი სკამი, საკუთარი მაგიდა, ტელეფონი. იქვე სარედაქციო
ფოსტა — ათი თუ თხუთმეტი წერილი. რაღაცას გეკითხებიან, რაღაც
აინტერესებთ, დახმარებას გთხოვენ. ათვალე რებ და რაღაცით კმაყო-
ფილი ხარ, თითქმის ბედნიერიც.

ამ ოთახში შენს გარდა კიდევ ორი კაცია, შენი თანამშრომლები.
ერთს, შენს პირდაპირ რომ ზის და ფანჯარაში იყურება, კარგა ხანია
გაუარა საგაზეთო ციებ-ცხელებამ. ბოლო წლებში „ვახტანგ სალუქვა-
ძე“ იშვიათად თუ გამოჩნდება რომელიმე წერილის ქვეშ. მეორე
მთლად ახალია და რომ არც მიუმატონ და არც დააკლონ, ყველა „მა-
რთვეს“ ეძახის.

დღეს სხვა საქმეებიც გაქვს. მთავარია, ვისზე, რაზე შეჩერდება შე-
ნი მზერა. აი, ის! საათნახევრის საუბარი. წვრილმანების ჩაწერას წუ-
თები სჭირდება. მერე რამდენიმე ფურცელი, ორიოდ საათი სიტყვე-
ბით თამაში და ხვალ დილით ჯიხურებში დაიგზავნება ათიათასობით
„გვარსკვლავი“, № 3437, 26 ივლისი, 1979 წელი... მესამე გვერდზე
მსხვილი შრიფტით აწყობილი სათაური თვალს მოიტაცებს. ასი თუ
ორასი სტრიქონი შენი გვართა და ჰონორარით აღინიშნება.

ტელეფონის წკრიალი ფიქრს გაწყვეტინებს.

— რედაქტორთან.

მდივანია. უფლის კალთას შეფარებული ანგელოზივით ეღუბრტუ-
ლებს, სხვადასხვანაირად და სხვადასხვა ჰანგზე, მაგრამ მაინც ეღუბრ-
ტულებს. იმის ცოდნას კი, როგორ და რას იუწყება, საიდან უბერავს
ქარი, დიდი მნიშვნელობა აქვს. რედაქციაში ჩუმი ბრძოლაა. ერთი
მცდარი ნაბიჯი თვეობითა და წლობით ნაკოწიწებ მდგომარეობას თვა-
ლისდახამხამებაში დაგაკარგვინებს, სიფრთხილე და, ყველაფრის თუ
არა, „ცოტა რაიმეს“ ცოდნა მაინც არის საჭირო.

შალვა ბროლიძე, მრეწველობის განყოფილების გამგე, ერთადერ-

თი კაცია, უშეცდომოდ რომ შიფრავს უფლის ჩიტი ლიკლიკს. ეს რედაქციაში მოსვლისთანავე შევნიშნე. მერე, საჭირო იყო და მეც მივირთვი გველისაგან დამზადებული კერძი. ახლა მშვენიერი სმენა მაქვს, მშვენიერად ვუგებ შინდისფერი პომადითა და ნაირნაირი საღებავებით შებუმბულ უფლის მგოსანს.

ყურმილი დადებულიც არ მაქვს, ვხვდები: რედაქტორს ვკირდები. რა თქმა უნდა, მსიამოვნებს, რომ მე მანდობენ საქმეს, რომ ანგელოზი კეკლუცი ღიმილით შემხვდება და თვითონვე გამიღებს ტყავგადაკრულ კარს.

რედაქციაში ცვლილებებია მოსალოდნელი. რედაქტორის მოადგილეს სამოცმა მიუკაკუნა და ყველაფრით იგრძნობა, რომ დამსახურებულ დასვენებას შესთავაზებენ. შალვა ბროლიძის გარდა, სხვა მეტოქეს ვერ ვხედავ. ზოგი მეტისმეტად დიდხანს გაიყინა ერთ ადგილზე, ზოგიც მთლად შეუბუმბლავია. იმათ ჭერ კიდევ მოუწევთ ცდა.

თუმცა, ახლა ფიქრის დრო არ არის, უფალი მელოდება.

ლიკლიკა ჩიტი დღეს მშვენიერ გუნებაზეა — სადილზე თუ დაპატიება რედაქტორმა. შესვლისთანავე რაღაც ქათინაურს ვეუბნები. კაცს ჩიბე მუდამ სავსე უნდა ჰქონდეს ასეთებით — იოლადაც ელევი და არც არაფერს გავალდებულებს. მიღიმის და ტყავგადაკრული კარისკენ მიგოგმანობს. სიამოვნებით გავეთამაშები, მაგრამ საქმის გართულება არ ღირს — ბროლიძე უთუოდ იცნოსავს.

რედაქტორი შეფიქრიანებულია. ეტყობა, მართლა ვკირდები. სიგარეტს მთავაზობს, თვითონვე მიკიდებს.

— ახლახან დაურეკეს ბროლიძეს, — ამას რომ ამბობს, რაღაც უსიამოდ ეღიბება. — ოპერის თეატრი საგასტროლოდ მიემგზავრება დიდ ქალაქებში. ორ სპექტაკლს ნახავ, იქაურ რეცენზიებსაც გადაათვალიერებ და ჩამოხვალ.

უფალსაც კარგი სმენა აქვს. არა, უნაკლო არ ეთქმის, მაგრამ ძლიერ ხმებს საკმაო გულისყურით ეკიდება.

ბროლიძემ ყველაფერი იცის — ვინ დარეკა, რატომ. შეიყუყუება თავის ნაქუქში და გაყუჩდება — როცა რამე ხდება, ცოტა განზე და მყუდროდ ჯდომას არაფერი სჯობს.

მე თითქმის ყველაფერი ვიცი.

გასტროლებზე თეატრს კორესპონდენტი არასდროს გაჰყოლია. ახლა ვიდაცას დასჭირდა რეცენზია. ვიხსენებ ბოლო წლების რეცენზიებს. ყველა ტყუბისცალივით ჰგავს ერთმანეთს, ყველა დადებითია, უსახური. ასე მოიხაზა და დადგინდა. ეს ჩარჩო ახლა ნებისმიერ სპექტაკლს, გამოფენასა თუ კონცერტს ერგება. მხოლოდ გვარების ჩაწერაა საჭირო.

ვიდაცას დასჭირდა რეცენზია. როგორც ჩანს, უარყოფითი. სხვა-

ნაირად, არც ტელეფონი დაიწყებია და, არც რედაქტორი შეფიქრებულა და არც მე დამიძახებდნენ. გესლიანი რეცენზიაა საჭირო — ეს ჩემი უშუალო ამოცანაა, ავტორიტეტის მოხმობაც არის საჭირო — იქაური რეცენზიების გადათვალეობაც იმიტომ მთხოვეს.

ყველაფერი ნათელია. მაგრამ რედაქტორი რაღაც ვერ არის გუნებაზე, თუმცა, არც მე მომწონს ეს ახალი თამაში. ორივემ კარგად ვიცით თეატრის ავან-გადანი, ყველა სისუსტე. სიმართლის თქმა, თუ ამას თხოვლობენ კიდევ, სასიამოვნოც არის, მაგრამ სიმართლევ არის და სიმართლევ. ამიტომაც ვერ არის გუნებაზე, ეტყობა. სინდისი აწუხებს ჩემს რედაქტორს. თუმცა, რა მესაქმება. მე ერთი უბრალო შემსრულებელი ვარ და ბევრი არაფერი მომეკითხება — დღეს თუ ხვალ მოადგილის სკამი უნდა გათავისუფლდეს.



ოცდაათი წელიწადია სიხარულს ვეძებ. ხან — სად, ხან — სად. დროდადრო რაღაც ნაფლეთებს ვაგროვებ, მეჩვენება, რომ ემოძრავობ. წარმოსახვას კი სინამდვილედ აღვიქვამ.

მივლინება რაღაცას ცვლის — ახალი ქალაქები, ახალი სახეები. ცოტათი ვცოცხლდები, ცოტათი ვიცვლები, თითქოს ვგრძნობ კიდევ, როგორ დაგორავენ სიცოცხლის ბურთულაკები მთელ სხეულში. შორეულ ექვს, რომ იმავე, ოღონდ უფრო სწრაფ დინებაში მოვხვდი, ყურს აღარ ვუგდებ და სირბილით მივუყვები გზას — რედაქციიდან აეროპორტისკენ, აეროპორტიდან აეროპორტისკენ, იქაც უფიქრელი და გაუთავებელი სირბილის დღეები, ისევ აეროპორტი, აეროპორტი და რედაქცია... ამ სიჩქარეში ისიც მავიწყდება, რომ მაინც ძებნაა საჭირო, სიხარულის, სულ ცოტაოდენის მაინც.

ვეძებ. როგორ არ ვეძებ, იქაც, აქაც, ვეძებ და ველოდები. კარგა ხანია, თითქმის ოცდაათი წელიწადი. ხან რას ჩავკიდებ ხელს, ხან — რას. ვერაფერი მიმაგრებს, ვერც ვერაფერს ვიმაგრებ — შემსხვრევა, მადნება, ვერცხლისწყალივით მიძვრება თითებშუა. დროდადრო მეჩვენება, რომ მეტისმეტი მინდა, მეტისმეტს მოვიტხოვ და თავს ძალას ვატან, ეს ქვეყანა ისე მივიღო, როგორიც არის. არაფერი მშველის, მაინც ვიცი და ველოდები.

შინ, ოჯახშიც ელოდებიან ჩემს დაწინაურებას, სხვას და სხვას.

კიბის თავში პატარა ბიჭი გაჯგიმულა, ხელი წითელბორბლებიან ველოსიპედზე უღევს და მიბღვერს. ეს ჩემი გიოა. დიდი, თაფლისფერი თვალები აქვს. დიდი, ჭკვიანი შუბლი, ოდნავ დაბურცული ტუჩები. დრუნჩა! მართლაც დრუნჩაა. ახლა პაპაც ასე ეძახის, ბებიაც.

აი, ასე კოპებშეკრული, გაბრაზებულნი რომ მიყურებს, ოცდახუთი

წლის წინანდელი ფოტოსურათი მახსენდება. დედაჩემი მალიმალ ამოიღებს ალბომიდან იმ სურათს, გიოს რომელიმე ახალ ფოტოს გვერდით დაუდებს, ზედგამოჭრილი მამამისია, იტყვის, შემომხედავს და რაღაც უხარია. მამაჩემი შორიდან გამოხედავს, წარბი შეუტოკდება, ძლივს შესამჩნევად ჩაეღიმება, თქმით კი არაფერს ამბობს. ჩემი ცოლი ვითომ ვერაფერს ამჩნევს, მიზეზიანად აპრეხილი ცხვირითღა ვხვდები. — ეს ყველაფერი მისთვის სცენაა, საგანგებოდ გათამაშებული. ისიც ვიცი, რატომ. საავადმყოფოდან რომ გამოვიყვანეთ, ჩვარსა და ატლასში გახვეულ მყვირალა კაცუნას გრძელი, გაჩხინკული ფეხები ჰქონდა, რაღაცნაირად უსწორმასწორო, ღინღიანი თავი, კარგა მოზრდილი შუბლიც ემჩნეოდა, მაგრამ კაცი ვერ იტყოდა, ვის ან რას ჰგავდა. მარტო თვალები ჰქონდა საოცრად ღამაზი და ნაცნობი, დედის თვალები.

— რა იყო, დრუნჩა, რა გაბრაზებული მიყურებ.

კოპები ერთბაშად გაეშალა და ოდნავ მოუწყლიანდა თვალები. მერე ველოსიპედთან ჩაცუცქდა, ჩამოწყვეტილი ჭაჭვი დამანახა. „დედიკომ... მამას უთხარიო...“ ამომხედა. მიხვდა, რომ ასე უცბათ არაფერი ეშველებოდა ველოსიპედს, ხელი წაჰკრა, ააყირავა და ღრიალით გაიქცა შინისკენ.

მამაჩემი ბაღში ფუსფუსებს. ხანდახან დედაჩემი მეტყვის, არაფერი მოგივა, რომ გახედო, ხელი წაუკრა რამეზეო. მოუცვლობას ვიმიზეზებ, არადა, ვიცი, სამოცდაათს მიტანებულ კაცს იმ ერთადერთ საქმეზეც რომ მიევენმარო, გულს ვატყენ — სამსახურისთვის დაებერდი, აღარც აქ მენდობიანო. თქმით განა რამეს მეტყვის, მაგრამ... ერთი სიტყვით, ახლა გვიანაა. ოცდაათი წელიწადი ჯიბეებში ხელებჩაწყობილი დავყურებდი გლეხკაცურ საქმიანობას, — მაშინვე მიმიხედება.

დრო ნელა გადის. როგორც იქნა, მიწყნარდა გიო — ძილს ეომება თავის პატარა საწოლში. მიჩუმდა ოთახები. ჩემს ცოლს ცალკე გადაუწყვია დაუთოებელი პერანგები, წინდები. სამზარეულოში, მაგიდასთან ვსხედვართ. ონკანი გაფუჭებულია და გულისგამაწვრილებლად შიშინებს.

— სად მიდიხარ?

თვითმფრინავის ბილეთი წინ დავუდე. ცერად დახედა.

უნდა, რაღაცა მითხრას, გამაგებინოს, მისაყვედუროს, რომ თითქმის არა ვარ სახლში, რაღაც კაპიკებისთვის რედაქციაში ვალამებ და ვათენებ, რომ ისიც ადამიანია, აღარც კინოა მისთვის, აღარც თეატრი და კონცერტი, რომ ცოლ-შვილსა და სახლს მიხედვა სჭირდება, კედლები ჩამოცვდა, პიანინო ასაწყობია, წამდაუწუმ ფუჭდება ონკანი, ბავშვს ზოოპარკში წაყვანა უნდა, ცირკში... რომ ყელში ამოუვიდა ჩე-

ბი მივლინებები, უთავბოლოდ წანწალი, ფულის ფლანგვა და კახპები. უნდა, რომ მითხრას, მაგრამ არაფერს მეუბნება, რადგან ყველაფერი ათასჯერ აქვს ნათქვამი. მე კი ვერც დრო გამომძიებნია და ვერც მივლინებაზე ვიტყვი უარს — სამსახური! ასეთი სამსახური მაქვს და რა ვქნა...

— დიდი ხნით მიდიხარ?

— სამი-ოთხი დღით. სპექტაკლებს უნდა დავესწრო.

— როდის იყო, გასტროლებზე დაჰყვებოდი თეატრს.

არასდროს. მაგრამ ახლა მიეყვები. რატომ, რისთვის, ჩემი საქმეა. ცოტა უხეშად კი მომდის, მაგრამ მხოლოდ ასე თუ ავირიდებ უსიამო საუბარს. ყველაფრის მიზეზი შიშია. ღირსების გაუფასურების შიში. ექვი წლის ერთად ცხოვრებამ ნელ-ნელა გაახუნა პირველი შეხვედრებიდან გამოყოლილი მკაფიო ფერები. ახლა ცოლის თვალში ის მომხიბვლელი ყმაწვილი აღარა ვარ. მაგრამ ჩემს დღევანდელ სახეს ჭერ კიდევ შემორჩა ვეაქაცობისა და პატიოსნების ათინათი. ჭერ კიდევ ასე ფიქრობს ჩემი ცოლი და მეც ყოველნაირად ვცდილობ ამ მდგომარეობის გამყარებას.

ჩემი საქმეა-მეთქი, შიში კი მიკრავს კრიქას — ვაითუ ჩემს საქციელში ისეთმა რამემ წამოჰყოს თავი, შემორჩენილი საღებავიე ჩამომეფშენას.

რა თქმა უნდა, სხვა გზაცა მაქვს. უნდა მოვიწოდო და გაეაგებინო, რატომ მივიწვევ რედაქტორის მოადგილის სკამისაკენ. ნამდვილად მივახვედრებ, ოღონდ... აუცილებლად მომიწვევს გახსენება. ამისიცი, იმისიცი. იქნებ იმ ხუთი წლის წინანდელი საღამოსიცი, წინადაუხედავად რომ ჩავყლაპე და დღესაც ვერ მომინელებია. ისეუ გაჩუმებასა და თავის ისე დაჭერას ვარჩევ, თითქოს წასეღა თუ არწასეღა მხოლოდ ჩემი და სხვა არავისი საქმეა. ასე უფრო უპრიანიე არის — როცა არაფერს, ამბობ, არც არაფერი შეგეშლება.

„როდის იყო, გასტროლებზე დაჰყვებოდი თეატრს“.

პასუხის მაგივრად ახლად აღებულ ნახევარი თვის ხელფასს უკლებლიე ვაწყობ მაგიდაზე. ეს არის პასუხიეცა და ყველანაირი ვალის გასტუმრებაე. მერე მძიმედ ვდგები სკამიდან და ცოლის საყვედურით სავსე მზერას თვალს ვარიდებ.

— ლოგინი გაშალე, ლია, რალაც თავი მტკიევა. ხვალ აღრე მიეფრინავ.

როგორ ვცდილობ ყველაფერმა უმტკივნეულოდ ჩაიაროს. მაინც წამომცდება ხოლმე. აი, ახლა მომიბრუნდება და:

— ყოველი მივლინების წინ თავი გტკიევა.

მეტს არაფერს იტყვის. თავმოყვარეობა არ ათქმევენებს. უხმოდ გაშლის ლოგინს, უხმოდვე ჩაწვება და გარინდული თვალებით მიაყ-

ქერდება ჰერს. ოღნავ მაწუხებს სინდისი, მაგრამ ხვალ მართლა ადრე ვარ ასადგომი, თავიც თითქოს სხვისი დაუქერებიათო — არ ვიცი, მტკივა თუ რალაცნაირი უილაჯობა მაწუხებს. ყველაფრისადმი გულგრილობის, მარტობის, სიცარიელის...

ტანსაცმელს ფრთხილად ვაწყობ სკამზე — ჯიბეში მისამართებით გატენილი ნაცრისფერი წიგნაკი მიდევს. ნივთიერი მტკიცებანი ტკივილის მეტს ვერაფერს მოგვიტანს, ვერც ერთს, ვერც მეორეს.

დრუნჩას სძინავს. მკლავები თავს ზემოთ გადაუყრია, ტუჩები კიდე უფრო დაბურცვია, შუბლი შარავანდელივით ადგას ცისფერი კაპილარებით დახაზულ ქუთუთოებსა და ციცქნა სახეს. დედამისივით თეთრი, თეთრი და ნაზი კანი აქვს.

სინათლეს ვაქრობ და ჩემს ბალიშს ხელის ცეცებით ვეძებ. ღია გარინდებული წევს. ახლა სიბნელეს ჩასჭიდებია მზერით და იმ სიბნელეში სინანულივით მწვდება ორი არსების სათუთი სუნთქვა, არ ვიცი რატომ, ჩემად რომ უქცევია ბედს.

თანდათან მიმძიმდება ქუთუთოები, თანდათან ვნებდები სიბნელესა და უმოძრაობას. საცაა ძილიც მოვა — უფიქრელობის, უღარდელობისა და არყოფნის რამდენიმე საათი. მერე კი... ჯერ არაფერი ვიცი და არც შეიძლება ვიცოდე. ვილაც თუ რალაც კი უკვე ანგარიშობს, უკვე მიმზადებს — დილას, აეროპორტსა და უცნობ ქალს.

არაფერი ექნება განსაკუთრებული, კუთხეებში დალაქავებული ტუჩების გარდა.



— სამ-ოთხ დღეში მეც დავბრუნდები. დამირეკე.

„დაგირეკავ“, მპირდება თვალებით.

ძველებური სასტუმრო დიდი ქალაქის ხმაურში იყარგება. მიწის-ქვეშა მატარებლები, გრუხუნნი, მარმარილოთი მოპირკეთებული გასასვლელები, ხალხის მდინარე და ისევ გრუხუნით ჩამომდგარი გრძელი შემადგენლობის ჩახჩახა ვაგონები. ცოტაც და ამ ვეებერთელა მდინარის ერთ უსახურ წვეთად იქცევი. შიშისაგან დაპატარავებული ფიქრები და გრძნობები გონების მივიწყებულ კუნჭულებში შეყუყულან. მათ ადგილას უხმაუროდ და ზუსტად მომუშავე გამომთვლელი მანქანა დასკუბებულა და უშეცდომოდ გკარნახობს: სპექტაკლი რვაზე იწყება. მანამდე დასის ხელმძღვანელის ნახვია საჭირო. სპექტაკლის შემდეგ რამდენიმე პატარა ინტერვიუ. ხვალ დილით — პრესა.

სამი დღე სამი საათივით გარბის. ორ სპექტაკლს ვნახულობ. ფურცლები ჩანაწერებით ივსება — ინტერვიუ, შთაბეჭდილება, ავტორი-

ტეტთა შეფასება. სულ რამდენიმე სიტყვით შეიძლება მოიჭრას: სოლისტები კარგია, არც ერთი თეატრი არ იტყვის უარს; გუნდი უფერულია, ორკესტრს პროვინციულობის ელფერი დაჰკრავს — ეტყობა, ცოტას მუშაობენ. თავში და ბოლოში კი სიტყვები, საკმაოდ თბილი, ალერსიანი: „სამხრეთული მზით გამთბარი ხმები“, „მოდმე რესპუბლიკის ხელოვნება, ხალხთა შორის მეგობრობისა და მტკიცე კავშირის დესპანად რომ გვსტუმრებია“.

„სპექტაკლებს ნახავ, იქაურ რეცენზიებსაც გადაათვალიერებ და ჩამოხვალ“.

ვილაცას სჭირდება რეცენზია. უარყოფითი. ეს იოლი საქმეა — თეატრს სატრახანო მართლაც არაფერი აქვს. თანაც მხოლოდ სიმართლის თქმაა საჭირო...

ისე კი, რა ჩემი საქმეა, თავის ატკივებად არ ღირს. რეცენზია უნდა დაიწეროს — უფლის სიტყვა კანონია და ამ სიტყვის გამრუდება რედაქტორის მოადგილის სავარძლისკენ გზის გამრუდებას ნიშნავს.

სამი საათივით გარბის სამი დღე. ხანდახან დროსაც ვბოულობ, მახსენდება რედაქცია, ჩემი ბიჭი, ცოლის გამწყრალი სახე და დაუმთავრებელი სასიყვარულო ამბავი. მერე ტელეფონს მივუჭდები, ნაცრისფერ წიგნაკს ვფურცლავ და ვრეკავ. მეექვსე თუ მეშვიდე ციფრზე გადავიფიქრებ და ახლა სხვა ნომერს ვეძებ. „ალო, გისმენ“; ნაცნობი, მეტისმეტად ნაცნობი ხმაა და ისევ ვკიდებ ყურმილს.

ჩანაწერები ჩანთაში მიწყვია, მაგიდაზე ვშლი, ვათვალიერებ. თვითმფრინავის ბილეთი ჭიბეში მიდევს. ფურცლებს უკანვე ვაწყობ და უკვე აღარ ვიცი, რა გავაკეთო.

ისევ ვხსნი ჩანთას. ნაჭრის ქინკას ვიღებ და კარგა ხანს ვატრიალებ ხელში. გუშინ ვიყიდე.

„სამ-ოთხ დღეში მეც დავბრუნდები, დამირეკე“.

იქნებ ესეც წამის სიმართლეა, მაგრამ მაინც მაყდურ დაპირებასავით ჩამჩურჩულებს: „დაგირეკავ...“

ვინ იცის, რამდენჯერ გინახავს ეს ყველაფერი. და მაინც შევებას იკრძნობ, როგორც კი თვითმფრინავის სარკმლიდან აეროპორტის შენობის ნაცნობი ლანდი გამოჩნდება. იქით. დასავლეთით, გორებსა და თხელ ნისლში გამოკრული შენი ქალაქია.

თანამშრომლების სახეები, რედაქციის დერეფანში ნიღბების გროვად რომ აღიქვამ, ამ ოთხიოდ დღეში მოგნატრებია კიდევ. გზაშივე ნანობ, საათი რა არის, საათი ვერ მოიცალე, ცოლისა და შვილისთვის რამე გეყიდა. მემანქანესა და მდივანსაც გაახარებდი შინდისფერსა-ლებავიანი ბრჭყვიალა ბოთლით, — თბილისელ ქალიშვილებს ხელჩანთები მუდამ საესე რომ აქვთ.

კიბეზე დინჯად ავდივარ. ცოტა მეჩქარება, მაგრამ მაინც ასე ჯობს.

მეტისმეტ საქმიან იერსა და ფაციფუცში უთუოდ გამოეჩინავს ღინ-
ღლიანი ეურნალისტი.

ლიკლიკა ჩიტს, როგორც ყოველთვის, მომხიბლავი ღიმილი დას-
თამაშებს.

ტყავგადაკრული კარი დაუკითხავად შემიძლია შევალო — შეღავა-
თი, მივლინებიდან დაბრუნებული კაცი რომ სარგებლობს.

— როგორც იქნა! — უფალს ჩვეულებრივი მოკვდავის კმაყოფი-
ლება ეგლისება სახეზე.

რედაქტორის ასეთ კეთილგანწყობას ბევრი ვერ დაიკეცხნის. ნამ-
დვილად რაღაც უსიამო ფიქრს ჩამოვაშორე. ცდილობს, არ შეიმჩნი-
ოს, მაგრამ აშკარად ეტყობა, მალამოსავით მოეცხო ჩემი დანახვა.

— ყველაფერი რიგზეა?

მშვენივრად ვიცი. როგორი გამომეტყველებაც მაქვს, ოღონდ დაღ-
ლილი და გაღიზიანებული, და მაინც. მაინც კი არა, სწორედ ჩემი გა-
მომეტყველებით ხვდება, რომ ყველაფერი რიგზეა. მერე წამით უნა-
ოკდება შუბლი, სხვა რა გზა გვაქვსო, თითქოს მეუბნება და მშვიდი
და მზრუნველი ხმით აგრძელებს:

— დაღლილი იქნები, ხვალ კვირაა, ზეგ დილისთვის მოამთავრე,
ერთად გადავიკითხოთ.

დერეფანში ბროლიძე მხვდება, როგორც ყოველთვის, დარბაისლუ-
რი იერი აქვს.

— ოო! — მრავალმნიშვნელოვნად ამბობს. — რა ამბებია?

— ყველაფერი კარგად არის.

გაჩუმება არ ივარგებს, თორემ კაცმა არ იცის, რას ნიშნავს ეს
„ოო“.

მშვენივრად მახსოვს რედაქციაში მისვლის პირველი დღე. ბროლი-
ძის განყოფილებაში გამანაწილეს. მაგიდაზე ქალაღის გორები იდგა;
ჩემი მომავალი უფროსი მერედა დაინახე.

კაცს ყოველთვის რაღაცას ვამგვანებ ხოლმე — ფრინველს, ცხო-
ველს, საგანს. მგონი პირველი შემთხვევა იყო, თავში არაფერი მო-
მივიდა. თმიდან ფეხებამდე ჩვეულებრივი იყო, იმდენად ჩვეულებრი-
ვი, რომ მთლიანად რაღაც დაწყებულისა და დაუმთავრებლის შთაბეჭ-
დილებას ტოვებდა.

ბლაგვეცხვირიანი წითელი ფანქარი ეჭირა, რაღაცას ასწორებდა
(ახლაც წითელ ფანქარს ხმარობს). კარგა ხნის მერე მივხვდი — მასა-
ლები პასუხისმგებელი მდივნისა და რედაქტორის ხელში გადიოდა,
წითელი ფანქრით კი მხოლოდ ბროლიძე მუშაობდა რედაქციაში. ასე
ამტკიცებდა აზრს, რომ ერთგულად, თავდადებით ემსახურებოდა გა-
ზეთს.

თავი ასწია და მაშინაც იმ „ოო“-თი შემომეგება.

ბევრჯერ ვცადე გამეგო, ბევრჯერ მივდიე ფიქრს და ბოლოში მაინც ხელსარიელი გავედი. თუმცა, აქლემისა და ვირის ანდაზისა არ იყოს, მეც კარგა ჭრელი ტყავი მაქვს შემოხვეული — მაინცდამაინც არც მე მიყვარს ფიქრების გამომხეურება. რომ არავინ დავაეჭვო, ტყავს ორთავ პირიდან ვხმარობ. მაგალითად, კოლეგების თანდასწრებით შემიძლია ეთქვა, რომ შემთხვევით გავხდი ჟურნალისტი და, საერთოდ, კაცი დროს არ უნდა კარგავდეს ორგვერდიანი ფარატინა ქალაქის ასაქრელებლად. რალა თქმა უნდა, ავისმსურველთა რიგები შესამჩნევად თხელდება, რადგან სათვალავში აღარ მაგდებენ. ანდა, რედაქტორის მოადგილეს სხვების გასაგონად ვეუბნები — სიკვდილს ხომ არ აპირებ მაგ სკამზე, გული გადამელია-მეთქი. ამგვარი პირდაპირობა ჩვენს დაწესებულებაში დანერგილი არ არის და ამიტომაც ერევათ თავგზა, აღარ იციან, ვხუმრობ თუ მართალს ვამბობ. ტყავის ამობრუნება თითო-ოროლა მტრის შესანარჩუნებლად და თუნდაც იმისთვის მჭირდება, რომ გარშემომყოფნი ჩემი დაწინაურების შესაძლებლობაზე დროდადრო დავაფიქრო.

ზუსტად ასე, თამაშ-თამაშით ვწამლავ ბროლიძესაც, თავისი „ო“-თი დერეფანში რომ გამამდგომია და ძალიან დინჯად მათრთხილებს:

— სამშაბათს, ოთხ საათზე სარედაქციო კრებაა, არ დაგავიწყდეს.

შალვა ბროლიძის ნიღაბს (ისე შეეჩვია და შეითვისა, რომ ნიღაბი აღარც ეთქმის) ყველაზე კარგად კრება ერგება. ეს არის მისი ნიჭის ძირითადი ასპარეზი — კარგა ხნით ადრე იწყებს სამზადისს, თვითონვე აკრავს განცხადებას, თვითონვე ქმნის საქმიან ვითარებას, კანონის იარლიყიანი ჩარჩოთი რომ ზღუდავს რედაქტორსაც კი, და მერე კრების ოქმსაც შვილივით დასტრიალებს — უნაკლოდ გაწყობილ-გადაბეჭდილი რვაგვერდიანი „ვინ რა თქვა“-ს ასლი მეორე დღეს სამმართველოში, კინტრაიას ლაპლაპა მაგიდაზე უნდა იდოს. ასეთია შუაკაცის როლი, იქით სარედაქციო ამბების „უკეთ გაცნობისთვის“ ესაქიროებათ, აქეთ — ხელმძღვანელი ორგანიზაციის განწყობილების გასარკვევად.

— რა დამავიწყებს. სიტყვა მზად გაქვს? გადააბეჭდინე, შაბათის ნომერში მივცეთ.

ვეუბნები და ვიცინი. იძულებულია თვითონაც „გაიცინოს“, რადგან სხვანაირად ეს ხუმრობა მისი შემოქმედების მცირე რეცენზიად იქცევა. ამ უგემური მცდელობით შეურაცხყოფასაც იცილებს და ნიღაბსაც ხელუხლებელს ტოვებს.

როგორ არ ვიცი, ერთ მშვენიერ დღეს, თუკი ხელსაყრელი შემთხვევა მიეცა, ყველაფერს ერთიათად გადამიხდის.

ფირფიტებქვეშ ამოკრული წარწერები... „კულტურის განყოფილება“.

ოთახში არაინ არის. „მართვე“ მასალაზე იქნება, ვახტანგი კი ალბათ სულ წავიდა ხელიდან. ყველაფერი ადგილზეა. საკუთარი სკამი, მაგიდა, ტელეფონი. ფანჯარას ვალებ. საღამოს სიგრილეს ქუჩის ხმაურიც მოჰყვება. რაფაზე ჩამომჯდარი ვათვალიერებ ოთახს. მერე გარინდებული დავტყერი ტელეფონის ზონარს და ქუჩის ხმაურში რაღაც განსაკუთრებულ ხმებს ვეძებ.

ორი საათის შემდეგ ტელეფონი დარეკავს. ავიღებ ყურმილს და მაშინვე ვიციან. „დაგირეკეთ, როგორც შეგპირდით“. „გელოდებოდით“. „როგორ იმგზავრეთ?“ „კარგად. თქვენ?“ მერე მეტრო „რუსთაველთან“ შევხვდებით. ოღნავ შეცვლილი მეჩვენება და მაშინვე გავიფიქრებ, რომ ნაცნობი ქუჩების ერიდება. უხმოდ გავივლით პროსპექტს. უხმოდვე გავეჭვევით ასობით ცნობისმოყვარე გამოხედვას და კიროვის აღმართს შევუყვებით ფუნიკულიორისკენ. ფიქრადაც არ მომივა, რომ სულ მალე ეს გზა...

— მხოლოდ იმიტომ დაგირეკეთ, რომ შეგპირდით...

ძველი არაკია. გულუბრყვილოდ ცდილობს თავის მოტყუებას. ეძნელება პირველი ნაბიჯის გადადგმა, გამართლება სჭირდება, ჯარჩული, ისეთი, საძრახისი რომ არაფერი ეცხოს. კარგა ხნის მერეღა, როცა ყველაფერს დრო გადაუვლის, როცა შესანიღბავი აღარაფერი იქნება. მაშინღა მისცემს თავს იმის თქმის უფლებას, რომ ეს დღეები შენზე ფიქრობდა. ჭერჭერობით კი ქალური ბუნება გულდაგულ მალავს ყველაფერს და უტაქტობა იქნება, ამ უცოდველ ტყუილს თავისი სახელი მოეუძებნო.

„მხოლოდ იმიტომ...“ ახლა ცოტა ხნის დუმილია საჭირო — უნდა შემეტყოს, რომ მეწყინა. თან მალულად ვათვალიერებ. ახლავე მინდა გავზომო ამ ქალბატონისთვის გასაწირი დრო.

რალაც აწუხებს. ეტყობა, ეს დღეები საკმაოდ უფიქრია, გონება კი, საქმეში ჩაერევა თუ არა, ყველაფერს აფუჭებს. ბადე ხელახლაა მოსაქსოვი და თან რაც შეიძლება ჩქარა — ქალს ათასი მუხრუჭი აქვს, თუ ფიქრის საშუალება მიეცი, ყველა ერთად ამოქმედდება.

რალაც აწუხებს!

მოსაგონებელი ბევრი არაფერი მაქვს და მისხალ-მისხალ მოვეყვები თავიდან. აეროპორტი, ავტობუსი, სასტუმრო... ისევ აეროპორტს ვუბრუნდები, იმ უცნობ კაცსაც, ძმა თუ ბიძაშვილი რომ მეგონა. უცნაურია, სიტყვა არ დაუძრავს. გზაში ქმარზე მიაამბობდა, იმ ხუთ წელიწადზე, უთავბოლოდ რომ დაჰკარგოდა „დიდი ხანია?“ „სამი წელიწადი“. თითქოს მინათდება გონება და იმ სამ წელიწადს, სამს თუ არა, ორს ან ერთს მაინც, ის უცნობი კაცი ავსებს. ყველა გრძნობა ერთბაშად ჩუმდება, ვგრძნობ, როგორ მძალავს თავისკენ ერთადერთი — მონადირის უინი.

ერთი ნამდვილად ვიცი — რალაციით დავაინტერესე, მაშინვე. პირველ დღესვე. გარეგნობა? არა, უფრო სიცილი, სულის სიცილი, ღიმილს რომ ვეძახით. პო, ალბათ ეს უნდა იყოს. ახლა, ჩემს ოცი-ოცდახუთი წლის წინანდელ ფოტოებს რომ ვათვალიერებ, იმ ყვინჩილა ბიჭისა ყველაზე უფრო ეს ღიმილი მომწონს. ეტყობა, რალაც კიდევ შემომრჩა.

სხვა რა. ჩერჩერობით ამას ვყაბულდები. მეტისმეტად „ქკვიანურ“ საუბარს ვერიდები და უკვე მეორედ თუ მესამედ ვახსენებ, რომ ლამაზი თმა აქვს, უცნაური თვალები, მაშინ თაფლისფერი რომ ჰქონდა, ახლა კი რალაცნაირი სიმწვანე გადაჰკრავს.

აქაც ზომიერებას ვიცავ. ბევრის თქმა თითქმის არაფრის თქმას ნიშნავს და უმეჩერო სავალს მივდექ. ცხენებზე, ფეხბურთზე, თხილამურებზე ველაპარაკები. თვითონაც მიყვება — როგორ უკერავდა კაბებს თოჯინებს, როგორ აჭმევდა, აძინებდა. როგორ დამაფიწყდა! ეხლაღა მახსენდება — თოთხმეტი წლის ბიჭი მყავსო, სიცილ-სიცილით რომ მითხრა.

— ჩემი ძმისშვილია. მშობლები... მანქანები, მცხეთასთან... ძმა იქვე მოკვდა, რძალი — საავადმყოფოში. სამი წლის იყო მაშინ. აღარაფერი მიკითხავს.

ფუნეკულორის ქვედა სადგური ტურისტებით იყო სავსე. ქუჩაშიც სამი თუ ოთხი ავტობუსი იდგა. არ ვიცი რატომ, მაგრამ ჩვეუდამოსიარულე ხალხის დანახვა არ მსიამოვნებს.

შევხედე. მიხვდა და გაიღიმა.

— ექვსი წელიწადია აქ არ ვყოფილვარ.

ვერც მე ვიხსენებ, როდის ვიყავი უკანასკნელად.

შუა გზაზე ტრამვაი გაჩერდა. ერთბაშად აიშალა ვაგონი. ისევ შევხედე და ერთდროულად გაგვეცინა.

უკან რომ ვბრუნდებოდით, პანთეონში შევიაროთ-მეთქი. თავი გააქნია.

სირბილით ჩავათავეთ ბნელი ქუჩები. ხელჩაკიდებული მივარბენინებდი. თავი უკან გადაეგდო, თმა გასწეწოდა. ჩერ ხმამალა, გულიანად იციწინოდა, მერე აკივლდებოდა, შიში გაერეოდა ხმაში... გაეჩერდებოდით, მძიმედ სუნთქავდა. გამშრალი ტუჩები უცინოდა. იმ გამშრალ ტუჩებსა და თეთრ კბილებზე ვკოცნიდი. სუნთქვა შეეკერებოდა, ბარდებში გახლართული ფრინველივით აიქნევდა ხელებს და ისევ იციწინოდა.

რუსთაველის პროსპექტთან ყელზე მოხვეული ხელი მოიცილა.

— ახლა ისე მოვიქცეთ, როგორც სხვები იქცევიან. — ამომხედა და იმ დღეს უკანასკნელად გამიღიმა.

სახლამდე მივაცილე. რომ ვემშვიდობებოდი, სახე მოედრებოდა. მერე ძალიან ხმადაბლა მკითხა:

— ასე არაეისთან გირბენია?

არა-მეთქი.

— კარგი მორბენლები ყოფილხართ ეურნალისტები. — რალაცნაირად გამომაჭავრა და. სანამ რამეს მოვიფიქრებდი, ბნელ შესასვლელში გაქრა.

მეორე დღესაც იმ ქუჩებში დავდიოდით. რამდენი ცნობისმოყვარე თვალი ყოფილა ქალაქში. თუმცა, ეს დაჟინებული თვალთვალი რალაცნაირად მართობს კიდევ. ჩავუვლით სახლის დირეზე ჩამომსხდარ ქალებს, ცოტა გავცდებით და უტბათ შეთქმულებივით შემოვბრუნდებით. ყველას ჩვენცენ აქვს სახე მოქცეული, დანაშაულზე წასწრებულებივით იშმუშნებიან, ერთდროულად გვეცინება — არ ვიცი, გვიხარია თუ გვართობს ეს თამაში. რუსთაველის პროსპექტზე ნიღბებით გავდივართ. აღლუმს თავისი კანონები აქვს, ჩვენც ამ კანონებს ვემორჩილებით. ხელი, ცოტა ხნის წინათ მის თბილ ყელზე რომ მქონდა შემოხვეული, თბაშირში ჩასმულივით მიკირავს და ერთი სული მაქვს, მალე გათავდეს გზა. მერე შინ ვაცილებ.

საღლაც გადაკარგულში ცხოვრობს. უსახური უბანია, წუხანდელი წვიმის კვალი ქალაქში აღარსადაა, აქ კი ისევ დატბორილია ქუჩები. მივიხედ-მოვიხედ — სიბნელეში ორ თუ სამ დაგვიანებულ მგზავრს მოვკარი თვალი. დანდობილა ხელში ავიყვანე და მძიმედ წავედი პატარა გუბეებს შორის — ნაცადი ხერხია.

— გეყოფა... დამსვი... გეტკინება... — ხელები კისერზე მქონდა შემოხვეული, თვლებში ფარნების შუქი უბრწყინავდა.

მერე ერთხანს ჩუმად ვიარეთ.

— პატარა „რევოლუციის“ მოხდენა მომიწევს. — თითქოს რალაც ტვირთი მოიხსნაო, — ისე თქვა.

მივხვდი, რა „რევოლუციაზე“ მეუბნებოდა. გულზე მომეშვა. მერე ისიც მითხრა, რა აწუხებდა ეს დღეები, ვინც აცილებდა აეროპორტში, მითხრა, რომ ახლა ის მივლინებაშია, ზეგ ჩამოვა და ყველაფერს ეტყვის. მითხრა და ცრემლით აევსო თვალები.

* * *

— არ გიყვარდა! შენი უნდილი ქმრისა და ორი წლის მარტოობის მერე პირველსავე შემხვედრს ჩამოეკიდე კისერზე...

სიტყვებთან ერთად ბალლამიც ამოვანთხიე და ვგრძნობ, როგორ მიყუჩდება გულ-მუცელი.

ნელა მიუყუჩებით გაშინაურებულ გზას.

განაწყენების ნიშანწყალიც არ ეტყობა, მოსევდიანებული თვალყბით შემომცქერის. მერე ჩუმად ამბობს:

— ქალი ერთი სეზონისთვის.

გონება მინათდება. ველარ გამიგია, რას ვერჩი, რას ვაბრალებ, რას მოვიტხოვ. არ ვიცი, სადამდე მისდევს ფიქრს, მაგრამ როგორც კი წარმოვიდგენ წლების შემდეგ — ნაოქებდამჩნეულს, უქმროსა და უშვილძიროს, გული მეკუმშება. ეს თუ მშველის. სულ ცოტა ხანში მხიარულ გუნებაზე ვდგები — აღარც ტყვილია, აღარც — ეკვი. თამასუქივით მოცემული ეს სამაგიერო ყველაფერს ასწორებს და სისხლდამშვიდებული თანდათან ვთავისუფლდები ტყვეობისაგან.

— დრუნჩა!

— რა იყო?

— დღეს ორი თვე შესრულდა.

გაკვირვებული მიყურებს. მერე ხედება და ისეთი სინაზე და მორჩილი ღიმილი ედება სახეზე, ერთი სული მაქვს, ეს თვალები, ეს თბილი, საოცრად თბილი სხეული ერთ პატარა გუნდად შევკრა და იმით ვისუნთქო.

„ორი თვე შესრულდა...“

იმ დღეს ორივეს დაგვაგვიანდა. მე სარედაქციო კრებას გადავყვი, ის ჩემზე გვიან მოვიდა, ერთიანად გამშრალი, გაცრეცილი.

• • •

წინა დღეს კი ორშაბათი იყო, რედაქტორი დილიდან მელოდებოდა, მივლინებიდან ჩამოტანილი მასალა ერთად უნდა გადაგვეკითხა.

გამომეღვიძა თუ არა, ყველაფერი გამახსენდა — ჩანაწერები ხელუხლებელი მეწყო ჩანთაში. ვერაფერი სასიამოვნო იყო, მაგრამ შიში არ მიგრძენია, გამიკვირდა — გაუფრთხილებლობით, კაცმა არ იცის, ვისთვის დაგებული ხაფანგის პირზე დამედგა ფეხი.

შეეცდი, თანაც ასე სულელურად.

გზაში ერთთავად შესაძლებელ გართულებებზე ვფიქრობდი და კიდევ ერთხელ გავკვირდი — გონება გულგრილად, ერთობ გულგრილად ანგარიშობდა. გვარიანად შევფოთოდი. რედაქციის შენობასთანღა ვიგრძენი, როგორ გამომფხაჭნა შიგნიდან სინანულმა. მერე, კიბეზე საკუთარ ტყავზე ფიქრიც დავიწყე. ცოტა მომეშვა. სიფრთხილეა საჭირო. თავს შევახსენე და ტყავგადაკრული კარი უკვე ძველებურად შემოსილმა შევალე.

რა თქმა უნდა, არ ესიამოვნა. მისმენდა და თავს ძალას ატანდა, ისეთი არაფერი დასცდენოდა — ძალიან სჭირდებოდა რეცენზია, ჩანაწერებით სავსე ფურცლები კი ჩემს ჩანთაში ეწყო.

რაღაც-რაღაცები მოვიმიზეზე, სირთულეებსაც მოვედე და ორ დღეში ჩაგაბარეთ-მეთქი, დავპირდი.

ის დღე უსაშველოდ დაგრძელდა. ერთხანს სარედაქციო ფოსტა ვათვლიერე — საინტერესო არაფერი იყო.

ოთახში სიჩუმეა. ვახტანგი ფანჯარას გასცქერის, დროდადრო საათსაც დახედავს ხოლმე. „მართვეს“ ცხვირი ქალაღლებში აქვს ჩაყოფილი — თავში ნამდვილად საკუთარი, მოწინავე აზრები უტრიალებს. არა უშავს რა, ეჩურჩულოს მუშებს, მერე ყველა სადავო სტრიქონი ჩემს, პასუხისმგებელი მდივნისა და რედაქტორის კალამს შეეწირება. ასეთია ტრადიცია. ხანდახან მეცოდება კიდევ — ერთხელაც იქნება, მოსწყინდება ჭიხვინი და კოხტად აწკეპილ ჭიშიან ყურებსაც სამუდამოდ ჩამოჰყრის.

ისევ ბროლიძე მახსენდება.

აღბათ უკვე იყნოსა. სოროს თხრაც დაიწყო, ვიცი, პირდაპირ ჩემი ოთახისკენ მოდის, ამოჰყოფს კიდევ თავს — სად და როდის, კაცმა არ იცის.

უპაერო კოლოფში გამომწყვდეულივით აეწრიალდი.

დერეფანი ცარიელია. მზერა მალულად გარბის ფირფიტებქვეშ ამოკრულ წარწერებზე — მრეწველობის განყოფილება.

კარის ბრჭყვიალა სახელური, რამდენიმე ფრთხილი ნაბიჯი და წიგნებში თავჩარგული შალვა ბროლიძე. პერანგის ყველა ღილი ადგილზე აქვს, თმა — გულმოდგინედ დავარცხნილი. მაგიდის ქვეშ შემალულ ფეხებს ვერ ვხედავ, მაგრამ ისედაც ვიცი — ფეხსაცმელი თოფის ლულასავით უბზინავს. ღმერთმა დაიფაროს და სადმე ქუჩაში შარვალი გაერღვას, იმაზე უბედური კაცი არ იქნება.

— ცხელა! — დამეთანხმა და ისეთი გამომეტყველება გადაიკრა. უშეცდომოდ წაიკითხავდი: „არც არაფერი მინდა, ნურც ნურაფერს მთხოვ“. — თქვენი წერილი... — მერე ისეთი რამეები ვთქვი, არც რომ ვფიქრობდი და აღბათ არც იყო იმ წერილში. ვიდრე სათქმელს ბოლომდე ვიტყოდი, მივხვდი, მეორე შეცდომა ძალად გამოვჩხრიკე. ახლა, მშვიდობით იჯდა და მისმენდა გულგრილი, უკარება. ერთ წამს რაღაც ლიმილისმაგვარმაც გადაუარა. გადაუარა და იმდენად ბრიყვეული მეჩვენა ჩემი საქციელი, რომ გამეცინა.

არა და აღარ გათავდა დღე.

რაიონებიდან გამოგზავნილი რამდენიმე პატარა ცნობა ჩავასწორე და მემანქანებთან შევედი. ფურცლებს რომ ვაწყობდი, მაგიდაზე პრემიების სიას მოვკარი თვალი. ბროლიძის გვარი, როგორც ყოველთვის, თავში ეწერა.

პრემიას კარგი მუშაობისთვის იძლევიან და შალვა ბროლიძე რომ სამ თვეში ერთხელ კარგა მოზრდილ თანხას იღებდა ჭიბეში, თითქოს-

და ბუნებრივიც იყო — ავად თუ კარგად ყველაზე მეტს წერდა. გა-
ზეთს რა, არაფერი, მაგრამ რედაქციაში ხმაგაკმენდილნი იყვნენ —
ერიდებოდნენ. მე კი მშვენივრად ვიცოდი, მოადგილის სავარძლის-
თვის ბრძოლაში პრემია მაინცდამაინც ვერაფერში წამადგებოდა —
ფული, ასე ინაგრებ თუ ისე, სულ ერთია, მაინც აღიზიანებს ადამია-
ნებს.

„ორი თვე შესრულდა...“

იმ დღეს ორივეს დაგვაგვიანდა. ერთიანად გამშრალი, გაცრეცილი
მოვიდა, მე სარედაქციო კრებას გადავყვივი.

• •

კაბინეტის შუაგულამდე ჩამოგრძელებული ვეებერთელა პრიალა
მაგიდა. ცალ ფრთაზე სამი ტელეფონი — ორი თეთრი, ერთიც შავი.
მეორეზე — გაზეთების შეკვრა და ფურცლები. თავში ორმოცდახუ-
თი წლის კაცი — მელოტი, კოხტა თავი, რომაული ცხვირი, შორი-
შორ დამსხდარი ალერსიანი თვალები და თითქოს ღიმილისთვის მომ-
ზადებული პირის საკმაოდ გრძელი და სწორი კრილი, ჩემს პირველ
სარფიან გარიგებას რომ მახსენებს.

შეწუხებული და მოღლილი ხმა:

— ჩვენი დღევანდელი კრება...

კედლების გასწვრივ ჩარიგებული სკამები, რედაქციის თანამშრო-
მელთა გაქვავებული სხეულები.

ექვსი წლის წინათაც ასე იდგა ეს მაგიდა, ის სამი ტელეფონიც,
მაშინაც ცხელოდა, მოღებული ფანჯრებიდან ქუჩის ხმაური შემო-
დიოდა. მაშინაც შეწუხებული იყო ტელეფონებსა და ქაღალდებს შო-
რის მოქეუული კაცი, მაშინაც ის ლაპარაკობდა, მე რე სხვებიც აპყ-
ვნენ და ვფიქრობდი — ასეთი საუბარი რედაქციის მუშაობაში ბევრ
რამეს შეეკლიდა. მეც მედო წილი იმ მომავალ საქმეებში და გაყურ-
სული ველოდებოდი — აი ახლა იტყვიან-მეთქი ჩემს წერილზე. რა-
ტომღაც მეგონა, შემაქებდნენ, ძალიან მინდოდა, მოსწონებოდათ ჩე-
მი პირველი ნამუშევარი. „დღევანდელ მოთხოვნებს ერთადერთი გან-
ყოფილება აკმაყოფილებს“, რედაქტორმა ჩვენი განყოფილება ახსენა.
მერე ჩემზე თქვა, კოლეგიამ მოიწონა ახალი თანამშრომლის წერი-
ლიო. შალვა ბროლიძე, ჩვენი განყოფილების გამგე, გვერდით მეჭდა.
მაშინ ამ კაცისთვის ყველაფერს გავაკეთებდი.

ახლაც გვერდით მიზის ბროლიძე. ექვსმა წელიწადმა ვერაფერი
დააკლო, ისეთივე სუფთაა, ისეთივე დარბაისელი — ადამიანები ძნე-
ლად იცვლებიან.

ჩენი სარედაქციო კრება პატარა სპექტაკლია — მსახიობებით, ნიღბებით, სცენითა და მაყურებლებით. საკმაოდ მიმზიდველიც, თუ, რა თქმა უნდა, მაყურებლის როლს თამაშობ. ზიხარ, ისმენ და თავისით ხარისხდება: კმაყოფილები და უკმაყოფილოები, მსხვილები და წვრილები. მიმზიდველია იმითაც, რომ ორსაათიანი თავყრილობა საძუძო საათებში ეწყობა.

ჩვეულებრივი კრებაა დღესაც, ცოტას გავერთობით და მერე საქმეებს მივხედავთ: რედაქტორი სამმართველოში შეივლის — თავის სათედატორო აქციებს შეამოწმებს, მოადგილე საპენსიოდ ირთვება — გაზაფხულზე სარდაფი მოაწყო, ქვევრები ჩაყარა, საწნახელიც მიუდგა, ფერადი ტელევიზორი მიაკუხცუხა 'მინ, ახლა ბოლო დროს დაწერილ ნარკვევებს აგროვებს, კიდეც ერთი წიგნი უნდა გამოსცეს. სტილისტმა ქალიშვილი გაათხოვა, ბებიობისთვის ემზადება. მემანქანე გოგონები კრების შემდეგ გაბზარულ სარკეს დაიდგამენ, გადაიღებებიან და ისე წაგოგმანდებიან პაემანზე. ერთი ბროლიძელა დარჩება რედაქციაში — კრების ოქმი ხვალ დილაზე უნდა მოაწესრიგოს.

— იმედია, დღევანდელი კრება ხელს შეუწყობს ჩენს მუშაობაში არსებული ხარვეზების გამოსწორებას. ძალიან გთხოვთ, თითოეული გამოსვლა მოკლე, კონკრეტული, ერთი სიტყვით, საქმიანი იყოს.

რედაქტორმა დაამთავრა თუ არა, ტელეფონმაც დაიწკრილა. „სარედაქციო კრება გვაქვს, მოგვიანებით დარეკეთ“.

კრებაზე ჯერ წვრილები ლაპარაკობენ. ასეა ჩვენთან. ალბათ ასე იყო ჩემამდეც. ის, ვის სიტყვასაც წონა აქვს, ბოლოსთვის ინახავს სათქმელს.

ერთხანს ვერავენ ბედავს და ისევ შალვა ბროლიძე ერევა საქმეში.

— აქ ყველა ერთი ოჯახის წევრები ვართ, გარე-გარე და ჩუმ-ჩუმად ბუზღუნნი არაფერში გამოგვადგება. ჩენი სატკივარი ჩვენვე უნდა ვთქვათ, ხმამაღლა, ყველას გასაგონად. მაგალითად, მემანქანეები, კორექტორები ახლა გასუსულები სხედან ორიოდე წუთით შემოვლილი სტუმრებივით. გვითხრან, რა უჭირთ, რა უღხინთ. აქ ერთმანეთის საყურებლად ხომ არ შევკრებილვართ.

ძნელია ამ შინაურულად გადაგდებულ ანკესს არ წამოეგო. ხმაშიც და სახეზეც სარედაქციო საქმეებზე, თანამშრომლებზე ზრუნვა იგრძნობა.

ჯერ მემანქანეებმა დაიჯერეს — ერთი მანქანა კარგა ხანია ჩამოსაწერია, ზოგი ხელნაწერი გამადიდებელი შუშით თუ წაიკითხებაო. მერე კორექტორებმაც — ოთახში ნათურაა გამოსაცვლელი, დედნებში უამრავი შეცდომააო. ფეხის ხმას რიგითი კორესპონდენტებიც აპყენენ, ჩემი ახალი თანამშრომელიც იღებს თავს — ჟანრობრივი მრავალფეროვნება აქლია გაზეთს. მასალების მეტი წილი მშრალია, საბუღალა-

ტრო ანგარიშებს ჰგავს, დედნები შეცდომებითაა სავსე, სტამბაში სწორებას დრო მიაქვს, გაზეთი იგვიანებს, ფრთხილადაც იყო, ათიდან ორი შეცდომა მაინც იპარება, მკითხველსაც ვალიზიანებთ ავტორიტეტსაც ვკარგავთ.

დრო ტაატით ვადის. ვახტანგ სალუქვაძე უკვე საათს დასცქერის, რედაქტორის მოადგილე მთქნარებას ძლივს იკავებს, მემანქანეებს გაფუჭებული მანქანაც დავიწყებით, გაურკვეველი დედნებიც — პაემანზე თუ ფიქრობენ. მეც მეტრო „რუსთაველთან“ ვარ მისასვლელი...

გუშინ ცირკში ვიყავით. თუ რაზე არ მიყვარს, მუსკომედიის თეატრი და ცირკია. პაპაჩემს დავყავდი ხოლმე წელიწადში ორჯერ — რვა ნოემბერს და ორ მაისს. წავიდეთ-მეთქი, რომ ვუთხარი, გაეცინა — ოცი წელიწადია არ ვყოფილვარო.

ცხენებმა გამაბედინეს. ვეებერთელა აფიშაზე არაბულები ეხატა. მოდრეკილი კისრებითა და დიდი, ბრიალა თვალებით.

ბილეთები ძლივს ვიშოვეთ. ცირკი ბავშვებითა და სამხედროების ცოლებით იყო სავსე. ერთხანს მართლა გავერთეთ — სასაცილო იყო, ვიცინოდით, არ იყო — მაინც ვიცინოდით. მერე ცხენების წარმოდგენა დაიწყო.

გაჩახჩახებულ არენაზე სათითაოდ გამოგოგმანდნენ ფაფარდაწული თეთრი არაბულები. ბრჭვილაკოსტიუმიანი კაციც გამოჰყვით. ოთხად მოკეცილი მათრახი ეჭირა.

გაიტკაცუნა მათრახმა — ხუთივე ცხენი ყალყზე შედგა გაწვრთნილი ფინია ძაღლებივით მოხრილი წინა ფეხებით. ტაში. ორკესტრი. არენაზე ათამაშებული ფერადი სინათლეები.

სამი თოკი გაჭიმეს. ისევ გაიტკაცუნა მათრახმა და სკუპ-სკუპით გადაეღუნენ თეთრი არაბულები.

წავიდეთო, მითხრა და პირველი თვითონ ადგა. მეც ავდექი. გასასვლელამდე მოგვეყვებოდა ტაში და ორკესტრის ზრიალი...

ნახევარ საათში მეტრო „რუსთაველთან“ უნდა ვიყო.

— თითოეულმა ჩვენგანმა კარგად იცის — მასალის გარეშე გაზეთი არ დაიბეჭდება...

ეს უკვე ბროლიძე ლაპარაკობს — დინჯად, გულისტკივილით. ლაპარაკობს მასალების სიმცირეზე, მარაგის უქონლობაზე, იმაზეც, რომ ეს ყველაფერი ციდან არ ცვივა. კარგადაც ლაპარაკობს და, ცალი თვალითაც რომ შემოაჭყიტო უცხო კაცი, ნამდვილად გაუჩნდება მოკრძალება და პატივისცემა. რა თქმა უნდა, ბროლიძის მიმართ.

— როცა სოცშეჯიბრების დებულებას ვაყალიბებდით...

ესეც იმ არაკისაა. ახლა სოცშეჯიბრების მნიშვნელობაზე იტყვის, მერე მისხალ-მისხალ ჩამოთვლის, კვარტალში ვინ რამდენი წერილი დაამუშავა, რამდენი გვერდი დაბეჭდა. ბოლოს მემანქანეებსა და კო-

რექტორებსაც გადასწვდება. თხუთმეტ წუთს მაინც გასტანს სარედაქციო საქმეებისთვის წვა.

— ჩვენზე, იდეოლოგიური ფრონტის მუშაკებზე ბევრი რამ არის დამოკიდებული. და რადგან ასეა, ბევრიც მოგვეთხოვება...

ეს იდეოლოგიური ფარი ახლა ძალზე იაფი ღირს, ხანდახან მართო სურვილიც საკმარისია. ერთი კი არის, ყველანაირ საქონელს მაინც მოხმარება სჭირდება. შალვა ბროლიძე მშვენივრად ხმარობს ფარს.

— დისციპლინაზე რომ ვლაპარაკობთ, არ შეიძლება გვერდი ავუაროთ საერთო საქმისადმი პასუხისმგებლობას, პროფესიულ და, თუ გნებავთ, პირად პასუხისმგებლობას. პარტია დიდ ამოცანებს გვისახავს. ამ ამოცანების გადასაჭრელად ერთ-ერთი მნიშვნელოვანი საკითხი შემსრულებლობაა. ვითომდა მოწესრიგებული გვაქვს ყველაფერი ამ მხრივ? პირდაპირ უნდა ითქვას, რომ არა. მაგალითისათვის შორს არ წავალ. სულ ახლახან სამმართველომ ჩვენი კულტურის ერთი მეტად მნიშვნელოვანი უბნის, ოპერის თეატრის შემოწმება დაგვაავალა. როგორც ამხანაგებმა გვითხრეს, იქ ყველაფერი თვითღინებაზეა მიშვებული, ერთი სიტყვით, საოპერო თეატრის ხელმძღვანელობა საქმეს თავს ვერ აბამს. საჭირო იყო კრიტიკული მასალა, თანაც გადაუღებლად, რაც შეიძლება, სწრაფად, რადგან, მოგეხსენებათ, ჩიხში მომწყვდეულ საქმეს დროზე უნდა ხელის წაკვრა, მერე შეიძლება გვიან იყოს. ეს რთული, პასუხსაგები საქმე რედაქციამ ჩვენს ახალგაზრდა, ნიჭიერ ჟურნალისტს ანდო. საოცარია, მაგრამ ფაქტია, ჩვენი კოლეგა მეოთხე დღეა, რაც მივლინებიდან დაბრუნდა, რეცენზია კი არსად ჩანს.

— არც გამოჩნდება!

სიჩუმეში ერთხანს მხოლოდ ეს ორი სიტყვა მიდგას ყურში. მერე რედაქტორის გაოცებულ სახეს ვხედავ, მოადგილის სიცოცხლეჩამდგარ თვალებსა და რალაც საინტერესოს მოლოდინში გაქვავებულ თანამშრომელთა სხეულებს. ბროლიძე ისევ ფეხზე დგას, ტკბილი, გულისამრევად ტკბილი ღიმილი დასთამაშებს.

რალაც მოხდა. რალაც მოხდა და ვიდრე ავდგები, ვიდრე ამ ორ სიტყვას გავიმეორებ, ვგრძნობ, როგორ მეწვეა — ცალკე სიბრაზე და ცალკე სინანული, რომ ისევ შევცდი. თან საკუთარი სიბეცეც მახრჩობს — ველოდი, როგორ არ ველოდი, მაგრამ ასე ერთბაშად არა. ისევ მოლოდინით გარინდებული თანამშრომელთა სახეები, გარცებული რედაქტორი, გახარებული ანკესიანი კაცი და სატყუარზე სასაცილოდ აფართხალებული ირაკლი მიქელაძე. ამ ორიოდ წამში ათასი ხმა და მოგონება თავსდება: მივლინებები, ფანჯრებიდან შემოსული ქუჩის ხმაური, დღევანდელი პაემანი, ცოლ-შვილი, ოცდაათ წელი-

წადს ნაძებნი სიხარული და ცირკის თოკებზე ფინიებივით მოხტუნავი არაბულები...

— არც გამოჩნდება!

მერე ვლაპარაკობ — თითქო შორეულ ხმას ვუსმენ, დაძაბულსა და ნერვიულს. ჰყვება და ჰყვება ხმა: სარედაქციო სოცშეჯიბრებაზე. უხვად წერის შეჯიბრად რომ ქცეულა; პრემიებზე, კაცმა რომ არ იცის, რისთვის რიგდება; გუშინდელ ასტრიქონიან მოწინავეზე, სიტყვების თამაშით რომ ახვევს თავბრუს მკითხველს.

ვლაპარაკობ — თითქო ფირზე ჩაწერილი ნაცნობი ხმა მესმის, მავთულეებსა და დიოდებში გამოვლილი, მშრალი, მყიფე და მაინც სასიამოვნო — რა ხელად ითაფლება ხოლმე ენა საავკაცო სიტყვაზე. გზადაგზა ვილაც თუ რალაც კიდევ მახსენებს, რომ შეცდომას შეცდომას ვამატებ, მაგრამ ფიქრისთვის ველარ ვიცლი — ტკბილი საღბუნე მთელ სხეულში გამჭდომია.

— არც გამოჩნდება! — ხმამალა ვამბობ და ჩუმი ალტაცებით შევცქერი მოყელყელავე პატიემოყვარობას — სიმართლის მანტიამოსხმული ვდგავარ ერთი — ოცდაათის წინაშე!

იმასაც ვამჩნევ — თითქმის ყველანი მაყურებელთა დარბაზში გადამსხდარან, სამნილა შევრჩით სცენას — გაფითრებული რედაქტორი, შალვა ბროლიძე და მე — ჰრელი ტანისამოსით, ჩაჩიანი ქუდითა და ტრაგიკული მონოლოგით.

* * *

ორივეს დაგვაგვიანდა. ის ჩემზე გვიან მოვიდა, ერთიანად გამშრალი, გაცრეცილი.

მახსენდება, რომ დღეს სამშაბათია — ის ვაჟბატონი ალბათ დაბრუნდა მივლინებიდან. ერთი სული მაქვს, გავიგო, როგორ შეხვდა, რა უთხრა. ენას კბილს ვაჭერ და ჩუმად მივდევ გვერდით. ვიცდი. ადრე თუ გვიან თვითონვე ჩამოკაკლავს. ბოლოს და ბოლოს, მიხვედრაც შეიძლება; ზედ აწერია: საათის წინ წარსულს ჩააბარა თავისი უფლისწული — მთელი წლის ნაკოწიწები იმედები, შეჩვეული ადგილები, შეჩვეული სიტყვები.

უკეთეს გასართობს ვერც ინატრებ. ჩიტი თოფის მისაწვდენზე დამისკუპდა და ესეც საკმარისია კარგ გუნებაზე დავდგე. რალაცის თქმაა საჭირო — წესი თავისას ითხოვს. ვაქებებ კიდევ თავს. არაფერი, სახედარივით გაბოტილა სათქმელი.

ფუსფუსებს პროსპექტი, მიახლოვდებიან და მცილდებიან ქალები, კაცები, ვიტრინები, მერე ყველაფერი ერთ დიდ კაბინეტს ემსგავ-

სება. სკამები, ფრთიანი შაგიდა, კრელი ტანისამოსი, სულელის ჩაჩი და ფირზე ჩაწერილი ხმა, მშრალი, მყიფე და მაინც სასიამოვნო. გამოწვევას ჰგავს ათასი თვალის წინ პროსპექტზე სეირნობაც. ერთიც და მეორეც რაღაც ბრიყვული სიამაყით მავსებს და ნიშნისმოგებით გავცქერი ანგარიშმიუცემლად გადაყლაპულ ხუთი წლის წინანდელ ამბავს, ახლაც ყელზე რომ მადგას.

— დაიღალე?

მოვსულვართ. მოედანზე პატარა ბიჭები ფეხბურთს თამაშობენ. პირველი სართულის ფანჯრიდან ქალის წყვილი თვალი მზომავს, შესასვლელთან მოკლევადიანი გოგო ტელეფონის ყურმილს მისწებებია. თან ჩვენკენ იცქირება.

— არა. ყველაფერი უთხარი?

„ჰო“, მეუბნება თვალებით და ისევ ეცრიცება სახე.

— ავიდეთ, მარტო ვარ შინ. ჩვენები სოხუმში წავიდნენ გუშინ.



— ორი თვე შესრულდა დღეს. — თითქო ჩემთვის ვამბობ და იმ, ორი თვის წინანდელი დღის ყველა წვრილმანი გაკროცილი კაკლებივით მოგორავს მეხსიერებიდან.

— მთელი გზა ხმა არ ამოგიღია, რალაცაზე ფიქრობდი.

— ჩვენზე. შენზე და ჩემზე. იმ დღეს როგორღაც მარტო დავრჩით. ეს მინდოდა მეტქვა, შენც ხომ ვილაცას თუ რალაცას აუჯანყდი. თქმით კი არაფერი გითხარი. თითქოს შორეულ, უცხო ქალაქში მოვხვდი. შიშველივით მივიპარებოდი ვიტრინებსა და ადამიანებს შორის, უნიღბო, უსამოსლო. მხოლოდ შენ შეგეძლო ამ სიშიშვლის დაფარვა და მომეჩვენა — ახლობელი ქალი მომყვებოდა გვერდით. მანამდე რალაც თოფებზე და ჩიტებზე ვფიქრობდი, გამობმულივით მივდევდი დაკანონებული წესის საფეხურებს. მერე კი, როცა მითხარი, ამოდი, მარტო ვარო, მივხვდი, რომ იმ ერთი ნაბიჯის გადადგმაც საჭირო იყო. ორივეს გვჭირდებოდა.

ისევ ის სინაზე და მორჩილი ღიმილი. როგორ მინდა, ეს თვალე-ბი, ეს თბილი, ძალიან თბილი სხეული ერთ პატარა გუნდად ვაქციო...

პატარა თითები „ჩვენი სკამისკენ“ მეწევა. გვერდით ჩრდილიანი ბილიკია, გარშემო — ნაძვები, ჩვენს უკან, ანძაზე — ორმოცვატიანი რეპროდუქტორი და სინანულისა თუ სევდის ძახილი: „მანი, მანი, მანი...“ კარუსელთან მოწყობილ ხის ჯიხურში ორი თვეა ამ ფირფიტას უკრავენ.

გვეცინება. კაცმა არ იცის, რას მღერიან, არც მაინტერესებს და

ვფიქრობ, რომ ამქვეყნად სულ ერთი ბეწო საიდუმლოთი შემოსილი ყველანაირი სიმღერა მომხიბლავია.

გშოაო, მკითხე, კარი რომ მიხურე და მარტო დაერჩით. მკითხე და ის ძველებური სასტუმრო გამახსენდა. თავი დაგიქნე. სანამ სამზარეულოში ტრიალებდი, შენს პატარა ოთახს ვათვალიერებდი. გამიხარდა, ის შავი საფრთხობელა ტახტის თავზე რომ ჩამოგეკიდა.

— ხელი დავიწვი ტაფაზე, ვერც ის გკითხე, გინდოდა შემწვარი კარტოფილი თუ არა.

— ფანჯარა მტკვარს გადაჰყურებდა. იქითა ნაპირზე გზა იდო — ვიწრო და სწორი. მომართული სათამაშოებივით დაჰქროდნენ მანქანები. თანდათან დამავიწყდა რედაქციაცა და კრებაც. მერე შემოხვედი, შემწვარი კარტოფილის სუნი და სიმყუდროვე შემოიტანე. კიდევ კარგა ხანს იტრიალე ოთახსა და სამზარეულოს შუა, რაღაც-რაღაცები მოგქონდა.

— ისეთი თავგამოდებით სანსლავდი...

— როგორც თადარიგიანმა დიასახლისმა, ყველაზე გემრიელი კერძი მაინც ბოლოსთვის შემოინახე...

სახე ეტკიცება და შაშვივით აღებს პირს. მერე ალანძულ თვლებს მარიდებს, თავს მხარზე მადებს და რაღაც გაუგებარს დუღუნებს.

მაშინაც ასე მარიდებდა თვალს. ჭურჭელი სამზარეულოში გაიტანა, მობრუნდა. ტახტზე დაგდებული წიგნი კარადაში შედო, მერე ხან რა გადადგა, ხან — რა, ერთხანს კიდევ ათვალიერა ოთახი და რომ ველარაფერი იპოვა, ჩამოგდა.

ვისხედით და ერთმანეთს შევცქეროდით. ისევ ის ძველებური სასტუმრო, ის ერთი საღამო და ის დილა მახსენდებოდა. ჰგავდა და არც ჰგავდა. შევცქეროდი, ხმას არ ვიღებდი.

წამით შემომამბობდა ეჭვი — უსახსრო და უაზრო. უკვე იყო ვიღაც, იქნებ უყვარდა კიდევ, იქნებ ახლაც უფრთხილდება, ელოლიავება იმ ძველ ხატს.

წამით შემობორიალდა ეჭვი პატარა ოთახში, ერთი გამწიწვნა და უკანვე გაიძურწა. თავი აუწვიე, ახლოდან, სულ ახლოდან დავაცქერდი. აღარ აურიდებია მზერა — მოლოდინი, შიში და სითბო ედგა თვლებში.

ფრთხილად შემოვაცალე თხელი სეიტერი. ცხელი სითეთრე ალივით მომედო. სახეზე შევხედე, ერთიანად გაშიშვლებოდა თვალები.

მერე ნაწყვეტ-ნაწყვეტლა ვგრძნობდი — თმის სურნელს. გამშრალ ტუჩებსა და ქალის გრძნეული ხელების სითბოს. რაღაც უჩვეულო სიხარულიც მოვიდა, ისეთი უჩვეულო, და მართალი, რომ გული ამომიჭდა.

ფანჯარას მიწებებული ბინდი, გამვლელთა მოგუდული ხმა. საბუ-

რავების შრიალი და კიდევ, უცნაური ჩურჩული, მარტო სიბნელეში რომ გაიგონებს კაცი.

„მანი, მანი მანი...“

— იმ ღამეს პირველად ვიფიქრე, რომ დამთავრდა...

— მაინც? — მეკითხება და ალერსით მიჭერს პატარა თითებს.

— იმ დღეს ჩემნაირ ეგოისტს კაცი ვერ იპოვიდა ქვეყანაზე.

— ეგოისტ?

— ჰო, — ვეუბნები და ვიდრე მიხვდება, ვიდრე რალაც უსიამოს მოლოდინში გარინდებული სხეული ისევ მოუღებდა, თვალწინ აჩქარებული კადრებივით გამიბრბის — ერთდღიანი თუ კვირიანი თავგადასავლები. რამდენი იყო. ალბათ არც ბევრი, არც ცოტა. იმდენი, რამდენიც მოვასწარი — ყოველთვის ვცდილობდი დამეგრძელებინა ეს სია. ქალის მადლიერი თვალები სიამაყით მავსებდა. ეს იყო და ეს. საღად მუშაობდა ტვინი, საღად აღვიქვამდი ყველა წვრილმანს და ვერასდროს, გაოგნების უნაპირო სივრცეშიც კი ვერ ვახერხებდი მეთვალყურის, როგორღაც მესამე კაცის ტყავიდან დაძრომას. უშურველად ვფლანგავდი თავს, სანაცვლოდ არაფერს ვთხოულობდი. არ მჭირდებოდა.

იმ ღამეს ყველაფერი შეტრიალდა. უჩხული ჩამიჯდა, უშველებელი, გაუმაძღარი. ერთბაშად დაიფანტა ფარატირა სიტყვები — სიყვარული, პატიება, სხვისი ბედნიერებისთვის საკუთარის დავიწყება. ვიციინოდი და ვტიროდი.

დილით ჩენზე ადრე გაღვიძებოდა. მოკუნტული იჯდა, ხელები ჩამოტეხილივით ეწყო მუხლებზე. წუხანდელივით ღამაში აღარ იყო, მაგრამ უმწეო, თითქო სიცოცხლეჩამქრალ სხეულში, უძილო თვალებსა და მუქზოლებდამჩნეულ უბებში ისეთი ქალური სინაზე და სევდა დაეინახე, რომ სუნთქვა შეშეკრა.

მიცქერდა. უფრო მეტი მაინც სინანული იყო ამ გამოხედვაში და ვიგრძენი — რალაც გადამიბრუნდა მკერდში.

მგონი გავუღიმე, წამოვიწიე. უცებ მომხვია ხელი, გულზე მიმიკრა და ატირდა, დედაჩემივით, ბანაკში რომ მგზავნიდა ხოლმე ზაფხულის არდადეგებზე.

დამშვიდობებას ჰგავდა ეს უცნაური ალერსი. სველ თვალებში ვკოცნიდი, აწეწილ თმას ვულაგებდი, ნუ წვალობ-მეთქი, ვეუბნებოდი — კარგად ვიცოდი, რომ ეს უკანასკნელი გაბრძოლება იყო, უშედეგო, არაფრისმომცემი და მაინც ღამაში.

მერეც არაერთხელ სცადა. ქალური ალლო თუ აფრთხილებდა, ფეხს თუ ათრევიანებდა და ისიც განწირულივით მებრძოდა, მეურჩებოდა, ტყუილუბრალოდ. თვითონაც ხვდებოდა, ყველაფერი გადაწყვე-

ტილი იყო. არც ასარჩევი, არც უკანმისაბრუნებელი გზა აღარა ჰქონდა.

„ვიცი, რითაც დამთავრდება, სანამ გვიან არ არისო...“

მშვიდი, უმოძრაო და ვარდისფერი იყო ჩემს გარშემო ყველაფერი და ამგვარი ვარაუდი თუ წინასწარმეტყველება სასაცილოდაც არ მყოფნიდა.

მთელი ორი თვე ვარწმუნებდი, ვუსაბუთებდი, რომ გაუგონარსა და განსაკუთრებულს არაფერს სჩადიოდა. მაინც გაკერპდებოდა, ნაქუქში გამოიკეტებოდა, თავსაც იწვალებდა და მეც მაწვალებდა. ხანდახან ისეთი რამეც დასცდებოდა, არც რომ ფიქრობდა და მერე ნაწობდა კიდევ.

ვბოროტდებოდი, უგუნური და უსაფუძვლო წინააღმდეგობა მახელებდა, უცნაური ქინი შემიძპრობდა ხოლმე. ერთილა მინდოდა. მეტოქედ ქცეული ამ უსუსური არსებისთვის ყველაფერი დამევიწყებინა, ტვინის კუნჭულებში ჩარჩენილი მოგონებები აწმყოთი ამომექოლა, გამეთელა. გარინდებულს რომ დავინახავდი, ეცოფდებოდი — სხვა, ჩემთვის არარსებულ და უცნობ დროს თუ დასტრიალებს-მეთქი ფიქრებით. ეცოფდებოდი და სამაგიეროს, საშინელ შურისძიებას ვიგუბებდი. ერთხელ წამოსცდა, არც ერთს არ მივეუტოვებოვარო, არც მე მივეუტოვებოვარ-მეთქი, არავის, იქედნეს ღიმილით დავუბრუნე.

ღრო გადიოდა და თანდათან მივხვდი, რომ ტყუილად ვასკდებოდი გულს. წარსული აღარ სტანჯავდა. ერთადერთ საფიქრელად ხვალისდელი დღე გახდომოდა. მეც საბოლოოდ ვირწმუნე — ძალად ვერ ატარებ ქალს შენს ჰკუთხე და, რადგან ასე მოიქცა, ასეც ერჩივნა ალბათ.

— მანი, მანი, მანი...

ამ ორ თვეში, ვინ იცის, მერამდენად გვიმღერის რეპროდუქტორი. ფიქრი ახლა ხუთსართულიანი შენობისკენ გამიბრბის, რკინაბეტონის თანამედროვე ნაგებობისკენ, როგორაც განზე რომ დამრჩა.

იმ შენობაში ათზე მეტი რედაქციაა, ათზე მეტი რედაქტორი და ათჯერ ათზე მეტი კორესპონდენტი. სანამ კიბეზე აღიხარ, არ შეიძლება, რამდენიმე არ შეგხვდეს. ერთი თავს დაგიკრავს, ერთი ხელს ჩამოგართმევს, ერთი კი აუცილებლად გეტყვის:

— ჩვენი სტატია მიდის ნომერში. თქვენი აზრი მაინტერესებდა. ხომ არ...

— აუცილებლად წავიკითხავ.

ჯერ კიბეზე აღიხარ და ფიქრობ, რომ შეიძლება წავიკითხო.

კიდევ ორი საფეხური: „ვინ თუ არ მომეწონოს“.

უკანასკნელიც: „რა თქმა უნდა, არ წავიკითხავ“.

ამ სართულზე სხვა რედაქციაა, სხვა რედაქტორი. შესამჩნევად ვუჩ-

ქარებ ნაბიჯს და... როგორა ვთქვა... ნაბიჯს ვუჩქარებ და ოდნავ, სულ ოდნავ მითრთის მუხლები. მთლად ისე არაა, ჭიშკარს რომ შეაღებ, ფრთხილად შეყოფ თავს და ერთი წუთითაც არ გავიწყდება ლითონის ფირფიტა: „ეზოში ავი ძაღლია“. მთლად ასე არაა, მიახლოებით, რადგან გახსენდება — ლითონის ფირფიტის ეზოში ხალხიც ცხოვრობს. თუნდაც მესამე კარი ხელმარჯვნივ — ინფორმაციის განყოფილება, ანდა მეხუთე — მრეწველობის. ეს წვრილმანი კი იმიტომ იცი, რომ რვა წლის წინათ აქ, სწორედ ამ სართულზე დაიწყე ის, რაც ჰქვიანი ხალხის აზრით, არ უნდა დაგეწყო.

ეს იყო რვა წლის წინათ, ისე, როგორც წესი და რიგია. როგორც იწყებენ. იმ დღიდან გაზეთ „ახალი გზის“ შტატგარეშე კორესპონდენტი გავხდი.

კაცმა არ იცის, შემთხვევამ მკრა ხელი თუ ასეც უნდა მომხდარიყო. იმ დღეს, და მერე ერთხანსაც მეოთხე კურსის სტუდენტი ვიყავი, „დინამოს“ ყველა მატჩს ვესწრებოდი, მშვენიერად ვცეკვავდი, ბუკინისტური მაღაზიის მტერიან თაროებზე ამაოდ ვეძებდი კაფკასა და კამიუს. სიკვდილზე ლაპარაკი არ მალეუვებდა. სხვათა შორის, არც მომავალი: ბედის სარკეში მკაფიოდ ჩანდა დიპლომი, სამეცნიერო-საკვლევი ინსტიტუტი და სხვა და სხვა — პარტია ჰადრაკი, დახვეწილი ანექლოტები, ახალ ფილმებზე საუბარი, პრემიერებზე დასასწრები ბილეთებისთვის ნაცნობების შეწუხება, შუალედებში სამეცნიერო თემაზე ჭახირი და ცოტა ხანში დოქტორის თუ არა, კანდიდატის ხარისხი მაინც.

სამიოდ თვეში გაკრიალებულ სარკეს მივაფურთხე და როცა შეფიქრიანებულმა პერანგის სახელოთი ისევ ჩამოვწმინდე, სულ სხვა გზა გამოჩნდა — ბევრად მაკდური და საინტერესო.

იმ დღეს კი, ჯერ კიდევ მეოთხე კურსის სტუდენტი რომ ვიყავი, შემთხვევამ ჩემ ნაცნობ ფოტორეპორტიორთან მიმიყვანა, სადღაც სურათი გადაეღო ჩემთვის და, თუ გამოივლი, დაგიბეჭდავო.

ლაბორატორიაში იყო.

ფირი მოძებნა და ცოტა ხნის შემდეგ აბაზანიდან ერთიმეორის მიყოლებით ამოყარა გალუმპული ქაღალდები.

— ანთე სინათლე.

სანამ ფოტოებს აშრობდა, სკამზე მიგდებული წინა დღის „ვარსკვლავი“ ავიღე. დავექეი და გავშალე. სათაურების თვალჩერებაში ვიყავი, მოვიდა. გაზეთი გამომართვა, გადაკეცა და დამიბრუნა.

— როგორია? — საკუთარ თავს თუ ეკითხებოდა, რადგან ერთხანს თვითონაც უცქირა და პასუხს არც დალოდებია, ფირებს მიუბრუნდა.

თავი დავაქნიე — ფოტო მართლა მომეწონა, უფრო კი ალბათ ცხენების გამო. მერე რეპორტაჟიც ჩავიკითხე.

— ჰა, როგორია?

ისევ თავის თავს თუ ეკითხებოდა. ერთი წუთით არ მიფიქრია, რომ აღტაცებული იყო ნახელავით, ვალიკო თვაურის ფოტოებს თითქმის ყველა გაზნთი ბეჭდავდა და საკმაოდ ხშირადაც.

— ფოტო მართლა კარგია, ეს კი... ცხენებზე ეგრე წერა... — ხელმოწერას დავხედე: „შ. გრანელი“. — შ. გრანელი. — ხმამალა გავიმეორე. — ვინ არის, „ვარსკვლავში“ მუშაობს?

— არავინ.

— არავინ?

— მრეწველობის განყოფილების გამგის შალვა ბროლიძის ფსევდონიმია. რა, არ მოგწონს?

— არა. უკეთესად შეიძლება.

— უკეთესად ყოველთვის შეიძლება. შენ თუ...

— შემძლია. — ვთქვი და გავიფიქრე, რომ მართლა უკეთესად შემეძლო. სკოლაში ხუთი გვერდი რომ იყო დასაწერი, ერთს ძლივს ვახერხებდი. მერე, სტუდენტი რომ გავხდი და ინტეგრალებზე უნდა მეტყლიტა ტვინი, მწერლობის მანია შემიჩნდა. მალევე განვიკურნე, მაგრამ შ. გრანელზე უკეთ და ისიც ცხენებზე, დარწმუნებული ვიყავი, მართლა შემეძლო.

გამომხედა. გამზომა.

— როგორც ვიცი, მანუქი არსად აპირებს გაქცევას. მოიტანე და ვნახოთ.

დანარჩენი თავმოყვარეობამ გამაქეთებინა.

მესამე დღეს მივუტანე, დაჯდა და კითხვა დაიწყო. ცოტა ვღელავდი, მაგრამ ვიციოდი, მოეწონებოდა. დაამთავრა. ფურცლები ერთმანეთზე დააწყო, მერე გაშლილი მარჯვენა ბეჭედივით დაადო ზედ და ამომხედა.

— ხალხი? აღამიანი? აქ ცხენების მეტი არაფერია. ისტორიასაც არავინ გთხოვს. შენ იქ მიმიყვანე, მანუქზე. დამანახე, მომასმენინე...

მახსოვს, რომ გავწითლდი, რაღაც უკმაყოფილოდ ჩავიბურტყუნე, თანდათან ბრაზიც მომერია და წამომცდა:

— შეიძლება, მაგრამ იმას ხომ სჯობს!

გაეცინა. ვიფიქრე, რომ თითქმის „პოს“ ნიშნავდა ეს სიცილი და დავწყენარდი.

— იმასთან რა გინდა. რაც გითხარი, გააკეთე და არ დაიკარგო.

ორი დღის შემდეგ ისევ მივედი.

დამიცადეო. რომ მობრუნდა, ფურცლები აღარ ეჭირა.

— „ახალი გზა“ ათვალიერე. ამ დღეებში იქნება.

მეოთხე დღეს მართლა დაიბეჭდა. რამდენიმე ცალი ვიყიდე. მერე კაფეში ვიჭეჭი, წინ ჩაი და ბუტერბროდებით სავსე თეფში მეწყო. გვერდით მაგიდასთან ხნიერი ქალი აძალებდა ბავშვს: „ჰამე, შე დასამიწებელო, რომ შემომათრიე, ჰამე ახლა“. ნეილონის ფარდებს იქით ხალხი მიდი-მოდიოდა, ჰადრები ქალიშვილებივით ეკეკლუცებოდნენ ქარს და ეს ყველაფერი — ანხლი დედაკაციც, ნეილონს იქით მოძრავი ადამიანებიც, ჰადრებიცა და მზითა და მოფარფატე ჩრდილებით სავსე ქუჩაც შრიალა გაზეთის მართკუთხედში მოქცეულიყო: მსხვილ-შრიფტიანი სათაური, ცხენის ბრიალა თვალებთან დახრილი მომღი-მარი გოგო და „ი. მიქელაძე“.

გაზეთი ფრთხილად გავკეცე, ერთი ყლუპი დუბელა ჩაი მოვსვი, ატირებულ ბავშვს დავეჯღანე და გარეთ გამოვედი.

გარეთაც გაზაფხული იდგა. დაქროდნენ მანქანები, შუა ქუჩაში უდარდელად მოაბიჯებდა მილიციელი, მღეროდა რეპროდუქტორი და ისეთი ლამაზი იყო ახმაურებული პროსპექტიც, ხალხიცა და მთელი ეს ქვეყანაც, რომ მეც მომინდა სიმღერა.

ლაბორატორიის კარი დაკეტილი დამხვდა. ის იყო მოვბრუნდი და ვალიკო თვაურიც ცხვირწინ ამეტუზა.

— აა! ქართული პერიოდიკის ამომავალი ვარსკვლავი! ნახე? რა თქმა უნდა, რა თქმა უნდა, — თითქო ილლიაში ამოჩრილ გაზეთებს გადმოულაპარაკა და ხელი მომკიდა. — ეხლა წავიდეთ, გველოდებიან.

გაკვირვებულმა შეეხედე.

— სამი სართულით დაბლა. კარგი ხალხი. ინფორმაციის განყოფილებაში. ოთარ გოგლიძე.

ასე გადავდგი პირველი ნაბიჯი „ახალი გზის“ ზღურბოზე.

დიდი და ნათელი ოთახის სიღრმეში, გაცრეცილზედაპირიან, ძველებურ მაგიდასთან ორმოცდაათს მიტანებული კაცი იჯდა. ადგა, მაგიდას გამოსცდა და ხელს რომ გვართმევდა, გაიღიმა. მოუხელთებელ, კრიალა რითმას ჰგავდა ეს ღიმილი — არც რომ გნებდება და არც თავს განებებს. უკვე რაღაცას მეკითხებოდა, საქმიანი, მკაცრი, გულგრილი ღიმილი კი დარჩა.

— რამდენი დღე გინდა?

დავალემა ძნელი არ მეჩვენა, მაგრამ რა ვიცი, რა არ ხდება, და, ხუთი დღე ვითხოვე. სანამ ვეუბნებოდი, ისიც გავეფიქრე, ბევრი არ ეჩვენოს-მეთქი.

ისევ გაიღიმა და დავმშვიდდი. იქნებ უცნაურიც იყოს, მაგრამ არც მაშინ, ორიოდი წუთის გაცნობილი რომ მყავდა, არც მერე. რაა წლის მანძილზე, ერთხელაც არ გავუკაწრივარ ეჭვს. და თუ შეიძლება, რომ უფიქრელად მიენდო რამეს, ამ ღიმილს ვენდობოდი. იყო თუ არ იყო.

მაშინაც, ფანჯრიდან უხილავ წერტილს მიჩერებული ხელჩაქნეული კაცივით მძიმედ, საარვისოდ რომ ფიქრობდა ხმამაღლა:

— ჩვენ ნუ გვიყურებ. ამ ოცდაათი გაბლენძილი კაციდან ნახევარი ვითომ მუშაობს, ნახევარსაც მხოლოდ ჰგონია, რომ მუშაობს.

მაშინაც, სარედაქციო კრების შემდეგ, რალაციით გაღიზიანებულს ოღნავ რომ უტოკავდა მარცხენა უპეც და ხმაც, ჩვეულებრივ მშვიდი და თბილი, ეკალდაყრილი ბურთივით ამოჰქონდა გამშრალი ყელიდან:

— თუ გგონია, რომ სიმართლეს ამბობ, კიდევ დაფიქრდი, მერე კი აუცილებლად თქვი. ნურავის დაუხარი თავს, ნურაფერს დათმობ. შენ ესლა იწყებ და ზოგიერთებს ყური არ უგდო — გაზეთში წერა წყლის ნაყვანო. საქმის გაკეთება ყველგან შეიძლება. მაგრამ ადამიანებზე უნდა წერო და ეს არ დაგავიწყდეს.

ვუსმენდი და მჭეროდა. ვენდობოდი. თავს რომ ენდობი, ისე. არც დარიგება იყო ამ ხმაში, არც რჩევა, არც ჭკუის სწავლება. უცნაური რამ ხდებოდა. ვუსმენდი და ჩემივე ხმა მესმოდა, ჩემი აზრები, მე თვითონ ვიყავი ოთარ გოგლიძე.

მეორე დავალებას მესამე მოჰყვა. შემაქეს. „ახალ გზაში“ სულ უფრო გახშირდა ჩემი წერილები. თითქოსდა ამან გადაწყვიტა. ლექციები განზე გადავდე და მერე აღარც საგაზაფხულო სესიები გამხსენებია. არადა, ვიცი: ამდენი ხნის ნაპრიალებს სარკეს რომ ვაფურთხებდი, უბნის ბიჭებთან მეგონა თავი.

მერე დღეები ისევ დაემსგავსნენ ერთიმეორეს. საამქროები, მშენებლობა, რეპორტაჟები, წერილები, სარედაქციო ციებ-ცხელება, უძილო ღამეები და სასიგნალო ნომრების ნაზი სურნელი, ყველა უჩრედში რომ გამჟღავნებია.

„ფიქრიანი უნდა იყო“. გულისთქმასავით ჩამესმოდა ოთარ გოგლიძის ნათქვამი, მაგრამ საკუთარ ხმასაც ყოველთვის როდი უსმენ.

ფიქრის დრო არ მქონდა. ვწერდი. ჩემივე ნაწერით ვტკბებოდი. დედა დიპლომს მთხოვდა, მამა — ჭკუაზე მოსვლას, ბებია — ცოლს, რედაქტორი კი — ახალ-ახალ რეპორტაჟებს.

უარის თქმა დროზე ვერ ვისწავლე და მალე ყველას ფანდურზე დავიწყე ცეკვა. ჭერ ბებიას დავყავი. მერე დედაჩემსაც — მაინც გაზეთს ვიყავი გადაყოლილი და ჟურნალისტიკის ფაქულტეტზე გადავწყვიტე დანაკლისის ანაზღაურება.

ერთხანს მართლაც მიმაგრებდა, რა ვიცი, ღმერთმა უწყის საიდან გამობმული თოკი, მერე უეცრად ქარმა დაბერა და ბოლომოწყვეტილი ფრანივით დავბზრიალდი.

აგვისტო ახლოვდებოდა. ჭკვიანი ხალხის აზრით, ჩემი საგაზეთო მოღვაწეობა უპირატესობას მომცემდა. მეც მორიდებით შევალე რე-

დაქტორის კაბინეტის კარი. ოთახში ბრიოლინის მოტკბო სუნი იდგა. სწორედ იქიდან დაბერა. რედაქტორმა უარი მითხრა შტატგარე-
შე კორესპონდენტობის ცნობაზე („ბრძანებით არ ხართ გაფორმებუ-
ლი“), ჩემი აზრით, ორი წლის კეთილსინდისიერი შრომით დამსახურე-
ბული რომ მქონდა.

უნივერსიტეტში მაინც შევყავი თავი, „ახალი გზის“ სავალიც ნელ-
ნელა დავივიწყე.

უქრნალისტიკაში ამ მისვლა-გაქცევამ საგრძნობლად დაბინდა ბე-
ბიაჩემის ნამზითვი სარკე. ახლა აქ დიპლომილა ჩანდა, მაგრამ ერთ
დღეს (ცხოვრებაში კარგი დღეები არც ისე ცოტაა) მელოტი, კობტა
თავი, რომაული ცხვირი და ჩემსკენ მოპყრობილი ალერსიანი თვალე-
ბიც დავინახე. მთელი ეს ავლადიდება ლევან ალანიას, „ახალი გზის“
ყოფილი პასუხისმგებელი მდივნის, ეს ერთი წელიწადი კი გაზეთ
„ვარსკვლავის“ რედაქტორის კუთვნილება იყო. იმ „ვარსკვლავისა“,
ორი წლის წინათ ვალიკო თვაურის ჩაბნელებულ ლაბორატორიაში ჩე-
მი გაუქრნალისტების საბაბად რომ იქცა. ხანდახან რა უცნაურად გა-
იხუმრებს ხოლმე ბედი.

სარკე არ იტყუებოდა. გამოსახულებამ მოხდენილად გაისწორა
ჰალსტუხი, პირის ჭრილი ოდნავ გაწელა და რომ ვიფიქრე, ღიმილი
მოსწყდება-მეთქი, ტუჩები ისე მოღრიცა, საბავშვო ბალი და მანანის
ფაფა მომაგონდა. მერე ხელის ნაჩვევი მოძრაობით ერთბაშად შეკრი-
ჭა საზეიმო ღუმელი და:

- იშვიათად ჩანხარ, მუშაობა ხომ არ დაიწყე?
- კარიერისთვის ვემზადები უნივერსიტეტში.
- იქნებ ჩვენი გაზეთისთვის დაგეწერა რამე.
- რაღაც გადავეჩვიე. გულს ველარ ვუღებ.
- ადგილი რომ გამოჩნდეს?

ისე იკითხა, თითქოს ზურგს უკან სათამაშო ჰქონდა დამალული —
ლექსი თქვი და მოგცემო.

ლექსი არ მითქვამს. მოკლედ მოვკერი, თანახმა ვარ-მეთქი.

— ას ოცი მანეთით დავიწყეთ. დანარჩენი შენზე იქნება დამოკი-
ლებული.

იმ დღეს კიდევ ერთხელ დავიქნიე თავი. თუმცა, გარიგება ამჯე-
რად სარფიანი იყო.

სარკემ ყველაფერი მართალი თქვა. რამდენიმე თვეში უფროსი კო-
რესპონდენტი გავხდი, ერთი წლის შემდეგ კი კულტურის განყოფი-
ლება ჩამაბარეს — ყოფილი გამგე სხვა რედაქციაში გადავიდა.

„მანი, მანი, მანი...“

— რა სულელები ვართ ქალები.

— რაზე ამბობ, დრუნჩა?

— ზურაბის იმედი რომ მქონდა. ისე მიქე, ასეთიაო, ისეთიაო, ვიფიქრე, რამე ჰკვიანურს გირჩევდა.

— არ იცოდი ძალი ძალის ტყავს რომ არ დაზღეს?

— იმიტომაც ვამბობ, სულელები ვართ-მეთქი. ისე, რომ უსმინო, იმაზე გულგრილი კაცი ქვეყნად არც არის. ერთი შეხედვით სულ სხვადასხვანაირები ხართ, მაგრამ რალაციით ძალიან ჰვავხართ ერთმანეთს. ორივე...

— პირველი კლასიდან ერთ მერხზე ვისხედით...

— ორივე... — ერთხანს თითქოს რალაცას ეძებს, მაგრამ სანამ იპოვის და იტყვის, ის დღე მაგონდება, ამ ქალბატონის სურვილს რომ დავეყვი — შენს მეგობარს უნდა მოველაპარაკო. მგონი ასეც თქვა: „უნდა მოველაპარაკო“.

* * *

— მცხეთაში. — თითქოს სხვათა შორის დააგდო ზურაბმა და ვეება ბეჭებით ისე მოაწვა სკამს, ჭრიალი დააწყებინა. შოფერმა ცერად გამოხედა, ჩვენკენაც გამოაპარა მზერა და მანქანა დაძრა.

არც ერთი არ ვიღებთ ხმას. ისევ შოფერმა სცადა — კალიასავით მომრავლდა მანქანაო. არ ავეყვით და ისიც გაჩუმდა.

ზურაბი გაშეშებული ზის. შევეყურებ დათვის კისერს, არშინიან ბეჭებს, გზას რომ გადაჰფარებია და ეს ჭიუტი ღუმელი მეც მიკრავს კრიჭას.

გუშინწინ, როგორც კი ჩემი ქალბატონის თხოვნა გადავეცი, სახე მოეღრიცა. ჯერ უნდოდ შემომხედა, მერე შემომიბღვირა — მალე ბეზიაქალობას მომთხოვო. თანდათან დალბა, კარგო, ამოღერდა და კუნაპეტივით თვალებში სითბო აუციმიციმდა. სხვას არც ველოდი, მაგრამ მაინც მომეშვა გულზე.

შოფერმა რადიოსკენ წაიღო ხელი, კარგა ხანს აწვალა. მანქანა მურაბასავით ტკბილმა ხმამ გააგსო.

— გამორთე, თუ ღმერთი გწამს.

შოფერმა მიამიტად გამოიხედა. რათა, კაცოო, სახეზე ეწერა სათქმელი. აღარც არაფერი თქვა და მაშინვე გამორთო.

ვერც ეს ქალბატონია გუნებაზე. ნეტა რა ჯანდაბამ მოაფიქრებინა. კინალამ არ ვუთხარი შოფერს, გააჩერე-მეთქი.

მერე რაღაც უცბად გავმხიარულდი, სტვენაც კი დავიწყე.

ზურაბმა ერთი კი მოატრიალა საჩრდილობელივით წარბები, რაღაც ბიჭური, ეშმაკური სიცილი შეგვატოვა და მიბრუნდა.

რესტორანთან გავაჩერებინეთ მანქანა.

ნისლივით დამდგარი ბოლი, დაგუბებული ხმაური და ოციოდე წყვილი ცნობისმოყვარე თვალი მოგვეგება შესვლისთანავე.

მანქანაში ყოფნა ჯობდა-მეთქი, გავიფიქრე და მყუდრო ადგილს დავეწყე ძებნა.

შესასვლელთან ვიღაც განმარტოებულა. წინ ძირამდე დაყვანილი ბოთლი, თეთში მწნილი და რაღაც კერძი უდგას. მოკლესახელოიანი, ნასვრეტებიანი პერანგი გაწვნიკულ კისერსა და გამხდარ ხელებზე ჩამოკიდებულივით აცვია. იმ გაძვალული იდაყვებით მაგიდას დაყრდნობია და მოჭუტული თვალებით იცქირება დარბაზის ბოლოს გაშლილი სუფრისაკენ. გვერდით რომ გავუარეთ, ამოგვხედა, წამოიწია კიდეც და ხელით თავისუფალ მაგიდაზე გვანიშნა.

დაესხედით. ოფიციანტის მოლოდინში ერთმანეთს შეეცქერით. კარგა ხანს გრძელდება ეს უხერხული სიჩუმე. როგორც იქნა, მოგვხედეს კიდეც.

— ეხლა მე მაცალეთ! — გუნება გამოუკეთდა ზურაბს.

ოფიციანტმა ყველაფერი ჩაინიშნა და გაბრუნდა.

— მაპატიეთ, — დანდობილა ალაპარაკდა ჩვენი მარტოხელა მეზობელი. — მაპატიეთ, ქალბატონო, — ახლა თავიც დახარა და განაგრძო, — აი, ის კახა... — ხელი ოფიციანტისკენ ვაიშვირა, — აი, ის კახა ორი საათია იმათ დაჰფოფინებს. თუ ნებას მომცემთ, გეტყვი, რატომაც. — ერთიანად გადმოწვა მაგიდაზე და სველი ტუჩებით აჩურჩულდა: გამორჩენას ელის იმათგან... — საჩვენებელი და ცერი ერთმანეთს გაუსვა, შეთქმულივით მოგვიჭუტა თვალი და ხმამალლა, მუქარით ჩამარცვლა — უსამართლობაა ქვეყნად, უსამართლობა!

— აგაშენა ღმერთმა. — ისე გულიანად შეაგება ზურაბმა, რომ სიცილი წაგვსკდა.

მოკლესახელოიანი უკვე ცარიელ ჭიქას ჩაჰყურებდა.

— ეხლა თამადა უნდა ავირჩიოთ. — თქვა ზურაბმა. როცა ოფიციანტმა სუფრა გაგვიწყო და ღიმილით გვითხრა, კიდეც ხომ არაფერს ინებებთო.

— არჩეულია. ზურაბს გაუმარჯოს.

— რადგან ეგრე გინდათ, ეგრე იყოს. ისე, შენი ამბავი რომ ვიცი, არც თამადაა საჭირო და ნება რომ მოგცენ, ღვინის სინსილასაც გააქრობდი ქვეყნად. დაასხი, დაასხი, მერიქიფედ თუ გამოგიყენებს კაცი.

ნახევარ საათში სულ გამხიარულდა. მერე ოფიციანტსაც მოუხმო.

— კიდევ სამი. ერთიც, აი ამას. — გვერდით მაგიდაზე ანიშნა.

ოფიციალტი მალევე მობრუნდა.

— ინებეთ. — მოკლესახელოიანსაც მიუტრიალდა, რალაც ჩაილაპარაკა და ბოთლი ზედ ცხვირთან დაუდგა. ჩვენი მეზობელი ბურანიდან გამოერკვა. ჭერ ოფიციალტს ახელდა, მერე ჩვენ და სახეზე შვება მოეფინა.

— ჩვენს შვილებს გაუმარჯოს. შენს გიოს, ჩემს გოგოებს, თქვენს...

— ზაზას. — შევაშველე ზურაბს და ერთი გამოცანაც იქვე დაემატე. — თოთხმეტი წლის ბიჭი ჰყავს.

ჭერ იმას შეხედა, მერე მე, კიდევ შეგვათვალეირა და რალაც უნდოდ გაიღიმა.

— მოიცათ, მოიცათ, ჭერ დრუნჩაო, ეხლა თოთხმეტი წლის ბიჭიო. იცით რა...

— ვკითხოთ დრუნჩას. — ვთქვი და გავხედე. ღვინისა თუ სიცხისაგან იმასაც შეწითლებოდა დაწვის თავები.

— ეგრეა.

— მოიცათ, მოიცათ. — ჭერ კიდევ ხუმრობა — სიცილით ლაპარაკობდა. ზურაბი, მაგრამ გაბრაზებასაც ბევრი აღარათფერი უკლდა. — კარგი, იყოს თოთხმეტისა, მაგრამ... მაპატიეთ... თქვენ თვითონ, ქალბატონო... დრუნჩა...

— ჩემი ძმისშვილია. — თქვა და ერთხანს ჩუმად ვისხედით. — სამი წლიდან ჩემთან არის... მშობლები...

— ჰო... — ზურაბს ენა დაემა. — არ ვიცოდი. ეს ცხოვრება მარყუჟია... ეშმაკს წაუღია ყველაფერი... თქვენ... თქვენ არ შეთანხმებით... სხვანაირად ფიქრობთ... ადამიანი რალაც გგონიათ... ჰი, ჰი, ჰი... ფუ! — გადააფურთხა გვერდზე, ხელისგული ტუჩებზე გაისვა და ბოთლს წაეტანა.

უკვე კარგად შემიღიტიანა თავში. ზურაბსაც თანდათან აეშალა საღერღელი. დრუნჩაც დამშვიდდა. შემომხედავს, მომეფერება ღვინოჩამდგარი თვალებით და ისეთი მათრობელაა ეს გამოხედვა, რომ ყრუანტელი მივლის.

— რა კარგები ხართ. — ზურაბს ისევ ჭიქა ეჭირა ხელში. — მართლა კარგები ხართ. — უცებ ძალიან დაუნაღვლიანდა თვალები. თვითონაც იგრძნო და ღვინიანი ჭიქა აიფარა სახეზე. — გავიმარჯოთ. — ნელ-ნელა სვამდა. მერე დადგა და რალაცნაირად გაღიზიანებულმა განაგრძო:

— ოც ადგილზე მაინც ვმუშაობდი. ზოგან სიბრიყვეს გავეჭეცი. ზოგან — უსაქმურობას, უფრო ბევრი კი იმიტომ მივატოვე, კულისჭიციანი რომ არ ვიცი. ავტყდებოდი, ავხირდებოდი და წავიდოდი, მერე დავილაღე, მომბეზრდა ამდენი წანწალი და დავდექი. ხანდახან

ჩემი თავი მეზიზღება. — გაჩუმდა. იჭდა და დანამცეცებულ ყველს აგროვებდა ჩანგლით. — აი, ამას, — ჩვენი მარტოხელა მეზობლისკენ გააქნია თავი, — ალბათ, ამასაც უნდოდა ცხოვრება. უნდოდა. ეხლა ერთი ბოთლისთვის იატაკს დაჰკრავს თავს... ღმერთმა ქნას, ვცდებოდემერე მე მომიბრუნდა.

— რალაც მიჩუმდი, კარგა ხანია, აღარაფერი დაგიწერია. ერთი ხუთჯერ მაინც დაგირეკე. მასალაზეაო, რედაქტორთან არისო...

— განყოფილება მაბარია. კულტურის.

— კარგი სკამი გიშოვია. ყელამდე გექნება საქმე.

რალაც მწარედ გამეცინა.

— შუა, გეტყობა, ვერა გაქვს საქმე კარგად...

მერე, მეკითხება და მეკითხებოდა. უგემურად ვპასუხობდი, თითო-ოროლა სიტყვით.

— მართლა ვერა გაქვს საქმე კარგად. — თითქო მიყვავებდსო, ისე მეუბნება, ბებიანემივით — შუბლზე რომ დამადებდა ხელს, სიცხე აქვს ბიჭსო.

ერთხანს ჩუმად ვსხედვართ.

— შენც ამდგარიყავი და დაგეწერა. — იმავე ხმით ამბობს.

— რა დამეწერა! ვილაც ვირიშვილს ღირექტორის მოხსნა უნდა, მეც რუპორი ამელო ხელში და საქვეყნოდ მეძახა, მოხსენით, მოხსენით-მეთქი?! კინტრაიაა თუ ჩემი ფეხები, რალაც არ ასიამოვნეს, ავდგე და იმ ალალ კაცს ვეცე? დაგეწერა! რა დამეწერა, მოთხოვნებს ვერ პასუხობს-მეთქი თეატრი?... მართალია, არ ვარგა ჩვენი თეატრი, შიგ არ შეისვლება და არც დადის ხალხი. მერე რა, გგონია, ღირექტორი უშველის საქმეს? უშველის, არა?!

— რა გაყვირებს, არ დავყრუებულვარ ჯერ.

— კარგი, ხმადაბლა გეტყვი. ცუდად არის თეატრის საქმე. ორკესტრის ხალხი ორ-ორ, სამ-სამ ადგილზე მუშაობს. დილით სიმფონიურ ორკესტრში, შუადღისას — სამუსიკო სასწავლებელში, საღამოთი კი, ძილის წინ, თეატრში უკრავენ. მეტს ვერც მოსთხოვ — შემეცვლე-ლი არ არის, ისეთი, იქ რომ დაგიღამოს და გაგითენოს. მოსთხოვ და წავა. გუნდიც ეგრეა. რა დამეწერა, ღირექტორია დამნაშავე, ტყავი გააძრეთ-მეთქი?

— აბა, ვერაფერი გავიგე.

— კინტრაიამ მშვენივრად იცის ყველაფერი, მაგრამ, ეტყობა, რალაც გაუხსენა. შეიძლება იმის უნიჭო დისშვილს უთხრეს უარი პრემიერაზე და იმიტომ გაიწია განაწყენებულმა. ერთი განახა მაინც. ლაბორატორიაში შემოღობებულ ბუღასა ჰგავს, რქაგაქლიბულს... დავი-ლაღე. გარშემო მარტო სიტყვები მესმის, სიტყვები, სიტყვები... სიტყვები აქვთ აფარებული ყველაფერზე. გაფხაკუნდები, რალაცის თქმა

მოგინდება და ამ სიტყვებითვე დაგახრჩობენ, უიღობას მოგაკერებენ... მეც იმათ დავემსგავსე, ისეთივე გავხდი, ვერც კი გავიგე, როგორ. მარტო დარჩენის მეშინია. ფიქრი აღარ მინდა. გავრბივარ, რას არ ვაკეთებ... სად გაიქცევი... ეს საწყალი ლოთი ღვინით იბრუებს თავს. მე ღვინისაც მეშინია. დავილაღე, მომბეზრდა, გული მერევა... ეხლა მორჩა, აღარ შემიძლია... არ დავწერ. არ დავწერ!

— გააბი ახლა, არ დავწერ, არ დავწერ! მა რას იზამ!

— არ ვიცი. ამ დღეებში მთაში ვაპირებ წასვლას. მერე მოვეფიქრებ, რომ ჩამოვალ... ზურაბ, რალაც მინდოდა მეკითხ:

— რა გინდა?

— რამდენი ოჯახი დარჩა შატილში?

— რამდენიმე. ზუსტად არ ვიცი.

— მუცოში?

— იქაც ეგრე.

— ზურაბ... გზები რომ იკეტება, რას აკეთებენ?

— სულელურ კითხვებს ვერ ვიტან. მასწავლებლობა ბავშვობიდანვე შემჯავრდა. რა უნდა გააკეთონ, უიპიტაურს სვამენ. თუ ასე გაინტერესებდა, წამოსულიყავი მაშინ.

— ზურაბ.

— ჰო.

— განსოვს, ერთი ამბავი იყო გაზეთებში, მთა დაცარიელდა, სოფლები ნასოფლარებად იქცაო. ჩვენც დავბეჭდეთ ორი წერილი.

— რა გინდა, მაგითი თქვა.

— ისეთი არაფერი.

— ეგ ჩვენი საქმე არ არის. ტყუილად აიტკივებ თავს. რაც უნდა გაიჭაჭო, დრო მაინც თავისას იზამს, ყველაფერი ისე მოხდება, როგორც უნდა მოხდეს. — ისევ ყველის ნამცეცებს აწვალებს და თითქოს თავისთავს ელაპარაკება, — ერთ ჰკვიანს უთქვამს, უმიზეზოდ თმა არ ვარდება ძირსო. გაივსება მთა — თავისი მიზეზი ექნება, დაცარიელდება — მაშინაც. ჭერჭერობით ცარიელდება და ჩემი აზრიც ეგ არის.

• • •

— ორივე... ძალიან კარგები ხართ.

რებროდუქტორი ისევ ხმაურობს და ამ ხმაურში ისე შეუმჩნევლად ვიძირები, თითქოს არც ეს მოკირწყლული ბილიკი იყოს, არც ნაძვები და არც ხვალინდელი დღე, მთაში ხეტიალსა და კარავში გათენებულ ღამეებს რომ მპირდება. ისე ვიძირები, რომ გვერდით ხმის გამცემიც აღარ შეგულება...

ორი წელიწადივით წაგრძელებულ ექვითა და სიხარულით სავსე ამ ორ თვეში, როგორღაც გვერდზე დამრჩა რედაქციაც და სახლიც.

ცოლი რაღაცას ხედებოდა. ანდა, რა მიხვედრა უნდოდა — ქალისთვის ეგეთები ორჯერ ორივით არის. სხვა მაფიქრებდა. არ ვიცი, როგორ, მაგრამ იგრძნო კი, რომ ეს უბრალო განზე სიარული არ იყო — ცხარე სცენებსა და აყალმაყალს რომ ველოდი, სულ გაჩუმდა. ფრთხილად, შორიდან თუ მომივლიდა — ბავშვს შენი ნახვა მოენატრაო, მოდიხარ — სძინავს, დილით — მძინარეს გხედავსო. ამნაირ სიჩუმეს ყვირილი და ხელების ქნევა ბევრად მერჩივნა და ექვსი წლის მანძილზე ახლალა დავიჭერე — ორთა ურთიერთობაში ქალის ჭკუა უფრო შორსა და უფრო კარგადაც იყურებოდა. ტვირთგამობმულ ტივტივასავით ექანობდი ერთ ადგილზე — ექვსი წელიწადი მართლა არ არის ხუმრობა, მართლა მაწვალებდა სინდისი. ეს იყო და ეს. რაღაცნაირად გავშრი, გავირინდე, დროს მივენდე. იმასაც ვგრძნობდი, შიშისა იყო ეს უმოძრაობა — ერთ ხმამალალ სიტყვას შეიძლება თავდაყირა დაეყენებინა ყველაფერი. ბავშვობიდანვე მაფრთხობდა მოქმედება.

ერთი ბიჭი გვყავდა ეზოში. ეგეთები ყველა ეზოშია — არ გვიყვარდა. ერთი-ორჯერ წავეციკლავეთ. უფროსებმა დაგტუქსეს და ამით დამთავრდა ყველაფერი. სიზმარში, კარგად ვიცი, სათითაოდ ყველას ნაცემი ჰყავდა. ეზოში კი, ერთად რომ ვგროვდებოდით, არაფერი. მეც ბევრჯერ დამესიზმრა: თავპირს ვუჩეჩქავდი, იქამდე, ვიდრე სისხლში მოსვრილი ფორთხვით არ გაეცლებოდა იქაურობას. მეორე დღეს კი ჩემივე სიზმრისა მრცხვენოდა.

ამ სამი ათეული წელიწადიდან ვერაფერს გავიხსენებ, ერთი უბრალო „პოთი“ ან „არათი“ რომ მომეჭრა. ფიქრით ვფიქრობდი, ბევრსაც, მაგრამ იქით კი აღარ მივდიოდი — ყველაფერზე ფიქრი ცოტასაც ნიშნავს და ზედმეტიც არის, მოქმედებას ალბათ აზროვნების სწორ-ხაზოვნება სჭირდება.

ზუსტად ასე წავეყურე სამსახურის ამბებსაც. ვითომ არც ყოფილიყოს ის კრება, ვითომ არც არაფერი მეთქვას. ჩემთვის ვიყავი და თითქო მქრქალი მინებით გატიხრული ოთახიდან ვადევნებდი თვალს სარედაქციო ფუსფუსს — ჩემი საფიქრალიც მყოფნიდა. სამაგიეროდ, ვერც ისინი მამჩნევდნენ. ყველაფერი თავისი რიგით მიდიოდა, გაზეთი იბეჭდებოდა, ოპერის თეატრიც დაბრუნდა გასტროლებიდან. პირი თუ შეკრა ყველამ — კაციშვილს აღარ უხსენებია ის რეცენზია.

მერე ხშირად მახსენდებოდა ხოლმე ეს უცნაური დუმილი და მიკვირდა: არაფერს შევეუშვოთებივარ, არც სურვილი გამჩენია, მიზეზი მეძებნა.

— რაზე ფიქრობ?

— არაფერზე. ხვალ თუ ავტობუსს ვერ მივუხწარი, ბარისაბოში მომიწევს ღამისთევა.

ვარშემო ნაძვებია, წინ — დაჩრდილული, ნესტიანი ბილიკი. რეპროდუქტორიც გაჩუმებულა.

„ცხოვრება აღმართია, პირდაპირ ვერ აირბენ, სვენებ-სვენებით და ცოტა გან-განზეც უნდა იარო“ — აქაც ძურწასავით ამკვრია რელაქტორის მამაშვილური სიტყვა.

ორნი ვსხედვართ ვეებერთელა კაბინეტში.

— არც კი ვიცი, როგორ, ან რა გითხრა. — შეწუხებული მეუბნება, მაგრამ თვალს მაინც მარიდებს. — ბავშვივით იქცევი. დღეს-ხვალ პენსიაზე მიდის ჩემი მოადგილე. შენზე უკეთესი კანდიდატურა არ მეგულება. შეთანხმებულიც მქონდა. ეხლა... კინტრაიამ უკვე ორჯერ შემახსენა, ისე, სხვათა შორის. შენ ხომ იფუჭებ და იფუჭებ საქმეს, მეც ბაწარს მამამ ყელზე. მაინც მოვიცადე, იქნებ გამოფხიზლდეს-მეთქი. ყველაფერი ხდება. ახალგაზრდობაში მეც მქონია ხუმტურები. ახლა შატალი აიჩემე. ამდენს საკუთარ შვილს არ მოუეთმენდი. კეთილი, წადი, ამაზეც თანახმა ვარ, მაგრამ, ხომ იცი, ჯერ თავო და თავოო... ჯანდაბას, ერთ-ორ კვირასაც დავიცდი... ვერ გამიგია, რა დაგემართა. იქნებ რამე გიჭირს, მითხარი, დაგეხმარები.

მეცინება. გამლღვალი პირისასხე ერთბაშად მკაცრი და შეუვალი უხდება.

— ეხლა თავისუფალი ხარ. მივლინება გააფორმე, ჩამოხვალ და მერე გავაგრძელოთ.

კარისკენ რომ წავედი, მოიცაო, შემაჩერა.

— მაშ, შატილი, არა? — თქვა და ჩაფიქრდა. მერე კიდევ ერთხელ შემახსენა, რომ რომანტიკაა შატილი, რომ, თუ არ დამეზარება, მშვენიერი მასალა შემიძლია ჩამოვიტანო. დილითვე მოფიქრებული სათქმელი ნელ-ნელა, გამოზოგვით ამოჰქონდა.

— ასე აჯობებს, — დაამატა ბოლოს. — გულსაც გადააყოლებ და საქმესაც გააკეთებ.

უსასყიდლოდ მაინც ვერ შეელია ხელგაშლილად შემოთავაზებულ ორ-სამ დღეს.

გარინდებული, ბინდს ჩახვეულები დგანან ნაძვები. მერე ფიქრი იმ ნაძვებს იჭითაც მიდის და მოულოდნელად გამოცხადებული სურათი გორგალივით მადგება ყელზე.

ოთახში სინათლე ანთია. ღამის სიჩუმე საათის ხმაურიან წიქწიქს გაუვსია. ორივეს სძინავს. ლიას გადაშლილი დარჩენია წიგნი. ფურცლები აშლილა, ცალი ყდა ლოგინიდან გადმოკიდებულია. გვერდით, რიკულებიან საწოლში ცისფერ საბანში შემალული ციციქნა სხეულია. საბნის ქვეშიდან გამოყოფილი შიშველი ფეხი ღამის სიგრილეს ის-

რუტავს. ჩემს ცოლს ოდნავ უთრთის ქუთუთოები. მეჩვენება, რომ საცაა თავს წაართმევს ძილს და პირველი, რაც თვალში მოხვდება, გიოს შიშველი ფეხი იქნება.

მოულოდნელად გამოცხადებულ სურათს თვალს ვარიდებ, ვცდილობ მოვიცილო და იმასლა ვახერხებ, რომ ახლა გუშინწინდელ საღამოს ეუბრუნდები ფიქრებით.

თორმეტი იქნებოდა, შინ რომ მივედი. სამზარეულოს მოღებული კარიდან სინათლე გამოდიოდა.

საფერფლე სიგარეტის ნამწვავებით არის სავსე, მაგიდაზე თითქმის დაცლილი „ახაშენი“ დგას.

ზის და აბოლებს. ტუჩის ნაპირებში ღვინო პატარა უღვაშებად დამჩნევია. ნაძალადევი გულგრილობა, გამომწვევად აპრეხილი ცხვირი, ოდნავ ამღვრეული თვალები. ისეთი გულუბრყვილო და მომხიბლავია ეს სურათი, რომ ორი თვის ჩუმი ბრძოლით გაძაგრული სიკერბე უცბად მილღვება.

— დაგრჩა კიდევ?

წამით გამომხედავს, თითქოს მამოწმებს, დაცინვა ხომ არ იმაღება ამ სიტყვებს იქით, მერე უხმოდ დგება და კარადიდან მეორე ბოთლს იღებს.

— დიდი ხანია „ახაშენზე“ გადახვედი?

— მომიტანეს.

ვინ მოიტანა, რატომ, რა თქმა უნდა, ჩემი საქმე არ არის. უსუსურ, ბავშვურ სიჭიუტეს ანგარიშთანობის ნიშანიც არ ეტყობა და ნელ-ნელა, თავისთავად, სადღაც ძალიან შორიდან ბრუნდება ექვსი წლის წინანდელი სიტბო, სინდისის ხმას შერეული სინაზე და სიახლოვე, ასე რომ მაშინებს გულახდილობითა და ათასი სიმართლით. მერე რიგრიგობით ვიხსენებთ: გაცნობას, პირველ პაემანს, ქუჩებში ხეტიალს, წაქინკლავენას, სულელურ და სასაცილო ამბებს, გულისტკენასა და ცრემლებსაც კი.

ერთს ახლაც ვმაღავ: იმ დღეს ხელი უნდა მოგვეწერა. დილიდან კეტდარტყმული ქათამივით დავბორიალობდი ოთახებში. მერე დავყეპი და კარგა ხანს ვიფიქრე. დინჯად, გულდაგულ ვუკირკიტებდი თავს. ასეც გავზომე, ისეც და უცბად მივხვდი, რომ სულ ტყუილებურალოდ ვყოფდი კისერს უღელში. ამის გაფიქრება და წამოხტომა ერთი იყო. უნდა გავიქეე! ჩემოდანში ჩავყარე ყველაფერი, რისი წაღებაც აუცილებლად მეჩვენა და დროებით საწოლს ქვეშ შევმალე. გავმხიარულდი, ტვინში სინათლე ჩამელვარა — თავისუფალი ვიყავი, ყველასა და ყველაფრისაგან თავისუფალი. ლაჩრულ გაქცევას ჰგავდა ჩემი საქციელი, მაგრამ გამბედაობაც რომ იყო საჭირო, მშვენივრად ვხვდებოდი და უფრო გავმხნევი.

ბედმა პირველი სერიოზული გამოცდა შემომთავაზა და ირონიულად მომაჩერდა. სამარცხვინოდ ჩავფლავდი.

შუადღისას სკოლის მეგობარი მოვიდა. ასე უცბად რა იყო, მერე, რომელ საათზე აწერთ ხელსო და წავიდა. ისევ დავიწყე ფიქრი. წარმოვიდგინე, როგორ შეიკრიბებოდნენ ქორწინების სახლთან ჩემი სკოლის მეგობარი, ნათესავები, ნაცნობები, და საქორწინო კაბაში გამოწყობილი მომავალი მეუღლე...

მე ყველაფერი ვიცი.

სუნთქვა შემეკრა. ალბათ მატყობს კიდევ, რადგან მაშინვე ტებს:

— ყველაფერს ვხვდები. შენი საქციელით, დუმილით. ასეთი არასდროს ყოფილხარ. ჭერ ვიფიქრე, გადაუვლის-მეთქი და ვიცდიდი. ახლა აზრი აღარა აქვს, ტყუილად ვაწვალებთ ერთმანეთს. შენ უკვე აღარ მოიბრუნებ გულს, არც მე ვარ ის ქალი, ოღონდ ქმრიანის სახელი მერქვას და ყველაფერი მოვითმინო. თქვი, შენც დაწყნარდები და მეც, ბავშვისთვისაც აჯობებს.

ველოდი ამ საუბარს. ბუნდოვნად ვგრძნობდი, რომ ეს წუთები დადგებოდა. ახლა ორიოდ უბრალო სიტყვაა საჭირო, სულ ერთი ბეწო გამბედაობა. ბოლოს და ბოლოს, ზუსტად ასეთი სცენა, ყველაფერს რომ თავის ადგილს მოუძებნიდა, ყველა კითხვის ნიშანს რომ გადაშლიდა, ოცდაათჯერ მაინც მქონდა წარმოდგენილი. ველოდი, მაგრამ საოცარია, ერთადერთი მარტივი წინადადების ნაცვლად ყელიდან მშრალი, არაფრისმთქმელი სიცილი მოშრიალეხს, მერე თვალს ვარიდებ ცოლის ნაღვლიან მზერას, უსაგნო იმედს, სასოწარკვეთასა და აუტანელ გაურკვეველობას რომ აუესია.

• • •

— დრუნჩა...

— ჰო.

— მითხარი რამე...

— რა გინდა. — სიცილით მეუბნება, მერე თითქოს რაღაცას წვდებო, შეშფოთებული მიყურებს. — რაზე ფიქრობ?

— არაფერზე. რა სიჩუმეა.

უცებ საშინელი სევდა მომაწვა. საღდაც შორიდან, ძალიან შორიდან დაგყურებ ნაძვების ჩრდილს შეფარებულ ამ ორ უსუსურ არსებას. დაგყურებ დაჟინებით. უცხო, გულგრილი თვალებით და უანრობის და უსასოობის მეტს ვერაფერს ვხვდავ. ოცდაათი წელიწადი... კიდევ ოცდაათი... ერთს დაახამხამებს. თვალს უსაშველო დრო და... სულ

ეს არის. გულისკოვზთან ჭიასავით იწლაწნება შიში, თან იბერება, იბერება...

— რა დაგემართა?

ტირილი მაინც შემეძლოს. რა იქნება, რომ გავბედო და ავტირდე? ახლა ველური, რალაც საზიზღარი სიცილიც მოიხორხლება ყელში. ხა! ხა! ხა! ან ცოლი რად მინდა, ან შვილი, ან გაზეთში ჩხანა... ან რას ვაქვებ, სად მივდივარ, რა დამრჩენია შატილში... მოუთმენელი ტკივილივით მივლის ერთი, ერთადერთი სურვილი: როგორმე მოვიშორო, მოვიგლიჯო ოცდახუთი წელიწადი და ბებიას კალთას შევაფარო თავი.

პატარა ხელი მომკვრია სახეზე.

— დრუნჩა...

— ჰო.

— დრუნჩა...

რალაც მინდა ვუთხრა, გავანდო. რალაცის მოცილება მინდა, მაქლაცუნასავით დამწოლია რალაც უსაშველო ტვირთი, ვერც ხელი გამინძრევია, ვერც ვერაფერი მითქვამს. ვალექებულ სულიც მინდობია ამ გულისამრევ უსასობას და თანაგრძნობის მოლოდინში სასოწარკვეთილი ვიმეორებ:

— დრუნჩა!

(სახეზე ისევ ვგრძნობ პატარა თითებს. მერე ამ თითებში მიქონავს ჩემი უსიტყვო თხოვნა და თანდათან ისიც ივსება სევდითა და შიშით.

— მეშინია.

— რისი? — ვეკითხები და უპასუხოდაც ვიცი — იმ ერთადერთი სიმართლის სათქმელად, გულდაგულ რომ ვუმაღავთ ერთმანეთს, გამბედაობა არ გვეყოფა.

— არ ვიცი, მეშინია.

— ნუ ფიქრობ, ნურაფერს ნუ ფიქრობ.

— ათი წლისა რომ გავხდი, აკვარიუმი მიყიდა მამამ. მერე ოქროსფერი ლამაზი თევზებიც. — ერთხანს ჩუმდება, მერე თვალებს მარიდებს და ნაძვებით დაჩრდილული ბილიკისკენ იცქირება. — ძალიან ლამაზები იყვნენ. საათობით ვიჭეკი და ვუცქერდი. დაცურავდნენ, დაცურავდნენ. მერე ერთს გაიქნევდნენ ფარფლებს, ამოიწეოდნენ, ამოხტებოდნენ წყლიდან, ოქროსფრად გაილივლივებდნენ პაერში და წყალშივე ჩაბრუნდებოდნენ. ერთხელ ბებიასთან წავედით ორი ღლით. თევზები-მეთქი? მამას ვუთხარი. საქმელი ჩაუყარე. არაფერი უჭირთო. შინ რომ დავბრუნდით, ორი, ყველაზე ლამაზები რომ იყვნენ და ყველაზე მაღლა რომ ხტებოდნენ, იატაკზე ეგდო.

რა სიჩუმეა. რეპროდუქტორი მაინც ჩართონ.

თანაგრძნობა. როგორი გულმაღვიწყვი ვარ — ოცდახუთი წელიწადია

ყველი გაუვიდა ამ თამასუქებს, მე კი მაინც ვითხოვ ჩიუტი, ჭირვეუ-
ლი ბავშვივით.

— თვალები ღია ჰქონდათ?

გაკვირვებული მიყურებს. ახლა ისევ მომარიდებს მზერას და ჩუ-
მალ იტყვის — ასე დიდხანს არ შეიძლება გაგრძელდეს, ისევ ჩვენნი
ნებითო...

გამხდარ მხრებს ხელებში ვიჭყევ, მერე ვუჭერ თითებს, ისე ვუ-
ჭერ, რომ თვალები ცრემლით ვესება. ეს უხმო ტკივილი მამშვიდებს.
და ისევ მიმჩვარდება ყველაფერი.

რა საცოდავად შემომცქერის. როგორ ცდილობს ჩემს თვალებში
მაინც წაიკითხოს თუნდაც სულ მცირე იმედი. როგორ მელოდება —
თმას ავუჩჩავ და სიცილით ვეტყვი: „ეს ყველაფერი სისულელეა“.
ლამის ამომცდეს კიდევ აქა-იქ მოფხეკილი ორიოდ სიტყვა, უსაშვე-
ლოდ გაბერილ-გამშრალი ენაც იქნებ როგორმე მომიტრიალდეს. ვი-
ცი ფიქრიც აღარ მინდა. ან როგორ ვუთხრა — წყლიდან ამოგდებუ-
ლი თევზივითა ვარ.

მართლა სისულელეა ამაზე ფიქრი და ლაპარაკი. ყველაფერი მა-
ინც თავისი გზით წავა. რაღა საჭიროა უაზრო ნაბიჯი.

ასე ვაკოკოლავებ ჩემი ფილოსოფიის კოშკს და თითქოს ვმშვიდ-
დები: ისიც იქამდე, ვიდრე სიტყვა „უაზრო“ ზეთიან ლაქასავით არ
ეცხება პატივმოყვარეობის ქათქათა პერანგს!

რაღაც უნდა მოვიფიქრო, რაღაც უნდა ვთქვა, სულმოუთქმელად
გადავრბივარ წიგნებიდან ნაცნობებზე, ბოლოდროინდელი ჭორებიდან
მხატვრებზე, ძაღლების გამოფენიდან სპექტაკლებზე. გულთამხილა-
ვივით თვითონვე მოდის საშველად.

— ნეტა რა ქნეს ჩვენმა ბიჭებმა?

მაინც რა საოცრად არის მოწყობილი ქალის ჭკუა. ერთთავად სუ-
ლში გიჭვრიტინებს — ყველაფერი იცის. მოინდომებს — მაღამოდ წა-
გეცხება, მოინდომებს — უარესად შეგიკეთებს.

— მოიგეს, ალბათ, შენ რა, კიდევ ხომ არ გინდა ფეხბურთზე წა-
სვლა?

— თუ წამიყვან...

შეიძლება მართლა წავიყვანო. იმ დღეს ვერ მოიგეს ჩვენებმა და
გულგასიებული რომ არ წამოვედი სტადიონიდან, ამ პატარა ქალბა-
ტონს უნდა ვუმაღლოდე. ხან აკანკალებულ მუხლზე დამადებდა ხელს.
ხან სიგარეტს მომიკიდებდა, ხანაც ისეთ სისულელეს წამჩურჩულბ-
და, შეშფოთებული ვიყურებოდი აქეთ-იქით. იმის მაგივრად, უარესად
ავლრენილიყავი, ბოღმა გამინახევრდა. ცოტა შემრცხვა კიდევ — ამო-
დენა გულშემმატკივრებში გულშემმატკივარი მარტო მე მყავდა.

შესვენებაზე ვაშლები ამოიღო ჩანთიდან.

დიდი ქალაქის სასტუმრო გამახსენდა — „თუ გინდა, დაიძინე“.

— ღრუნია, — სიტბო მიგუბდება ხმაში. — წამოგეყვანა ზაზაც.

— არა, ჯერ არა. გუშინ ვუთხარი შენზე. ძლივს გავბედე. შინ რომ წააცილებ, მაინც გხედავს და ჯობს თვითონვე ვუთხრა-მეთქი. ვერც შეეამჩნა, როგორ გაიზარდა. წინა კვირას ვილაც გოგოს სურათი ვუ-
ნახე რეულში. თითქო გუშინ იყო, რომ ვაბანავებდი...

— ნუ გეშინია, ყველაფერი კარგად იქნება.

— არ ვიცი. შემოდგომაზე თხუთმეტის ხდება. ასეთ ასაკში...

— პირობას გაძლე, მოვეწონები, — ორივეს გვეცინება. — ქაღ-
ალაქს თამაშობს?

— თამაშობს, ჩემს ქმარს სულ უგებდა. არ ვიცი, რატომ, მაგრამ
ვერ იტანდა. შენზე რომ ვეუბნებოდი, თვალი არ მომიცილებია. ისე-
თი ვერაფერი შევატყვე. შეიძლება მალავს კიდევ. არ ვიცი, არაფერი
არ ვიცი. ვუთხარი, ყურნალისტია-მეთქი. დაინტერესდა. რაზე წერ-
სო. იქნებ თავსაც ვიიმედებ, მაგრამ მეც მგონია, რომ ყველაფერი
კარგად იქნება. დღეს მეკითხება, ვისთან ერთად მიდიხარ ფეხბურ-
თზეო. მომეჩვენა, რომ დაწყნარდა. მერე ბიჭებთან ჩავიდა ეზოში.
ჩემი საცოდავი ძმის ასლია. ისეთი კეთილია, შეგეცოდება. ერთ-ერთი
მაინც გადარჩენოდა... რაც ჭკუაში ვარდებ, უფრო განიცდის. პირ-
ველად შარშანწინ იყო. ჭურჭელს ვრეცხავდი, ის ტელევიზორს უც-
ქერდა. საბავშვო კონცერტს გადმოსცემდნენ. ბოლოს ისიც იმღერეს —
ადე, მულამ იყოს მზე...“

სამზარეულოში მესმოდა წკრიალა ხმები. უცებ რალაც ბრაზუნი
გავიგონე. მერე გვერდით ჩამირბინა, თვალები ამღვრეული ჰქონდა.
ზაზა, ზაზა-მეთქი ყურადღება არ მომაქცია. ოთახში შევედი. პირ-
დალმა იწვა საწოლზე და ტირიდა. დედაჩემი და მამაჩემი ზედ არიან
ვადაყოლილი. პურზე და რძეზე არ გზავნიან. ის კი უფრო ღიზიან-
დება, ეჩვენება, რომ ეცოდებათ და იმიტომ ევლებიან თავს. იმათი
გაკეთებული კერძი არ მოსწონს, სუფრას გაუშლის დედაჩემი და, მე
თვითონ მოვახერხებო. ისინიც ბავშვებივით არიან, აპყვებიან ამაზე და
წაყინკლავებიან. დედას გული ამოუჯდება, თავის ოთახში გავა და
ტირის. მერე, იცოცხლე, შეფუტხუნდება, წყალს მოუტანს თვითონვე
ასმევს წამალს, ეფერება. მთელი საღამო ნირწამხდარი დაბორილობა
ოთახებში, თვალს ვერ გვისწორებს. რა ვქნა, არ ვიცი, თუ შინა ვარ,
ანგელოზია. სათამაშოდ ძალით ვაგდებ ხოლმე. გაკვეთილებსაც ისწავ-
ლის წიგნსაც წაიკითხავს, მერე ჩამომიჯდება და ვსაუბრობთ. თორ-
მეტი წელიწადი ცოტა არ არის. ბავშვობაში ხშირად ავადმყოფობდა,
დღე და ღამ საწოლთან ვუჯექი, ცალ ხელში თერმომეტრი მეჭირა, მე-
ორეთი ვაჭმევდი, ვაცმევდი. ერთი ეგ არის, დედას არ მეძახის...



— წავიდეთ.

ნესტიანი ბილიკები სულ ჩამუჭებულა. საცაა ფარნებიც აინთება. უსამართლოდ დასჯილი ძალივით მომდევს. ბრყვეული სიამაყე მიგუბდება მკერდში — რა ცოტა უნდა კაცს...

ასე მართლა არ შეიძლება გაგრძელდეს, რალაცის გაკეთებაა საჭირო. დღეს... ხვალ... არა, შატილიდან დავბრუნდები და მერე... ეს „მერე“ ერთი კვირის მერეა, მანამდე... ახლა აღარ ვიფიქრებ, შემიძლია აღარ ვიფიქრო.. მერე, მერე...

— როგორ გრილა აქ. — ვამბობ და ვცდილობ არ შევხედო. საყვედური მაშინებს.

ფუნიკულიორის ქვემო სადგურს ტურისტებით სავსე ავტობუსები მოსდგომა.

— გავიქცეთ.

ხელჩაკიდებული მივარბენინებ ნაცნობ დაღმართზე. „კარგი, გაჩერდი, აღარ შემიძლია!“ მოულოდნელად ვჩერდები და, სანამ სულს მოითქვამს, სანამ ჭერ კიდევ იცინის, იმ გაცივებულ ტუჩებსა და თვალებში ვკოცნი. „კარგი, გეყოფა, ნუ დამახრჩე!“

ისევ გავრბივართ. ბზრიალ-ბზრიალით მოაქვს პატარა ხელჩანთა, ქარივით გასწეწია თმა. „გაჩერდი, გეყოფა, გაჩერდი, რალაც უნდა გათხრა!“

-- დრუნჩა...

ერთდროულად შევხედეთ ერთმანეთს. უცბად მოკრიალდა ყველაფერი — აღარც ეჭვები იყო, აღარც უსარგებლო შინაგანი ბრძოლა და ყველაფერი, ყველაფერი, რაც აქამდე თელგამივით გვწამლავდა ორთავეს, სისულელედ მომეჩვენა.

შინ მივაცილე... მერე მეხუთე სართულის ფანჯარაში სინათლე აინთო, ქალის ლანდიც გამოჩნდა. იმ სინათლესა და იმ ლანდს ჩუმი იმედით ვუცინი და მეჩვენება, რომ ჩამოშლილ თმასაც ვხედავ, დალაქავებულ ტუჩებსაც და თვალებს სულ უბრალო, ადამიანურ სიხარულს რომ მპირდება.



თხუთმეტი წუთიც და თვითმფრინავი თბილისის აეროპორტში დაეშვება. „არ მოსწიოთ!“ „შეიკარით ღვედები!“ — ციმციმებს მფრინავის კაბინაზე დანთებული წარწერა.

თხუთმეტი წუთიც და ვადა გაუვა ორსაათიან თავისუფლებას. კრიალა სალონში შეგროვებული ადამიანები თხუთმეტი წუთის შემ-

დეგ გაიფანტებიან. ვერაფერს შეაჩერებ, ვერაფერს ჩასჭიდებ ხელს — ყველაფერი ნათხოვარია, იმის შეგარძნებაც კი, საზურგეზე უდარდელად მიწოლილი ღრუბლებს ზევით რომ დანავარდობ.

ორმაგი ფანჯრები. იქით... ნელა მოიწევს ზევით რძისფერი ღრუბლების თეთრი ზეწარი.

ილუმინატორის მრგვალ ჩარჩოში საცაა დაიკარგება ორი საათით ნათხოვარი უღრუბლო ცა.

„შეიკარით ღვედები!“

აქაც, მანქანაშიც, ყველგან, ყოველთვის — შენივე ნებით, რაღვან წესია.

გველივით შემოგჭდობია გულმუცელზე, გიპერს, გთანგავს, დაძირულივით ცდილობ მოტივიტივებას. გველი კი გეხვევა, ლამის დაიყვირო, გეხვევა და ველარც წაუხვალ ვერსად.

ორმაგი ფანჯრები რძისფრად ინისლება. თითქო სიბნელეში მიცურავ, ხელის ცეცებით, შიშით და, ისიც არ იცი, რა გელოდება თუნდაც კიდევ ერთი ნაბიჯის შემდეგ.

* * *

მალაზიაში სიგარეტი ვიყიდე და ქუჩაში გამოვედი. სანამ თითები ლურჯ კოლოფს ფცქვნიან. მოპირდაპირე მხარეს რკინაბეტონისა და შუშისგან ნაკეთებ ხუთსართულიან შენობას — საბეჭდი მანქანებით, ქალაღდებით, ახალი ამბებითა და საგაზეთო მაკეტებით სავსე მართკუთხა კოლოფს ვათვალიერებ. თითქოს ყურისძირთან მესმის ფაციფუსა და საღებავის სუნს დანატრებული ჰიის ფხაჭუნი, პირვეული ბავშვივით რომ მეწევა ფერადი სათამაშოებით სავსე ვიტრინისაკენ.

რკინის მოაჯირი, თხუთმეტი მეტრი ასფალტი, ისევ მოაჯირი და მთლიანი შუშის ორფრთიანი კარი.

სიგარეტს ვუკიდებ, მარჯვენა ხელს ცივ მოაჯირს ვუჭერ და...

რატომღაც გადავიფიქრე. არ გადავხტი. ადრე ყოველთვის ვხტებოდი. ნეონით განათებული მიწისქვეშა გასასვლელი ვარჩიე. „ეს სიბერის ნიშანია, ტყუილად დაანებე ვარჯიშს თავი. ჯერ გასასვლელებსა და ლიფტებს შეეჩვევი, მერე — ოღნავ შეთქვეფილ მუცელს. ნელ-ნელა შეეჩვევი და უკან მოხედვასაც ვერ მოასწრებ...“ მივყვები კირით შეთხიანილ ტალანს და ახლა სულ სხვა ხმა მეუბნება: „მშვენიერად გამოიყურები, ხუთი დღე მთაში იხეტიალე, ტყუილად იკატუნებ თავს“.

ხმა უდაბნოს ქვიშაში იკარგება, ჩემი ნაბიჯი კი ნეონით გათხიბნილ ტალანში ხმაურობს.

რალაც უსიამო მენიშნება უადგილოდ აკვიტებულ ფიქრში და თავიდან რომ მოვიცილო, თითქმის სირბილით ავდივარ კიბეზე.

რედაქციაში „მართვეს“ მეტი არავინ არის.

— როგორ მოიარე შატლი?

— კარგად. ასე ადრე რამ მოგიყვანა?

მაგიდაზე გაშლილ ფურცლებს მიჩვენებს და ისე იღიმება, მარტო ოცდაორი წლისანი რომ იღიმებიან.

— დღეს უნდა ჩავაბარო.

— ვახტანგი მორჩა თხზულებას?

თვე-ნახევრის წინ პენსიონერ მასწავლებელზე ჩანახატის დაწერა ვთხოვე. სამშაბათს ბოლო ვადა აიღო — ჩამოხვალ და დაგახვედრებო. დღეს ორშაბათია.

— თითქმის, — მეუბნება და ცდილობს არ შემხედოს.

„თითქმის“. ხელიც არ გაუნძრევია. იქნებ არც არასდროს დაადგეს საშველი.

„ერთი ქომაგიც გამოუჩნდა“, ვფიქრობ და უჯრებს ჩაყურებ, ვითომ არც გამეგონოს არაფერი. თვითონაც არ ვიცი, რას ვეძებ.

დერეფანში ფეხის ხმა ისმის. ვილაც მოვიდა. მერე კიდევ. ახლა ტელეფონიც წკრიალებს. „გისმენთ“. „ჩამოხვედი?“ „უფლის ჩიტის“ ლიკლიკი თითქო ქალაქის მეორე ბოლოდან ისმის. „ჩამოხვედი. ახლავე გინახულებ“. „რედაქტორი ჭერ არ მოსულა, ნუ შეიწუხებ თავს“. ყურმილს ვკიდებ და კარისკენ მივდივარ.

— თუ რედაქტორმა მიკითხა, თეატრში ვარ. იმ შენმა კოლეგამ კი თავს მიხედოს, ასორმოცდაათი მანეთი ქუჩაში არ ყრია-თქო.

ეს ორი თვეა რედაქტორი ცერად გვიყურებს, იმ კრების შემდეგ. უფლის უგუნებობას პირველი, უეჭველია, ვახტანგ სალუქვაძე შეეწირება.

გამგედ რომ დამნიშნეს, სამნი ვიყავით განყოფილებაში. მერე ერთი ბროლიძემ ჩაიგდო ხელში („საქმე ბევრია, ვერ ვუთავდები“) და ორნილა დავრჩით. ვახტანგს მაშინ რედაქციაში მუშაობის თხუთმეტი წელი უსრულდებოდა. როგორღაც თავისთვის იყო. გვიან მოდიოდა, ადრე მიდიოდა და თუ რამეს წერდა, იმდენად უმნიშვნელოს, რომ იფიქრებდი — უფროსი კორესპონდენტობაც ბევრია ამ კაცისთვისო.

— ცაში ფრენას არ ვაპირებ. ცოლ-შვილის შესანახად ის რალაც კაპიკები, ჰონორარით რომ ვახერხებ, ასე თუ ისე, მყოფნის. არც სავარძელი მინდა, არც სახელი, იდეებიც კარგა ხანია აღარ მაწუხებს. თუ შემინახა ახალმა რედაქტორმა ხომ კარგი, არადა, მოვძებნი რამეს, შიმშილით არ მოვკვდები.

ცხვარში დაბერებული ქოფაკივით — ესა ვარ, რაცა ვარ. მომით-
მენტ, მომითმენტ, არადა, თავს ზემოთ ძალა აღარ არისო.

მოვიდოდა, ასკილოგრამიან სხეულს ხენეშით დადებდა სკამზე,
იღლიაში ამოჩრილ გაზეთებს დასტად წინ დაიწყობდა, ქრაქუნა ქა-
ლალდებს მოძებნიდა ჯიბეში, ორ-სამ აბს გამოაცლიდა და პირში
ჩაიყრიდა. მერე გავიდოდა, იტრიალებდა რედაქციაში, რალაცასაც
წაფხაქნიდა, საათს დახედავდა, ისევ ამოჩრიდა გაზეთებს, გოგოს
ფეხსაცმელი უნდა ვუყიდო, ბიჭი ცურვაზე მყავს წასაყვანიო, დაი-
ხურავდა ქუდს და წავიდოდა.

სარედაქციო საქმეზე მკვდარი იყო. მიზეზს მიზეზზე გააჩენდა,
თითქოს დაგპირდებოდა კიდევ, მოიხედავდი და სადღაა ვახტანგ სა-
ლუქვაძე! სხვაში, იცოცხლე, გადაგყვებოდა, ყველგან ჰყავდა ნაც-
ნობი, ქალაქის ყველა ხვრელი იცოდა, უშოვნელს გიშოვიდა.

თვე სრულდებოდა რაც ერთად ვმუშაობდით. თერთმეტზე მოვიდა.
ექიმთან ვიყავიო. ქალალდების დასტიდან ჩვენი გაზეთის კვირის ნო-
მერი გამოაძრო. ფანჯრის რაფაზე დასკუპებულ ჩიტებს ვუყურებდი
და ვფიქრობდი.

— პა! — ერთი კი დაიყვირა, წამოხტა და გაზეთიანად გავარდა
დერეფანში. რომ მობრუნდა, თონეში შებრაწული გოჭივით ჰქონდა
სახე. ტუჩები უფროთოდა.

— ნახე! ნახე! არ იშლის თავისას, ვირიშვილი! — თანდათან უწით-
ლდებოდა სახე. — დაბალი ღობე მნახა! სახედარია ვახტანგ სალუქვა-
ძე, არა?! — გაზეთი დაქმუქნა და კალათაში ისროლა.

გაოცებული შევცქეროდი, ვერაფერი გამეგო.

ილანძდა, იფურთხა, იტრიალა. ისევ ეცა კალათს, გაზეთი ამოიღო,
გაშალა და ჩაწითლებული თვალებით დახედა, თითქო გახვრეტან
უპირებსო.

— ძალღიშვილი!

მერე როგორც იქნა, მოითქვა სული, დაჯდა და ახლა მე მომაც-
ქერდა.

— რა მოხდა?

— უჰ! — ბანჯგვლიანი ხელები მაგიდას მოაველო, ცოტაც და, ააბ-
რუნებდა.

— გამაგებინე, რა მოხდა.

— მაგას ჰგონია!.. უნიჭო ვირიშვილი!..

შაბათ საღამოს ტელეტაიპით ჩვენი განყოფილების მასალა მოსუ-
ლიყო. მე არ ვიყავი, თვითონაც თვითმფრინავის ბილეთისთვის საშოვ-
ნელად იყო წასული — რედაქტორის მოადგილე ბალტიისპირეთში აპი-

რებდა შვებულების გატარებას. უპატრონო მასალა ბროლიძეს ეთარგმნა.

— რა გაჩხუბებს, ვილაცას ხომ უნდა გაეკეთებინა.

ისევ წამოუარა სიწითლემ. მერე, რალაცნაირი ბოლმითა და სიამით, უხსენებელს რომ გასრეს, ისე ამოჰყლიტა.

— მაგას?.. ვილაცას, ჰო, მაგრამ... მაგას?.. მაგას არა... ერთი სტრიქონიც... ხელი მოითბო... ჩვენს მასალაზე. არ შევარჩენ!.. უ, მაგის...

ფული არ ალაპარაკებდა. ორი მანეთისთვის კაცს ეგრე არ გამოლანძღავ. სხვა რალაც იყო ძველი.

აღარაფერი მიკითხავს.

მეორე დღეს ათიოდ წლის წინანდელ ვაზეთების შეკვრას ვათვალისწინებდი. რამდენიმე მოზრდილი სტატია შემხვდა სალუქვაძის ხელმოწერით. მომეწონა. ფრაზა დახვეწილი იყო, აზრი — სადა, ორიგინალურიც კი.

სალუქვაძის სტატიები და რეცენზიები შემდეგი წლის შეკვრაშიც იყო. მერე კი უცბათ წყდებოდა.

ორი თვე გავიდა. იმ დღეს პრემიებს არიგებდნენ. ამრეზილი შემოვიდა ოთახში, რალაცას თავისთვის ბუტბუტებდა. ყურადღება არ მიმიქცევია — რაიონიდან გამოგზავნილ წერილს ვასწორებდი. რომ მოვრჩი — თხუთმეტ წუთს მაინც მოვუნდი — ისევ წინ და უკან დადიოდა და ბუტბუტებდა. ყურის ბიბილოები გვარიანად ჰქონდა შეწითლებული.

— რალაც ვერა ხარ გუნებასე.

— პრემიებს გადახედე. — მოკლედ მოჭრა. მაშინვე სახეზე მოედო აღმური.

გადახედვა არ იყო საჭირო, დილითვე გადავაკვლე თვალი.

— ეს ჩვენი ახალი რედაქტორიც კაი ვინმეა. მაგის ადგილზე... — აღარ დაამთავრა.

— ვანტანგ, შენი რვა წლის წინანდელი სტატიები წაიკითხე.

— ჰოო. — სახე გაეშალა, გაეცინასავით. მერე დატუქსული ბავშვივით დახარა თავი, იატაკს გააყოლა მხერა, ფანჯარასაც გააცილა და გაირინდა. უხდებოდა სიცილი. — ბავშვობაში ყველაფერი ვარდისფერია. — თავი მოაბრუნა და უკვე გულგრილად თქვა: — ვაზეთში დიდხანს ვერ იმუშავებ. არ უნდა იმუშაო. თანდათან ცვლები, ხალისი გეკარგება.

— შენ ერთბაშად გადაგიწყვიტია.

— ერთბაშად?.. ამ სვავს მაინც ვერასდროს გააძლებ, რამდენიც უნდა აყარო, პირს არ დახურავს — კიდეც, კიდეცო. ამ კიდეც-კიდეცში ფეხიც გადაგიბრუნდება და...

რა აუცილებელია?

— რა ვიცი, ალბათ, — გაჩუმდა. ერთხანს თითქო ყოყმანობდა. — შეიძლება გახსოვდეს, „განდევილი“ დადგეს თეატრში, რვა წლის წინათ.

არ მახსოვდა. მაშინ საწარმო პრაქტიკა იყო მოდაში, პირველ-კურსელები დილით ქარხანაში ვიყავით, საღამოთი — ლექციებზე.

— ვნახე სპექტაკლი. ორჯერ ვნახე. ახლა ამ პოემის გააზრების უკვე რამდენიმე ვერსია არსებობს. ოციანი წლებისა ცოტა სწორხაზოვანია. მერე და მერე უფრო რთული და საინტერესო. თუმცა, რას გიხსნი... ერთი სიტყვით, თეატრის „განდევილი“ ისე ჰგავდა ილიას პოემას, როგორც მე... — უცბად ვერაფერი მოიფიქრა. — რალაც ანტირელიგიური პიესა შეეთითხნათ. ეგრეც დაეწერე. ილიას ასე დასაკნინებლად ასე წელიწადი სულაც არ იყო საჭირო-მეთქი. დამეცნენ. ავტორს კალამი უსწრებს გონებასო. საბჭოთა პრესის დანიშნულება შემახსენეს.

— შენ ალბათ ყურები ჩამოყარე.

— არ ჩამოვყრიდი, ჩვენებს მაინც რომ დაექირათ მხარი. თითო-ეულ წერილში სისხლს ვაქცევდი, ღამეებს ვათენებდი. ჩემი გული აქ იყო, ამ რედაქციაში. ვთქვით და შევცდი კიდეც, ვთქვით... თორემ მართალი ვიყავი... როგორც აი, ეს არის ხუთი! — მარჯვენა მტევანი მაგიდაზე გაფარჩხა. — მართალი ვიყავი... პრემიერის შემდეგ სკამებილა ესწრებოდნენ სპექტაკლს, მერე კი სულ მოხსნეს... სასტიკი საყვედური გამომიცხადეს. უკანასკნელი გაფრთხილებით... თბილი სიტყვაც კი არავის დასცდენია. მერე გავიგე — სცენარის ავტორი ვილაც დიდი კაცის სკოლის მეგობარი ყოფილა... ბროლიძე, სწორედ ბროლიძე ლაპარაკობდა ყველაზე მეტს...

„უფალი“ ცერად გვიყურებს და ვშიშობ, რომ პირველი სალუქვამდე გადაჰყვება ამ უგუნებობას. თუმცა, ხუთ დღეში კაცმა არ იცის, რა მოხდა.

ქვევითა სართულზე სტამბაა. მერე ისევ კიბე. ამ წყეულ გზაზე არ შეიძლება. ვინმე არ შეგხვდეს.

თმა გვერდზე აქვს გადავარცხნილი. უპრიალეებს, ისევ ბრიოლინს თუ ხმარობს. შორიდანვე მიღიმის. მერე ხელსაც მართმევს. რა თქმა უნდა, აღარ ახსოვს ის პატარა შემთხვევა, რედაქტორები გულმავიწყები არიან.

— ერთ-ორ კვირაში ადგილი მექნება, ხომ არ გადმოხვალ?

ადგილსაც მთავაზობს. შტატიანს. შევყურებ გაგლესილ თავს, მოციმციმე ღილებზე დასკუპებულ უდღეურ შუბლს და კინალამ ვეუბნები, ბრძანებით არ ვარ გაფორმებული-მეთქი. მეცინება. კისერიც უტეხია, როგორც უნდა, ისე გაიგოს.

ქუჩაში ერთი გავეხედე რკინის მოაჯირებს და პროსპექტს გაუ-
ყვირი.

თეატრში დირექტორს ვნახულობ, მერე რედაქციაშივე ვბრუნდე-
ბი. თეატრიდან — თეატრში.

ღერეფანში ბროლიძე მხვდება. ჩასაფრებულივით.

— ოო! „ბუნტოვშიკი“ ჩამოსულა. რა ამბებია?

ისევ იკბინება ვირთხა. ახლა უკვე აშკარად.

— ყველაფერი რიგზეა.

— რაო, შატილმა.

— ძველი ცოდვები გამიხსენა, თან შემაგონა: არა კაც ჰკლა, არ
იმრუშო, არ იპაროო და ასე შემდეგ.

ახლა გაღიშებას შეეცდება და მაცხოვარივით მომიშვერს მარჯვენა
ლოყას. მორჩილად, უდრტიწველად. სიამოვნებით შემოვკრავდი. მაგ-
რამ ეს მხოლოდ ფიქრია. ფიქრი კი იმასაც მკარნახობს, რომ ამ ცალ-
პირა მორჩილებისთვის შალვა ბროლიძე უფრო ადრე იყო გოლგოთა-
ზე ასაყვანი.

მერე ტყავგადაკრული კარის მიღმა „უფლის“ შეგონებებს ვისმენ.

თურმე, მეყოფა, რაც გავერთე, თურმე ჩემს ცელქობას ყველა
ყავლი გაუვიდა. კინტრაიას მოთმინების ფიალა აევსო და სანამ მიმ-
ხვდარა, რომ იგდებენ...

ის თავისას ამბობს, მე — ჩემსას:

ტყუილად არ ვყოფილვარ დღეს თეატრში, ტყუილად არ დავარ-
წმუნე თავი, რომ მართალი ვარ. ეს სიტყვა ბანგივით მაბრუებს და
რაც არ უნდა მოხდეს, ამ ტკბილი ბურანიდან თავს აღარ გამოვყოფ.
რეცენზია, რა თქმა უნდა, არ დაიწერება. ჩემი ხელით არ დაიწერება.

რედაქტორის საქციელში ისეთს მაინც ვერაფერს ვხედავ, ძალზე
შემაწუხოს, ან გამაღიზიანოს. ეუსმენ, ოთარ გოგლიძე მახსენდება და
კარგად ვიცი, ამ წუთს, აჰ, ვეებერთელა მაგიდასთან მიმჯდარს ოთარ
გოგლიძე მალაპარაკებს ოთარ გოგლიძე მირჩევს სათქმელს. სულ
სხვას მეუბნება ეს კაცი, მაგრამ სიძულვილის ნასახი რომ არსად მიჩ-
ნდება, ძალაუწებურად ვფიქრობ: მაგიდის თავში მოლაპარაკე ნაც-
რისფერი პიჯაკი და სადა ჰალსტუხი ისე უხინჯოდ არეკლილა ჩემს
სულში, თითქო ჩემი ორეული იყოს. იქნება ასეც არის, იქნებ არც
არაფერი შეიცვალოს, მე რომ იქ, მაგიდის თავში ვიჯდე, ის კიდეც
აჰ, ჩემს ადგილზე.

მერე მაინც ვეძებ განსხვავებას და იმითლა მთავრდება ძებნა, რომ
მშვიდად ვეუბნები თავს: დღეს გოგლიძე ვარ, ეს არის და ეს.

— ჯერ შატლი ჩამაბარე, მაგაზე მერე ვილაპარაკოთ.

აქიანურებს, არ ჩქარობს. არ ვიცი, რატომ მითმენს, ან რისი იმე-
დი აქვს.

ზუსტად ორი კვირის შემდეგ თვითმფრინავის ილუმინატორთან მიმჭდარს გამახსენდება დღევანდელი მკითხაობა. მფრინავის კაბინაზე დანთებულ წარწერასაც დავადგამ თვალს — „შეიკარით ღვედები!“ გამახსენდება და ჩემს მიამიტობაზე გამეცინება — მწარე, ნამღვილი სიცილით.

* * *

ფანჯარა მტკვარს გადაჰყურებს. იქითა ნაპირზე გზაა — ვ: წრო და სწორი. მომართული სათამაშოებივით დარბიან მანქანები. ოთახ-შიც ყველაფერი ძველებურად დგას.

ნახევარი საათია, აი ასე გაჩუმებული ვსხედვართ — მე ფანჯარაში ვიკვირები, ის ფეხმორთხმული ზის ტანტზე. თავს მოვაბრუნებ, ისიც მოაცილებს მზერას კედელზე დაკიდებულ თვალვადმოკარკლულ ნაპრის ეშმაკს, ერთი წამით შევხედავთ ერთმანეთს და რალაციით შე-შინებულები ისევ სხვადასხვა მხარეს ვავრბივართ — მე ფანჯრისკენ, ის კედელზე დაკიდებულ საფრთხობელასაკენ. ხანდახან ზაზა თუ შე-მოიხედავს, იმასაც რალაც არეული თვალები აქვს. გუშინ სკოლაში არ ყოფილა. დავსეირნობდიო. ისე ცოტა მაქვს საფიქრალი, ახლა ეს ეჭვიც ამეკვიატა. ჭერ გაჩუმებას ვარჩევ. მაკრამ ეს სიჩუმეც ნელ-ნელა აუტანელი ხდება.

ეს სამი დღეა, ერთი და იგივე მეორდება, თითქოს თოკზე გამობ-მული დავყავართ ვილაყას.

ხუთ საათზე ერთდროულად გამოვცხადლებით ამოჩემებულ ადგი-ლას. არ ვიცი, გასამხნეველად თუ გავუღიმიებთ ერთმანეთს.

— რა ამბებია სამსახურში? — მკითხავს და ბროლიძე გამახსენ-დგბა. ნეტავ სად მოჩიჩქნა ეს სიტყვა.

რა უნდა ვუთხრა. ყველაფერი ნათქვამი მაქვს. ახალი კი არაფერი მომხდარა. რალაც მზადდება, რალაც უთუოდ მოხდება, მაგრამ რა და როგორ, თვითონაც არ ვიცი.

— შენთან?

— ჰორაობენ. ეხლა ჩემი რიგია.

მეჩვენება, რომ ხალხითაა გაქედილი ქუჩა; მეჩვენება, რომ ჩვენი ცქერით ერთობიან.

— სად წავიდეთ?

— რა ვიცი.

მართლაცდა, სად უნდა წავიდეთ? ყველა ფილმი ნანახი გვაქვს.

თეატრში ახალი არაფერია. არც ჩემს, არც იმის ნაცნობებთან არ მიგვესვლება — ყოველ მესამე სიტყვას კუდს ვაბამთ, არის თუ არ არის, გვეჩვენება რომ ჩვენს გასაგონადაა ნათქვამი. გვაფრთხილებენ, ნიშნს გვიგებენ, ყველას ყველაფერი რიგზე აქვს, გარეგნულად, თვალის ასახვევად მაინც.

სად უნდა წავიდეთ? ისევ იქ, პატარა ოთახში. მაგრამ იქაც ჩუმი მუქარაა ჩასაფრებული, იქაც სიჩუმეა, იქნებ უფრო ბევრის მთქმელიც.

გუშინ გადავწყვიტე. პატარა ბაღი მიმასწავლეს. აუცილებლად იშოვიო.

ბაღი თუ ეზო სავსე იყო ხალხით, ნაწილიც ქუჩაში იდგა. ცხელოდა. ხან ერთ ჯგუფს ავეტუშე, ხან — მეორეს. მივდიოდი, გაჩუმდებოდნენ, გავეცლებოდი — ისევ გააგრძელებდნენ ხმადებლა ლაპარაკს. როგორც იქნა, გავიგე სად აქირავებდნენ ბინებს. ახლა იქ დავიწყე ტრიალი. ბოლოს გავბედე.

ხნიერი ქალი იყო. ერთოთახიან ბინას ვეძებ-მეთქი, ქალბატონო. ამომხედა, ამათვალეირა, მერე გარშემო მიმოიხედა და: ვისთვის გინდათო, რამდენი ხართო, ვინა ხართო, სად მუშაობთო. სიცხისაგან თუ უხერხულობისგან ოფლმა დამსხხა. სხვანაირად რომ არ შეიძლებოდა, კი ვიცოდი. მაგრამ ამ შიშველმა ცნობისმოყვარეობამ გამაღიზიანა. მაინც ეუბასუხე, ზოგი მართალი, ზოგიც — ტყუილი. ისევ ამომხედა, ცალი თვალი მოკუტა, თითქო თარაზოში მასწორებდსო და თავი გააქნია.

ერთი-ორჯერ კიდევ ვცადე, ზოგი ოროთახიანს აქირავებდა, ზოგი — ერთ ოთახს — სამოთახიანში.

ნაცნობს მოკვარი თვალი. სამი თუ ოთხი წელიწადი ჩვენს მეზობლად ცხოვრობდა მდგმურად. დამალვა ვერ მოვასწარი.

— შენ რა, სახლიდან ხომ არ გამოგაგდეს? — მეუბნება და იცინის. მეგობრისთვის ბინას ვეძებ-მეთქი.

მერე მომბეზრდა ეს უაზრო ბორიალი, მართალ-ტყუილი და კედელთან ნაბიჯის სიგანე ჩრდილს შეფარებული ვათვალეირებდი ჭიანჭველის ბუდესავით არეულ თავშესაყარს.

ვინა ხარ, რამდენი ხართ, სად მუშაობთ...

ერთხელ მილიციელმაც ამოიარა, ქუჩაში გამოფენილი ხალხი ბაღში შერეკა...

ისევ აქ მოვდივართ, ამ პატარა ოთახში. ვსხედვართ და ერთმანეთსლა ვარიდებთ თვალს.

— დილით პირი არ დააკარა საქმელს, ისე წავიდა სკოლაში.

ზაზაზე მეუბნება. არ ვიცი, მე მსაყვედურობს თუ თავის თავს.

— ჩემი ბრალია, რა თქმა უნდა, ჩემი ბრალია. ზაზას არ შესცივ-
ულეს, ზაზას არ მოშივდეს, ზაზას არ ეწყინოს. ახლა ფიქრობს, რომ
მთლიანად ვეკუთვნი საკუთრება ვარ, რომ პირადი ცხოვრება არა
მაქვს. არაფრის უფლება არა მაქვს.

ისევ არაფერს ვეუბნები, ან რა ვუთხრა, როგორ. სათქმელი რო-
გორ არ მაქვს, ყველაფერს მშვენივრად ვხედავ, ყველაფერს ვხვდები,
მაგრამ ისიც არ ვიცი, ვის რა სჭირდება, რომელს რა გვჭირდება უფ-
რო რა გვჭირდება. თავი ჩხრიალა მარცვლებით გატენილი ქინძივითა
მაქვს: ერთმანეთში არეულა სურვილი, მოვალეობა, სიმართლე, სი-
ყალბე. ტყუილი. დროდადრო მეჩვენება რომ ეს ყველაფერი მხოლოდ
სიტყვებია, მერე სიტყვებიც ცალ-ცალკე ასობად იშლება და ამ ქა-
ოსში მართალიცა და ტყუილიც შავ ცაზე დაფანტულ ვარსკვლავებს
ემსგავსება — ბრჭყვიალით ბრჭყვიალებს, თვითონ კი, ღმერთმა თუ
უწყის, როდის ჩაიფერფლა. დგახარ, შესტყერი ამ მაცდურ ნათებას
და უსასოობით აღრენილი იმასლა ფიქრობ: ვინ გატყუებს? რატომ
გატყუებს?

სათქმელი შიგნითვე რჩება, იქვე ტრიალებს და იგრიხება უხმო
მონოლოგი: „შენ ალბათ მოგიწევს მსხვერპლის გაღება. არჩევანის
წინაშე დადგები, ასარჩევი კი არაფერი გექნება. მოვალეობა აგარჩე-
ვინებს“.

აღრენილიც ვარ, მთელ ქვეყანაზე გულმოსულიც, მაგრამ ამ ბრტყე-
ლი სიტყვებით ასხმულ მონოლოგში ჩემი მწუხარე პირისახეც ჩნდება
და ეს ჩვენება კეთილი საქმისთვის თავდადებულ რომელიღაც რაინდს
მაგონებს.

— რა დაგეშართა?

— არაფერი. კიდეც ერთი მეტოქე გამიჩნდა. არ მწყალობს ბედი.

თითქოს შეტოკდა კედელზე დაკიდებული საფრთხობელა, შავი სი-
ფათი გაებადრა და თვალი მომიჭუტა.

• • •

კოლეგის გაფართოებული სხდომა. 250 კაცი — დარბაზში, თორ-
მეტჯი — მორკალულ მაგიდასთან, სცენასავით შემალღებული ადგილი-
იან რომ დასცქერის დარბაზს. დარბაზში მსხდომნი ლიტერატურის,
ხელოვნებისა და პრესის მუშაეები არიან, მორკალულ მაგიდასთან —
ისინი, ვინც ყველაფერ ამას ხელმძღვანელობს. ამ თორმეტ კაცში
რამდენიმეს ნაცნობი სახე აქვს. ერთი, შუაში რომ ზის, კინტრაიაა,
აქეთ-იქიდან ცნობილი მოღვაწეები უმშვენებენ გვერდს, ცნობილი

იმიტომ, რომ რაც კი შეეძლოთ, ყველაფერი გააკეთეს და ახლა საათობით სხედან ამ და ამის მსგავს მაგილებთან, სამუზეუმო ნივთებივით ეჩვენებიან ხალხს. ასეთია ტრადიცია. ჩვენი რედაქტორიც სცენაზეა, სულ განაპირას.

წინ კობტად გადაბეჭდილი დღის წესრიგი მიღვეს. „ლიტერატურის როლი ამასა და ამაში“, მომხსენებელი ესა და ეს; „ქართული თეატრის სახვალეო ამოცანები“, მომხსენებელი ესა და ეს...

სულ შვიდი საკითხია, უკანასკნელი მე მეხება: „ვარსკვლავში“ დასტამბული წერილის „შატილი — ლეგენდა და სინამდვილის“ შესახებ.

სხდომა ათ საათზე დაიწყო, ახლა ორია. ამ ოთხ საათში ათჯერ მაინც მიუებრუნდი ჩემს წერილს. კოლეგიაზე გასატანი იქ არაფერი იყო. კინტრაია აკრძალულ იღუთზე გადავიდა. რედაქტორი? მახსენდება ჩვენი გუშინდელი საუბარი. წასასვლელად ვემზადებოდი, რედაქტორი გიბარებსო, მომახარა ლიკლიკა ჩიტმა. პირველი შემთხვევა იყო, სავარძელში არ დამხვდა. ფანჯრის რაფაზე ჩამომჯდარი გასტკეროდა ქუჩას.

— დაჯექი. — თავი არც მოუბრუნებია, ისე მოხრა, და წამოდგა. ერთხანს აქეთ-იქით დადიოდა. მერზე ჩემს გვერდით გაჩერდა, სკამი გამოსწია და თვითონაც ჩამოჯდა.

— სამმართველოდან მოვდივარ. მთელი საათი ველაპარაკე კინტრაიას. ძლივს დავიყოლიე. საყვედურს გამოგიცხადებენ და ამით დამთავრდება ყველაფერი. ხვალ ათ საათზე ვართ დაბარებული. თუ რამეს იტყვი, მშვიდად თქვი. თავიც დაიცავი, მაგრამ ძირითადად ვიზიარებ—თქო კრიტიკას. ძლივს დავითანხმე და ნურც მე და ნურც იმას უხერხულ მდგომარეობაში ნუ ჩაგვაყენებ. ვირზე არ შეჭდე.

„ძლივს დავითანხმეო“.

ერთმაც და მეორემაც მშვენივრად იცის, რომ სასაყვედურო იმ წერილში არაფერი იყო.

კინტრაია, ეტყობა, მართლა ველარ ითმენს — კარგა ხანს უფრიალეს ცხვირწინ წითელი ნაჭერი. გაგულისდა და წამოვიდა კიდევ დასაძგერებლად. ჩემი რედაქტორი ოლეს-ოლეს კი გაიძახის, მაგრამ წითელი ნაჭერი ხომ მე მიჭირავს.

როგორც იქნა, მეშვიდე საკითხის რიგიც დადგა. მიკროფონს ამოფარებულმა კაცმა (რა თქმა უნდა, სამმართველოს თანამშრომელია, რა თქმა უნდა, არ მიცნობს) ძალზე ზოგადად დაიწყო. მერე წამით შეისვენა, ჩაახველა და უფრო ხმამაღლა ალაპარაკდა:

— „ვარსკვლავის“ 18 სექტემბრის ნომერში დასტამბულმა წერილმა „შატილი — ლეგენდა და სინამდვილე“ მკითხველთა სამართლი-

ანი გულისწყრომა გამოიწვია. ეს ფაქტი მით უფრო სამწუხაროა, რომ ახალგაზრდა ნიჭიერი ჟურნალისტი ი. მიქელაძე...

რა თქმა უნდა, შთაბეჭდილების მოსახდენად მკითხველის მოშველიებაა საჭირო. მკითხველი ხომ ათასი აზრია, საზოგადოებრივი აზრია. საზოგადოებრივ აზრს კი ანგარიში უნდა გაეწიოს. მომხსენებელს ღინჯი, საქმიანი იერი აქვს და კაციც უეჭველად იფიქრებს, რომ ყველაფერ ამას სამმართველოში მოსული ათასობით აღშფოთებული სტრიქონი ამაგრებს.

— წერილის წაკითხვის შემდეგ, სიმართლე გითხრათ, გავოცდი. გამოაცხადა არა იმდენად პრობლემის უცნაური კუთხით ჰვრეტამ, არამედ იმ სიცივემ. სტრიქონებიდან რომ მოდის, გულგრილობამ, ახალგაზრდა ჟურნალისტს რომ გასჯდომია. ბოლო ხანებში რა არ კეთდება იმისთვის, რომ მთა შევინარჩუნოთ, დავასახლოთ მიტოვებული სოფლები, სიცოცხლე დაუვებრუნოთ დაფერფლილ კერებს. ეს ხომ ეროვნული საქმეა. ავტორი კი ცინიკურად ამბობს: საკაიკაცო საქმეს ვერ მონახოვო. სკოლა არ არის და ინსტიტუტით. ამ გადასაყარგავში კაცმა ქვეყნის სასიკეთო რა უნდა აკეთოსო. ყველა ჩვენგანისთვის, ყველა ქართველისთვის შატილი ეროვნული სიამაყეა, შატილის კოშკები — ათასი ჭირისა და განსაცდელის მნახველი. შატილი ქართველი ზალხის სისხლით დაწერილი ისტორიაა, ი. მიქელაძე კი მხოლოდ ჟანგიანი კედლების ნაპრალების სევდას ხედავს.

ვიცი, როგორ არ ვიცი, რომ ეს ყველაფერი სიყალბეა. უაზრობაა იმის მტკიცებაც, რომ ირაკლი მიქელაძეს ამ ენაგაკრეფილ ორატორზე ნაკლებად არ უყვარს არც შატილი და არც ხევსურეთი. უაზრობაა ყველა ამ ბრალდების ყურისგდებაც კი, მაგრამ... მაგრამ საქმეც ის არის, რომ უაზრობით ნაქსოვი ბადე მაინც მალიზიანებს და იმის ნაცვლად მშვიდად გავერიდო. თანდათან, ყოველი ახალი წინადადებისა თუ სიტყვის შემდეგ ობობას ქსელში მოხვედრილი მწერივით ვიხლართები, თანდათან მითრევეს ჩემს თვალწინ გათამაშებული ფარსი და სურვილი მიჩნდება, მაგიდიდან დარბაზში გადმოვუძახო თორმეტივე მსაჯულს, მიკროფონის მიღმა მდგომ ყბედს კი მუშტით დაუეზილო ცხვირ-პირი.

„საყვედურს გამოგიცხადებენ და ამით დამთავრდება ყველაფერი. თუ რამეს იტყვი, მშვიდად თქვი, ნურც მე და ნურც იმას უხერხულ მდგომარეობაში ნუ ჩაგვაყენებ“. სცენარი დაწერილია და ახლა ბევრიც ვიქნით ხელი, აღარაფერი შეიცვლება. მერე წენგოდან თავდაღწეული კაცალივით იკროცება ფიქრი: გაქათქათებული პერანგებით. ჰალსტუხებითა და რბილი სავარძლებით გაწყობილ დარბაზში

ჩემს სურვილებს ასრულება არ უნერია და უილაჯობის შეგრძნები-
საგან ოფლილა მასხამს.

— თვითონ ავტორი რას იტყვის?

ამას უკვე მე მეკითხებიან.

კინტრაიას მიკროფონშიც კი თბილი, ხავერდოვანი ხმა აქვს.

„თუ რამეს იტყვი, მშვიდად თქვი. ძირითადად ვიზიარებ კრიტი-
კას-თქო“.

მშვიდად. მაინც რა უნდა ვთქვა მშვიდად? ეს კომედია კინტრა-
იას თავისი საქმეების მოსაგვარებლად სჭირდება-მეთქი? იქნებ ადვო-
კატად დავუდგე ჩემივე წერილს, მთაში შექმნილ რეალურ ვითარება-
ზე ვესაუბრო დარბაზსა და მორკალულ მაგიდასთან მსხდომთ? და-
მიჯერონ კიდეც, ხმის ამომღები გამოჩნდება ვინმე? ხომ წაუყრუე-
ბენ და წაუყრუებენ, აქეთ დამეცემიან ცილისწამებისთვის. წერილის
დაცვასაც რა აზრი აქვს, ყველაფერი საკმაოდ გასაგებად მეწერა, რო-
გორც უნდოდა, ისე გაიგო და ახლა ათჯერაც გავიმეორო, იმავეს იტყ-
ვის. ესეც არ იყოს, რა იდიოტობაა ორჯერ ორის მტკიცება?

რა უნდა ვთქვა, არაფერი, არაფერი. ირაკლი მიქელაძე, გაიღიმე,
თუ გინდა, გაიცინე კიდეც და ყველაფერი სწორია-თქო.

ფეხზე ავმდგარავარ. ორას ორმოცდაათ სახეს ცნობისწადილით
ავსილი ერთი ვეებერთელა თვალი ჩაუდგამს და შემომტკეპრის. მერე
ეს მზერა აქანავებულ იატაკზე მიმავალს მიმაცილებს და მაშინლა მოე-
დავარ გონს, ცხვირწინ მიკროფონის ლანდს რომ ვარჩევ. თვალიც
აქვია, სულწასული გამოჰყოლია დაგრაგნილ მეთულს და ახლა მიკ-
როფონის ლითონის ბადურიდან მათვალეერებს.

საათნახევრის შემდეგ, რედაქციაში, მაგიდასთან მიმჯდარს მისხალ-
მისხალ გამახსენდება: დარბაზის თავშეკავებული სიცილი, რედაქტო-
რის შემფოთებული სახე და კინტრაიას შემპარავი ხმა: „თქვენ გინ-
დათ თქვათ, რომ არ ეთანხმებით კოლეგიის აზრს“, „რა თქმა უნდა;
არ ვეთანხმები“. „კარგი, დაბრძანდით“. ისევ აქანავებული იატაკი
და დარბაზი, ერთადერთი, უსაშველოდ გადიდებული თვალით რომ
შემომტკეპრის. ისევ კინტრაიას ხმა: „ჩვენ ყველა ღონე ვიხმარეთ. სა-
შუალება მივეცი მთქელაძეს ახლა მაინც შეეგნო შეცდომა. იმედი
გვქონდა, რომ გაითვალისწინებდა ყოველივე ამას და მომავალში გაკ-
ვეთილად გამოადგებოდა. როგორც ჩანს, ჩვენმა მცდელობამ ფუჭად
ჩაიარა. მიქელაძე არ ეთანხმება არც ათასობით მკითხველისა და არც
აქ მყოფთა აზრს. მეტიც, საბჭოთა ყურნალისტიისათვის შეუფერებე-
ლი საქციელით თითოეული ჩვენგანი აიძვებდა. წინადადება შემო-
მაქვს, ასეთი უადგილო ჩიუტობისთვის, კოლეგიის აზრის სასაცილოდ
აგდებისთვის მიქელაძე გათავისუფლდეს დაკავებული თანამდებობი-

დან. ყველა თანახმაა?“ სხვათა შორის მოათვალეირა პრეზიდენტი.
„ვინ არის წინააღმდეგი?“

კინტრაიას მზერა უკვე დარბაზისთვის ჰქონდა მიპყრობილი და იქნებ იმიტომაც ვერ შენიშნა მაგიდის ბოლოში აწეული ხელი.

— მე ვარ წინააღმდეგი!

არ ვიცი, რამ გააბედვინა ჩემს რედაქტორს, ან რატომ გამოი-
დო თავი. ღქნებ მართლა არ ეთმობოდა ჩემი თავი, იქნებ სინდისმაც
შეაწუხა, ან იქნებ ესეც გათვალისწინებული, დაგეგმილი დეტალი
იყო — სცენარი ზომ კარგა ხანს იწერებოდა.

კინტრაიამ ერთი კი შეაქანა თავი — თითქო რქებში გაბლანდულ
თივის ბულულს იშორებდეს და მოკლედ მოჰკრა: „კოლეგიის სხდომა
დამთავრებულია, თქვენ თავისუფალი ხართ, ამხანაგებო, კოლეგიის
წევრები კი ერთხანს დავრჩებით და ყველაფერს ავუხსნით „ვარს-
კელავის“ რედაქტორს“.

მისხალ-მისხალ გავიხსენებ ყველაფერს, რედაქტორის სახელზე
დაწერილ მოკლე განცხადებას მაგიდიდან ავიღებ, ორად მოვკეცავ და
ლიკლიკა ჩიტის დაუკითხავად შევადებ ტყავგადაკრულ კარს.

— სამმართველოშია, ჯერ არ მოსულა.

— ვიცი.

კაბინეტში არავინ დამხვდება. ფურცელს ისევ გავშლი და ცარიე-
ლი სკამის წინ, პრიალა მაგიდაზე დავდებ.

სულ სხვანაირი მეჩვენება ოთახი. ჩამოვჯდები. ჯერ ვეებერთელა
ნაგიდაზე გაშლილ გაზეთებსა და ფურცლებს შევათვალეირებ, მერე,
ნელ-ნელა, დინჯად გამოვყვები: კუთხეში მიდგმულ წიგნის კარადას,
კედლის საათსა და ცარიელ სკამებს...

„ჩვენი დღევანდელი კრება...“

— ჰი, ჰი, — ამომიღიტიწინებს ყელში. — ხა-ხა-ხა!

მგონი, ხმამალა გამომივა, რადგან კარი გაიღება, მდივნის გაკ-
ვირვებული სახე გამოჩნდება და ისევ მიიმალება.

„კრებას დახურულად ვაცხადებ. გთხოვთ დაიშალოთ, ბატონებო“.

უკვე წამომდგარი სკამს წამოვკრავ ფეხს და წავაქცევ.

„ყოჩაღ, მიქელაძე, ყოჩაღ!“ დამედევნება კარისკენ წასულს.

* * *

ქუჩა ისეთივეა, როგორც ყოველთვის: საჩუქრების მაღაზია ღიაა.
ღიაა მოცუტქნული კაფეც. თავზევით აბრა გამოშვერილა — „წინდე-
ბი“. ბუკინისტურ მაღაზიაში რამდენიმე კაცი დაბორილობს, რამდე-
ნიმესაც თაროებში ჩაუყვია ცხვირი. ვიწრო ტროტუარზე კი მოდიანჯ

გიახლოვებიან და გშორდებიან — ჩანთიანები, პორტფელიანები, ლამაზები და უშნოები, ზოგი — ნელა, ზოგი — ჩქარა.

გუშინაც ასეთი იყო ეს ქუჩა, გუშინწინაც და მინც, რატომღაც დღეს ამჩნევ, რომ საჩუქრების მალაზიაში მომუშავე შეუხედავ გოგონას, აქამდე თაროებიდან ნივრების მომწოდებელი რომ გეგონა, სევდიანი თვალები ჰქონია, კაფეში, ცხელი კაკაოსა და ღვეხელისთვის რომ შერბიხარ ხოლმე, აქა-იქ გაწყალებული და გვარიანად დალაქავებული ფარდა ჰქიდა, წიგნის თაროსთან ასვეტილ შლაპიან კაცზე კი მაინცდამაინც ახლა ფიქრობ — რას ეძებს, ყდაგაცვეთილ ქურნალებს, სათავეგადასავლო რომანს? წინდები, დილით რომ ჩაიცვი, ხომ შეიძლება ამ ფარდულშია ნაყიდი, მაშინაც ეს ქალი იდგა დახლთან?

ორიღე ნაბიჯის იქით ტროტუარზე დაგდებულ სიგარეტის ცარიელ კოლოფს ამჩნევ, იქვე დგას ურნაც, მაგრამ იმ კაცს იქნებ ცოლი გაექცა და იმიტომაც ვერ დაინახა ვერც ურნა და ვერც ქუჩის თავში გაკრული ლოზუნგი: „გადავაქციოთ ჩვენი ქალაქი სანიმუშო წესრიგისა და...“

მოდინ ლამაზები, მახინჯები, დაღვრემილები, უდარდელები, და ამ უცხო ადამიანებში, მაინცდამაინც დღეს რომ ეძებ წუხილისა და სიხარულის, ჩაფიქრებისა და უფიქრელობის ათასგვარ მიზეზს, მხოლოდ შენთვის და სწორედ ახლა, სასურველი ადამიანი გინდა დაინახო. მაინცდამაინც დღეს...

თანდათან გახსენდება: ჯერ კიდევ ლიბრგადაკრული, გაურკვეველი, მაგრამ მაინც ნაცნობი — მოძრაობა, ხმა, გამოხედვა. მერე ოდნავ იძაბება მეხსიერება და ეს ყველაფერი დაფანჩულ წარბებქვეშ შემალულ საოცრად თბილად მოციმციმე თვალებში გროვდება.

ჯიბეში ორკაპიკიანს პოულობ და ტელეფონის ჯიხურთან ჩერდები. რამდენიმე წამის შემდეგ ავტომატი გაიჩხაკუნებს და ბოხი ხმის გაგონებისთანავე ისეთი გრძნობა გეუფლება, თითქოს ვიღაც ღვთისნიერმა გათოშილი ფეხები თბილ წყალში ჩაგაყოფინა.

ახლა ის ჩემს წინ დგას. ვეება ბეჭებით გადალობებია თამბაქოს ბოლით, ორთქლითა და მთვრალი ხმებით გაგუდულ სარდაფს და გეპირიელად ილუქმება.

— რას აპირებ?

— განცხადება მაგიდაზე დავტოვე, არ მობრძანებულა ჯერ.

პირისაკენ წაღებული ხინკალი თეფშზე დადო, ტუჩებზე დამცინავი ღიმილი აუთამაშდა.

— განცხადება?

— ჰო.

— რა, ჰო.

— გადავალ სადმე.

— შენს ადგილზე სწორედ ახლა არსად არ წავიდოდი. მოხსნით ვერ მოგხსნის, უფლება არა აქვს. შენ შენი ხომ დაწერე. დაბეჭდვა თუ არ დაბეჭდვა კი იმისი საქმე იყო. ჯერ თვითონ მოიხსნას თავი... მაინც მგონია, რომ არც მოგხსნიან და არც უნდათ შენი მოხსნა. თანაც, სამსახურს კი იშოვი. მაგრამ როდის და როგორს, კაცმა არ იცის. არსად არ წახვალ!

— უნდა წავიდე, იქ ველარ ვიმუშავებ.

— შენს ქერკში დაეტიე. დაწერე, რასაც გეუბნებიან და მიუგდე. ოცდაათის ხომ ხარ...

— მარტო ეგ რომ იყოს...

— კიდევ რა.

— მამლაყინწობა.

— მამლაყინწობა?

— ჰო.

— ვერ გავიგე.

— რა ვერ გავიგე? რეცენზიის დაწერა მართლა არ მინდოდა, მაგრამ ჯერ კრებაზე და მერე კოლეგიაზეც რომ ავტყდი, მარტო სიმართლის სიყვარულით არ მომსვლია, ისიც იყო.

— ვინ ის.

— ვინ კი არა, რა...

— შენ და სასმელი?..

ვერ გავიგია, მართლა მთვრალი ვგონივარ თუ დამცინის. მერე ხუთი წლის დაგროვებული სათქმელი მაინც მძალავს და ნაღველასავით მელღვენთება ენაზე:

— ახალი მოყვანილი მყავდა ცოლი. კარგა შეღამებული იყო, შინ ვბრუნდებოდით. ავტობუსის გაჩერებაზე დავტოვე, მანქანას დავეუწყე ძებნა. ორნი მიუახლოვდნენ, რაღაც უთხრეს. ცოტა ფხუკიანია ლია და, ეტყობა, ხურდა დაუბრუნა. მეც მაშინ მივედი. ნასვამები იყვნენ. თავისუფალი ხარ-მეთქი, უფრო ახლოს რომ იდგა, იმას ვუთხარი. არ ვიცი, ვინ ვეგონე, მაგრამ ერთი კი იყო — არ მოეწონა. ხელი წამოიღო, ცხვირწინ ამიტარა, აი, ასე უნდა დაგკრას კაცმა, შე ლაწირაკო... არ გავნძრეულვარ. „არ ღირს ხელის გასვრა“, ჩაილაპარაკა მეორემ, ხელი მოჰკიდა და გაგვაცალა. ხელები, როგორც მეწყო, ისე დამრჩა ჯიბეებში.

— შენც ამოგელო. — ახლა კათხა უჭირავს ორივე ხელით, მოკუტეული თვალებით მიცქერის და მგონი ისევ დამცინის. იქნებ გავჩუმდე, მაგრამ მოტკბო გემოც დაჰკრავს პირში გაგლესილ სიმწარეს.

— სკოლაში, შესვენებაზე „გახვალ?“, „გავალ“, „სველი თითო წაუსვი“ და ამისთანებით რომ ვიწყებდით ჩხუბს, მაშინაც არასდროს დამირტყამს პირველს. ვერ ვახერხებდი. იმ საღამოს კი, მინდოდა, მართლა მინდოდა... ორნი იყვნენ, კაი მუტრუკები იყვნენ და ალბათ იმიტომ ჩავყლაპე... მართო რომ ვყოფილიყავი, იქნებ შემეძალა სადმე კუნჭულში, დამევიწყებინა. მოწმე მედგა გვერდით, ერთი წლის მოყვანილი ცოლი... მოკლედ, ჩავყლაპე. ხუთი წელიწადი გავიდა და ვერ მომიწივებია, ალბათ ვერც მოვიწივებ. აი, აქ, გულ-მუცელში მიზის, ჭიასავით. გაიძრევა და გულს მირევს... მას შემდეგ ბევრჯერ წავასწარი თავს — იმაზე მეტს ვხტუნაობ ვიდრე საჭიროა, ის ჭია მახტუნავენს, უნდა რაღაც დამამტკიცებინოს...

ზურაბი კათხას აწვალებს, თვალები თანდათან კეთილი, კეთილი და სევდიანი უხდება.

— ეგ მეტისმეტია...

კიდევ რაღაცას მეტყვის, ჩემს დამშვიდებას შეეცდება. დასამშვიდება კი არაფერი მჭირს, თვითონაც ვხვდები, რომ მეტისმეტი მომდის, ვხვდები, რომ ის, რაც კრებაზე მოხდა და კოლეგიაზე გაგრძელდა დამსახურებულად მაქვს გადაღებული: თითქოს სიმართლისათვის არავითარი თავის გამოღება არ არსებობს, თითქოს ყველაფერი მოგონილია, ხუთი წლის წინათ ჯიბეს შემორჩენილი მუშტების გარდა.

— ეგ მეტისმეტია. რაღაცებს იგონებ, იბრალებ. ხომ ვიცი, რა ჩიტიცა ხარ. მაგრამ არც რომ იმ შენი ქამელეონი რედაქტორისა და კინტრაიასთვის ღირს თავის წვალება?... მოიცა, თითოსაც მოვიტან...

სანამ მობრუნდება, აყაყანებულ სარდაფს ვათვალეიერებ — თეთრი მარმარილოთი მოპირკეთებულ აწოწილ მაგიდებს, კათხებს, ხინკლიან თეფშებს, რაღაცის გამო აფორიაქებულ, შეწუხებულ ხალხს.

როგორც იქნა, გამოჩნდა. საოცარი სიარული იცის. თავი ოღნავ გვერდზე და დაბლა აქვს დახრილი — თითქო მთელი ქვეყნისა მართებს, ბეჭებიც რაღაცნაირი მორიდებით, მძიმე ქანაობით მოაქვს. ამისიცი კი ერიდება, ვეებერთელა ბეჭებისა, კამეჩის ღონე და სიტლანქე რომ აუთრევია და ზანტად მოარწევს აწოწილ მაგიდებშუა.

კათხებს სრიალა და გრილ მარმარილოზე აწყობს. მერე თავად უღებლად მეკითხება:

— დრუნჩა როგორა გყავს? — თავაუღებლად მეკითხება.

— მყავს.

— არ გაგიარა?

ესეც იმ ფანდურზე უკრავს — „არ გაგიარა?“ არ გამიარა და არც ვპარებ.

— არ ვიცი, არა მგონია.

— ირაკლი...

— ჰო.

— დაანებე თავი. ტყუილად აწვალებთ ერთმანეთს. ეს ქვეყანა სამაგიისოდ არ არის მოწყობილი. თეთრი ყყავებივითა ხართ...

— მერე...

— უტარო კოვზივით კი ვეჩხირები, მაგრამ... ქალის მეტი რა არის, შეიყვარე და გადაიყვარე... დამიჯერე, არ არის ქვეყანა სამაგიისოდ მოწყობილი, სისულელეა ეგ ყველაფერი. შენ რომ გინდა, ისე კერც მოახერხებ და არც არის საჭირო.

ახლა მართლა აღარაფერი გინდა, არც ეს გაბოლილი სარდაფი, არც ლუდი. საკმლის მძიმე სუნიც გულს გირევს. არადა, ქუჩაც ისეთივე დაგხედება, გუშინ რომ იყო, გუშინწინ. ერთმანეთში აირევიან ლამაზები, უშნოები, დაღვრემილები, უდარდელები და თბილად მოციმციმე თვალბში მოგროვებული შენი უღლეური სურვილიც ისევ ათას მოძრაობად, ხმად, გამოხედვად დაიფანტება.

* * *

ტროლებუსიდან ჩამოსვლისთანავე თვალი მეხუთე სართულისკენ გამირბის. ფანჯარა განათებულია. სადარბაზოს ბნელ შესასვლელში ორნი ჩურჩულებენ. დამინახეს თუ არა, გაჩუმდნენ. სანამ ლიფტი დგანდგართ ჩამოდის, შესასვლელთან ატუზული წყვილისკენ ვაპარებ თვალს. ჩვიდმეტ-თვრამეტი წლისანი იქნებიან. ლიფტი ჯერ ისევ შუა გზაზეა, წვალეებით მოჭრიალებს, ასი წლის ბებერივით. აქამდე სამჯერ ავირბენდი კიბეს.

როგორც იქნა. ახლა ზევით მიხრივინებს ბებრუხანა.

ზარის ლილაკს თითს ვაჭერ და მაშინვე უსიამო ფიჭრიც იბლანდება — შინ რომ არ იყოს?

ლია კარში ზაზა დგას.

— გამარჯობა. ანა შინ არის?

ვერც სულ უპასუხობას ახერხებს, სახე განზე მიაქვს და, შინ არისო, თავის დახრით მაგრძნობინებს.

პატარა ოთახი. ტახტზე ფეხმორთხმული ზის და რაღაც უცნაურად მათვალეირებს. ის დღე მაგონდება, სამზარეულოდან რომ შემოვიდა და თან შემწვარი კარტოფილის სუნი შემოიტანა. როდის იყო?

თვალს არ მაცილებს. ამასაც მთვრალი თუ ვგონივარ. ნეტა ისეთი რა დავლიე.

უცებ ატირდა. ჯერ წამწამები ააფახულა, თვალები აუწყლიანდა, მერე სახე სასაცილოდ მოეღრიცა და ატირდა.

ქალის ცრემლები ალბობს კაცსო. ვუყურებ და არც სინდისი მაწუნებს, ვერც მოღბობისა ვატყობ რამეს თავს. ტვინის რომელიღაც უჭრედში პატარა სიხარულიც კი ფართხალებს.

— რა გატირებს? — გვერდით ვუჭდები და ცრემლით დასველებულ სახეს მალა ვუწევ. — მოხდა რამე?

— ა... რა...

— დრუნჩა, გტკივა რამე?

ტირილი არ შეუწყვეტია, ისე დააქნია თავი.

— რა გტკივა?

გამხდარი ხელის მტევანი რალაცნაირად საცოდავად მიიღო ძუძუნე.

ცოტა ხნის შემდეგ, სველ სახეს რომ შეიმშრალებს და დამშვიდდება, ამ პატარა სხეულში მოკალათებული, ობობასმაგვარი ურჩხულის წარმოდგენა რომ ამამღვრევს, და ერთ წერტილს მიშტერებული სათქმელს დავუწყებ ძებნას, პოლიკლინიკიდან ჰიანი კბილით ხელში მობრუნებული ბიჭივით იტყვის:

— დღეს ექიმთან ვიყავი.

— მერე?

— პასუხი სამ დღეში იქნება, შეიძლება მასტიტი აღმომაჩნდეს.

— მასტიტი?

— ჰო. სარძევე ჯირკვლების ანთება.

— საშიშია?

— არა.

— აბა, რა გატირებს?

— არაფერი. — თქვა და ისევ ატირდა, პატარა ბიჭივით, სათამაშო რომ გაუტყდება. მერე სლუკუნ-სლუკუნით ამოაყოლა:

— ასე თავის ნებაზე მიშვება არ შეიძლება, კიბო განვითარდება.

ისევ წამოიჩახხა ობობასმაგვარი ურჩხული, ბევრიანი თათებითა და გულისამრევი სხეულით.

— ბავშვი უნდა გავაჩინო. ექიმმა მირჩია. — აღარ ტიროდა. ერთიანად გამშრალი იჯდა და იცდიდა.

— ბავშვი? გააჩინე მერე, ვინ გიშლის?

— არასოდეს! — წამოიყვირა და ისე შემომხედა, ცოტაც და ფრჩხილებით ჩამომაწრავედა სახეს.

სჯობდა გავჩუმებულიყავი. არ უნდა მეთქვა. იმდღევანდელი საუბრის შემდეგ აღარ უნდა მეთქვა. რალაც საბავშვო ფილმი ვნახეთ. ქუჩაში გამოვედით თუ არა, მეც მინდა ბავშვიო.

— ბიკი, დრუნჩა?

— გოგო.

— ეგეც შეიძლება.

ამომხედა და ნაღვლიანად გაიღიმა.

— არ შეიძლება.

— ვითომ რატომ, ვერ მოვახერხებ?

— მოახერხებ, დამშვიდდი, მოახერხებ.

— ჩემგან არ გინდა?

ისევ ისე ნაღვლიანად ეღიმიება.

— არ შეიძლება. — გაჩუმდა. მერე, თითქოს თავისთვის ალაპა-
რაკდა: — შინ რა ვთქვა, სად წავიყვანო? ხომ უნდა მამა, გვარი... ამა-
ზე ნულარასოდეს მეტყვი, კარგი?

იმ საღამოს, სანამ კინოდან შინ მივაცილებდი, რამდენჯერმე ვცადე
წარმომედგინა, როგორი ბავშვი გვეყოლებოდა. გოგო ვერაფრით ჩა-
ვისვი წარმოსახვაში.

-- აბა, რას იზამ... გათხოვდები?

გაკერპებული შემომცქერის. ხმას არ იღებს. ობობა სადღაც იკარ-
გება და ისევ ის უსახსრო ეჭვი მოცოცავს, ლაპლაპა თვალეებითა და
რბილი, საზიზლარი თათებით.

— გაეთხოვდები.

— ოჰო! ხომ არ გაგირიგო ვინმე? თუმცა, ისე ლაპარაკობ, მო-
ძებნილიც გეყოლება.

— როგორმე მოვძებნი.

— ასე ხელდახელ საიდან გამოიწერ?

— ისევ იმასთან დავბრუნდები.

უსახსრო სხეული შეიკუმშა, დაიძაბა, მერე უცბად გაიშალა და
რბილი თათები ძარღვებში ჩამარქო, სისხლს მძიმე-მძიმედ შეერია
თათებიდან გამოყოფილი თაღგამი.

— ვისთან?!

მეტისმეტად თუ ამერია სახე — თვალი ამარიდა და თხოვნასავით
ამოილაპარაკა:

— შენთვის სულ ერთი არ არის?

ახლა ვხვდები, ყველაფერს ვხვდები, მაგრამ ენის წვერზე მომდ-
გარი სათქმელი, ტკივილთან ერთად რაღაც უცნაურ სიამოვნებასაც
რომ მპირდება, თავისას ითხოვს:

— შენ უკვე ყველაფერი აგიწონ-დაგიწონია, გადაგიწყვეტია კი-
დეც. გეტყობა, კარგა ხანს ფიქრობდი. საკმაოდ გაერთე და მოგბეზ-
რდა თამაში. ახლა ბავშვი გინდა, ქმარი გინდა. პირდაპირ ვერ გითქვამს.
და კიბო თუ რაღაც ჩემი ფეხები მოიგონე.

თუ არ შემაჩერა, კიდევ ბევრ სისულელეს ვიტყვი. არადა, მართალია — ჩიხში მომწყვდეულელებივითა ვართ და აღარც უკან მოსაბრუნებელი გზა ჩანს.

ერთხანს ვიციდი, იქნებ რაიმე თქვას, იქნებ...

არ შემაჩერა. არ შემაჩერა და ეშმაკსაც წაუღია ესეც და ყველა ქალიც...

— ყოველთვის მართალი იყავი, მაგრამ მე თვალბუჭუნა თოჯინა არა ვარ, როცა მოგინდეს, მაშინ გადამდო გვერდზე. თუ გაინტერესებს, არც ის არის სულ ერთი, ვის ჩაუგორდები ლოგინში.

— ირაკლი...

— ვითომ რატომ ხარ ასე დარწმუნებული, რომ მკლავებგაშლილი დაგვჯდება.

— არა ვარ დარწმუნებული. შეიძლება დამხვდეს.

— არ გაპატიებს! ეგეთების პატიება არ შეიძლება. თუ ყველაფერი დაივიწყა და ფეხქვეშ გაგეგო, ვირი ყოფილა. თქვი, რომ მოიგონე ყველაფერი.

ერთი კი ამომხედა და ისევ ატირდა.

* * *

— საით? — შეკითხება შოფერი.

— საბურთალოზე.

სანამ მრიცხველის სახელურს ატრიალებს, საათს დავცქერი. თორმეტის ნახევარია. ალბათ სძინავთ უკვე.

მანქანა სანაპიროს მიუყვება. მტკვარი ფარნების ლაპლაპა შუქს აუჭრელებია. იქითა ნაპირზე ვეებერთელა შავი ჩრდილია, ჩრდილს ზევით — მეტეხი. ამაყად მოცურავს ლამპიონებით განათებულ დამეში.

ახლალა ვამჩნევ, რომ ძალიან ნელა მივდივართ.

— რამე ხომ არ გაგიფუჭდა?

შოფერი მომჩვარულ ქუთუთოებს ერთიმეორეს აშორიშორებს და მობოდიწებასავით ამბობს:

— ძალიან დავილაღე. — წელში გასწორდა, თავი შეაქანა და ნამთვრალევს რომ გააღვიძებენ, ისე დააცქერდა გზას. — ლამის ჩხირები შევიყენო თვალეში,

თუ არ ველაპარაკე, ჩაეძინება. არადა, არც მე მაქვს ლაპარაკის თავი.

— ალბათ დილიდან მუშაობთ.

— არა, მაგრამ მთელი ღამე არ მიძინია. ვილაც ოხერს გადაეკიდა

ჩემი ბიჭი. სახლიდან გაიქცა. სამორიგეობსა და იმის ძმაკაცებში სირბილს მოეუნდა. რაც ნათესავები გვყავს, ყველასთან დავრეკე. არ ვიცითო. შინ მოსვლა არ უნდა? ინსტიტუტში მოვაწყვე, ბინა ვუყიდე, ჩაცმა არ აკლია და დახურვა... ხელავ, რას მიშვრება?

ერთხანს ვუსმენ, მერე მოტორის ყრუ ხმაურში არეული დაბალი, ბუბუხა ხმალა მესმის და თანდათან მეც ჩემსას ვუბრუნდები.

ისევ შოფრის ხმა მახსენებს, რომ ტაქსში ვზივარ და შინ მივდივარ.

— პირდაპირ წადით... ეხლა — მარცხნივ... აი, აქ გამიჩერეთ. თუ ღმერთი გწამს, ფრთხილად იარე, რამდენი გიქი დადის; არ დაეჭახები, თვითონ დაგეჭახება.

კიბეზე უხმაუროდ ავდივარ. კუთხეში, ზედ კედლის ძირთან სამთვლიანი ველოსიპედი მეჩხირება თვალში. ეტყობა, ვერაფერი მოუხერხა მამაჩემმა, ისევ ისე აგდია ჩამოწყვეტილი ჯაჭვით.

ეს დღეც დასრულდა. ახლა კარს შევალე, უჩუმრად შევალ სამზარეულოში, უჩუმრად შევქამ მაგიდაზე დატოვებულ ვახშამს. მერე ფეხაკრეფით გავივლი, ერთ, მეორე ოთახს.

გიოს თავის პატარა საწოლში სძინავს. საბანი გადაუხდია. შუბლზე ნამივით აყრია წვრილი წვეთები. თხელ კანქვეშ, ქუთუთოებსა და საფეთქლებზე ცისფრად მოუჩანს ნაზი კაპილარები.

ტანსაცმელს სკამზე ვაწყობ. საწოლთან მისული ლიას მზერას ვაწყდები. შიშველი მკლავები საბანზე უწყვია, რაღაცნაირად უსასოოდ წევს და ჩუმად, საოცრად ჩუმად და სევდიანად მიყურებს, გიოს თვალებით.

• • •

მკვდარს სიჩუმე. გადახრუკული ტრამალი. ორთვალაში ვარ შებული და მძიმედ მივუყვები ჰორიზონტს იქით დაკარგულ გზას. საით მივდივარ, ვინ შემება — არაფერი მახსოვს. ზედ თვალებთან დაკიდებული მზე ცეცხლივით მედება გაოფლილ სახეზე. სალტე მკერდზე მიჭერს, სუნთქვა მეკვრება, პირი ნაგვალავ მიწასავით მაქვს გამშრალი. აქეთ-იქიდან ორი შუბიანი კაცი მომდევს. ძალისძალად ვაბრუნებ გახევებულ კისერს — ორთვალაზე ვეებერთელა კასრი დგას, პირთამდე წყლით არის გალიცლიცებული. ბრჭყვიალა ზედაპირი ქანაობს, ირწევა, კასრის ნაპირებს ეჭახება და შხეფები წვრილი მარგალიტივით იფანტება გახურებულ ჰაერში. „წყალი“, ვჩურჩულებ და თვითონვე ვკრძნობ, რომ შუბოსნებს არაფერი ესმით. „წყალი, ღმერთი არა გწამთ?“ გამშრალ ტუჩებს დარუმბებული ენით ვილოკავ. „მონა ვარ“, „ტყვედ თუ ჩავეარდი“. როდის, რანაირად, არაფერი მახსოვს.

საიდან მოვდივარ, სად მიმაქვს ეს კასრი, რამდენ ხანს უნდა ვათარიო. „წყალი“, ვჩურჩულებ და ისევ კასრისკენ ვაბრუნებ თავს. ეტყობა, გავჩერდი, რადგან ერთი, მარცხნიდან რომ მომდევს, ცოფიანი ძაღლივით მიღრენს. შუბიანი ისევ მიყვირის, მერე მიახლოვდება და მოწულ მათარას ცხვირწინ მითამაშებს. ჯანდაბას იქით ჰქონია გზა, მე აქედან ფეხის მომცვლელი აღარა ვარ. ამაზე უარესს რაღას მიზამენ. ფიქრი მალამოსავით მეღება — ფეხსაც აღარ მოვიცვლი. ჩავიმუხლე, მერე ჩავჯექი და პირდაღმა გავიშალე მიწაზე. „აღექი!“ ზევიდან დამდგომია და ჩამძახის. რაც უნდა, ის ქნას, ცემით რომ ამომაძროს სული, ამდგომი აღარ ვარ. „აღექი, რომ გეუბნები..“

— აღექი, სამსახურში დაგაგვიანდება.

პირდაღმა ვწევარ. გამშრალი პირით რის ვაი-ვაგლახით ვისრუტავ ჰაერს. ერთიანად ოფლში ვცურავ. გვერდზე ვბრუნდები და ყველაფერი მახსენდება.

დაძინება ვერაფრით მოვახერხე. კეფა მიხურდა. თითქოს სიპილოდი მედო თავქვეშ. გაუთავებლად გუგუნებდა რაღაც. მერე შეგროვდა გუგუნი, დამძიმდა და თავისისავე სიმძიმეს რომ ვეღარ გაუძლო, შხუილით გადაიღვარა სხვა ადგილას. მთელი სხეული ამეჩავა, თითქოს ათასი ჭიანჭველა მომესია. ავდექი, შიშველი ფეხები ფოსტლებში გავყავი და აივანზე გავედი. კარგა ხანს ვიდექი. ჭიანჭველები ჩაწყნარდნენ. სამზარეულოში შევბრუნდი, კარადიდან არაყი გაღმოვიღე, ჩაის ჭიქა გავავსე და სულმოუთქმელად დავლიე. გუგუნი ტკბილმა თავბრუსხვევამ შეცვალა. ისევ დავწექი. ერთხანს ვერთობოდი კიდეც — თვალებს დავხუჭავდი და საწოლიანად თავდაყირა მივექანებოდი უფსკრულში. გავახელდი და დავხუჭავდი.

— რომელი საათია?

— :თი.

ათი ყოფილა. ცოტა ხანს კიდეც შეიძლება ნებივრობა, დღეს შეიძლება. ვიცვამ, პირს ვიპარსავ და აუჩქარებლად ვსაუზმობ. დროდადრო მაინც ვუყურებ საათს. თან იმის გარკვევასაც ვცდილობ, ჩვევა მახედებს საათისკენ თუ მართლა მეჩქარება.

„დღეს ალბათ მალე მოვალ“, კაცმა არ იცის, რატომ ვპირდები ცოლს.

ეს უცნაური სიღინჯე ქუჩაშიც მომდევს. ქუჩაშიც ვცდილობ გავერკვე, მეჩქარება თუ არა. მერე თავისუფალ ტაქსს ვაღვამ თვალს, ხელს ვუწევ და შოფრის გვერდით ვჯდები.

ლიფტში ფიქრად მომდის, რომ ამ პატარა მოძრავი ოთახის გამომგონებელი უთუოდ ჰქვიანი და კეთილი კაცი იქნებოდა.

:ოთახის კარი ღიაა. „მართვე“ მაგიდასთან ზის, ფურცელზე გულ-

ძოდგინედ ასრიალებს ავტოკალამს. მერე, ისე მათვალეირებს, სკოლის ბიჭები რომ შესცქერიან ჩემპიონებს.

— ვახტანგი... — დანარჩენის თქმა ვერც კი მოვასწარი.

— განცხადება დაწერა და წავიდა. არაფერი უთქვამს. რედაქტორთან დევს... ჰო, გელოდება როგორც კი მოვა, შემოვიდესო.

მდივანს თვალეები უბრჭყვიალებს — ჩემი გუშინდელი გმირობით თუ არის აღტაცებული. კობხა ტუჩები რალაცის სათქმელად მოუშინადებია, მაგრამ სანამ დაიქლურტულებს, სანამ აღგება და თვითონვე გამიღებს კარს, რედაქტორის კაბინეტში ვარ.

იქ ორნი არიან, ერთი სავარძელში ზის შექმუხნული შუბლით და ოდნავ მოღრეცილი პირით. მეორე ფეხზე დგას. ღრმად ჩამჯდარ პატარა თვალებსა და გახეთის შეეკვრას ჩაჭიდებულ თითებზე მოუთმენლობა აცეკვებულა. მერე, ამ პატარა თვალებიდან ძლივს შესამჩნევი ღიმილი გამოტყვრა. შალვა ბროლიძე იღიმებოდა.

— დაჯექი.

სანამ ვკდები და ვიცდი, ბროლიძე თავის ნიღბიანად უხმაუროდ გადის ოთახიდან.

— განცხადების დაწერას ვინ დაგიშლის, მაგრამ ხომ შეგეძლო, ჩემთვის მოგეცადა. ამ ქალბატონს ქვეყნისთვის მოუღვია უკვე.

— დასამალი არაფერია.

— არ ვიცი. იმ შენმა სალუქვაძემაც მომიბენინა. ბოლოკვიტთ ჰქონდა სახე, რალაც ჩაიღუღუნა, დამიგდო და წავიდა. მეც ავდგები და მოუუწერ ხელს. — უჭრა გამოალო, ორი ფურცელი ამოიღო და ერთიმეორის გვერდით დააწყო. — აიღე ეს ორივე განცხადება და საქმეს მიხედე.

— სალუქვაძისა მომეცით, მე უნდა წავიდე.

-- საით აპირებ?

— თუნდაც „ახალ გზაში“. იმედია, იქ მაინც ვერ მომწვდება კინტრაიღ.

— სისულელეს თავი დაანებე და საქმეს მიხედე. არსადაც არ წახვალ. ველაპარაკე იმ შენი „ახალი გზის“ რედაქტორს. გაზრდილ კაცს მართმევე, ეგ რანაირი კოლეგიალობაა-მეთქი. თუ არ ვცდები, ერთხელ ცნობის მოცემისა შეეშინდა. ალბათ ეხლაც უარით გამოგისტუმრებს. ეგეც არ იყოს, არც იქ გაგიშვებენ იალაღზე. იქაც ეყოლებათ თავიანთი კინტრაია. ჰო, გუშინ კოლეგიის შემდეგ დავრჩით. კარგა ხანს ვისაუბრეთ. ამდენი ჩემს საქმეზე არ მიწვალთ. ისიც კი ვუთხარი, მაშინ ჯერ მე უნდა მომხსნათ-მეთქი. სხვათა შორის, არც ისეთი სვავია, შენ რომ გგონია.

იმის თქმას თუ აპირებდა ჩემი რედაქტორი, სხვებზე უარესი არ

არისო. ავდექი, მაგიდიდან ფურცლები ავიღე, მოვკეცე, ჭიბეში ჩავიღე და გამოვბრუნდი.

იმ რეცენზიაზე ნაწყენი ვარო, კართან დამაწია შემონახული სათქმელი.

* * *

ილუმინატორის მრგვალ ჩარჩოს ერთბაშად შემოეცალა რძისფერი ფარდა. ორიოდ წუთიც და თვითმფრინავი თბილისის აეროპორტში დაეშვება.

ღრუბლების თეთრი ზეწარი ახლა ზევიდან წამომფარვია. ისიც დაიწრიტა — ორი საათით ნათხოვარი უღრუბლო ცა.

ფრთაზე ლარივით სწორი, მკრთალი ხაზები ამოძრავდა, ქვევით — რუხი დედამიწა, შეხვედრის ყალბ სიხარულს რომ მპირდება.

ორიოდე წუთიც და ყრუდ შეირყევა ლითონის ვეებერთელა სხეული, შხულითა და დგანდგარით გაირბენს ბეტონის ათასმეტრიან ზოლს და დადგება. ხელახლა წამოტივტივდება სცენა, ბურთივით რომ გამჩრია ყელში და უჩინარ ცრემლებს მაყლაპინებს.

შესასვლელთან გავჩერდით.

— ამოხვალ?

თავი გავაქნიე.

— დრუნჩა, განსოვს, თევზებზე რომ მიყვებოდ?

კიდეც რალაც უნდა ვთქვა, გავაკეთო, ასე დგომა აუტანელია.

— გიყვარს შოკოლადი?

ტუჩები აუკანკალდა. თითქოს ახალა მიხვდა, რომ ყველაფერი გათავდა, ახალა დარწმუნდა, რომ გადავწყვიტე. გაუბედავად გადმოდგა ნაბიჯი, მაკოცა, გამიღიმა, მერე უცბათ შებრუნდა და კიბეს აუყვია.

პირველი სართულის ფანჯარაში ცნობისწადილით ავსებული სახე გამოჩნდა და მაშინვე მიიშალა.

დედამიწა აიწია, აყირავდა და ილუმინატორის ჩარჩოს აეთარა. ისევ დაიხნიქა, დაქანდა, რუხი ფარდაგივით გაიშალა თვითმფრინავის ქვეშ.

სუნთქვა მეკვრება, წყალში დაძირულივით ვცდილობ ამოტივტივებას...

— კინტრაიამ მადლობა შემოგიტვალა რეცენზიისთვის.

რედაქტორს კმაყოფილი სახე აქვს. არც მე მაქვს უკმაყოფილევის საბაბი — პრემიების სიაში ჩემი გვარი პირველი წერია, პიჯაკის

ჯიბეში კი ერთკვირიანი მივლინება მიდევს — დასვენებისა და ძალე-
ბის მოკრებისთვის, რომელიმე ქალაქში. ზუსტად ასე მითხრა, რომე-
ლიმე ქალაქშიო.

განყოფილებაში მარტო ღლაპია. რაღაცას თხიპნის ფურცელზე.
წამით თავს მალდა სწევს და ისე მიყურებს. ერთი სული მაქვს, მა-
გიდაზე დავუჩეჩქვო ცხვირ-პირი.

„ჩვენი თვითმფრინავი თბილისის აეროპორტშია. ქალაქში წვიმს,
ტემპერატურა ოცდაერთი გრადუსია. ცენტრამდე...“

სტიუარდესას ღიმილი, სველი კიბე, ასფალტი და აეროპორტის
ხმაურიანი შენობა.

არ ვიცი, რამ შემომიყვანა — შენობის წინ ორი ავტობუსი ელო-
დება მგზავრებს. არ ვიცი და არც მაინტერესებს.

წითელი სავარძლები. ჩემოდნები. ჩანთები. დარბაზის კუთხეში
დადგმულ ტელევიზორის ეკრანს მიჩერებული გულგრილი, ლოდინით
დაღლილი ადამიანები.

აივანი, ტრიალი მინდორი და ნაცრისფერი საფრენი ზოლი.

თავისუფალ ადგილს ვპოულობ, მერე ერთხანს უაზროდ შეეცქე-
რი აციმციმებულ ეკრანს. მერე დამძიმებულ ქუთუთოებს ვეძიძგი-
ლავები და ისღა მამშვიდებს, რომ გარშემო ადამიანები არიან.

ჩამძინებია. ფანჯრებიდან აღარც ტრიალი მინდორი ჩანს, აღარც
ბეტონის ნაცრისფერი ზოლი. კედლის საათი ცხრას უჩვენებს.

სანამ შოფერი ვიღაცას ესაუბრება, ავტობუსში, სულ ბოლო სკამზე
ვჯდები და შენობის წინ ფერადი კოლოფებივით ჩამწკრივებულ მან-
ქანებს ვათვალიერებ. ასფალტი გამშრალა. ალბათ კარგა ხანია გადა-
ილო წვიმამ.

შოფერი იმ მეორეს ბეჭებზე უტყაპუნებს ხელს და საკებს უჯდება.

რამდენჯერ გამივლია ეს გზა. სადღაც აქ მოკლევადიანი მომღიმა-
რე გოგონა უნდა იყოს — „ისარგებლეთ აეროფლოტის თვითმფრინა-
ვებით“.

სანაპირო. ანგარიშმიუცემლად ვდგები და შოფერს ვეუბნები, აქ
ჩამოვალ-მეთქი.

ქალაქშიც გადაულია წვიმას.

ნელა მივუყვები გრილ ღამეს. სადღაც, სულ ახლოს, მეხუთე სარ-
თულზე, პატარა ოფისში... ფეხმორთხმული ზის ტახტზე... უნდა დავი-
ვიწყო ეს ტკივილი. ვიცი, თავისას იზამს დრო, ყველაფერი გაფერ-
მკრთალდება, მოშუშდება.

ორმოცი წუთიც და შინ ვიქნები, სიბნელეში კედლის ძირთან მიგ-
დებულ ველოსიპედს წამოვკრავ ფეხს. გამახსენდება, როგორ ჩამო-
ვუტანე, როგორ დაეუღღი საწოლთან, როგორ გაუდიდდა დილით თვა-

ლები — ჯერ დედას შეხედა, მერე — მე, ისევ ველოსიპედს და ნაცნობი, საოცრად ნაცნობი სიცილი აენტო სახეზე.

ჩემი აღარაფერია ამ სიცილში, აღარაფერი და იმასაც ვხვდები, რომ ამ ჩემს ტკივილად გაჩენილ ბიჭს ველარასოდეს მივცემ იმას, მესამედი საუკუნის მანძილზე უშედეგოდ რომ ვაკოწიწებდი ოცნებების, შეცდომებისა და მოვლენების გროვისაგან, ველარასოდეს მივცემ იმ სიკეთეს, რწმენა რომ ჰქვია.

მივდივარ.

შევცქერი საკუთარ თავს და გარკვევით ვხედავ მომავალს, ჩემი ცხოვრების წესის ლოგიკური შედეგი რომ იქნება, შევცქერი ანას — რაღაც იდეალურ კანონს შეგუებულსა და დამორჩილებულს, ცოლის სახეს — უძილო ღამეებით გაცრეცილს. ამ ერთ „შეცდომასაც“ სულგრძელად მაპატიებს.

მაპატიებს. ძველებურ კარადაში ახლაც გვიდგას ფაიფურის ძველებური ფინჯანი, ვიდაცის მოუქნელმა ხელმა ბზარი რომ დაამჩნია.

მოკრიალებული ცა. იქიდან, იმ სიშორიდან გამოვცქერი მოციხფრო ბურთს, უსწორმასწორო ოთხკუთხედებს, წვრილი ხაზებით გადაბმულ ქალაქებს. ვპოულობ. ნაცნობი ქუჩები, სახლები. მერე ათაძს სხვა წერტილს შორის ერთი უსახო წერტილი იპყრობს ყურადღებას. ფრთხილად, უნდოლად, უმისამართოდ მიიზღაზნება, საოცრად ნაცნობია ეს სიარულიც, ეს სიფრთხილაც, ეს უმისამართობაც. ავადმყოფური ცნობისმოყვარეობით დავცქერი დაპატარავებულ ორეულს და ისე გულიანად მეცინება, რომ მეჩვენება — ჩემთან ერთად მოშავოცაზე მობზნული ვარსკვლავებიც იცინიან.

ს ა რ ჩ ე ვ ი

დოღი	6
ნიკა	8
როგორც ქვიშის საგუბრიდან	8
თავთავა	11
ნიჟი	14
გაიგე, ბიჭო?! ორად ორი ბროწეული	16
ფესვები	20
წინდები	21
ქუჩა ცარიელი იყო	27
ცხენები ქალაქში	28
ძაფები	31
ღიღი პრიზი	33
ღრუბლები	36
ლურჯი აივანი	41
იმედი	42
ისე, როგორც არი	46
სარეცხი	49
მახარე	52
თებრია	54
პატივანთ მიხას ცოდვა	56
...გინდა შინმოუსვლელი	58
ხატი	60
თეთრი არაბულები	64
	70

რედაქტორი მ. ჭაფარიძე
მხატვარი ლ. ეპიშევა
მხატვრული რედაქტორი ჯ. ზენაიშვილი
ტექნიკური რედაქტორი ო. კაპანაძე
კორექტორები: თ. ფირცხალავა, რ. გოცირიძე
გამომშვები ნ. კვატაშიძე

ს. ბ. — 3046

ჩაბარდა წარმოებას 11.09.87 წ. ხელმოწერილია დასაბეჭდად 11.04.88 წ. უე 06741. ფორმატი 60×84¹/₁₆. ქალაქი საწიგნე-საეურნალე. გარნიტურა ჩვეულებრივი. ბეჭდვა შალალი. პირობითი ნაბეჭდი ფურცელი 8,6. სააღრიცხვო-სავამომცემლო ფურცელი 8,24. პირობითი საღებავგატარება 8.84. ტირაჟი 10 000. შეკვ. №: 322.

ფასი 70 კაპ.

გამომცემლობა „მერანი“, რუსთაველის გამზ. 42, თბილისი 1988

БЕРИАШВИЛИ ИРАКЛИЙ ГЕОРГИЕВИЧ

БЕЛЫЕ ЛОШАДИ

Рассказы

(На грузинском языке)

Издательство «Мерани», пр. Руставели, 42

Тбилиси, 1988

საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა
სახელმწიფო კომიტეტის № 1 სტამბა, თბილისი, ორჯონიკიძის ქ. № 50.

Типография № 1 Государственного комитета Грузинской ССР
по делам издательств, полиграфии и книжной торговли,
Тбилиси, ул. Орджоникидзе, № 50.